

# **Punica**

Silius Italicus

## Liber I

Ordior arma, quibus caelo se gloriatollit  
Aeneadam, patiturque ferox Oenotria iura  
Carthago. da, Musa, decus memorare laborum  
antiquae Hesperiae, quantosque ad bella creatit  
et quot Roma uiros, sacri cum perfidapacti 5  
gens Cadmea super regno certamina mouit,  
quaesitumque diu, qua tandem poneret arce  
terrarum Fortuna caput. ter Marte sinistro  
iuratumque Ioui foedus conuentaque patrum  
Sidonii fregere duces, atque impiusensis 10  
ter placitam suasit temerando rumpere pacem.  
sed medio finem bello excidiumque uicissim  
molitae gentes, propiusque fuere periclo  
quis superare datum: reserauit Dardanus arces  
ductor Agenoreas, obsessa Palatiauallo 15  
Poenorum ac muris defendit Roma salutem.  
Tantarum causas irarum odiumqueperenni  
seruatum studio et mandata nepotibus arma  
fas aperire mihi superasque recludere mentes.  
iamque adeo magni repetam primordiamotus. 20  
Pygmalioneis quondam per caerulaterris  
pollutum fugiens fraterno crimine regnum  
fatali Dido Libyes appellitur orae.  
tum pretio mercata locos noua moenia ponit,  
cingere qua secto permissum litoratauro. 25  
hic Iuno ante Argos (sic credidit alta uetustas),  
ante Agamemnoniam, gratissima tecta, Mycenen  
optauit profugis aeternam condere gentem.  
uerum ubi magnanimis Romam caput urbibus alte  
exerere ac missas etiam trans aequoraclases 30  
totum signa uidet uictricia ferre per orbem,  
iam propius metuens bellandi corda furore  
Phoenicum extimulat. sed enim conamine primae  
contuso pugnae fractisque in gurgite coeptis  
Sicanio Libycis, iterum instauratacapessens 35  
arma remolitur; dux agmina sufficit unus  
turbanti terras pontumque mouere paranti.  
Iamque deae cunctas sibi belliger induitiras  
Hannibal: hunc audet solum componere fatis.  
sanguineo tum laeta uiro atque in regnaLatini 40  
turbine mox saeuo uenientum haud inscia cladum,  
'Intulerit Latio, spreta me, Troius' inquit  
'exul Dardaniam et bis numina capta penates  
sceptraque fundarit uictor Lauinia Teucris,

dum Romana tuae, Ticine, cadaueraripae 45  
non capiant, famulusque mihi per Celtica rura  
sanguine Pergameo Trebia et stipantibus armis  
corporibusque uirum retro fluat, ac sua largo  
stagna reformidet Trasimennus turbida tabo,  
dum Cannas tumulum Hesperiae campumque cruore 50  
Ausonio mersum sublimis Iapyga cernam  
teque uadi dubium coeuntibus, Aufide, ripis  
per clipeos galeasque uirum caesosque per artus  
uix iter Hadriaci rumpentem ad litora ponti.  
haec ait ac iuuenem facta ad Mauortiaflammat. 55  
Ingenio motus auidus fideique sinister  
is fuit, exuperans astu, sed deuius aequi.  
armato nullus diuum pudor: improba uirtus  
et pacis despectus honos, penitusque medullis  
sanguinis humani flagrat sitis. his super, aei 60  
flore uirens hauet Aegatis abolere, parentum  
dedecus, ac Siculo demergere foedera ponto.  
dat mentem Iuno ac laudum spe corda fatigat.  
iamque aut nocturno penetrat Capitolia uisu  
aut rapidis fertur per summas passibus Alpibus. 65  
saepe etiam famuli turbato ad limina somno  
expauere trucem per uasta silentia uocem  
ac largo sudore uirum inuenere futuras  
miscentem pugnas et inania bella gerentem.  
Hanc rabiem in finis Italum Saturniaque arua 70  
addiderat iam tum puero [patrius furor oscus]  
Sarrana prisci Barcae de gente uetustos  
a Belo numerabat auos. namque orba marito  
cum fugeret Dido famulam Tyron, impia diri  
Belides iuuenis uitauerat armatyranni 75  
et se participem casus sociarat in omnibus.  
nobilis hoc ortu et dextra spectatus Hamilcar,  
ut fari primamque datum distinguere lingua  
Hannibali uocem, sollers nutrire furores,  
Romanum seuit puerili in pectore bellum. 80  
Urbe fuit media sacrum genetricis Elissae  
manibus et patria Tyriis formidine cultum,  
quod taxi circum et piceae squalentibus umbris  
abdiderant caelique arcebant lumine, templum.  
hoc sese, ut perhibent, curis mortalibus olim 85  
exuerat regina loco. stant marmore maesto  
effigies, Belusque parens omnisque nepotum  
a Belo series, stat gloria gentis Agenor  
et qui longa dedit terris cognomina Phoenix.  
ipsa sedet tandem aeternum coniuncta Sychaero. 90  
ante pedes ensis Phrygius iacet, ordine centum  
stant arae caelique deis Ereboque potenti.  
hic, crine effuso, atque Hennaee numina diuae

atque Acheronta uocat Stygia cum ueste sacerdos. 95  
 immugit tellus rumpitque horrenda perumbras  
 sibila; inaccensi flagrant altaribus ignes.  
 tum magico uolitant cantu per inania manes  
 exciti, uultusque in marmore sudat Elissae.  
 Hannibal haec patrio iussu ad penetralia fertur,  
 ingressisque habitus atque ora explorat Hamilcar. 100  
 non ille euhantis Massylae palluit iras,  
 non diros templi ritus aspersaque tabo  
 limina et audito surgentis carmine flammis.  
 Olli permulcens genitor caput osculabat  
 attollitque animos hortando et talibus implet: 105  
 ' Cens recidiua Phrygum Cadmeae stirpis alumnos  
 foederibus non aequa premit. si fata negarint  
 dedecus id patriae nostra depellere dextra,  
 haec tua sit laus, nate, uelis. age, concipe bella  
 latura exitium Laurentibus: horreat ortus 110  
 iam pubes Tyrrhena tuos, partusque recusent  
 te surgente, puer, Latiae producere matres.'  
 his acuit stimulis subicitque haud mollia dictu:  
 ' Romanos terra atque undis, ubi competet aetas,  
 ferro ignique sequar Rhoeteaque fatare uoluam. 115  
 non superi mihi, non Martem cohibentia pacta,  
 non celsae obstiterint Alpes Tarpeiaque saxa.  
 hanc mentem iuro nostri per numina Martis,  
 per manes, regina, tuos.' tum nigra triformi  
 hostia mactatur diuae, raptim querecludit 120  
 spirantis artus poscens responsa sacerdos  
 ac fugientem animam properatis consulit extis.  
 Ast ubi quaesitas artis de more uetustae  
 intrauit mentes superum, sic deinde profatur:  
 ' Atolos late consterni milite campos 125  
 Idaeoque lacus flagrantis sanguine cerno.  
 quanta procul moles scopulis ad sidera tendit,  
 cuius in aereo pendent tua uertice castra!  
 iamque iugis agmen rapitur: trepidantia fumant  
 moenia, et Hesperio tellus porrecta subaxe 130  
 Sidoniis lucet flammis. fluit ecce cruentus  
 Eridanus. iacet ore truci super arma uirosque  
 tertia qui tulerit sublimis opima Tonanti.  
 heu quaenam subitis horrescit turbida nimbis  
 tempestas, ruptoque polo micat igneus aether! 135  
 magna parant superi: tonat alti regia caeli,  
 bellantemque Iouem cerno.' uentientia fata  
 scire ultra uetuit Iuno, fibraeque repente  
 conticuere: latent casus longique labores.  
 Sic clausum linquens arcano pectore bellum 140  
 atque hominum finem Gadis Calpenque secutus,  
 dum fert Herculeis Garamantica signa columnis,

occubuit saeuo Tyrius certamine ductor.

Interea rerum Hasdrubali tradunturhabenae,  
occidui qui solis opes et uulguHiberum 145

Baeticolasque uiros furiis agitabat iniquis.  
tristia corda duci, simul immedicabilis ira,  
et fructus regni feritas erat; asper amore  
sanguinis, et metui demens credebat honorem,  
nec nota docilis poena satiarefurores. 150

ore excellentem et spectatum fortibus ausis  
antiqua de stirpe Tagum, superumque hominumque  
immemor, erecto suffixum robore maestis  
ostentabat ouans populis sine funere regem.  
auriferi Tagus ascito cognominefontis 155

perque antra et ripas nymphis ululatur Hiberis.  
Maeonium non ille uadum, non Lydia mallet  
stagna sibi, nec qui riguo perfunditur auro  
campum atque inlatis Hermi flauescit harenis.  
primus inire manu, postremus ponereMartem. 160

cum rapidum effusis ageret sublimis habenis  
quadrupedem, non ense uirum, non eminus hasta  
sistere erat: uolitabat ouans aciesque per ambas  
iam Tagus auratis agnoscebatur in armis.  
quem postquam diro suspensum roboreuidit 165

deformem leti famulus, clam corripit ensem  
dilectum domino pernixque inrumpit in aulam  
atque immite ferit geminato uulnere pectus.  
at Poeni, succensa ira turbataque luctu  
et saeuis gens laeta, ruunt tormentaueportant. 170

non ignes candensque chalybs, non uerbera passim  
ictibus innumeris lacerum scindentia corpus,  
carnificaeue manus penitusue infusa medullis  
pestis et in medio lucentes uulnere flammae  
cessauere; ferum uisu dictuque, perartem 175

saeuitiae extenti, quantum tormenta iubebant  
creuerunt artus, atque omni sanguine raptio  
ossa liquefactis fumarunt feruida membris.  
mens intacta manet: superat ridetque dolores  
spectanti similis, fessosque laboreministros 180  
increpitat dominique crucem clamore reposcit.

Haec inter spretae miseranda piaculapoenae  
erepto trepidus ductore exercitus una  
Hannibalem uoce atque alacri certamine poscit.  
hinc studia accendit patriae uirtutisimago, 185  
hinc fama in populos iurati didita belli,  
hinc uirides ausis anni feruorque decorus  
atque armata dolis mens et uis insita fandi.

Primi ductorem Libyes clamoresalutant,  
mox et Pyrenes populi et bellatorHiberus. 190  
continuoque ferox oritur fiducia menti,

cessisse imperio tantum terraeque marisque.  
 Aeoliis candens Austris et lampade Phoebi  
 aestifero Libye torretur subdita Cancro,                   195  
 aut ingens Asiae latus, aut pars tertiaterris.  
 terminus huic roseos amnis Lageus ad ortus  
 septeno impellens tumefactum gurgite pontum.  
 at qua diuersas clementior aspicit Arctos,  
 Herculeo dirimente freto, diducta propinquis  
 Europes uidet arua iugis. ultra obsidetaequor,           200  
 nec patitur nomen proferri longius Atlas,  
 Atlas subducto tracturus uertice caelum.  
 sidera nubiferum fulcit caput, aetheriasque  
 erigit aeternum compages ardua ceruix.  
 canet barba gelu, frontemque immanibusumbris           205  
 pinea silua premit. uastant caua tempora uenti,  
 nimboaque ruunt spumantia flumina rictu.  
 tum geminas laterum cautes maria alta fatigant,  
 atque ubi fessus equos Titan immersit anhelos,  
 flammiferum condunt fumanti gurgitecurrum.           210  
 sed qua se campis squalentibus Africa tendit,  
 serpentum largo coquitur fecunda ueneno,  
 felix qua pinguis mitis plaga temperat agros,  
 nec Cerere Hennaea Phario nec uicta colono.  
 hic passim exultant Nomades, gens insciafreni,           215  
 quis inter geminas per ludum mobilis aures  
 quadrupedem flectit non cedens uirga lupatis.  
 altrix bellorum bellatorumque uirorum  
 tellus nec fidens nudo sine fraudibus ensi.  
     Altera complebant Hispanae castracohortes,           220  
     auxilia Europae genitoris parta tropaeis.  
 Martius hinc campos sonipes hinnitibus implet,  
 hinc iuga cornipedes erecti bellica raptant:  
 non Eleus eat campo feruentior axis.  
 prodiga gens animae et properare facillimamortem.       225  
     namque ubi transcendit florentis uiribus annos,  
     impatiens aeuī spernit nouisse senectam,  
     et fati modus in dextra est. hic omne metallum:  
     electri gemino pallent de semine uenae,  
     atque atros chalybis fetus humus horridanutrit.       230  
     sed scelerum causas operit deus. Astur auarus  
     uisceribus lacerae telluris mergitur imis  
     et redit infelix effosso concolor auro.  
 hic certant, Pactole, tibi Duriusque Tagusque,  
 quique super Grauios lucentis uoluitharenas           235  
     infernae populis referens obliuia Lethes.  
 nec Cereri terra indocilis nec inhospita Baccho,  
 nullaque Palladia sese magis arbore tollit.  
     Hae postquam Tyrio gentes cesseretyranno,  
 utque dati rerum freni, tunc artepaterna           240

conciliare uiros, armis consulta senatus  
 uertere, nunc donis. primus sumpsisse laborem,  
 primus iter carpsisse pedes partemque subire,  
 si ualli festinet opus. nec cetera segnis  
 quaecumque ad laudem stimulant, somnumquenegabat 245  
 naturae noctemque uigil ducebat in armis.  
 interdum proiectus humi turbaeque Libyssae  
 insignis sagulo duris certare manipulis;  
 celsus et in magno praecedens agmine ductor  
 imperium perferre suum; tum uerticenudo 250  
 excipere insanos imbris caelique ruinam.  
 spectarunt Poeni, tremuitque exterritus Astur,  
 torquentem cum tela Iouem permixtaque nimbis  
 fulmina et excussos uentorum flatibus ignes  
 turbato transiret equo, nec puluerefessum 255  
 agminis ardenti labefecit Sirius astro.  
 flammiferis tellus radiis cum exusta dehiscit,  
 candentique globo medius coquit aethera feruor,  
 femineum putat umentis iacuisse sub umbra  
 exercetque sitim et spectato fonterecedit. 260  
 idem correptis sternacem ad proelia frenis  
 frangere ecum et famam letalis amare lacerti  
 ignotique amnis tranare sonantia saxa  
 atque e diuersa socios accersere ripa.  
 idem expugnati primus stetit aggeremuri, 265  
 et quotiens campo rapidus fera proelia miscet,  
 qua sparsit ferrum, latus rubet aequore limes.  
 ergo instat fatis, et rumpere foedera certus,  
 quo datur, interea Romam comprehendere bello  
 gaudet et extremis pulsat Capitoliaterris. 270  
 Prima Saguntinas turbarunt classicaportas,  
 bellaque sumpta uiro belli maioris amore.  
 haud procul Herculei tollunt se litore muri,  
 clementer crescente iugo, quis nobile nomen  
 conditus excelso sacrauit colleZacynthos. 275  
 hic comes Alcidae remeabat in agmine Thebas  
 Geryone extincto caeloque ea facta ferebat.  
 tris animas namque id monstrum, tris corpore dextras  
 armarat ternaque caput ceruice gerebat.  
 haud alium uidit tellus, cui ponerefinem 280  
 non posset mors una uiro, duraeque sorores  
 tertia bis rupto torquerent stamina filo.  
 hinc spolia ostentabat ouans captiuaque uictor  
 armenta ad fontis medio feruore uocabat,  
 cum tumidas fauces accensis soleuenenis 285  
 calcatus rupit letali uulnere serpens  
 Inachiumque uirum terris prostrauit Hiberis.  
 mox profugi ducente Noto aduertere coloni,  
 insula quos genuit Graio circumflua ponto

et, quae auxit quondam Laertia regna, Zacynthos. 290  
 firmauit tenues ortus mox Daunia pubes  
 sedis inops, misit largo quam diues alumno  
 magnanimis regnata uiris, nunc Ardea nomen.  
 libertas populis pacto seruata decusque  
 maiorum, et Poenis ubi imperitare negatum. 295  
 Admouet abrupto flagrantia foedereductor  
 Sidonius castra et latos quatit agmine campos.  
 ipse caput quassans circumlustrauit anhelo  
 muros saeuus equo, mensusque pauentia tecta  
 pandere iam dudum portas et cedere uallo 300  
 imperat et longe clausis sua foedera, longe  
 Ausoniam fore, nec ueniae spem Marte subactis:  
 scita patrum et leges et iura fidemque deosque  
 in dextra nunc esse sua. uerba ocius acer  
 intorto sancit iaculo figitque per arma 305  
 stantem pro muro et minitantem uana Caicum.  
 concidit exacti medius per uiscera teli,  
 effusisque simul praerupto ex aggere membris  
 uictori moriens tepefactam retulit hastam.  
 at multo ducis exemplum clamore secuti 310  
 inuoluunt atra telorum moenia nube.  
 clara nec in numero uirtus latet: obuia quisque  
 ora duci portans ceu solus bella capessit.  
 hic crebram fundit Baliari uerbere glandem  
 terque leui ducta circum caput altus habena 315  
 permissum uentis a[b]scondit in aera telum,  
 hic ualido librat stridentia saxa lacerto,  
 huic impulsa leui torquetur lancea nodo.  
 ante omnis ductor patriis insignis in armis  
 nunc picea iactat fumantem lampada flamma, 320  
 nunc sude, nunc iaculo, nunc saxis impiger instat  
 aut hydro imbutas, bis noxia tela, sagittas  
 contendit neruo atque insultat fraude pharetrae,  
 Dacus ut armiferis Geticae telluris in oris  
 spicula quae patrio gaudens acuisse ueneno 325  
 fundit apud ripas inopina binominis Histri.  
 Cura subit, collem turrita cingere fronte  
 castelloque urbem circumuallare frequenti.  
 heu priscis numen populis, at nomine solo  
 in terris iam nota Fides! stat durai uentus 330  
 ereptamque fugam et claudi uidet aggere muros,  
 sed dignam Ausonia mortem putat esse Sagunto  
 seruata cecidisse fide. iamque acrius omnis  
 intendunt uires: adductis stridula neruis  
 Phocais effundit uastos balistamolaris; 335  
 atque eadem ingentis mutato pondere teli  
 ferratam excutiens ornum media agmina rumpit.  
 alternus resonat clangor. certamine tanto



conseruere acies, ueluti circumdata uallo  
 Roma foret, clamantque super: ' Tot miligentes 340  
 inter tela satae, iam capto stamus in hoste?  
 nonne pudet coepti, pudet ominis? en bona uirtus  
 primitiaeque ducis! taline implere paramus  
 Italiam fama, talis praemittere pugnas?'  
 Accensae exultant mentes, haustusquemedullis 345  
 Hannibal exagitat, stimulantque sequentia bella.  
 inuadunt manibus uallum caesasque relincunt  
 deiecti muris dextras. subit arduus agger  
 imponitque globos pugnantum desuper urbi.  
 armauit clausos ac portis arcuithostem 350  
 librari multa consueta phalarica dextra,  
 horrendum uisu robur celsisque niuosae  
 Pyrenes trabs lecta iugis, cui plurima cuspis,  
 uix muris toleranda lues, sed cetera pingui  
 uncta pice atque atro circumlita sulphurefumant. 355  
 fulminis haec ritu summis e moenibus arcis  
 incita, sulcatum tremula secat aera flamma,  
 qualis sanguineo praestringit lumina crine  
 ad terram caelo decurrens ignea lampas.  
 haec ictu rapido pugnantum saepe perauras, 360  
 attonito ductore, tulit fumantia membra;  
 haec uastae lateri turris cum turbine fixa,  
 dum penitus pluteis Vulcanum exercet adesis,  
 arma uirosque simul pressit flagrante ruina.  
 tandem condensis artae testudinisarmis 365  
 subducti Poeni uallo caecaque latebra  
 pandunt prolapsam suffossis moenibus urbem.  
 terribilem in sonitum procumbens aggere uicto  
 Herculeus labor atque immania saxa resoluens  
 mugitum ingentem caeli dedit. Alpibusaltis 370  
 aeriae rupes scopulorum mole reuulsa  
 haud aliter scindunt resonanti fragmine montem.  
 surgebat cumulis etiam tum prorutus agger,  
 obstatatque iacens uallum, ni protinus instent  
 hinc atque hinc acies media pugnareruina. 375  
 Emicat ante omnis primaeuo floreiuentae  
 insignis Rutulo Murrus de sanguine (at idem  
 matre Saguntina Graius geminoque parente  
 Dulichios Italis miscebat prole nepotes).  
 hic magno socios Aradum clamoreuocantem, 380  
 qua corpus loricam inter galeamque patescit,  
 conantis motus speculatus, cuspide sistit,  
 prostratumque premens telo, uoce insuper urget:  
 ' Fallax Poene, iaces; certe Capitolia primus  
 scandebas uictor. quae tanta licentia uoti? 385  
 nunc Stygio fer bella Ioui!' tum feruidus hastam  
 aduersi torquens defigit in inguine ~Hiberi,

oraque dum calcat iam singultantia leto,  
 ' Hic iter est' inquit uobis ad moenia Romae,  
 o metuenda manus. sic, quo properatis, eundum.' 390  
 mox instaurantis pugnam circumsilit arma  
 et rapto nudum clipeo latus haurit Hiberi.  
 diues agri, diues pecoris famaеque negatus  
 bella feris arcu iaculoque agitabat Hiberus,  
 felix heu nemorum et uitae laudandus opacae, 395  
 si sua per patrios tenuisset spicula saltus.  
 hunc miseratus adest infesto uulnere Ladmus.  
 cui saeuum adridens ' Mirabis Hamilcaris umbris  
 hanc' inquit ' xiam, quae iam post funera uulgi  
 Hannibalem uobis comitem dabit,' teferitalte 400  
 insurgens gladio cristatae cassidis aera  
 perque ipsum tegimen crepitantia dissipat ossa.  
 tum frontem Chremes intonsam umbrante capillo  
 saeptus et horrentis effingens crine galeros,  
 tum Masulis crudaque uirens ad bellas enecta 405  
 Kartalo, non pauidus fetas mulcere leaenas,  
 flumineaque urna caelatus Bagra da parmam  
 et uastae Nasamon Syrtis populator Hiempsal,  
 audax in fluctu laceras captare carinas,  
 una omnes dextraque cadunt iraque perempti; 410  
 nec non serpentem diro exarmare ueneno  
 doctus Athyr tactuque grauis sopire chelydros  
 ac dubiam admoto subolem explorare ceraste.  
 tu quoque fatidicis Garamanticus accola lucis  
 insignis flexo galeam per temporacornu, 415  
 heu frustra reditum sortes tibi saepe locutas  
 mentitumque Iouem increpitans, occumbis, Hiarba.  
 et iam corporibus cumulatus creuerat agger,  
 perfusaeque atra fumabant caede ruinae.  
 tum ductorem auido clamore in proeliaposcit: 420  
 fulmineus ceu Spartanis latratibus actus,  
 cum siluam occursum uenantum perdidit, hirto  
 horrescit saetis dorso et postrema capessit  
 proelia, canentem mandens aper ore cruorem,  
 ~iamque gemet geminum contra uenabuladentem. 425  
 At parte ex alia, qua se insperata iuuentus  
 extulerat portis, ceu spicula nulla manusque  
 uim ferre exitiumue queant, permixtus utrisque  
 Hannibal agminibus passim fuit et quatit ensem,  
 cantato nuper senior quem fecerat igni 430  
 litore ab Hesperidum Temisus, qui carmine pollens  
 fidebat magica ferrum crudescere lingua:  
 quantus Bistonis late Gradius in oris  
 belligero rapitur curru telumque coruscans,  
 Titanum quo pulsa cohors, flagrantiabella 435  
 cornipedum ad flatu domat et stridoribus axis.

iamque Hostum Rutulumque Pholum ingentemque Metiscum,  
 iam Lygdum Duriumque simul flauumque Galaesum  
 et geminos, Chromin atque Gyan, demiserat umbris,  
 Daunum etiam, grata quo non spectatorialter 440  
 uoce mouere fora atque orando fingere mentes  
 nec legum custos sollertior, aspera telis  
 dicta admiscentem: 'Quaenam te, Poene, paternae  
 huc adigunt Furiae? non haec Sidonia tecta  
 feminea fabricata manu pretioueparata, 445  
 exulibusue datum dimensis litus harenis.  
 fundamenta deum Romanaque foedera cernis.'  
 ast illum toto iactantem talia campo  
 ingenti raptum nisu medioque uirorum  
 auulsum inter tela globo et post tergareuinctum 450  
 Hannibal ad poenam lentae mandauerat irae,  
 increpitansque suos inferri signa iubebat,  
 perque ipsos caedis cumulos stragemque iacentum  
 monstrabat furibundus iter cunctosque ciebat  
 nomine et in praedas stantem dabat improbusurbem. 455  
 Sed postquam a trepidis allatum feruerepartem  
 diuersam Marte infausto, Murroque secundos  
 hunc superos tribuisse diem, ruit ocius amens  
 lymphato cursu atque ingentis deserit actus.  
 letiferum nutant fulgentes uerticecristae, 460  
 crine ut flammifero terret fera regna cometes  
 sanguineum spargens ignem: uomit atra rubentis  
 fax caelo radios, ac saeua luce coruscum  
 scintillat sidus terrisque extrema minatur.  
 praecipiti dant tela uiam, dant signaurique, 465  
 atque ambae trepidant acies. iacit igneus hastae  
 dirum lumen apex, ac late fulgurat umbo.  
 talis ubi Aegaeo surgente ad sidera ponto  
 per longum uasto Cori cum murmure fluctus  
 suspensum in terras portat mare, frigidanautis 470  
 corda tremunt: sonat ille procul flatuque tumescens  
 curuatis pauidas tramittit Cycladas undis.  
 non cuncta e muris unum incessentia tela  
 fumantesque ante ora faces, non saxa per artem  
 tormentis excussa tenent. ut tegminaprimum 475  
 fulgentis galeae conspexit et arma cruento  
 ontra solem auro rutilantia, turbidus inquit:  
 ' E, qui res Libycas inceptaque tanta retardet,  
 Romani Murrus belli mora. foedera, faxo,  
 iam noscas, quid uana queant et uesterHiberus. 480  
 fer tecum castamque fidem seruataque iura:  
 deceptos mihi linque deos.' cui talia Murrus:  
 ' Eoptatus ades. mens olim proelia poscit  
 speque tui flagrat capitis: fer debita fraudum  
 praemia et Italiam tellure inquire subima. 485

longum in Dardanos finis iter atque niualem  
Pyrenen Alpesque tibi mea dextera donat.'

Haec inter cernens subeuntemcomminus hostem  
praeruptumque loci fidum sibi, corripit ingens  
aggere conuulso saxum et nitentis inora 490

deuoluit, pronoque silex ruit incitus ictu.  
subsedit duro concussus fragmine muri.  
tum pudor accendit mentem, nec conscia fallit  
uirtus pressa loco; frendens luctatur et aegro  
scandit in aduersum per saxa uetantianisu. 495

sed postquam propior uicino lumine fulsit  
et tota se mole tulit, uelut incita clausum  
agmina Poenorum cingant, et cuncta pauentem  
castra premant, lato Murrus caligat in hoste.  
mille simul dextrae densusque micareuidetur 500

ensis et innumerae nutare in casside cristae.  
conclamant utrimque acies, ceu tota Saguntos  
igne micet. trahit instanti languentia leto  
membra pauens Murrus supremaque uota capessit:  
' Condito Alcide, cuius uestigiasacra 505  
incolimus, terrae minitantem auerte procellam,  
si tua non segni defenso moenia dextra.'

Dumque orat caeloque attollit luminasupplex,  
' Cere' , an nostris longe Tiryntius ausis  
iustius adfuerit. ni displicet aemula uirtus, 510

haud me dissimilem, Alcide, primoribus annis  
agnosces, inuicte, tuis. fer numen amicum  
et, Troiae quondam primis memorate ruinis,  
dexter ades Phrygiae delenti stirpis alumnos.'  
sic Poenus pressumque ira simul exigitensem 515  
qua capuli statuere morae, teloque relato  
horrida labentis perfunditur arma cruore.

ilicet ingenti casu turbata iuuentus  
procurrit: nota arma uiri corpusque superbo  
uictori spoliare negant. coit aucta uicissim 520  
hortando manus, et glomerata mole feruntur.  
hinc saxis galea, hinc clipeus sonat aereus hastis.  
incessunt sudibus librataque pondera plumbi  
certatim iaciunt. decisae uertice cristae,  
direptumque decus nutantum in caediubarum. 525

iamque agitur largus per membra fluentia sudor,  
et stant loricae squamis horrentia tela.  
nec requies tegimene datur mutare sub ictu.  
genua labant, fessique umeri gestamina laxant.  
tum creber penitusque trahens suspiriasicco 530  
fumat ab ore uapor, nisuque elisus anhelio  
auditur gemitus fractumque in casside murmur.  
mente aduersa domat gaudetque nitescere duris  
uirtutem et decoris pretio discrimina pensat.

Hic subitus scisso densa inter nubilacaelo                   535  
 erupit quatiens terram fragor, et super ipsas  
 bis pater intonuit geminato fulmine pugnans.  
 inde inter nubes uentorum turbine caeco  
 ultrix iniusti uibrauit lancea belli  
 ac femine aduerso librata cuspidesedit.                   540  
 Tarpeiae rupes superisque habitabile saxum  
 et uos, uirginea lucentes semper in ara  
 Laomedontae, Troiana altaria, flammae,  
 heu quantum uobis fallacis imagine teli  
 promiserere dei! propius si pressafurenti                   545  
 hasta foret, clausae starent mortalibus Alpes,  
 nec, Trasimenne, tuis nunc Allia cederet undis.  
 Sed Iuno, aspectans Pyrenes uerticecelsae  
 naua rudimenta et primos in Marte calores,  
 ut uidet impressum coniecta cuspideuulnus,                   550  
 aduolat obscura circumdata nube per auras  
 et ualidam duris euellit ab ossibus hastam.  
 ille tegit clipeo fusum per membra cruorem,  
 tardaue paulatim et dubio uestigia nisu  
 alternata trahens, auersus ab aggerecedit.                   555  
 Nox tandem optatis terras pontumquetenebris  
 condidit et pugnans erepta luce diremit.  
 at durae inuigilant mentes molemque reponunt,  
 noctis opus. clausos acuunt extrema pericli  
 et fractis rebus uiolentior ultimauirtus.                   560  
 hinc puer inualidique senes, hinc femina ferre  
 certat opem in dubiis miserando naua labori,  
 saxaque mananti subuectat uulnere miles.  
 iam patribus clarisque senum sua munia curae:  
 concurrunt lectosque uiros hortantur etorant                   565  
 defessis subeant rebus reuocentque salutem  
 et Latia extremis implorent casibus arma.  
 'Ite citi, remis uelisque impellite puppim.  
 saucia dum castris clausa est fera, tempore Martis  
 utendum est rupto et grassandum ad clarapericlis.                   570  
 ite citi, deflete fidem murosque ruentis  
 antiquaque domo meliora accersite fata.  
 mandati summa est: dum stat, remeate, Saguntos.'  
 ast illi celerant, qua proxima litora, gressum  
 et fugiunt tumido per spumea caerulaelo.                   575  
 Pellebat somnos Tithoni roscidaconiunx,  
 ac rutilus primis sonipes hinnitibus altos  
 adflarat montis roseasque mouebat habenas.  
 iam celsa e muris extracta mole iuuentus  
 clausam nocturnis ostentat turribusurbem.                   580  
 rerum omnes pendent actus, et milite maesto  
 laxata obsidio, ac pugnandi substitit ardor,  
 inque ducem uersae tanto discrimine curae.

Interea Rutulis longinqua per aequora uectis  
 Herculei ponto coepere existere colles 585  
 et nebulosa iugis attollere saxa Monoeci.  
 Thracius hos Boreas scopulos immitia regna  
 solus habet semperque rigens nunc litora pulsat,  
 nunc ipsas alis plangit stridentibus Alpes,  
 atque ubi se terris glaciale fundit ab Arcto, 590  
 haud ulli contra fiducia surgere uento.  
 uerticibus torquet rapidis mare, fractaque anhelant  
 aequora, et iniecto conduntur gurgite montes,  
 iamque uolans Rhenum Rhodanumque in nubila tollit.  
 hunc postquam Boreae dirum euasere furorem, 595  
 alternos maesti casus bellique marisque  
 et dubium rerum euentum sermone uolunt.  
 ' O patria, o Fidei domus inclita, quo tua nunc sunt  
 fata loco? sacraene manent in collibus arces?  
 an cinis (heu superi) tanto de nomine restat? 600  
 ferte leues auras flatusque ciete secundos,  
 si nondum insultat templorum Poenicus ignis  
 culminibus, Latiaeque ualent succurrere classes.'  
 Talibus in lacrimant noctemque diemque querelis,  
 donec Laurentis puppis defertur adoras, 605  
 qua pater acceptis Anienis ditior undis  
 in pontum flauo descendit gurgite Thybris.  
 hinc consanguineae subeunt iam moenia Romae.  
 Concilium uocat augustum castaque beatos  
 paupertate patres ac nomina partat triumphis 610  
 consul et aequantem superos uirtute senatum.  
 facta animosa uiros et recti sacra cupido  
 attollunt, hirtaeque togae neglectaque mensa  
 dexteraque a curuis capulo non segnibus aratris.  
 exiguo faciles et opum non indigna corda, 615  
 ad paruos curru remeabant saepe penates.  
 In foribus sacris primoque in limine templi  
 captiui currus, belli decus, armaque rapta  
 pugnatum ducibus saeuaeque in Marte securae,  
 perfossi clipei et seruantia telacruora 620  
 claustraque portarum pendent: hic Punica bella,  
 Aegatis cernas fusaque per aequora classe  
 exactam ponto Libyen testantia rostra.  
 hic galeae Senonum pensataeque improbus auri  
 arbiter ensis inest, Gallisque ex arcefugatis 625  
 arma reuertentis pompa gestata Camilli,  
 hic spolia Aeacidae, hic Epirotica signa  
 et Ligurum horrentes coni parmaeque relatae  
 Hispana de gente rudes Alpinaeque gaesa.  
 Sed postquam clades patefecit ethorrida bella 630  
 orantum squalor, praesens astare Sagunti  
 ante oculos uisa est extrema precantis imago.

tum senior maesto Sicoris sic incipit ore:  
 ' ~~S~~arata gens clara fide, quam rite fatentur  
 Marte satam populi ferro pareresubacti, 635  
 ne crede emensum leuia ob discrimina pontum.  
 uidimus obsessam patriam murosque tremantis,  
 et, quem insana freta aut coetus genuere ferarum,  
 uidimus Hannibalem. procul his a moenibus, oro,  
 arcete, o superi, nostroque in Martetenete 640  
 fatiferae iuuenem dextrae! qua mole sonantis  
 exigit ille trabes! et quantus crescit in armis!  
 trans iuga Pyrenes, medium indignatus Hiberum,  
 exciuit Calpen et mersos Syrtis harenis  
 molitur populos maioraque moenia quaerit. 645  
 omnis Hiber, omnis rapidis fera Galliaturmis, 656  
 omnis ab aestifero sitiens Libys imminet axe.  
 spumeus hic medio qui surgit ab aequorefluctus, 646  
 si prohibere piget, uestras effringet in urbes.  
 an tanti pretium motus ruptique per enses  
 foederis hoc iuueni iurata in bella ruenti  
 creditis, ut statuatur superatae iuraSagunto? 650  
 ocius ite, uiri, et nascentem extinguite flammam,  
 ne serae redeant post aucta pericula curae.  
 quamquam o, si nullus terror, non obruta iam nunc  
 semina fumarent belli, uestraene Sagunto  
 spernendum consanguineam protenderedextram? 655  
 per uos culta diu Rutulae primordiagentis 658  
 Laurentemque larem et genetricis pignora Troiae,  
 conseruate pios, qui permutare coacti  
 Acrisioneis Tirynthia culmina muris.  
 uos etiam Zanclen Siculi contra arma tyranni  
 iuuisse egregium, uos et Campana tueri  
 moenia, depulso Samnitum robore, dignum  
 Sigeis duxistis auis. uetus incolaDauni, 665  
 testor uos, fontes et stagna arcana Numici,  
 cum felix nimium dimitteret Ardea pubem,  
 sacra domumque ferens et aui penetralia Turni  
 ultra Pyrenen Laurentia nomina duxi.  
 cur ut decisa atque auulsa a corporemembra 670  
 despiciat, nosterque luat cur foedera sanguis?  
 Tandem, ut finitae uoces, (miserabileuisu)  
 summissi palmas, lacerato tegmine uestis,  
 adfigunt proni squalentia corpora terrae.  
 inde agitant consulta patres curasquefatigant. 675  
 Lentulus, ut cernens accensae tecta Sagunti,  
 poscendum poenae iuuenem celerique negantis  
 exuri bello Carthaginis arua iubebat.  
 at Fabius, cauta speculator mente futuri  
 nec laetus dubiis parcusque lacesseMartem 680  
 et melior clauso bellum producere ferro,

prima super tantis rebus pensanda, ducisne  
ceperit arma furor, patres an signa moueri  
censuerint, mittique uiros, qui exacta reportent.  
prouidus haec ritu uatis fundebat abalto 685

pectore praemeditans Fabius surgentia bella,  
ut saepe e celsa grandaeuus puppe magister,  
prospiciens signis uenturum in carbasa Corum,  
summo iam dudum substringit lintea malo.  
sed lacrimae atque ira mixtus dolor impulit omnis 690  
praecipitare latens fatum, lectique senatu,  
qui ductorem adeant; si perstet surdus in armis  
pactorum, uertant inde ad Carthaginis arces  
nec diuum oblitis indicere bella morentur.



## Liber II

Caeruleis prouecta uadis iam Dardana puppis  
tristia magnanimi portabat iussa senatus  
primoresque patrum. Fabius, Tiryntia proles,  
ter centum memorabat auos, quos turbine Martis  
abstulit una dies, cum Fors non aequalabori 5  
patricio Cremerae maculauit sanguine ripas.  
huic comes aequato sociauit munere curas  
Publicola, ingentis Volesi Spartana propago.  
is cultam referens insigni nomine plebem  
Ausonios atauo ducebat consulefastus. 10

Hos ut depositis portum contingereuelis  
allatum Hannibali consultaque ferre senatus  
iam medio seram bello poscentia pacem  
ductorisque simul conceptas foedere poenas,  
ocius armatas passim per litoraturmas 15  
ostentare iubet minitancia signa recensque  
perfusos clipeos et tela rubentia caede.  
haud dictis nunc esse locum; strepere omnia clamat  
Tyrrhenae clangore tubae gemituque cadentum.  
dum detur, relegant pontum neu se addereclausis 20  
festinent: notum quid caede calentibus armis,  
quantum irae liceat, motusue quid audeat ensis.  
sic ducis adfatu per inhospita litora pulsus  
conuerso Tyrios petierunt remige patres.

Hic alto Poenus fundentem uelacarinam 25  
incessens dextra ' Nostum, pro Iuppiter!' riquit  
' nostum ferre caput parat illa per aequora puppis.  
heu caecae mentes tumefactaque corda secundis!  
armatum Hannibalem poenae petit impia tellus!  
ne deposce, adero; dabitur tibi copianostri 30  
ante expectatum, portisque focusque timebis  
quae nunc externos defendis, Roma, penatis.  
Tarpeios iterum scopulos praeruptaque saxa  
scandatis licet et celsam migretis in arcem:  
nullo iam capti uitam pensabitisauro.' 35

Incensi dictis animi, et furor additusarmis.  
conditur extemplo telorum nubibus aether,  
et densa resonant saxorum grandine turre.  
ardor agit, prouecta queat dum cernere muros,  
inque oculis profugae Martem exercerecarinae. 40  
ipse autem incensas promissa piacula turmas  
flagitat insignis nudato uulnere ductor  
ac repetens questus furibundo personat ore:  
' Poscimus o socii, Fabiusque e puppe catenas

ostentat, dominique uocat nos irasenatus. 45  
si taedet coepti culpandaue mouimus arma,  
Ausoniam ponto propere reuocate carinam:  
nil moror: en, uincta lacerandum tradite dextra.  
nam cur, Eoi deductus origine Beli,  
tot Libyae populis, tot circumfusus Hiberis, 50  
seruitium perferre negem? Rhoeteius immo  
aeternum imperitet populis saeculisque propaget  
regna ferox; nos iussa uirum nutusque tremamus.  
effundunt gemitus atque omina tristia uertunt  
in stirpem Aeneadam ac stimulant clamoribus iras. 55  
Discinctos inter Libyas populosque bilinguis  
Marmaricis audax in bella Oenotria signis  
uenerat Asbyte, proles Garamantis Hiarbae.  
Hammone hic genitus, Phorcynidos antra Medusae  
Cinyphiumque Macen et iniquo e sole calentis 60  
Battiadas late imperio sceptrisque regebat.  
cui patrius Nasamon aeternumque arida Barce,  
cui nemora Autololum atque infidae litora Syrtis  
parebant nullaque leuis Gaetulus habena.  
atque is fundarat thalamos Tritonidenympha, 65  
unde genus proauumque Iouem regina ferebat  
et sua fatidico repetebat nomina luco.  
haec ignara uiri uacuoque adueta cubili  
uenatu et siluis primos defenderat annos;  
non calathis mollita manus operata uel fuso 70  
Dictynnam et saltus et anhelum impellere planta  
cornipedem ac strauisse feras immitis amabat.  
quales Threiciae Rhodopen Pangaeaque lustrant  
saxosis nemora alta iugis cursuque fatigant  
Hebrum innupta manus: sprete Ciconesque Getaeque 75  
et Rhesi domus et lunatis Bistones armis.  
Ergo habitu insignis patrio, religata fluentem  
Hesperidum nodo crinem dextrumque feroci  
nuda latus Marti ac fulgentem tegmine laeuam  
Thermodontiaca munita in proelia pelta, 80  
fumantem rapidis quatiebat cursibus axem.  
pars comitum biiugo curru, pars cetera dorso  
fertur equi; nec non Veneris iam foedera passae  
reginam cingunt, sed uirgine densior ala est.  
ipsa autem gregibus per longa mapalia lectos 85  
ante aciem ostentabat equos, tumulumque propincum  
dum sequitur gyris, campo uibrata per auras  
spicula contorquens summa ponebat in arce.  
Hanc hasta totiens intrantem moenia Mopsus  
non tulit et celsis senior Gortyniamuribus 90  
tela sonante fugat neruo liquidasque per auras  
derigit aligero letalia uulnera ferro.  
Cres erat, aerisonis Curetum aduectus ab antris,

Dictaeos agitare puer leuioribus armis  
 pennata saltus adsuetus harundineMopsus. 95  
 ille uagam caelo demisit saepe uolucrum,  
 ille procul campo linquentem retia ceruum  
 uulnere sistebat, rueretque inopina sub ictu  
 ante fera incauto quam sibila poneret arcus.  
 nec se tum pharetra iactauit iustiusulla 100  
 Eois quamquam certet Gortyna sagittis.  
 uerum ut opum leuior uenatu extendere uitam  
 abnuit, atque artae res exegere per aequor,  
 coniuge cum Meroe natisque inglorius hospes  
 intrarat miseram fato ducenteSaguntum. 105  
 coryti fratrum ex umeris calamique paterni  
 pendebant uolucerque chalybs, Minoia tela.  
 hic medius iuuenum Massylae gentis in agmen  
 crebra Cydoneo fundebat spicula cornu.  
 iam Garamum audacemque Thyrum pariterqueruentis 110  
 Gisgonem leuemque Bagam indignumque sagittae,  
 impubem malas, tam certae occurrere Lixum  
 fuderat et plena tractabat bella pharetra.  
 tum uultum intendens telumque in uirginis ora  
 desertum non grata Iouem per uotauocabat. 115  
 namque ut fatiferos conuerti prospicit arcus,  
 opposito procul insidiis Nasamonias Harpe  
 corpore praeripuit letum calamumque uolantem,  
 dum clamat, patulo excipiens tramisit hiatu,  
 et primae ferrum a tergo uideresorores. 120  
 at comitis frendens casu labentia uirgo  
 membra leuat paruaque oculos iam luce natantis  
 inrorat lacrimis totisque adnisa doloris  
 uiribus intorquet letalem in moenia cornum.  
 illa uolans umerum rapido transerberatictu 125  
 conantis Dorylae, iunctis iam cornibus arcus  
 et ducti spatium nerui complente sagitta,  
 excutere in uentos resoluta pollice ferrum.  
 tum subitum in uulnus praeceps deuoluitur altis  
 aggeribus muri, iuxtaque cadentiamembra 130  
 effusi uersa calami fluxere pharetra.  
 exclamat paribus frater uicinus in armis  
 Icarus ulciscique parat lacrimabile fatum.  
 atque illum raptim prominentem in proelia telum  
 Hannibal excussi praeuertit turbinesaxi. 135  
 labuntur gelido torpentina frigore membra,  
 deficiensque manus pharetrae sua tela remisit.  
 At pater in gemino natorum funereMopsus  
 correptos arcus ter maesta mouit ab ira,  
 ter cecidit dextra, et notas dolor abstulitartis. 140  
 paenitet heu sero dulcis liquisse penatis,  
 adreptoque auide, quo concidis, Icare, saxo,

postquam aeuum senior percussaue pectora frustra  
 sentit et, ut tantos compescat morte dolores,  
 nil opis in dextra, uastae se culmineturris 145  
 praecipitem iacit et delapsus pondere prono  
 membra super nati moribundos explicat artus.  
 Dum cadit externo Gortynius aduenabello,  
 iam noua molitus stimolato milite Theron,  
 Alcidae templi custos araequesacerdos, 150  
 non expectatum Tyriis effuderat agmen  
 et fera miscebat reserata proelia porta.  
 atque illi non hasta manu, non uertice cassis,  
 sed fisis latis umeris et mole iuuentae  
 agmina uastabat claua, nihil indigusensis. 155  
 exuuias capiti impositae tegimenque leonis  
 terribilem attollunt excelso uertice rictum.  
 centum angues idem Lernaetaue monstra gerebat  
 in clipeo et sectis geminam serpentibus hydram.  
 ille Iubam Tapsumque patrem clarumqueMicipsam 160  
 nomine aui Maurumque Sacen, a moenibus actos  
 palantisque fuga, praeceps ad litora cursu  
 egerat, atque una spumabant aequora dextra.  
 nec contentus Idi leto letoque Cothonis  
 Marmaridae nec caede Rothi nec caedeIugurthae, 165  
 Asbytes currum et radiantis tegmina laeuae  
 poscebat uotis gemmataue lumina peltae  
 atque in belligera uersabat uirgine mentem.  
 quem ruere ut telo uidit regina cruento,  
 obliquos detorquet equos laeuumque perorbem 170  
 fallaci gyro campum secat ac uelut ales  
 auerso rapitur sinuata per aequora curru.  
 dumque ea se ex oculis aufert, atque ocior Euro  
 incita pulueream campo trahit ungula nubem,  
 aduersum late stridens rota proteritagmen, 175  
 ingerit et crebras uirgo trepidantibus hastas.  
 hic cecidere Lycus Thamyrisque et nobile nomen  
 Eurydamas, clari deductum stirpe parentis,  
 qui thalamos ausus quondam sperare superbos  
 (heu demens!) Ithacique torum; sed enim artepedica 180  
 fallacis totiens reuoluto stamine telae  
 deceptus, mersum pelago iactarat Vlixen.  
 ast Ithacus uero ficta pro morte loquacem  
 adfecit leto, taedaeque ad funera uersae.  
 gens extrema uiri campis deleturHiberis 185  
 Eurydamas Nomados dextra: superinstrepat ater  
 et seruat cursum perfractis ossibus axis.  
 Iamque aderat remeans uirgo, interproelia postquam  
 distringi Therona uidet, saeuamque bipennem 190  
 perlibrans mediae fronti, spolium indesuperbum  
 Herculeasque tibi exuuias, Dictynna, uouebat.

nec segnis Theron tantae spe laudis in ipsos  
aduersus consurgit equos uillosaque fului  
ingerit obiectans trepidantibus ora leonis.  
attoniti terrore nouo rictuqueminaci 195  
quadripedes iactant resupino pondere currum.  
tum saltu Asbyten conantem linquere pugnas  
occupat incussa gemina inter tempora claua,  
feruentisque rotas turbataque frena pauore  
disiecto spargit conlisa per ossacerebro, 200  
ac rapta properans caedem ostentare bipenni  
amputat e curru reuolutae uirginis ora.  
necdum irae positae. celsa nam figitur hasta  
spectandum caput: id gestent ante agmina Poenum  
imperat, et prope currus ad moeniauertant. 205  
Haec caecus fati diuumque abeuntefauore  
uicino Theron edebat proelia leto.  
namque aderat toto ore ferens iramque minasque  
Hannibal et caesam Asbyten fixique tropaeum  
infandum capitis furiata mentedolebat. 210  
ac simul aerati radiauit luminis umbo,  
et concussa procul membris uelocibus arma  
letiferum intonuere, fugam percussa repente  
ad muros trepido conuertunt agmina cursu:  
sicut agit leuibus per sera crepusculapennis 215  
e pastu uolucres ad nota cubilia uesper;  
aut, ubi Cecropius formidine nubis aquosae  
sparsa super flores examina tollit Hymettos,  
ad dulcis ceras et odori corticis antra  
mellis apes grauidae properant densoqueuolatu 220  
raucum conexae glomerant ad limina murmur.  
praecipitat metus attonitos, caecique feruntur.  
heu blandum caeli lumen! tantone cauetur  
mors reditura metu nascentique addita fata?  
consilium damnant portisque atque aggeretuto 225  
erupisse gemunt: retinet uix agmina Theron  
interdumque manu, interdum clamore minisque:  
' **S**te, uiri; meus ille hostis; mihi gloria magnae,  
state, uenit pugnae. muro tectisque Sagunti  
hac abigam Poenos dextra; spectaculatantum 230  
ferte, uiri; uel, si cunctos metus acer in urbem  
(heu deforme!) rapit, soli mihi claudite portas.'  
At Poenus rapido praeceps ad moeniacursu,  
dum pauitant trepidi rerum fessique salutis,  
tendebat. stat primam urbem murosquepatentis 235  
postposita caede et dilata inuadere pugna.  
id postquam Herculeae custos uidet impiger arae,  
emicat et uelox formidine praeuenit hostem.  
gliscit Elissaeo uiolentior ira tyranno:  
' **T** solue interea nobis, bone ianitorurbis, 240

supplicium, ut pandas' inquit 'atmoenia leto.'  
 nec plura effari sinit ira, rotatque coruscum  
 mucronem; sed contortum prior impete uasto  
 Daunius huic robur iuuenis iacit. arma fragore  
 icta graui raucum gemuere, altequeresultant 245  
 aere inlisa cauo nodosae pondera clauae.  
 at uiduus teli et frustrato proditus ictu,  
 pernici uelox cursu rapit incita membra  
 et celeri fugiens perlustrat moenia planta.  
 instat atrox terga increpitans fugientia uictor. 250  
 conclamant matres, celsoque e culmine muri  
 lamentis uox mixta sonat: nunc nomine noto  
 appellant, seras fesso nunc pandere portas  
 posse uolunt; quatit hortantum praecordia terror  
 ne simul accipiant ingentem moenibus hostem. 255  
 incutit umbonem fesso adsultatque ruenti  
 Poenus et ostentans spectantem e moenibus urbem  
 'I, miseram Asbyten leto solare propinquo'++  
 haec dicens, iugulo optantis dimittere uitam  
 infestum condit mucronem ac regialaetus 260  
 quadrupedes spolia abreptos a moenibus ipsis,  
 quis aditum portae trepidantum saepserat agmen,  
 uictor agit curruque uolat per ouantia castra.  
 At Nomadum furibunda cohors miserabile humandi  
 deproperat munus tumulique adiungit honorem 265  
 et rapto cineres ter circum corpore lustrat.  
 hinc letale uiri robur tegimenque tremendum  
 in flammis iaciunt, ambustoque ore genisque  
 deforme alitibus liquere cadauer Hiberis.  
 Poenorum interea quis rerum summapotestas, 270  
 consultant bello super, et quae dicta ferantur  
 Ausoniae populis, oratorumque minaci  
 aduentu trepidant. mouet hinc foedusque fidesque  
 et testes superi iurataque pacta parentum,  
 hinc popularis amor coeptantis magnaiuuentae, 275  
 et sperare iuuat belli meliora. sed, olim  
 ductorem infestans odiis gentilibus, Hannon  
 sic adeo increpitat studia incautumque fauorem:  
 ' Cuncta quidem, patres, (neque enim cohibere minantum  
 irae se ualuere) premunt formidine uocem: 280  
 haud tamen abstiterim. mortem licet arma propinquent,  
 testabor superos, et caelo nota relinquam  
 quae postrema salus rerum patriaeque reposcit.  
 nec nunc obsessa demum et fumante Sagunto  
 haec serus uates Hannon canit. anxiarupi 285  
 pectora ne castris innutretur et armis  
 exitiale caput; monui et, dum uita, monebo,  
 ingenitum noscens uirus flatusque paternos,  
 ut, qui stelligero speculatur sidera caelo,

uenturam pelagi rabiem Cauriquefutura           290  
 praedicat miseris haud uanus flamina nautis.  
 consedit solio rerumque inuasit habenas:  
 ergo armis foedus fasque omne abrumpitur armis,  
 oppida quassantur, longaeque in moenia nostra  
 Aeneadum arrectae mentes, disiectaque paxest.           295  
 exagitant manes iuuenem furiaeque paternae  
 ac funesta sacra et conuersi foedere rupto  
 in caput infidum superi Massylaque uates.  
 an nunc ille noui caecus caligine regni  
 externas arces quatit aut Tirynthiatecta?           300  
 sic propria luat hoc poena nec misceat urbis  
 fata suis: nunc hoc, hoc inquam, tempore muros  
 oppugnat, Carthago, tuos teque obsidet armis.  
 lauimus Hennaee animoso sanguine uallis  
 et uix conducto produximus armaLacone.           305  
 nos ratibus laceris Scyllaea repleuimus antra  
 classibus et refluxo spectauimus aequore raptis  
 contorta e fundo reuomentem transtra Charybdin.  
 respice, pro demens, pro pectus inane deorum,  
 Aegatis Libyaeque procul fluitantiamembra!           310  
 quo ruis et patriae exitio tibi nomina quaeris?  
 scilicet immensae, uisis iuuenalibus armis,  
 subsident Alpes, subsidet mole niuali  
 Alpibus aequatum attollens caput Apenninus.  
 sed campos fac, uane, dari. num gentibusistis           315  
 mortales animi, aut ferro flammae fatiscunt?  
 haud tibi Neritia cernes cum prole laborem.  
 pubescit castris miles, galeaque teruntur  
 nondum signatae flaua lanugine malae,  
 nec requies aevi nota, exanguisque merendo           320  
 stant prima inter signa senes letumque lacessunt.  
 ipse ego Romanas perfosso corpore turmas  
 tela intorquentis correpta e uulnere uidi,  
 uidi animos mortesque uirum decorisque furorem.  
 si bello absistis nec te uictoribus offers,           325  
 quantum heu, Carthago, donat tibi sanguinis Hannon!'

Gestar ad haec (namque impatiensasperque coquebat  
 iamdudum immites iras mediamque loquentis  
 bis conatus erat turbando abrumpere uocem)  
 'Conditione' inquit 'Libyae Tyrioquesenatu,           330  
 pro superi, Ausonius miles sedet, armaque tantum  
 haud dum sumpta uiro? nam cetera non latet hostis.  
 nunc geminas Alpes Apenninumque minatur,  
 nunc freta Sicaniae et Scyllaei litoris undas,  
 nec procul est quin iam manes umbrasquepauescat           335  
 Dardanias: tanta accumulata praeconia leto  
 uulneribusque uirum ac tollit sub sidera gentem.  
 mortalem, mihi crede, licet formidine turpi

frigida corda tremant, mortalem sumimus hostem.  
 uidi ego, cum, geminas artis post tergacatenis 340  
 euinctus palmas, uulgo traheretur ouante  
 carceris in tenebras spes et fiducia gentis  
 Regulus Hectoreae; uidi, cum robore pendens  
 Hesperiam cruce sublimis spectaret ab alta.  
 nec uero terrent puerilia protinusora 345  
 sub galea et pressae properata casside malae.  
 indole non adeo segni sumus: aspice, turmae  
 quot Libycae certant annos anteire labore  
 et nudis bellantur equis; ipse, aspice, ductor,  
 cum primam tenero uocem proferret abore, 350  
 iam bella et lituos ac flammis urere gentem  
 iurabat Phrygiam atque animo patria arma mouebat.  
 proinde polo crescant Alpes, astrisque coruscos  
 Apenninus agat scopulos: per saxa niuesque  
 (dicam etenim, ut stimulent atram uel inaniamentem), 355  
 per caelum est qui pandat iter: pudet Hercule tritas  
 desperare uias laudemque timere secundam.  
 sed Libyae clades et primi incendia belli  
 aggerat atque iterum pro libertate labores  
 Hannon ferre uetat. ponat formidinisaestus 360  
 parietibusque domus imbellis femina seruet  
 singultantem animam; nos, nos contra ibimus hostem,  
 quis procul a Tyria dominos depellere Byrsa,  
 uel Ioue non aequo, fixum est. sin fata repugnant,  
 et iam damnata cessit Carthagine Mauors, 365  
 occumbam potius nec te, patria inclita, dedam  
 aeternum famulam liberque Acheronta uidebo.  
 nam quae, pro superi, Fabius iubet! "ocius arma  
 exuite et capta descendite ab arce Sagunti.  
 tum delecta manus scutorum incendataceruos, 370  
 uranturque rates, ac toto absistite ponto."  
 di, procul o, merita est numquam si talia plecti  
 Carthago, prohibete nefas nostrique solutas  
 ductoris seruete manus! uideinde resedit,  
 factaque censendi patrum de more potestas, 375  
 hic Hannon reddi propere certamine rapta  
 instat et auctorem uiolati foederis addit.  
 tum uero attoniti, ceu templo inrumperet hostis,  
 exiluere patres, Latioque id uerteret omen  
 orauere deum. at postquam discordiasensit 380  
 pectora et infidas ad Martem uergere mentes,  
 non ultra patiens Fabius rexisse dolorem  
 concilium propere exposcit, patribusque uocatis,  
 bellum se gestare sinu pacemque profatus,  
 quid sedeat, legere ambiguus neu fallere dictis 385  
 imperat ac, saeuo neutrum renuente senatu,  
 ceu clausas acies gremioque effunderet arma,



' Acipite infaustum Libyae euentuque priori  
par' inquit bellum' , telaxos effundit amictus.  
tum patrias repetit pugnandi nuntiusarces. 390  
Atque ea dum profugae regnis agitantur Elissae,  
~accitis uelox populis, quis aegra lababat  
ambiguo sub Marte fides, praedaque grauatus  
ad muros Poenus reuocauerat arma Sagunti.  
Ecce autem clipeum saeuo fulgore micantem 395  
Oceani gentes ductori dona ferebant,  
Callaicae telluris opus, galeamque coruscis  
subnixam cristis, uibrant quae uertice coni  
albentis niueae tremulo nutamine pennae,  
ensem, unam ac multis fatalem milibushastam; 400  
praeterea textam nodis auroque trilicem  
loricam, nulli tegimen penetrabile telo.  
haec, aere et duri chalybis perfecta metallo  
atque opibus perfusa Tagi, per singula laetis  
lustrat ouans oculis et gaudet origineregni. 405  
Condebat primae Dido Carthaginisarces,  
instabatque operi subducta classe iuuentus.  
molibus hi claudunt portus, his tecta domosque  
partiris, iustae Bitia uenerande senectae.  
ostentant caput effossa tellurerepertum 410  
bellatoris equi atque omen clamore salutant.  
has inter species orbatum classe suisque  
Aenean pulsum pelago dextraque precantem  
cernere erat: fronte hunc auide regina serena  
infelix ac iam uultu spectabatamico. 415  
hinc et speluncam furtiuaque foedera amantum  
Callaicae fecere manus: it clamor ad auras  
latratusque canum, subitoque exterrita nimbo  
occultant alae uenantum corpora siluis.  
nec procul Aeneadum uacuo iam litoreclassis 420  
aequora nequiquam reuocante petebat Elissa.  
ipsa pyram super ingentem stans saucia Dido  
mandabat Tyriis ultricia bella futuris,  
ardentemque rogam media spectabat ab unda  
Dardanus et magnis pandebat carbasafatis. 425  
parte alia supplex infernis Hannibal aris  
arcanum Stygia libat cum uate cruorem  
et primo bella Aeneadum iurabat ab aeuo.  
at senior Siculis exultat Hamilcar in aruis:  
spirantem credas certamina anhelamouere, 430  
ardor inest oculis, toruumque minatur imago.  
Necnon et laeuum clipei latus asperasignis  
implebat Spartana cohors; hanc ducit ouantem  
Ledaeis ueniens uictor Xanthippus Amyclis.  
iuxta triste decus pendet sub imaginepoenae 435  
Regulus et fidei dat magna exempla Sagunto.

laetior at circa facies: agitata ferarum  
 agmina uenatu et caelata mapalia fulgent,  
 nec procul usta cutem nigri soror horrida Mauri  
 adsuetas mulcet patrio sermoneleaeas. 440  
 it liber campi pastor, cui fine sine ullo  
 inuetitum saltus penetrat pecus: omnia Poenum  
 armenti uigilem patrio de more secuntur,  
 gaesaque latratorque Cydon tectumque focique  
 in silicis uenis et fistula notaiuencis. 445  
 eminent excelso consurgens colle Saguntos,  
 quam circa immensi populi condensaque cingunt  
 agmina certantum pulsantque trementibus hastis.  
 extrema clipei stagnabat Hiberus in ora,  
 curuatis claudens ingentem flexibusorbem. 450  
 Hannibal abrupto transgressus foedere ripas  
 Poenorum populos Romana in bella uocabat.  
 tali sublimis dono, noua tegmina latis  
 aptat concutiens umeris celsusque profatur:  
 ' **Hu** quantum Ausonio sudabitis, arma,cruore! 455  
 quas, belli uidex, poenas mihi, Curia, pendes!'

Iamque senescebat uallatus moenibus hostis,  
 carpebatque dies urbem, dum signa manusque  
 expectant fessi socias. tandem aequore uano  
 auertunt oculos frustrataque litoraponunt 460  
 et propius suprema uident. sedet acta medullis  
 iamdudum atque inopes penitus coquit intima pestis.  
 est furtim lento misere durantia tabo  
 uiscera et exurit siccitas sanguine uenas  
 per longum celata fames. iam lumina retro 465  
 exesis fugere genis, iam lurida sola  
 tecta cute et uenis male iuncta trementibus ossa  
 extant consumptis uisu deformia membris.  
 umentis rores noctis terramque madentem  
 solamen fecere mali, cassoquelabore 470  
 e sicco frustra presserunt robore sucos.  
 nil temerare piget: rabidi ieiunia uentris  
 insolitis adigunt uesci, resolutaque, nudos  
 linquentes clipeos, armorum tegmina mandunt.

Desuper haec caelo spectans Tirynthiusalto 475  
 inlacrimat fractae nequiquam casibus urbis.  
 namque metus magnique tenent praecepta parentis  
 ne saeuae tendat contra decreta nouercae.  
 sic igitur coepta occultans ad limina sanctae  
 contendit Fidei secretaque pectoratemptat. 480  
 arcanis dea laeta polo tum forte remoto  
 caelicolum magnas uoluebat conscia curas.  
 quam tali adloquitur Nemeae pacator honore:  
 ' **At** Iouem generata, decus diuumque hominumque,  
 qua sine non tellus pacem, non aequoranorunt, 485

iustitiae consors tacitumque in pectore numen,  
exitiumne tuae dirum spectare Sagunti  
et tot pendentem pro te, dea, cernere poenas  
urbem lenta potes? moritur tibi uulgus, et unam  
te matres uincente fame, te maestauirorum 490  
ora uocant, primaque sonant te uoce minores.  
fer caelo auxilium et fessis da surgere rebus.'

Haec satus Alcmena; contra cui taliauirgo:

' Cæro equidem, nec pro nihilo est mihi foedera rumpi,  
statque dies ausis olim tam tristibusultor. 495  
sed me pollutas properantem linquere terras  
sedibus his tectisque Iouis succedere adegit  
fecundum in fraudes hominum genus: impia liqui  
et, quantum terrent, tantum metuentia regna  
ac furias auri nec uilia praemiafraudum 500  
et super haec ritu horrificos ac more ferarum  
uiuientis rapto populos luxuque solutum  
omne decus multaque oppressum nocte pudorem.  
uis colitur, iurisque locum sibi uindicat ensis,  
et probris cessit uirtus. en, aspicegentes: 505  
nemo insons: pacem seruant commercia culpae.  
sed si cura, tua fundata ut moenia dextra  
dignum te seruent memorando fine uigorem,  
dedita nec fessi tramittant corpora Poeno:  
quod solum nunc fata sinunt seriesquefuturi, 510  
extendam leti decus atque in saecula mittam  
ipsaque laudatas ad manes prosequar umbras.'

Inde seuera leui decurrens aethere uirgo  
luctantem fati petit inflammata Saguntum.  
inuadit mentes et pectora notapererrat 515  
immittitque animis numen. tum fusa medullis  
implicat atque sui flagrantem inspirat amorem.  
arma uolunt temptantque aegros ad proelia nisus.  
insperatus adest uigor, interiusque recursat  
dulcis honor diuae et sacrum pro uirgineletum. 520  
it tacitus fessis per ouantia pectora sensus  
uel leto grauiora pati saeuasque ferarum  
attemptare dapes et mensis addere crimen.  
sed prohibet culpa pollutam extendere lucem  
casta Fides paribusque famem compesceremembris. 525

Quam simul inuisae gentis conspexit inarce,  
forte ferens sese Libycis Saturnia castris,  
uirgineum increpitat miscentem bella furorem  
atque ira turbata gradum ciet ocius atram  
Tisiphonen imos agitantem uerbere manes, 530  
et palmas tendens ' Hōsinquit 'noctis alumna,  
hos muros impelle manu populumque ferocem  
dextris sterne suis: Iuno iubet. ipsa propinqua  
effectus studiumque tuum de nube uidebo.

illa deos summumque Iouem turbantiatela, 535  
 quis Acheronta moues, flammam immanesque chelydros  
 stridoremque tuum, quo territa comprimit ora  
 Cerberus, ac mixto quae spumant felle uenena  
 et quicquid scelerum, poenarum quicquid et irae  
 pectore fecundo coquitur tibi, congerepraeceps 540  
 in Rutulos totamque Erebo demitte Saguntum.  
 hac mercede Fides constet delapsa per auras.'  
 Sic uoce instimulans dextra dea concitasaeuam  
 Eumenida incussit muris, tremuitque repente  
 mons circum, et grauior sonuit per litorafluctus. 545  
 sibilat insurgens capiti et turgentia circa  
 multus colla micat squalenti tergore serpens.  
 Mors graditur uasto caua pandens guttura rictu  
 casuroque inhiat populo: tunc Luctus et atri  
 pectora circumstant Planctus MaerorqueDolorque, 550  
 atque omnes adsunt Poenae, formaque trifauci  
 personat insomnis lacrimosae Ianitor aulae.  
 protinus adsimulat faciem mutabile monstrum  
 Tiburnae gressumque simul sonitumque loquentis.  
 haec bello uacuos et saeui turbineMartis 555  
 lugebat thalamos, Murro spoliata marito,  
 clara genus Daunique trahens a sanguine nomen.  
 cui uultus induta pares disiectaue crinem  
 Eumenis in medios inrumpit turbida coetus  
 et maestas lacerata genas 'Quis terminus?' inquit 560  
 ' sat fidei proauisque datum. uidi ipsa cruentum,  
 ipsa meum uidi lacerato uulnere nostras  
 terrentem Murrum noctes et dira sonantem:  
 "Eripe te, coniunx, miserandae casibus urbis  
 et fuge, si terras adimit uictoriaPoeni, 565  
 ad manes, Tiburna, meos; cecidere penates,  
 occidimus Rutuli, tenet omnia Punicus ensis."  
 mens horret, nec adhuc oculis absistit imago.  
 nullane iam posthac tua tecta, Sagunte, uidebo?  
 felix, Murre, necis patriaue superstitefelix. 570  
 at nos, Sidoniis famulatum matribus actas,  
 post belli casus uastique pericula ponti  
 Carthago aspiciet uictrix, tandemque suprema  
 nocte obita Libyae gremio captiua iacebo.  
 sed uos, o iuuenes, uetuit quos consciauirtus 575  
 posse capi, quis telum ingens contra aspera mors est,  
 uestris seruitio manibus subducite matres.  
 ardua uirtutem profert uia: pergite primi  
 nec facilem populis nec notam inuadere laudem.'  
 His ubi turbatas hortatibus impulit aures, 580  
 inde petit tumulum, summo quem uertice montis  
 Amphitryoniades spectandum ex aequore nautis  
 struxerat et grato cineres decorarat honore.

excitus sede, horrendum, prorumpit ab ima  
 caeruleus maculis auro squalentibusanguis. 585  
 ignea sanguinea radiabant lumina flamma,  
 oraque uibranti stridebant sibila lingua.  
 isque inter trepidos coetus mediamque per urbem  
 uoluitur et muris propere delabitur altis  
 ac similis profugo uicina ad litoratendit 590  
 spumantisque freti praeceps immergitur undis.  
 Tum uero excussae mentes, ceu proditatecta  
 expulsi fugiant manes, umbraeque recusent  
 captiuo iacuisse solo. sperare salute  
 pertaesum, damnantque cibos: agit abditaErinys. 595  
 haud grauior duris diuum inclementia rebus  
 quam leti perferre moras: abrumpere uitam  
 ocius attoniti quaerunt lucemque grauantur.  
 certatim structus subrectae molis ad astra  
 in media stetit urbe rogos: portantquetrahuntque 600  
 longae pacis opes quaesitaque praemia dextris,  
 Callaico uestes distinctas matribus auro  
 armaque Dulichia proauis portata Zacyntho  
 et prisca aduectos Rutulorum ex urbe penates.  
 huc, quicquid superest captis, clipeosquesimulque 605  
 infaustos iaciunt enses et condita bello  
 effodiunt penitus terra gaudentque superbi  
 uictoris praedam flammis donare supremis.  
 Quae postquam congesta uidet feralisErinys,  
 lampada flammiferis tinctam Phlegethontis inundis 610  
 quassat et inferna superos caligine condit.  
 inde opus aggressi toto quod nobile mundo  
 aeternum inuictis infelix gloria seruat.  
 princeps Tisiphone lentum indignata pauentum  
 pressit ouans capulum cunctantemque impulitensem 615  
 et dirum insonuit Stygio bis terque flagello.  
 inuitas maculant cognato sanguine dextras  
 miranturque nefas auersa mente peractum  
 et facto sceleri inlacrimant. hic turbidus ira  
 et rabie cladum perpessaeque ultimauitae 620  
 obliquos uersat materna per ubera uisus.  
 hic raptam librans dilectae in colla securim  
 coniugis increpitat sese mediumque furorem  
 proiecta damnat stupefactus membra bipenni.  
 nec tamen euasisse datur; nam uerberaErinys 625  
 incutit atque atros insibilat ore tumores.  
 sic thalami fugit omnis amor, dulcesque marito  
 effluxere tori, et subiere obliuia taedae.  
 ille iacit totis conisus uiribus aegrum  
 in flammis corpus, densum qua turbinenigro 630  
 exundat fumans piceus caligine uertex.  
 At medios inter coetus pietate sinistra,

infelix Tymbrene, furis, Poenoque parentis  
 dum properas auferre necem, reddentia formam  
 ora tuam laceras temerasque simillimamembra. 635  
 uos etiam primo gemini cecidistis in aeuo,  
 Eurymedon fratrem et fratrem mentite Lycorma,  
 cuncta pares; dulcisque labor sua nomina natis  
 reddere et in uultu genetrici stare suorum.  
 iam fixus iugulo culpa te solueratensis, 640  
 Eurymedon, inter miserae lamenta senectae,  
 dumque malis turbata parens deceptaque uisis  
 ' Quouis? huc ferrum' clamat 'conuerte, Lycorma,'  
 ecce simul iugulum perfoderat ense Lycormas.  
 sed magno 'Quinam, Eurymedon, furor iste?' sombat 645  
 cum planctu geminaeque notis decepta figurae  
 funera mutato reuocabat nomine mater,  
 donec transacto tremebunda per ubera ferro  
 tunc etiam ambiguos cecidit super inscia natos.  
 Quis diros urbis casus laudandaquemontra 650  
 et Fidei poenas ac tristia fata piorum  
 imperet euoluens lacrimis? uix Punica fletu  
 cessassent castra ac miserescere nescius hostis.  
 urbs, habitata diu Fidei caeloque parentem  
 murorum repetens, ruit inter perfida gentis 655  
 Sidoniae tela atque immania facta suorum,  
 iniustis neglecta deis: furit ensis et ignis,  
 quique caret flamma, scelerum est locus. erigit atro  
 nigrantem fumo rogos alta ad sidera nubem.  
 ardet in excelso proceri uerticemontis 660  
 arx intacta prius bellis (hinc Punica castra  
 litoraue et totam soliti spectare Saguntum),  
 ardent tecta deum. resplendet imagine flammae  
 aequor, et in tremulo uibrant incendia ponto.  
 Ecce inter medios caedum Tiburnafurores 665  
 fulgenti dextram mucrone armata mariti  
 et laeua infelix ardentem lampada quassans  
 squalentemque erecta comam ac liuentia planctu  
 pectora nudatis ostendens saeua lacertis  
 ad tumulum Murri super ipsa cadauerafertur: 670  
 qualis, ubi inferni dirum tonat aula parentis,  
 iraque turbatos exercet regia manes,  
 Alecto solium ante dei sedemque tremendam  
 Tartareo est operata Ioui poenasque ministrat.  
 arma uiri multo nuper defensacruore 675  
 imponit tumulo inlacrimans, manesque precata  
 acciperent sese, flagrantem lampada subdit.  
 tunc rapiens letum ' Tibi go haec' a' optimeconiunx,  
 ad manes, en, ipsa fero.' sic ense recepto  
 arma super ruit et flammam inuadithiatu. 680  
 Semiambusta iacet nullo discriminepassim

infelix obitus, permixto funere, turba:  
ceus, stimulante fame cum uictor ouilia tandem  
faucibus inuasit siccis leo, mandit hianti  
ore fremens imbelle pecus, patuloqueredundat 685  
guttur ructatus large cruor: incubat atris  
semesae stragis cumulis, aut murmure anhelo  
infrendens laceros inter spatiat aceruos:  
late fusa iacent pecudes custosque Molossus  
pastorumque cohors stabulique gregisquemagister, 690  
totaque uastatis disiecta mapalia tectis.  
inrumpunt uacuam Poeni tot cladibus arcem.  
tum demum ad manis perfecto munere Erinys  
Iunoni laudata redit magnamque superba  
exultat rapiens secum sub Tartaraturbam. 695  
At uos, sidereae, quas nulla aequaueritaetas,  
ite, decus terrarum, animae, uenerabile uulgus,  
Elysium et castas sedes decorate piorum.  
cui uero non aequa dedit uictoria nomen  
(audite, o gentes, neu rumpite foederapacis 700  
nec regnis postferte fidem!) uagus exul in orbe  
errabit toto patriis proiectus ab oris,  
tergaque uertentem trepidans Carthago uidebit.  
saepe Saguntinis somnos exterritus umbris  
optabit cecidisse manu, ferroquenegato 705  
inuictus quondam Stygias bellator ad undas  
deformata feret liuenti membra ueneno.

### Liber III

Postquam rupta fides Tyriis et moenia castae  
non aequo superum genitore euersa Sagunti,  
extemplo positos finiti cardine mundi  
uictor adit populos cognataque limina Gades.  
nec uatum mentes agitare et praescia corda 5  
cessatum super imperio: citus aequore Bostar  
uela dare et rerum praenosceret fata iubetur.  
prisca fides adytis longo seruatur ab aeuo,  
qua sublime sedens, Cirrhaeis aemulus antris,  
inter anhelantis Garamantas corniger Hammon 10  
fatidico pandit uenientia saecula luco.  
hinc omen coeptis et casus scire futuros  
ante diem bellique uices nouisse petebat.

Exin clauigeri ueneratus numinis aras  
captiuus onerat donis, quae nuper ab arce 15  
uictor fumantis rapuit semusta Sagunti.  
uulgatum, nec cassa fides, ab origine fani  
impositas durare trabes solasque per aeuum  
condentum nouisse manus. hinc credere gaudent  
consedissem deum seniumque repellere templis. 20  
tum, quis fas et honos adyti penetralia nosse,  
femineos prohibent gressus ac limine curant  
saetigeros arcere sues. nec discolor ulli  
ante aras cultus: uelantur corpora lino,  
et Pelusiaco praeifulget stamine uertex. 25  
discinctis mos tura dare atque e lege parentum  
sacrificam lato uestem distinguere clauo:  
pes nudus tonsaeque comae castumque cubile.  
inrestita focis seruant altaria flammae,  
sed nulla effigies simulacrae nota deorum 30  
maiestate locum et sacro impleuere timore.

In foribus labor Alcidae: Lernaea recisis  
anguibus hydra iacet, nexuque elisa leonis  
ora Cleonaei patulo caelantur hiatu.  
at Stygius saeuus terrens latratibus umbras 35  
ianitor, aeterno tum primum tractus ab antro,  
uincla indignatur, metuitque Megaera catenas.  
iuxta Thraces equi pestisque Erymanthia et altos  
aeripedis ramos superantia cornua cerui.  
nec leuior uinci Libycae telluris alumnus 40  
matre super stratique genus deforme bimembres  
Centauri frontemque minor nunc amnis Acarnan.  
inter quae fulget sacratis ignibus Oete,  
ingentemque animam rapiunt ad sidera flammae.



Postquam oculos uaria impleuit uirtutis imago, 45  
 mira dehinc cernit: surgentis mole profundi  
 inuectum terris subitum mare nullaque circa  
 litora et infuso stagnantis aequore campos.  
 nam qua caeruleis Nereus euoluitur antris  
 atque imo freta contorquet Neptunia fundo, 50  
 proruptum exundat pelagus, caecosque relaxans  
 Oceanus fontis torrentibus ingruit undis.  
 tum uada, ceu saeuo penitus permota tridenti,  
 luctantur terris tumefactum imponere pontum.  
 mox remeat gurges tractoque relabitur aestu, 55  
 ac ratis erepto campis deserta profundo,  
 et fusi transtris expectant aequora nautae.  
 Cymothoes ea regna uagae pelagique labores  
 Luna mouet, Luna, immissis per caerula bigis,  
 fertque refertque fretum, sequiturque reciproca Tethys. 60

Haec propere spectata duci; nam multa fatigant.  
 curarum prima exercet, subducere bello  
 consortem thalami paruumque sub ubere natum.  
 uirgineis iuuenem taedis primoque Hymenaeo  
 imbuerat coniunx memorique tenebat amore. 65  
 at puer, obsessae generatus in ore Sagunti,  
 bissenos Lunae nondum compleuerat orbis.  
 quos ut seponi stetit et discernere ab armis,  
 adfatur ductor: ' fies o Carthaginis altae,  
 nate, nec Aeneadam leuior metus, amplior, oro, 70  
 sis patrio decore et factis tibi nomina condas,  
 qui<s> superes bellator auum; iamque aegra timoris  
 Roma tuos numerat lacrimandos matribus annos.  
 ni praesaga meos ludunt praecordia sensus,  
 ingens hic terris crescit labor: ora parentis 75  
 agnosco toruaque oculos sub fronte minacis  
 uagitumque grauem atque irarum elementa mearum.  
 si quis forte deum tantos inciderit actus  
 ut nostro abrumpat leto primordia rerum,  
 hoc pignus belli, coniunx, seruare labora. 80  
 cumque datum fari, duc per cunabula nostra:  
 tangat Elissaeas palmis puerilibus aras  
 et cineri iuret patrio Laurentia bella.  
 inde ubi flore nouo pubescet firmior aetas,  
 emicet in Martem et calcato foedere uictor 85  
 in Capitolina tumulum mihi uindicet arce.  
 tu uero, tanti felix quam gloria partus  
 expectat, ueneranda fide, discede periclis  
 incerti Martis durosque relinque labores.  
 nos clausae niuibus rupes suppostaque caelo 90  
 saxa manent, nos Alcidae mirante nouerca  
 sudatus labor et, bellis labor acrior, Alpes.  
 quod si promissum uertat Fortuna fauorem

laeuaque sit coeptis, te longa stare senecta  
 aeuumque extendisse uelim; tua iustior aetas,           95  
 ultra me improperae ducant cui fila sorores.'

Sic ille. at contra Cirrhaei sanguis Imilce  
 Castalii, quae materno de nomine dicta  
 (Castulo Phoebai seruat cognomina uatis)  
 aequae ex sacrata repetebat stirpe parentes.           100  
 tempore quo Bacchus populos domitabat Hiberos  
 concutiens thyrsos atque armata Maenade Calpen,  
 lasciuo genitus Satyro nymphaque Myrice  
 Milichus indigenis late regnarat in oris  
 cornigeram attollens genitoris imagine frontem.       105  
 hinc patriam clarumque genus referebat Imilce,  
 barbarica paulum uitiatum nomine lingua.  
 quae tunc sic lacrimis sensim manantibus infit:

' ~~Mae~~, oblite tua nostram pendere salute,  
 abnuis inceptis comitem? sic foedera nota           110  
 primitiaeque tori, gelidos ut scandere tecum  
 deficiam montis coniunx tua? crede uigori  
 femineo. castum haud superat labor ullus amorem.  
 sin solo aspiciamur sexu, fixumque relinqui,  
 cedo equidem nec fata moror; deus annuat, oro:       115  
 i felix, i numinibus uotisque secundis  
 atque acies inter flagrantiaque arma relictas  
 coniugis et nati curam seruare memento.  
 quippe nec Ausonios tantum nec tela nec ignes  
 quantum te metuo: ruis ipsos acer in enses           120  
 obiectasque caput telis, nec <te> ulla secundo  
 euentu satiat uirtus, tibi gloria soli  
 fine caret, credisque uiris ignobile letum  
 belligeris in pace mori. tremor implicat artus,  
 nec quemquam horresco, qui se tibi conferet unus.   125  
 sed tu, bellorum genitor, miserere nefasque  
 auerte et serua caput inuiolabile Teucris.'

Iamque adeo <e>gressi steterant in litore primo,  
 et promotas ratis, pendentibus arbore nautis,  
 aptabat sensim pulsanti carbasa uento,           130  
 cum lenire metus properans aegramque leuare  
 attonitis mentem curis sic Hannibal orsus:

' Omittis parce et lacrimis, fidissima coniunx.  
 et pace et bello cunctis stat terminus aevi,  
 extremumque diem primus tulit; ire per ora       135  
 nomen in aeternum pa<u>cis mens ignea donat,  
 quos pater aetheriis caelestum destinat oris.  
 an Romana iuga et famulas Carthaginis arces  
 perpetiar? stimulant manes noctisque per umbras  
 increpitans genitor, stant arae atque horrida sacra   140  
 ante oculos, breuitasque uetat mutabilis horae  
 prolatare diem. sedeamne, ut nouerit una

me tantum Carthago, et, qui sim, nesciat omnis  
 gens hominum, letique metu decora alta relinquam?  
 quantum etenim distant a morte silentia uitae? 145  
 nec tamen incautos laudum exhorresce furores.  
 et nobis est lucis honos, gaudetque senecta  
 gloria, cum longo titulis celebratur in aeuo.  
 te quoque magna manent suscepti praemia belli.  
 dent modo se superi, Thybris tibi seruiet omnis 150  
 Iliacaeque nurus et diues Dardanus auri.'  
 dumque ea permixtis inter se fletibus orant,  
 confisus pelago celsa de puppe magister  
 cunctantem ciet. abripitur diuulsa marito.  
 haerent intenti uultus et litora seruant, 155  
 donec, iter liquidum uolucris rapiente carina,  
 consumpsit uisus pontus tellusque recessit.  
 At Poenus belli curis auertere amorem  
 apparat et repetit properato moenia gressu.  
 quae dum perlustrat crebroque obit omnia uisu, 160  
 tandem sollicito cessit uis dura labori,  
 belligeramque datur somno componere mentem.  
 Tum pater omnipotens, gentem exercere periculis  
 Dardanium et fama saeuorum tollere ad astra  
 bellorum meditans priscosque referre labores, 165  
 praecipitat consulta uiri segnemque quietem  
 terret et immissa rumpit formidine somnos.  
 iamque per umentem noctis Cyllenius umbram  
 aligero lapsu portabat iussa parentis.  
 nec mora. mulcentem securo membra sopore 170  
 adgreditur iuuenem ac monitis incessit amaris:  
 ' Turpe duci totam somno consumere noctem,  
 o rector Libyae. uigili stant bella magistro.  
 iam maria effusas cernes turbare carinas  
 et Latiam toto pubem uolitare profundo, 175  
 dum lentus coepta terra cunctaris Hibera.  
 scilicet id satis est decoris memorandaque uirtus,  
 quod tanto cecidit molimine Graia Saguntos?  
 en age, si quid inest animo par fortibus ausis,  
 fer gressus agiles mecum et comitare uocantem 180  
 (respexisse ueto: monet hoc pater ille deorum):  
 uictorem ante altae statuam te moenia Romae.'  
 Iamque uidebatur dextram iniectare graduque  
 laetantem trahere in Saturnia regna citato,  
 cum subitus circa fragor et uibrata per auras 185  
 exterrent saeuus a tergo sibila linguis,  
 ingentique metu diuum praecepta pauenti  
 effluxere uiro, et turbatus lumina flectit.  
 ecce iugis rapiens siluas ac robora uasto  
 contorta amplexu tractasque per inuia rupes 190  
 ater letifero stridebat turbine serpens.

quantus non aequas perlustrat flexibus Arctos  
 et geminum lapsu sidus circumligat Anguis,  
 immani tantus fauces diducit hiatu  
 attollensque caput nimborum montibus aequat. 195  
 congeminat sonitus rupti uiolentia caeli  
 imbriferamque hiemem permixta grandine torquet.  
 hoc trepidus monstro (neque enim sopor ille nec altae  
 uis aderat noctis, uirgaque fugante tenebras  
 miscuerat lucem somno deus) ardua quae sit, 200  
 scitatur, pestis terrasque urgentia membra  
 quo ferat et quosnam populos deposcat hiatu.  
 cui gelidis almae Cyllenes editus antris:  
 ' ~~Be~~ uides optata tibi. te maxima bella,  
 te strages nemorum, te moto turbida caelo 205  
 tempestas caedesque uirum magnaue ruinae  
 Idaei generis lacrimosaque fata secuntur.  
 quantus per campos populatis montibus actas  
 contorquet siluas squalenti tergore serpens  
 et late umectat terras spumante ueneno, 210  
 tantus perdomitis decurrens Alpibus atro  
 inuolues bello Italiam tantoque fragore  
 eruta conuulsis prosternes oppida muris.'  
 His aegrum stimulis liquere deusque soporque.  
 it membris gelidus sudor, laetoque pauore 215  
 promissa euoluit somni noctemque retractat.  
 iamque deum regi Martique sub omine fausto  
 instauratus honos, niueoque ante omnia tauro  
 placatus meritis monitor Cyllenius aris.  
 extemplo edicit conuellere signa, repensque 220  
 castra quatit clamor permixtis dissona linguis.  
 Prodite, Calliope, famae, quos horrida coepta  
 excierint populos tulerintque in regna Latini,  
 et quas indomitis urbes armarit Hiberis  
 quasque Paraetonio glomerarit litore turmas 225  
 ausa sibi Libye rerum deposcere frenos  
 et terris mutare iugum. ~non ulla nec umquam  
 saeuior it trucibus tempestas acta procellis,  
 ~nec bellum ruptis tam dirum mille carinis  
 acrius infremuit trepidumque exterruit orbem. 230  
 Princeps signa tulit Tyria Carthagine pubes,  
 membra leuis celsique decus fraudata superbum  
 corporis, at docilis fallendi et nectere tectos  
 numquam tarda dolos. rudis his tum parma, breuique 235  
 bellabant ense; at uestigia nuda, sinusque  
 cingere inadsuetum, et rubrae uelamine uestis  
 ars erat in pugna fusum occuluisse cruorem.  
 his rector fulgens ostro super altior omnis  
 germanus nitet Hannibalis gratoque tumultu  
 Mago quatit currus et fratrem spirat in armis. 240

Proxima Sidoniis Vtica est effusa maniplis,  
prisca situ ueterisque ante arces condita Byrsae.  
tunc, quae Sicanio praecinxit litora muro  
in clipei speciem curuatis turribus, Aspis.  
sed dux in sese conuerterat ora Sychaeus, 245  
Hasdrubalis proles, cui uano corda tumore  
maternum implebat genus, et resonare superbo  
Hannibal haud umquam cessabat auunculus ore.

Adfuit undosa cretus Berenicide miles,  
nec, tereti dextras in pugnam armata dolone, 250  
destituit Barce sitientibus arida uenis.  
nec non Cyrene Pelopei stirpe nepotis  
Battiadas prauos fidei stimulauit in arma.  
quos trahit, antiquo laudatus Hamilcare quondam,  
consilio uiridis, sed belli serus, Ilertes. 255

Sabratha tum Tyrium uulgus Sarranaque Leptis  
Oeaque Trinacrios Afris permixta colonos  
et Tingim rapido mittebat ab aequore Lixus.  
tum Vaga et antiquis dilectus regibus Hippo,  
quaeque procul cauit non aequos Ruspina fluctus, 260  
et Zama et uberior Rutulo nunc sanguine Thapsus.  
ducit tot populos, ingens et corpore et armis,  
Herculeam factis seruans ac nomine famam,  
Antaeus celsumque caput super agmina tollit.

Venere Aethiopes, gens haud incognita Nilo, 265  
qui magneta secant: solis honor ille, metallo  
intactum chalybem uicino ducere saxo.  
his simul immitem testantes corpore solem  
exusti uenere Nubae. non aerea cassis  
nec lorica riget ferro, non tenditur arcus: 270

tempora multiplici mos est defendere lino  
et lino munire latus scelerataque sucis  
spicula derigere et ferrum infamare ueneno.  
tum primum castris Phoenicum tendere ritu  
Cinyphii didicere Macae. squalentia barba 275

ora uiris, uerosque tegunt uelamine capri  
saetigero; panda manus est armata cateia.  
uersicolor contra caetra et falcatus ab arte  
ensis Adyrmachidis ac laeuo tegmina crure.  
sed mensis asper populus uictuque maligno: 280

nam calida tristes epulae torrentur harena.  
quin et Massyli fulgentia signa tulere,  
Hesperidum ueniens lucis domus ultima terrae.  
praefuit intortos demissus uertice crinis  
Bocchus atrox, qui sacratas in litore siluas 285  
atque inter frondes reuirescere uiderat aurum.

Vos quoque desertis in castra mapalibus itis,  
misceri gregibus Gaetulia sueta ferarum  
indomitisque loqui et sedare leonibus iras.

nulla domus: plaustris habitant; migrare per arua 290  
 mos atque errantes circumuectare penates.  
 hinc mille alipedes turmae (uelocior Euris  
 et doctus uirgae sonipes) in castra ruebant:  
 ceu, pernix cum densa uagis latratibus implet  
 uenator dumeta Lacon, aut exigit Vmber 295  
 nare sagax e calle feras, perterrita late  
 agmina praecipitant uolucres formidine cerui.  
 hos agit haud laeto uultu nec fronte serena  
 Asbytes nuper caesae germanus Acherras.  
 Marmaridae, medicum uulgu, strepuere cateruis, 300  
 ad quorum cantus serpens oblita ueneni,  
 ad quorum tactum mites iacuere cerastae.  
 tum, chalybis pauper, Baniurae cruda iuuentus,  
 contenti parca durasse hastilia flamma,  
 miscebant auidi trucibus fera murmura linguis. 305  
 necnon Autololes, leuibus gens ignea plantis,  
 cui sonipes cursu, cui cesserit incitus amnis,  
 tanta fuga est: certant pennae, campumque uolatu  
 cum rapuere, pedum frustra uestigia quaeras.  
 spectati castris, quos suco nobilis arbor 310  
 et dulci pascit lotos nimis hospita baca,  
 quique atro rabidas efferuescente ueneno  
 dipsadas immensis horrent Garamantes harenis.  
 fama docet, caesae rapuit cum Gorgonis ora  
 Perseus, in Libyam dirum fluxisse cruorem: 315  
 inde Medusaeis terram exundasse chelydris.  
 milibus his ductor spectatus Marte Choaspes,  
 Neritia Meni<n>ge satus, cui tragula semper  
 fulmineam armabat, celebratum missile, dextram.  
 huc coit aequoreus Nasamon, inuadere fluctu 320  
 audax naufragia et praedas auellere ponto,  
 huc, qui stagna colunt Tritonidos alta paludis,  
 qua uirgo, ut fama est, bellatrix edita lympa  
 inuento primam Libyen perfudit oliuo.  
 Necnon totus adest Vesper populique reposti. 325  
 Cantaber ante omnis, hiemisque aestusque famisque  
 inuictus palmamque ex omni ferre labore.  
 mirus amor populo, cum pigra incanuit aetas,  
 imbelles iam dudum annos praeuertere saxo  
 nec uitam sine Marte pati. quippe omnis in armis 330  
 lucis causa sita, et damnatum uiuere paci.  
 Venit et Aurorae lacrimis perfusus, in orbem  
 diuersum patrias fugit cum deuius oras,  
 armiger Eoi non felix Memnonis Astyr.  
 his paruus sonipes nec Marti natus, at idem 335  
 aut inconcusso glomerat uestigia dorso,  
 aut molli pacata celer rapit esseda collo.  
 Cydnus agit, iuga Pyrenes uenatibus acer

metiri iaculouae extendere proelia Mauro.  
 Venere et Celtae sociati nomen Hiberis. 340  
 his pugna cecidisse decus, corpusque cremari  
 tale nefas: caelo credunt superisque referri,  
 impastus carpat si membra iacentia uultur.  
 Fibrarum et pennae diuinarumque sagacem  
 flammaram misit diues Callaecia pubem, 345  
 barbara nunc patriis ululantem carmina linguis,  
 nunc pedis alterno percussa uerbere terra  
 ad numerum resonas gaudentem plaudere caetras.  
 haec requies ludusque uiris, ea sacra uoluptas.  
 cetera femineus peragit labor: addere sulco 350  
 semina et impresso tellurem uertere aratro  
 segne uiris. quicquid duro sine Marte gerendum,  
 Callaici coniunx obit inrequieta mariti.  
 hos Viriathus agit Lusitanumque remotis  
 extractum lustris, primo Viriathus in aeuo, 355  
 nomen Romanis factum mox nobile damnis.  
 Nec Cerretani, quondam Tiryntia castra,  
 aut Vasco insuetus galeae ferre arma morati,  
 non, quae Dardanos post uidit, Iberda, furores,  
 nec qui Massageten monstrans feritate parentem 360  
 cornipedis fusa satiaris, Concane, uena.  
 iamque Ebusus Phoenissa mouet, mouet Arbacus arma  
 aelyde uel tenui pugnax instare ueruto,  
 iam cui Tlepolemus sator et cui Lindus origo,  
 funda bella ferens Baliaris et alite plumbo, 365  
 et quos nunc Grauios uiolato nomine Graium  
 Oeneae misere domus Aetolaque Tyde.  
 dat Carthago uiros, Teucro fundata uetusto,  
 Phocaicae dant Emporiae, dat Tarraco pubem  
 uitifera et Latio tantum cessura Lyaeo. 370  
 hos inter clara thoracis luce nitebat  
 Sedetana cohors, quam Sucro rigentibus undis  
 atque altrix celsa mittebat Saetabis arce,  
 Saetabis et telas Arabum spreuisse superba  
 et Pelusiaco filum componere lino. 375  
 Mandonius populis domitorque insignis equorum  
 imperitat Caeso, et socio stant castra labore.  
 At Vettonum alas Balarus probat aequore aperto,  
 hic adeo, cum uer placidum flatusque tepescit,  
 concubitus seruans tacitos grex perstat equarum 380  
 et Venerem occultam genitali concipit aura.  
 sed non multa dies generi, properatque senectus,  
 septimaque his stabulis longissima ducitur aestas.  
 At non Sarmaticos attollens Vxama muros  
 tam leuibus persultat equis: hinc uenit in arma 385  
 haud aeui fragilis sonipes crudoque uigore  
 asper frena pati aut iussis parere magistris.

Rhyndacus his ductor, telum sparus; ore ferarum  
et rictu horrificant galeas. uenatibus aeuum  
transigitur, uel more patrum uis raptaque pascunt. 390

Fulget praecipuis Parnasia Castulo signis  
et celebre Oceano atque alternis aestibus Hispal  
ac Nebrissa dei Nysaeis conscia thyrsis,  
quam Satyri coluere leues redimitaque sacra  
nebride et arcano Maenas nocturna Lyaeo. 395

Arganthoniacos armat Carteia nepotes.  
rex proauis fuit humani ditissimus aeui,  
ter denos decies emensus belliger annos.  
armat Tartessos stabulanti conscia Phoebo  
et Munda Emathios Italis paritura labores. 400

nec decus auriferae cessauit Corduba terrae.  
hos duxere uiros flauenti uertice Phorcys  
spiciferisque grauis bellator Arauricus oris,  
aequales aeui, genuit quos ubere ripa  
Palladio Baetes umbratus cornua ramo. 405

Talia Sidonius per campos agmina ductor  
puluere nigrantis raptat lustransque sub armis,  
qua uisu comprehendere erat, fulgentia signa  
ibat ouans longaque umbram tellure trahebat.  
non aliter, quotiens perlabitur aequora curru 410  
extremamque petit, Phoebea cubilia, Tethyn  
frenatis Neptunus equis, fluit omnis ab antris  
Nereidum chorus et sueto certamine nandi  
candida perspicuo conuertunt brachia ponto.

At Pyrenaei frondosa cacumina montis 415  
turbata Poenus terrarum pace petebat.  
Pyrene celsa nimborum uerticibus arce  
diuisos Celtis late prospectat Hiberos  
atque aeterna tenet magnis diuortia terris.

nomen Bebrycia duxere a uirgine colles, 420  
hospitis Alcidae crimen, qui, sorte laborum  
Geryonae peteret cum longa tricorporis arua,  
possessus Baccho saeua Bebrycis in aula  
legendam formae sine uirginitate reliquit

Pyrenen, letique deus, si credere fas est, 425  
causa fuit leti miserae deus. edidit aluo  
namque ut serpentem patriasque exhorruit iras,  
confestim dulcis liquit turbata penates.

tum noctem Alcidae solis plangebatur in antris  
et promissa uiri siluis narrabat opacis, 430

donec maerentem ingratos raptoris amores  
tendentemque manus atque hospitis arma uocantem  
diripere ferae. laceros Tirynthius artus,  
dum remeat uictor, lacrimis perfudit et amens  
palluit inuento dilectae uirginis ore. 435  
at uoce Herculeae percussa cacumina montis



intremuere iugis: maesto clamore ciebat  
Pyrenen, scopulique omnes ac lustra ferarum  
Pyrenen resonant. tumulo tum membra reponit  
supremum inlacrimans, nec honos intercidit aeuo, 440  
defletumque tenent montes per saecula nomen.

Iamque per et collis et densos abiete lucos  
Bebryciae Poenus fines transcenderat aulae.  
inde ferox quaesitum armis per inhospita rura  
Volcarum populatur iter tumidique minaces 445  
accedit Rhodani festino milite ripas.

aggeribus caput Alpinis et rupe niuali  
proserit in Celtas ingentemque extrahit amnem  
spumanti Rhodanus proscindens gurgite campos  
ac prope in pontem lato ruit incitus alueo. 450

auget opes stanti similis tacitoque liquore  
mixtus Arar, quem gurgitibus complexus anhelis  
cunctantem immergit pelago raptumque per arua  
ferre uetat patrium uicina ad litora nomen.

inuadunt alacres inimicum pontibus amnem: 455  
nunc celso capite et ceruicibus arma tuentur,  
nunc ualidis gurges certatim frangitur ulnis.  
fluminea sonipes religatus ducitur alno,  
belua nec retinet tardante Libyssa timore.

nam trabibus uada et iniecta tellure repertum 460  
conexas operire trabes ac ducere in altum  
paulatim ripae resolutis aggere uinclis.  
at gregis inlapsu fremebundo territus atras  
expauit moles Rhodanus stagnisque refusis  
torsit harenoso minitancia murmura fundo. 465

Iamque Tricastinis incedit finibus agmen,  
iam facilis campos, iam rura Vocontia carpit.  
turbidus hic truncis saxisque Druentia laetum  
ductoris uastauit iter. namque Alpibus ortus  
auulsas ornos et adesi fragmina montis 470

cum sonitu uoluens fertur latrantibus undis  
ac uada translato mutat fallacia cursu,  
non pediti fidus, patulis non puppibus aequus.  
et tunc imbre recens fuso correpta sub armis  
corpora multa uirum spumanti uertice torquens 475  
immersit fundo laceris deformia membris.

Sed iam praeteritos ultra meminisse labores  
conspectae propius dempsere pauentibus Alpes.  
cuncta gelu canaque aeternum grandine tecta  
aequaeuam glaciem cohibent: riget ardua montis 480

aetherii facies surgentique obuia Phoebos  
duratas nescit flammis mollire pruinas.  
quantum Tartareus regni pallentis hiatus  
ad manis imos atque atrae stagna paludis  
a supera tellure patet, tam longa per auras 485

erigitur tellus et caelum intercipit umbra.  
nullum uer usquam nullique aestatis honores.  
sola iugis habitat diris sedesque tuetur  
perpetuas deformis hiemps; illa undique nubes  
huc atras agit et mixtos cum grandine nimbos. 490  
iam cuncti flatus uentique furentia regna  
Alpina posuere domo. caligat in altis  
obtusis saxibus, abeuntque in nubila montes.  
mixtus Athos Tauro Rhodopeque adiuncta Mimanti  
Ossaque cum Pelio cumque Haemo cesserit Othrys. 495  
primus inexpertas adiit Tirynthius arces.  
scindentem nubes frangentemque ardua montis  
spectarunt superi longisque ab origine saeculis  
intemerata gradu magna uis saxa domantem.  
At miles dubio tardat uestigia gressu, 500  
impia ceu sacros in finis arma per orbem,  
Natura prohibente, ferant diuisque repugnent.  
contra quae ductor non Alpius ille nec ullo  
turbatus terrore loci, sed languida maestis  
corda uirum fouet hortando reuocatque uigorem: 505  
' Non puer obsequio superum fessosque secundis,  
post belli decus atque acies, dare terga uiuosis  
montibus et segnes summittere rupibus arma?  
nunc, o nunc, socii, dominantis moenia Romae  
credite uos summumque Iouis conscendere culmen. 510  
hic labor Ausoniam et dabit hic in uincula Thybrim.'  
nec mora. commotum promissis ditibus agmen  
erigit in collem et uestigia linquere nota  
Herculis edicit magni crudisque locorum  
ferre pedem ac proprio turmas euadere calle. 515  
rumpit inaccessos aditus atque ardua primus  
exuperat summaque uocat de rupe cohortes.  
tum, qua durati concreto frigore collis  
lubrica frustratur canenti semita cliuo,  
luctantem ferro glaciem cremat: haurit hiatu 520  
nix resoluta uiros altoque e culmine praeceps  
umenti turmas operit delapsa ruina.  
interdum aduerso glomeratas turbine Corus  
in media ora niues fuscis agit horridus alis,  
aut rursus immani stridens auulsa procella 525  
nudatis rapit arma uiris uoluensque per orbem  
contorto rotat in nubes sublimia flatu.  
quoque magis subiere iugo atque euadere nisi  
erexere gradum, crescit labor. ardua supra  
sese aperit fessis et nascitur altera moles, 530  
unde nec edomitos exudatosque labores  
respexisse libet: tanta formidine plana  
exterrent repetita oculis, atque una pruinae  
canentis, quocumque datur permittere uisus,

ingeritur facies. medio sic nauita ponto,           535  
 cum dulcis liquit terras et inania nullos  
 inueniunt uentos securo carbasa malo,  
 immensas prospectat aquas ac uicta profundis  
 aequoribus fessus renouat sua lumina caelo.  
     Iamque super clades atque importuna locorum           540  
 inluuie rigidaeque comae squalore perenni  
 horrida semiferi promunt e rupibus ora,  
 atque effusa cauis exesi pumicis antris  
 Alpina inuadit manus adsuetoque uigore  
 per dumos notasque niues atque inuia pernix           545  
 clausum montiuagis infestat cursibus hostem.  
 mutatur iam forma locis. hic sanguine multo  
 infectae rubuere niues, hic nescia uinci  
 paulatim glacies cedit tepefacta cruore,  
 dumque premit sonipes duro uestigia cornu,           550  
 ungula perfossis haesit compressa pruinis.  
 nec pestis lapsus simplex: abscisa relincunt  
 membra gelu, fractosque asper rigor amputat artus.  
 bis senos soles, totidem per uulnera saeuas  
 emensi noctes optato uertice sidunt           555  
 castraque praeuuptis suspendunt ardua saxis.  
     At Venus, ancipiti mentem labefacta timore,  
 adfatur genitorem et rumpit maesta querelas:  
 ' Quis porae modus aut pereundi terminus, oro,  
 Aeneadis erit, et quando terrasque fretumque           560  
 emensis sedisse dabis? cur pellere nostros  
 a te concessa Poenus parat urbe nepotes?  
 Alpibus imposuit Libyam finemque minatur  
 imperio. casus metuit iam Roma Sagunti.  
 quo Troiae extremos cineres sacramque ruinam           565  
 Assaracique larem et Vestae secreta feramus?  
 da sedem, genitor, tutisque iacere. parumne est  
 exilia errantis totum quaesisse per orbem?  
 anne iterum capta repetentur Pergama Roma?'  
     His Venus, et contra genitor sic deinde profatur:           570  
 ' Pellametus, neu te Tyriae conamina gentis  
 turbarint, Cytherea: tenet longumque tenebit  
 Tarpeias arces sanguis tuus. hac ego Martis  
 mole uiros spectare paro atque expendere bello.  
 gens ferri patiens ac laeta domare labores           575  
 paulatim antiquo patrum desuescit honori,  
 atque ille, haud umquam parcus pro laude cruoris  
 et semper famae sitiens, obscura sedendo  
 tempora agit mutum uoluens inglorius aeuum  
 sanguine de nostro populus, blandoque ueneno           580  
 desidiae uirtus paulatim euicta senescit.  
 magnae molis opus multoque labore parandum,  
 tot populos inter soli sibi poscere regna.

iamque tibi ueniet tempus quo maxima rerum  
 nobilior sit Roma malis. hinc nomina nostro 585  
 non indigna polo referet labor, hinc tibi Paulus,  
 hinc Fabius gratusque mihi Marcellus opimis.  
 hi tantum parient Latio per uulnera regnum  
 quod luxu et multum mutata mente nepotes  
 non tamen euertisse queant. iamque ipse creatus 590  
 qui Poenum reuocet patriae Latioque repulsum  
 ante suae muros Carthaginis exuat armis.  
 hinc, Cytherea, tuis longo regnabitur aeuo.  
 exin se Curibus uirtus caelestis ad astra  
 efferet, et sacris augebit nomen Iulis 595  
 bellatrix gens bacifero nutrita Sabino.  
 hinc pater ignotam donabit uincere Thylen  
 inque Caledonios primus trahet agmina lucos,  
 compescet ripis Rhenum, reget impiger Afros  
 palmiferamque senex bello domitabit Idymen. 600  
 nec Stygis ille lacus uiduataque lumine regna,  
 sed superum sedem nostrosque tenebit honores.  
 tum iuuenis magno praecellens robore mentis  
 excipiet patriam molem celsusque feretur  
 aequatum imperio tollens caput. hic fera gentis 605  
 bella Palaestinae primo delebit in aeuo.  
 at tu transcendes, Germanice, facta tuorum,  
 iam puer auricomo praeformidate Batauo.  
 nec te terruerint Tarpei culminis ignes:  
 sacrilegas inter flammas seruabere terris. 610  
 nam te longa manent nostri consortia mundi.  
 huic laxos arcus olim Gangetica pubes  
 summittet, uacuasque ostendent Bactra pharetras.  
 hic et ab Arctoo currus aget axe per urbem,  
 ducet et Eoos, Baccho cedente, triumphos. 615  
 idem indignantem tramittere Dardana signa  
 Sarmaticis uictor compescet sedibus Histrum.  
 quin et Romuleos superabit uoce nepotes  
 quis erit eloquio partum decus. huic sua Musae  
 sacra ferent, meliorque lyra, cui substitit Hebrus 620  
 et uenit Rhodope, Phoebo miranda loquetur.  
 ille etiam, qua prisca, uides, stat regia nobis,  
 aurea Tarpeia ponet Capitolia rupe  
 et iunget nostro templorum culmina caelo.  
 tunc, o nate deum diuosque dature, beatas 625  
 imperio terras patrio rege. tarda senectam  
 hospitia excipient caeli, solioque Quirinus  
 concedet, mediumque parens fraterque locabunt:  
 siderei iuxta radiabunt tempora nati.  
 Dum pandit seriem uenturi Iuppiter aeui, 630  
 ductor Agenoreus tumulis delatus iniquis  
 lapsantem dubio deuexa per inuia nisu

firmabat gressum atque umentia saxa premebat.  
non acies hostisue tenet, sed prona minaci  
praerupto turbant et cautibus obuia rupes. 635  
stant clausi maerentque moras et dura uiarum.  
nec refouere datur torpentia membra quiete:  
noctem operi iungunt et robora ferre coactis  
approperant umeris ac raptas collibus ornos.  
iamque ubi nudarunt silua densissima montis, 640  
aggressere trabes, rapidisque accensus in orbem  
excoquitur flammis scopulus: mox proruta ferro  
dat gemitum putris resoluta pondere moles  
atque aperit fessis antiqui regna Latini.  
his tandem ignotas transgressus casibus Alpes 645  
Taurinis ductor statuit tentoria campis.

Interea uoces Iouis atque oracula portans  
emensis aderat Garamantum laetus harenis  
Bostar et ut uiso stimulabat corda Tonante:  
' Maime Belide, patriis qui moenibus arces 650  
seruitium dextra, Libycas penetrauimus aras.  
nos tulit ad superos perfundens sidera Syrtis,  
nos paene aequoribus tellus uiolentior hausit.  
ad finem caeli medio tenduntur ab orbe  
squalentes campi. tumulum Natura negauit 655  
immensis spatiis, nisi quem caua nubila torquens  
construxit turbo impacta glomeratus harena,  
uel si perfracto populatus carcere terras  
Africus et pontum spargens super aera Corus  
inuasere truces capientem proelia campum 660  
inque uicem ingesto cumularunt puluere montis.  
has obseruatis ualles enauimus astris.  
namque dies confundit iter, peditemque profundo  
errantem campo et semper media arua uidentem  
Sidoniis Cynosura regit fidissima nautis. 665  
uerum ubi defessi lucos nemorosaque regna  
cornigeri Iouis et fulgentia templa subimus,  
exceptos hospes tectis inducit Arisbas.  
stat fano uicina, nouum et memorabile, lymphae,  
quae nascente die, quae deficiente tepescit 670

ante pedes ensis Phrygius iacet, ordine centum  
stant arae caelique deis Ereboque potenti.  
hic, crine effuso, atque Hennaee numina diuae 675  
atque Acheronta uocat Stygia cum ueste sacerdos.  
immugit tellus rumpitque horrenda per umbras  
sibila; inaccensi flagrant altaribus ignes.  
tum magico uolitant cantu per inania manes  
exciti, uultusque in marmore sudat Elissae.  
Hannibal haec patrio iussu ad penetralia fertur, 680  
ingressique habitus atque ora explorat Hamilcar.

non ille euhantis Massylae palluit iras,  
non diros templi ritus aspersaque tabo  
limina et audito surgentis carmine flammās.

Olli permulcens genitor caput oscula libat                   685  
attollitque animos hortando et talibus implet:

' **C**ns recidiua Phrygum Cadmeae stirpis alumnos  
foederibus non aequa premit. si fata negarint  
dedecus id patriae nostra depellere dextra,  
haec tua sit laus, nate, uelis. age, concipe bella                   690  
latura exitium Laurentibus: horreat ortus  
iam pubes Tyrrhena tuos, partusque recusent  
te surgente, puer, Latiae producere matres.'

his acuit stimulis subicitque haud mollia dictu:  
' Romanos ~~tra~~ atque undis, ubi competet aetas,                   695  
ferro ignique sequar Rhoeteaque fata reuoluam.  
non superi mihi, non Martem cohibentia pacta,  
non celsae obstiterint Alpes Tarpeiaque saxa.  
hanc mentem iuro nostri per numina Martis,  
per manes, regina, tuos.' tum ~~nig~~a triformi                   700

hostia mactatur diuae, raptimque recludit  
spirantis artus poscens responsa sacerdos  
ac fugientem animam properatis consulit extis.

Ast ubi quaesitas artis de more uetustae  
intrauit mentes superum, sic deinde profatur:                   705

' **A**tolos late consterni milite campos  
Idaeoque lacus flagrantis sanguine cerno.  
quanta procul moles scopulis ad sidera tendit,  
cuius in aereo pendent tua uertice castra!  
iamque iugis agmen rapitur: trepidantia fumant                   710  
moenia, et Hesperio tellus porrecta sub axe  
Sidoniis lucet flammis. fluit ecce cruentus  
Eridanus. iacet ore truci super arma uirosque  
tertia qui tulerit sublimis opima Tonanti.

## Liber IV

Fama per Ausoniae turbatas spargitur urbes  
nubiferos montes et saxa minantia caelo  
accepisse iugum, Poenosque per inuia uectos,  
aemulaque Herculei iactantem facta laboris  
descendisse ducem. diros canit improba motus 5  
et gliscit gressu uolucrique citatior Euro  
terrificis quatit attonitas rumoribus arces.  
adstruit auditis docilis per inania rerum  
pascere rumorem uulgi pauor: itur in acris  
bellorum raptim curas, subitusque per omnem 10  
Ausoniam Mauors strepit et ciet arma uirosque.  
pila nouant, ac detersa rubigine saeuus  
induitur ferro splendor, niueumque repostae  
instaurant galeae coni decus; hasta iuuatur  
ammento, reuocantque noua fornace bipennis. 15  
conseritur tegimen laterum impenetrabile, multas  
passurus dextras atque inrita uulnera, thorax.  
pars arcu inuigilant, domitat pars uerbere anhelum  
cornipedem in gyros saxoque exasperat ensem.  
nec uero muris, quibus est luctata uetustas, 20  
ferre morantur opem; subuectant saxa cauasque  
retractant turris, edit quas longior aetas.  
hinc tela accipiunt arces, ac robora portis  
et fidos certant obices accersere silua,  
circumdant fossas. haud segnis cuncta magister 25  
praecipitat timor, ac uastis trepidatur in agris.  
deseruere larem: portant ceruicibus aegras  
attoniti matres ducentisque ultima fila  
grandaeuos rapuere senes, tum crine soluto  
ante agitur coniunx, dextra laeuaque trahuntur 30  
parui non aequo comitantes ordine nati.  
sic uulgus, traduntque metus, nec poscitur auctor.  
at patres, quamquam exterrent immania coepta  
inque sinu bellum, atque Alpes et peruia saxa  
decepere, tamen crudam contra aspera mentem 35  
et magnos tollunt animos. iuuat ire periclis  
ad decus et dextra memorandum condere nomen  
quale dedit numquam rebus Fortuna secundis.  
Sed Libyae ductor tuto fouet agmina uallo  
fessa gradum multoque gelu torpentia neruos, 40  
solandique genus, laetos ostentat ad urbem  
per campos superesse uiam, Romamque sub ictu.  
at non et rerum curas consultaque belli  
stare probat solusque nequit perferre quietem.

armiferae quondam prisca inter tempora gentes 45  
 Ausonium inuasere latus sedesque beatas  
 et metui peperere manu. mox impia bella  
 Tarpeius pater et capti sensere Quirites.  
 hic dum sollicitat donis et inania corda  
 ac fluxam morum gentem fouet armaque iungit, 50  
 iam consul uolucris praeuectus litora classe  
 Scipio Phocaicis sese referebat ab oris,  
 ingentisque duces, pelagi terraeque laborem  
 diuersum emensos, propiora pericula uallo  
 iungebant, magnaue aderant primordia cladis. 55  
 namque ut, conlatis admoto consule castris,  
 sustulerat Fortuna moras, signumque furoris  
 accensae uiso poscebant hoste cohortes:  
 ~debellata procul, quaecumque uocantur Hiberis,  
 ingenti Tyrius numerosa per agmina ductor 60  
 uoce sonat: non Pyrenen Rhodanumue ferocem  
 iussa aspernatos, Rutulam fumasse Saguntum,  
 raptum per Celtas iter, et, qua ponere gressum  
 Amphitryoniadae fuerit labor, isse sub armis  
 Poenorum turmas, equitemque per ardua uectum 65  
 insultasse iugo, et fremuisse hinnitibus Alpes.  
 Contra pulchra suos uocat ad discrimina consul:  
 ' Hic, miles, habes fractum ambustumque niuosis  
 cautibus atque aegre torpentia membra trahentem.  
 en age, qui sacros montis rupesque profundas 70  
 transiluit, discat quanto stet celsius arce  
 Herculea uallum, et maius sit scandere collis  
 an uestros rupisse globos. det inania fama,  
 dum magna fuso pugna retroque ruenti,  
 qua uentum est, obstent Alpes. super ardua ductum 75  
 huc egere dei, Latios ut sanguine finis  
 imbueret, tellusque hostilis conderet ossa.  
 scire libet, noua nunc nobis atque altera bellum  
 Carthago, an eadem mittat, quae mersa sub aequor  
 Aegatis inter uasto iacet obruta ponto.' 80  
 Haec ait atque agmen Ticini flectit ad undas.  
 caeruleas Ticinus aquas et stagna uadoso  
 perspicuus seruat turbari nescia fundo  
 ac nitidum uiridi lente trahit amne liquorem.  
 uix credas labi: ripis tam mitis opacis 85  
 argutos inter uolucrum certamine cantus  
 somniferam ducit lucenti gurgite lympham.  
 Iamque sub extremum noctis fugientibus umbris  
 lux aderat, Somnusque suas confecerat horas.  
 explorare locos consul collisque propinqui 90  
 ingenium, et campis quae sit natura, parabat.  
 par studium Poeno similesque in pectore curae.  
 ergo aderant rapidis equitum comitantibus alis.



Verum ubi commoto docuerunt puluere nubes  
 hostem ferre gradum, et propius propiusque sonoro 95  
 quadrupedum cornu tellus gemit, ac simul acer  
 uincentum lituos hinnitus saeuit equorum,  
 ' Ama, uiri, rapite arma, uiri,' dux instat uterque.  
 ambobus uelox uirtus geminusque cupido  
 laudis et ad pugnas Martemque insania concors. 100

Haud mora. iam tantum campi dirimebat ab ictu  
 quantum impulsa ualet comprehendere lancea nodo,  
 cum subitum liquida non ullis nubibus aethra  
 augurium mentes oculosque ad sidera uertit.  
 accipiter medio tendens a limite solis 105  
 dilectas Veneri notasque ab honore Diones  
 turbabat uiolentus aues atque unguibus idem,  
 idem nunc rostro, duris nunc ictibus alae,  
 ter quinas dederat saeua inter uulnera leto.  
 nec finis satiesue, noui sed sanguinis ardor 110  
 gliscere, et urgebat trepidam iam caede priorum  
 incertamque fugae pluma labente columbam,  
 donec Phoebeo ueniens Iouis ales ab ortu  
 in tenuis tandem nubis dare terga coegit.  
 tum uictrix laetos signa ad Romana uolatus 115  
 conuertit, prolesque ducis qua parte decora  
 Scipio quassabat puerilibus arma lacertis,  
 clangorem bis terque dedit, rostroque coruscae  
 perstringens conum galeae se reddidit astris.

Exclamat Liger (huic superos sentire monentis 120  
 ars fuit ac penna monstrare futura magistra):  
 ' Poeta, bis octonos Italis in finibus annos  
 audaci similis uolucris sectabere pubem  
 Ausoniam multamque feres cum sanguine praedam.  
 sed compesce minas: renuit tibi Daunia regna 125  
 armiger ecce Iouis. nosco te, summe deorum:  
 adsis o firmesque tuae, pater, alitis omen.  
 nam tibi seruantur, ni uano cassa uolatu  
 mentitur superos praepes, postrema subactae  
 fata, puer, Libyae et maius Carthagine nomen.' 130

Contra laeta Bogus Tyrio canit omina regi,  
 et faustum accipitrem caesasque in nube uolucres  
 Aeneadis cladem et Veneris portendere genti.  
 tum dictis comitem contorquet primus in hostis  
 ceu suadente deo et fatorum conscius hastam. 135  
 illa uolans patuli longe per inania campi  
 ictum perdiderat spatium, ni fusus habenas  
 dum primae decus adfectat decerpere pugnae  
 obuia quadrupedis praeceps Catus ora tulisset.  
 sic elanguescens ac iam casura petitum 140  
 inuenit uulnus caedemque accepit ab hoste  
 cornus et oblatae stetit inter tempora frontis.

Incurrunt acies, magnoque fragore per aequor  
 suspendunt cuncti frenis sublime reductos  
 cornipedes ultroque ferunt. erectus in auras 145  
 it sonipes rapidaque uolans per aperta procella  
 tenuia uix summo uestigia puluere signat.  
 Boiorum ante alias Crixo duce mobilis ala  
 arietat in primos obicitque immania membra.  
 ipse tumens atai Brenni se stirpe ferebat 150  
 Crixus et in titulos Capitolia capta trahebat,  
 Tarpeioque iugo demens et uertice sacro  
 pensantes aurum Celtas umbone gerebat.  
 colla uiri fuluo radiabant lactea torque,  
 auro uirgatae uestes, manicaeque rigebant 155  
 ex auro, et simili uibrabat crista metallo.

Sternitur impulsu uasto perculsa Camertum  
 prima phalanx, spissaeque ruunt conferta per arma  
 undae Boiorum: sociata examina densent  
 infandi Senones, conlisaque quadrupedantum 160  
 pectoribus toto uoluuntur corpora campo.  
 arua natant, altusque uirum cruor, altus equorum  
 lubrica belligerae sorbet uestigia turmae.  
 seminecum letum peragit grauis ungula pulsu  
 et circumuolitans taetros e sanguine rores 165  
 spargit humo miserisque suo lauit arma cruore.  
 spicula prima, puer, tumidi, Tyrrhene, Pelori  
 purpureo moriens uictricia sanguine tinguis.  
 nam tibi, dum stimulas cornu atque in proelia mentes  
 accendis renouasque uiros ad uulnera cantu, 170  
 haesit barbaricum sub anhelo gutture telum  
 et clausit raucum letali uulnere murmur.  
 at sonus extremo morientis fusus ab ore  
 flexa pererrauit mutis iam cornua labris.  
 Crixus Picentem Laurumque, nec eminus ambo, 175  
 sed gladio Laurum++Picenti rasilis hasta  
 ripis lecta Padi letum tulit. auia namque  
 dum petit ac laeuo meditatur fallere gyro,  
 hasta uiri femur et pariter per anhela uolantis  
 ilia sedit equi et geminam dedit horrida mortem. 180  
 idem sanguinea Venuli ceruice reuellens  
 sternit praecipitem tepido te, Farfare, telo  
 et te sub gelido nutritum, Tulle, Velino,  
 egregium Ausoniae decus ac memorabile nomen,  
 si dent fata moras aut seruent foedera Poeni, 185  
 tum Remulum atque, olim celeberrima nomina bello,  
 Tiburtis Magios Hispellatemque Metaurum  
 et Clanium dubia meditantem cuspide uulnus.

Nec locus est Tyriis belli pugnaeue, sed omnem  
 Celticus impleuit campum furor. inrita nulli 190  
 spicula torquentur, statque omne in corpore ferrum.

hic inter trepidos immane Quirinius audens,  
 cui fugere ignotum atque inuicta mente placebat  
 rebus in aduersis exceptum pectore letum, 195  
 cuspide flammam ac dispergit gaesa lacerto,  
 si reserare uiam atque ad regem rumpere ferro  
 detur iter, certusque necis petit omnibus ausis,  
 quod nequeat sentire, decus. cadit inguine fosso  
 Teutalus, et uasto quatitur sub pondere tellus.  
 occumbit Sarmens, flauam qui ponere uictor 200  
 caesariem crinemque tibi, Gradiue, uouebat  
 auro certantem et rutilum sub uertice nodum.  
 sed Parcae intonsa non exaudita uouentem  
 ad manes traxere coma. per candida membra  
 it fumans cruor, et tellus perfusa rubescit. 205  
 at non tardatus iaculo occurrente Ligaunus  
 inruit aduersumque uiro rotat obuius ensem  
 et ferit insurgens, umero qua brachia lenti  
 adnectunt nerui, decisaque uulnere dextra  
 laxatis paulum moribunda pendit habenis, 210  
 dumque micans tremulo conatu lora retemptat,  
 flectentem adsuetos imitatur nescia frenos.  
 demetit auersi Vosegus tum colla, iubaque  
 suspensam portans galeam atque inclusa perempti  
 ora uiri, patrio diuos clamore salutat. 215  
 Dumque ea Gallorum populi dant funera campo,  
 accitas propere castris in proelia consul  
 raptabat turmas primusque ruebat in hostem  
 candenti sublimis equo. trahit undique lectum  
 diuitis Ausoniae iuuenem, Marsosque Coramque 220  
 Laurentumque decus iaculatoremque Sabellum  
 et Gradiuicolam celso de colle Tudertem  
 indutosque simul gentilia lina Faliscos,  
 quosque sub Herculeis ~taciturno flumine muris  
 pomifera arua creant Anienicolae Catilli, 225  
 quosque in praegelidis duratos Hernica riuis  
 mittebant saxa et nebulosi rura Casini.  
 ibant in Martem terrae dominantis alumni  
 damnati superis nec iam reditura iuuentus.  
 Scipio qua medius pugnae uorat agmina uertex 230  
 infert cornipedem atque instinctus strage suorum  
 inferias caesis mactat Labarumque Padumque  
 et Caunum et multo uix fusum uulnere Breucum  
 Gorgoneoque Larum torquentem lumina uultu.  
 occidis et tristi, pugnax Lepontice, fato; 235  
 nam dum frena ferox obiecto corpore prensat  
 atque aequat celsus residentis consulis ora  
 ipse pedes, frontem in mediam grauis incidit ensis,  
 et diuisum umeris iacuit caput. at Batus, amens  
 qui luctatur equo parmaque incursibus obstat, 240

ictu quadrupedis fulua porrectus harena  
 elisa incussis amisit calcibus ora.  
 perfurit Ausonius turbata per aequora ductor,  
 ceu Geticus Boreas, totum cum sustulit imo  
 Icarium fundo uictor mare: nauita uasto 245  
 iactatur sparsus lacerata classe profundo,  
 cunctaque canenti perfunditur aequore Cyclas.  
     Crixus, ut in tenui spes exiguumque salutis,  
     ..... 248a  
 armat contemptu mentem necis. horrida barba  
 sanguinea rutilat spuma, rictusque furentis  
 albet, et adfuso squalent a puluere crines.  
 inuadit Tarium uicino consule pugnas  
 miscentem saeuisque uirum circumtonat armis.  
 uoluitur ille solo; nam pronum effundit in armos  
 fata extrema ferens abies, rapiturque pauore 255  
 tractus equi uinctis conexa ad cingula membris.  
 longa cruor sparso linqvit uestigia campo,  
 et tremulos cuspis ductus in puluere signat.  
 laudabat leti iuuenem egregiosque parabat  
 ulcisci consul manis, cum dira per auris 260  
 uox uenit, et Crixum ferri clamoribus audit,  
 haud notum uultu. surgit uiolentior ira  
 comminus atque oculos optato in corpore figit.  
 tum stimulans grato plausae ceruicis honore  
 cornipedem adloquitur: ' Vulgum Martemque minorem 265  
 mox, Gargane: uocant superi ad maiora. uidesne,  
 quantus eat Crixus? iam nunc tibi praemia pono  
 illum Sidonio fulgentem ardore tapeta,  
 barbaricum decus, et fuluis donabere frenis.'  
 sic fatus, magno Crixum clamore ciebat 270  
 in pugnam ac uacuo poscebat proelia campo.  
 nec detractantem par ira accenderat hostem.  
 ut iussae cessere retro spatiumque dederunt  
 hinc atque hinc alae et medio stetit aequore pugna,  
 quantus Phlegraeis Telluris alumnus in aruis 275  
 mouit signa Mimas caelumque exterruit armis,  
 tantus semifero Crixus sub pectore murmur  
 torquet et horrisonis ululatibus erigit iras:  
 ' Nunc mone incensae captaeque superfuit urbi,  
 ut tibi, quas Brenni populus ferremus in arma, 280  
 narraret, dextras? disce en nunc' inquit teuna  
 contorquet nodis et obusto robore diram  
 uel portas quassare trabem. sonat illa tremendum,  
 at nimio iactu seruasse improuida campi  
 distantis spatium propiorem transuolat hostem. 285  
 cui consul: ' Fere haec umbris proauoque memento,  
 quam procul occumbas Tarpeia sede, tibi que  
 haud licitum sacri Capitolia cernere montis.'

tum nodo cursuque leui simul adiuuat hastam,  
 dignum mole uiri nisus. fugit illa per oras 290  
 multiplicis lini subtextaque tegmina neruis  
 atque altum tota metitur cuspide pectus.  
 procumbit lata porrectus in arua ruina,  
 et percussa gemit tellus ingentibus armis.  
 haud aliter structo Tyrrhena ad litora saxo 295  
 pugnatura fretis subter caecisque procellis,  
 pila immane sonans impingitur ardua ponto:  
 immugit Nereus, diuisaque caerulea pulsu  
 inlisum accipiunt irata sub aequora montem.  
 ductore amisso pedibus se credere Celtae: 300  
 una spes anima tantusque pependerit ardor.  
 ac ueluti, summo uenator densa Picano  
 cum lustra exagitat spissisque cubilibus atram  
 immittit passim dumosa per inuia pestem,  
 dum tacitas uires et flammam colligit ignis, 305  
 nigranti piceus sensim caligine uertex  
 uoluitur et pingui contorquet nubila fumo:  
 mox subita in toto lucent incendia monte,  
 fit sonitus, fugere ferae, fugere uolucres,  
 atque ima longe trepidant in ualle iuuencae. 310

At Mago, ut uertisse globos primumque laborem,  
 qui solus genti est, cas<s>um uidet, arma suorum  
 ac patrium in pugnas equitem uocat. undique nudi  
 adsiliunt frenis infrenatique manipuli.  
 nunc Itali in tergum uersis referuntur habenis, 315  
 nunc rursus Tyrias retro pauor auehit alas,  
 aut illi dextros lunatis flexibus orbes,  
 aut illi laeuos sinuant in cornua gyros.  
 texunt alterno glomerata uolumina cursu  
 atque eadem refuga cedentes arte resoluunt. 320  
 hac pontum uice, ubi exercet discordia uentos,  
 fert Boreas Eurusque refert molemque profundi  
 nunc huc alterno, nunc illuc, flamine gestant.

Aduolat aurato praeifulgens murice ductor  
 Sidonius, circaque Metus Terrorque Furorque. 325  
 isque ubi Callaici radiantem tegminis orbem  
 extulit et magno percussit lumine campos,  
 spes uirtusque cadunt, trepidaque a mente recedit  
 uertere terga pudor, nec leti cura decori,  
 sed fugere infixum est, terraeque optantur hiatus. 330  
 sic, ubi Caucaseis tigris se protulit antris,  
 linquntur campi, et tutas petit omne latebras  
 turbatum insano uultu pecus: illa pererrat  
 desertas uictrix uallis, iamque ora reducto  
 paulatim nudat rictu, ut praesentia mandens 335  
 corpora, et immani stragem meditatur hiatu.  
 non illum Metabus, non illum celsior Vfens

euasere tamen, quamuis hic alite planta,  
 hic ope cornipedis totis ferretur habenis.  
 nam Metabum ad manis demisit cuspide fulgens 340  
 fraxinus, Vfentem conlapsum poplite caeso  
 ensis obit laudemque pedum cum sanguine ademit.  
 iamque dedit leto Sthenium Laurumque domoque  
 Collinum gelida, uiridi quem Fucinus antro  
 nutrierat dederatque lacum tramittere nando. 345  
 fit socius leti coniecta Massicus hasta,  
 uitiferi sacro generatus uertice montis  
 et Liris nutritus aquis, qui f<r>onte quieta  
 dissimulat cursum ac nullo mutabilis imbri  
 perstringit tacitas gemmanti gurgite ripas. 350  
 [exoritur rabies caedum, ac uix tela furori  
 sufficiunt. teritur iunctis umbonibus umbo,  
 pesque pedem premit, et nutantes casside cristae  
 hostilem tremulo pulsant conamine frontem.]  
 Tergemini primam ante aciem fera proelia fratres 355  
 miscebant, quos Ledaeo Sidonia Barce  
 Xant<h>ippo felix uteri inter bella creatat.  
 res Graiae ductorque parens ac nobile Amyclae  
 nomen et iniectus Spartanis colla catenis  
 Regulus inflabant ueteri praecordia fama. 360  
 Marte probare genus factisque Lacona parentem  
 ardebant gelidosque dehinc inuisere montis  
 Taygeta et tandem bellis innare subactis  
 Eurotan patrium ritusque uidere Lycurgi.  
 sed Spartam penetrare deus fratresque negarunt 365  
 Ausonii, totidem numero, quos miserat altis  
 Egeriae genitos immitis Aricia lucis,  
 aetatis mentisque pares; at non dabat ultra  
 Clotho dura lacus aramque uidere Dianae.  
 namque ut in aduersos impacti turbine pugnae 370  
 Eumachus et Critias et laetus nomine patris  
 Xanthippus iunxere gradus, (ceu bella leones  
 inter se furibunda mouent et murmure anhelo  
 squalentis campos ac longa mapalia complent:  
 omnis in occultas rupis atque auia pernix 375  
 Maurus saxa fugit, coniunxque Libyssa profuso  
 uagium cohibens suspendit ab ubere natos;  
 illi dira fremunt, perfractaque in ore cruento  
 ossa sonant, pugnantque feri<s> sub dentibus artus)  
 haud secus Egeriae pubes, hinc Virbius acer, 380  
 hinc Capys, adsiliunt paribusque Albanus in armis.  
 subsidens paulum perfossa proruit aluo  
 Albanum Critias: ast illi cuncta repente  
 implerunt clipeum miserando uis<c>era lapsu.  
 Eumachus inde Capyn++sed tota mole tenebat 385  
 ceu fixum membris tegimen; tamen improbus ensis

adnexam parmae decidit uulnere laeuam,  
 inque suo pressa est non reddens tegmina nisu  
 infelix manus atque haesit labentibus armis.  
 ultima restabat fuis iam palma duobus 390  
 Virbius. huic trepidos simulanti ducere gressus  
 Xanthippus gladio, rigida cadit Eumachus hasta,  
 et tandem aequatae geminato funere pugnae.  
 inde alterna uiris transegit pectora mucro,  
 inque uicem erepta posuerunt proelia uita. 395  
 felices leti, pietas quos addidit umbris!  
 optabunt similes uenientia saecula fratres,  
 aeternumque decus memori celebrabitur aeuo,  
 si modo ferre diem serosque uidere nepotes  
 carmina nostra ualent, nec famam inuidit Apollo. 400

At consul toto palantis aequore turmas  
 uoce tenet, dum uoce uiget: ' Quoigna refertis?  
 quis uos heu uobis pavor abstulit? horrida primi  
 si sors uisa loci pugnaeque lacessere frontem,  
 post me state uiri et pulsa formidine tantum 405  
 aspiciate! has dextras capti genuere parentes  
 quas fugitis. quae spes uictis? Alpesne petemus?  
 ipsam turrigero portantem uertice muros  
 credite summissas Romam nunc tendere palmas.  
 natorum passim raptus caedemque parentum 410  
 Vestalisque focos extinguere sanguine cerno.  
 hoc arcete nefas!' postquam inter talia crebro  
 clamore obtusae crassoque a puluere fauces,  
 hinc laeua frenos, hinc dextra corripit arma  
 et latum obiectat pectus strictumque minatur 415  
 nunc sibi, nunc trepidis, ni restent, comminus ensem.

Quas acies alto genitor dum spectat Olympo,  
 consulis egregii mouere pericula mentem.  
 Graduum uocat et patrio sic ore profatur:  
 ' Magnanimi me, nate, uiri, ni bella capessis 420  
 haud dubie extremus, terret labor: eripe pugnae  
 ardentem, oblitumque sui dulcedine caedum  
 siste ducem Libyae; nam plus petit improbus uno  
 consulis exitio tota quam strage cadentum.  
 praeterea, cernis, tenerae qui proelia dextrae 425  
 iam credit puer atque annos transcendere factis  
 molitur longumque putat pubescere bello,  
 te duce primitias pugnae, te magna magistro  
 audeat et primum hoc uincat, seruasse parentem.'

Haec rerum sator. at Mauors in proelia currus 430  
 Odrysia tellure uocat. tum fulminis atri  
 spargentem flammam clipeum galeamque deorum  
 haud ulli facilem multoque labore Cyclosum  
 sudatum thoraca capit quassatque per auras  
 Titanum bello satiatam sanguinis hastam 435

atque implet curru campos. exercitus una  
 Irarum Eumenidesque simul letique cruenti  
 innumerae facies, frenisque operata regendis  
 quadriugos atro stimulat Bellona flagello.  
 fertur ab immenso tempestas horrida caelo 440  
 nigrantisque globos et turbida nubila torquens  
 inuoluit terras. quatitur Saturnia sedes  
 ingressu tremefacta dei, ripasque relinquit  
 audito curru fontique relabatur amnis.  
 Ductorem Ausonium telis Garamantica pubes 445  
 cinxerat et Tyrio regi noua dona parabat  
 armorum spolium ac rorantia consulis ora.  
 stabat Fortunae non cedere certus et acri  
 mole retorquebat crudescens caedibus hastas,  
 iamque suo, iamque hostili perfusa cruore 450  
 membra madent, cecidere iubae, gyroque per orbem  
 artato Garamas iaculis propioribus instat  
 ~et librat saeua coniectum cuspide ferrum.  
 hic puer ut patrio defixum corpore telum  
 conspexit, maduere genae, subitoque trementem 455  
 corripuit pallor, gemitumque ad sidera rupit.  
 bis conatus erat praecurrere fata parentis  
 conuersa in semet dextra, bis transtulit iras  
 in Poenos Mauors. fertur per tela, per hostis  
 intrepidus puer et Graduum passibus aequat. 460  
 continuo cessere globi, latusque repente  
 apparet campo limes. metit agmina tectus  
 caelesti clipeo et sternit super arma iacentum  
 corporaque auctorem teli multasque paternos  
 ante oculos animas, optata piacula, mactat. 465  
 tunc rapta propere duris ex ossibus hasta  
 innixum ceruice ferens umeroque parentem  
 emicat. attonitae tanta ad spectacula turmae  
 tela tenent, ceditque loco Libys asper, et omnis  
 late cedit Hiber, pietasque insignis et aetas 470  
 belligeris fecit miranda silentia campis.  
 tum celso e curru Mauors ' Cithaginis arces  
 excindes' inquit ' Atque ad foedera coges.  
 nulla tamen longo tanta exorietur in aeuo  
 lux tibi, care puer. macte, o macte indole sacra, 475  
 uera Iouis proles. et adhuc maiora supersunt,  
 sed nequeunt meliora dari.' tum nubila Mauors  
 aetheraque emenso terras iam sole capessit,  
 et fessas acies castris clausere tenebrae.  
 Condebat noctem deuexo Cynthia curru 480  
 fraternis adflata rotis, et ab aequore Eoo  
 surgebant roseae media inter caerula flammae.  
 at consul tristis campos Poenisque secundam  
 planitiem metuens Trebiam collisque petebat.



iamque dies rapti cursu nauoque labore, 485  
 et medio abruptus fluitabat in amne solutis  
 pons uinclis, qui Dardanium trauxerat agmen,  
 Eridani rapidas aderat cum Poenus ad undas.  
 dumque uada et mollis aditus per deuia flexo  
 circuitu petit et stagni languentia quaerit, 490  
 interdum rapta uicinis saltibus alno  
 flumineam textit, qua trauehat agmina, classem:  
 ecce aderat Trebiaeque simul uicina tenebat  
 Trinacrio accitus per caerula longa Peloro,  
 Gracchorum proles, consul. gens inclita magno 495  
 atque animosa uiro, multusque in imagine claris  
 praefulgebat auus titulis bellique domique.  
 Nec Poeni positis trans amnem in gramine castris  
 deerant. namque animos stimulabant prospera rerum  
 increpitansque super ductor: ' Quis ærtius urbi 500  
 iam superest consul? quaenam altera restat in armis  
 Sicania? en omnes Latiae Daunique nepotum  
 conuenere manus. feriant nunc foedera mecum  
 ductores Italum ac leges et pacta reposcant.  
 at tu, donata tela inter Martia luce, 505  
 infelix animae, sic, sic uiuasque tuoque  
 des iterum hanc laudem nato; nec fine sub aeu  
 oppetere in bello detur, cum fata uocabunt.  
 pugnantem cecidisse meum est.' hæc personat ardens.  
 inde leui iaculo Massylumque impiger alis 510  
 castra sub ipsa datis inritat et elicit hostem.  
 Nec Latius uallo miles debere salutem  
 fas putat aut clausas pulsari cuspide portas.  
 erumpunt, cunctisque prior uolat aggere aperto  
 degener haud Gracchis consul. quatit aura comantis 515  
 cassidis Auruncae cristas, umeroque refulget  
 sanguinei patrium saguli decus. agmina magno  
 respectans clamore uocat, quaque obuia densos  
 artat turba globos rumpens iter aequore fertur,  
 ut torrens celsi praeceps e uertice Pindi 520  
 cum sonitu ruit in campos magnoque fragore  
 auulsum montis uoluit latus: obuia passim  
 armenta immanesque ferae siluaeque trahuntur,  
 spumea saxosis clamat conuallibus unda.  
 Non, mihi Maeoniae redeat si gloria linguae 525  
 centenasque pater det Phoebus fundere uoces,  
 tot caedes proferre queam, quot dextera magni  
 consulis aut contra Tyriae furor edidit irae.  
 Murranum ductor Libyae, ductorque Phalantum  
 Ausonius, gnaros belli ueteresque laborum, 530  
 alter in alterius fuderunt cominus ore.  
 monte procelloso Murranum miserat Anxur,  
 Tritonis ~niueo te sacra, Phalante, profundo.

ut primum insigni fulsit uelamine consul,  
 quamquam orbis partem uisus unoque Cupencus 535  
 lumine sufficiens bellis citat improbus hastam  
 et summae figit tremebundam margine parmae.  
 cui consul (namque ira coquit): ' Pone, impube, quicquid  
 restat in ore fero et truncata fronte relucet.'  
 sic ait intorquens directo turbine robur 540  
 et dirum tota tramittit cuspide lumen.  
 nec leuior dextra generatus Hamilcare saeuit.  
 huic cadit infelix niueis Varenus in armis,  
 Meuanas Varenus, arat cui diuitis uber  
 campi Fulginia et patulis Clitumnus in aruis 545  
 candentis gelido perfundit flumine tauros.  
 sed tristes superi, atque ingrata maxima cura  
 uictima Tarpeio frustra nutrita Tonanti.  
 instat Hiber leuis et leuior discurrere Maurus.  
 hinc pila, hinc Libycae certant subtexere cornus 550  
 densa nube polum, quantumque interiacet aequi  
 ad ripas campi, tantum uibrantia condunt  
 tela, nec artatis locus est in morte cadendi.  
 Allius, Argyripa Daunique profectus ab aruis  
 uenator, rudibus iaculis et Iapyge campum 555  
 persultabat equo, mediosque inuectus in hostis,  
 Apula non uana torquebat spicula dextra.  
 huic horret thorax Samnitis pellibus ursae,  
 et galea annosi uallatur dentibus apri.  
 uerum ubi turbantem, solo ceu lustra pererret 560  
 in nemore aut agitet Gargano terga ferarum,  
 hinc Mago, hinc saeuus pariter uidere Maharbal,  
 ut subigente fame diuersis rupibus ursi  
 inuadunt trepidum gemina inter proelia taurum,  
 nec partem praedae patitur furor, haud secus acer 565  
 hinc atque hinc iaculo deuoluitur Allius acto:  
 it stridens per utrumque latus Maurusia taxus.  
 obuia tum medio sonuerunt spicula corde,  
 incertumque fuit, letum cui cederet hastae.  
 et iam dispersis Romana per agmina signis 570  
 palantis agit ad ripas, miserabile, Poenus  
 impellens trepidos fluuioque immergere certat.  
 Tum Trebia infausto noua proelia gurgite fessis  
 incohat ac precibus Iunonis suscitatur undas. 575  
 haurit subsidens fugientum corpora tellus  
 infidaque soli frustrata uoragine sorbet.  
 nec niti lentoque datur conuellere limo  
 mersa pedum penitus uestigia: labe tenaci  
 haerent deuincti gressus, resolutaque ripa 580  
 implicat aut caeca prosternit fraude paludis.  
 iamque alius super atque alius per lubrica surgens  
 dum sibi quisque uiam per inextricabile litus

praeripit et putri luctatur caespite, lapsi  
 occumbunt seseque sua pressere ruina.  
 ille celer nandi iamiamque adprendere tuta                   585  
 dum parat et celso conisus corpore prensat  
 gramina summa manu liquidisque emergit ab undis,  
 contorta ripae pendens adfigitur hasta.  
 hic hostem orbatus telo complectitur ulnis  
 luctantemque uado permixta morte coercet.                   590  
 mille simul leti facies. Ligus occidit aruis,  
 sed proiecta uiri lymphis fluuiialibus ora  
 sanguineum hauserunt longis singultibus amnem.  
 enabat tandem medio uix gurgite pulcher  
 Irpinus sociumque manus clamore uocabat,                   595  
 cum rapidis inlatus aquis et uulnere multo  
 impulit asper equus fessumque sub aequora mersit.  
 Accumula<t> clades subito conspecta per undas  
 uis elephantorum turrato concita dorso.  
 namque uadis rapitur praeceps, ceu proruta cautes                   600  
 auulsi montis, Trebiamque insueta timentem  
 prae se pectore agit spumantique incubat alueo.  
 explorant aduersa uiros, perque aspera duro  
 nititur ad laudem uirtus interrita cliuo.  
 namque inhonoratam Fibrenus perdere mortem                   605  
 et famae nudam impatiens ' Spectabimur,' inquit  
 ' ec, Fortuna, meum condes sub gurgite letum.  
 experiar, sitne in terris, domitare quod ensis  
 non queat Ausonius Tyrrhenaue permeet hasta.'  
 tum iacit adsurgens dextroque in lumine sistit                   610  
 spicula saeua ferae telumque in uulnere linqvit.  
 stridore horrisono penetrantem cuspidis ictum  
 belua prosequitur laceramque cruore profuso  
 attollit frontem ac lapso dat terga magistro.  
 tum uero inuadunt iaculis crebraque sagitta,                   615  
 ausi iam sperare necem, immensosque per armos  
 et laterum extentus uenit atra cuspide uulnus.  
 stat multa in tergo et nigranti lancea dorso,  
 ac siluam ingentem concusso corpore uibrat,  
 donec consumptis longo certamine telis                   620  
 concidit et clausit magna uada pressa ruina.  
 Ecce per aduersum, quamquam tardata morantur  
 uulnere membra uirum, subit implacabilis amnem  
 Scipio et innumeris infestat caedibus hostem.  
 corporibus clipeisque simul galeisque cadentum                   625  
 contegitur Trebia, et uix cernere linqvitur undas.  
 Mazaeus iaculo, Gestar prosternitur ense,  
 tum Pelopeus auis Cyrenes incola Thelgon.  
 huic torquet rapido correptum e gurgite pilum  
 et quantum longo ferri tenuata rigore                   630  
 procedit cuspis per hiantia transigit ora.

pulsati ligno sonuere in uulnere dentes.  
 nec leto quaesita quies: turgentia membra  
 Eridano Trebia, Eridanus dedit aequoris undis.  
 tu quoque, Thapse, cadis, tumulo post fata negato. 635  
 quid domus Hesperidum aut luci iuuere dearum,  
 fuluos aurifera seruantes arbore ramos?  
 Intumuit Trebia et stagnis se sustulit imis  
 iamque ferox totum propellit gurgite fontem  
 atque omnis torquet uires. furit unda sonoris 640  
 uerticibus, sequiturque nouus cum murmure torrens.  
 sensit et accensa ductor uiolentius ira  
 ' Magnas, o Trebia, et meritas mihi, perfide, poenas  
 exsolues:' inquit lacerum per Gallica riuus  
 dispergam rura atque amnis tibi nomina demam, 645  
 quoque aperis te fonte, premam, nec tangere ripas  
 inlabique Pado dabitur. quaenam ista repente  
 Sidonium, infelix, rabies te reddidit amnem?'  
 Talia iactantem consurgens agger aquarum  
 impulit atque umeros curuato gurgite pressit. 650  
 arduus aduersa mole incurrentibus undis  
 stat ductor clipeoque ruentem sustulit amnem.  
 necnon a tergo fluctus stridente procella  
 spumeus inrorat summas aspergine cristas.  
 ire uadis stabilemque uetat defigere gressum 655  
 subducta tellure deus, percussaue longe  
 raucum saxa sonant, undaeque ad bella parentis  
 excitae pugnant, et ripas perdidit amnis.  
 tum madidos crinis et glauca fronde reuinctum  
 attollit cum uoce caput: ' Poenae superbas 660  
 insuper et nomen Trebiae delere minaris,  
 o regnis inimice meis? quot corpora porto  
 dextra fusa tua! clipeis galeisque uirorum,  
 quos mactas, artatus iter cursumque reliqui.  
 caede, uides, stagna alta rubent retroque feruntur. 665  
 adde modum dextrae aut campis incumbe propinquis.'  
 Haec, Venere adiuncta, tumulo spectabat ab alto  
 Mulciber obscurae tectus caligine nubis,  
 ingrauat ad caelum sublatis Scipio palmis:  
 ' Di patrii, quorum auspiciis stat Dardana Roma, 670  
 talin me leto tanta inter proelia nuper  
 seruastis? fortune animam hanc excindere dextra  
 indignum est uisum? redde o me, nate, periclis,  
 redde hosti! liceat bellanti accersere mortem  
 quam patriae fratrique probem.' tum percita dictis 675  
 ingemuit Venus et rapidas derexit in amnem  
 coniugis inuicti uires. agit undique flammis  
 dispersus ripis ignis multosque per annos  
 nutritas fluuio populatur feruidus umbras.  
 uritur omne nemus, lucosque effusus in altos 680

immissis crepitat uictor Vulcanus habenis.  
 iamque ambusta comas abies, iam pinus et alni,  
 iam solo restans trunco dimisit in altum  
 populus adsuetas ramis habitare uolucres.  
 flamma uorax imo penitus de gurgite tractos 685  
 absorbet latices, saeuoque urgente uapore  
 siccus inarescit ripis cruor. horrida late  
 scinditur in rimas et hiatu rupta dehiscit  
 tellus, ac stagnis altae sedere fauillae.  
 Miratur pater aeternos cessare repente 690  
 Eridanus cursus, Nympharumque intima maestus  
 impleuit chorus attonitis ululatibus antra.  
 ter caput ambustum conantem attollere iacta  
 lampade Vulcanus mersit fumantibus undis,  
 ter correpta dei crines nudauit harundo. 695  
 tum demum admissae uoces et uota precantis,  
 orantique datum ripas seruare prioris,  
 ac tandem a Trebia reuocauit Scipio fessas  
 munitum in collem Graccho comitante cohortes.  
 at Poenus multo fluuium ueneratus honore 700  
 gramineas undis statuit socialibus aras,  
 nescius heu, quanto superi maiora mouerent,  
 et quos Ausoniae luctus, Trasimenne, parares.  
 Boiorum nuper populos turbauerat armis  
 Flaminius, facilisque uiro tum gloria belli, 705  
 corde leuem atque astus inopem contundere gentem.  
 sed labor haud idem Tyrio certasse tyranno.  
 hunc laeuis urbi genitum ad fatalia damna  
 ominibus parat imperio Saturnia fesso  
 ductorem dignumque uirum ueniente ruina. 710  
 inde ubi prima dies iuris, clauumque regendae  
 inuasit patriae, ac sub nutu castra fuere,  
 ut pelagi rudis et pontum tractare per artem  
 nescius, accepit miserae si iura carinae,  
 uentorum tenet ipse uicem cunctisque procellis 715  
 dat iactare ratem: fertur uaga gurgite puppis  
 ipsius in scopulos dextra impellente magistri++  
 ergo agitur raptis praeceps exercitus armis  
 Lydorum <in> populos sedemque ab origine prisci  
 sacratam Corythi iunctosque a sanguine auorum 720  
 Maeonios Italis permixta stirpe colonos.  
 Nec regem Afrorum noscenda ad coepta moratur  
 laude super tanta monitor deus. omnia somni  
 condiderant aegrisque dabant obliuia curis,  
 cum Iuno in stagni numen conuersa propinqui 725  
 et madidae frontis crinis circumdata fronde  
 populea stimulat subitis praecordia curis  
 ac rumpit ducis haud spernenda uoce quietem:  
 ' Oedix famae et Latio lacrimabile nomen

Hannibal, Ausoniae si te Fortuna creasset 730  
 ad magnos uenture deos, cur fata tenemus?  
 pelle moras. breuis est magni Fortuna fauoris.  
 quantum uouisti, cum Dardana bella parenti  
 iurares, fluet Ausonio tibi corpore tantum  
 sanguinis, et patrias satiabis caedibus umbras. 735  
 nobis persolues meritos securus honores.  
 namque ego sum celsis quem cinctum montibus ambit  
 Tmolo missa manus, stagnis Trasimennus opacis.'  
 His agitur monitis et laetam numine pubem  
 protinus aeri praiceps rapit aggere montis. 740  
 horrebat glacie saxa inter lubrica summo  
 piniferum caelo miscens caput Apenninus.  
 condiderat nix alta trabes, et uertice celso  
 canus apex stricta surgebat ad astra pruina.  
 ire iubet. prior extingui labique uidetur 745  
 gloria, post Alpes si stetur montibus ullis.  
 scandunt praerupti nimbose cacumina saxi.  
 nec superasse iugum finit mulcetue laborem:  
 plana natant, putrique gelu liquentibus undis  
 inuia limosa restagnant arua palude. 750  
 iamque ducis nudus tanta inter inhospita uertex  
 saeuitia quatitur caeli, manante per ora  
 perque genas oculo. facilis spreuisse medentis  
 optatum bene credit emi quocumque periculo  
 bellandi tempus. non frontis parcat honori, 755  
 dum ne perdat iter, non cetera membra moratur  
 in pretium belli dare, si uictoria poscat,  
 satque putat lucis, Capitolia cernere uictor  
 qua petat atque Italum feriat qua comminus hostem.  
 talia perpessi tandem inter saeua locorum 760  
 optatos uenere lacus, ubi deinde per arma  
 sumeret amissi numerosa piacula uisus.  
 Ecce autem patres aderant Carthagine missi.  
 causa uiae non parua uiris, nec laeta ferebant. 765  
 mos fuit in populis, quos condidit aduena Dido,  
 poscere caede deos ueniam ac flagrantibus aris  
 (infandum dictu) paruos imponere natos.  
 urna reducebat miserandos annua casus  
 sacra Thoanteae ritusque imitata Dianae. 770  
 cui fato sortique deum de more petebat  
 Hannibalis prolem discors antiquitus Hannon.  
 sed propior metus armati ductoris ab ira  
 et magna ante oculos stabat redeuntis imago.  
 asperat haec, foedata genas lacerataque crinis, 775  
 atque urbem complet maestis clamoris Imilce,  
 Edonis ut Pangaea super trieteride mota  
 it iuga et inclusum suspirat pectore Bacchum.  
 ergo inter Tyrias, facibus ceu subdita, matres

clamat: 'Io coniunx, quocumque in cardine mundi  
 bella moues, huc signa refer. uiolentior hic est, 780  
 hic hostis propior. tu nunc fortasse sub ipsis  
 urbis Dardaniae muris uibrantia tela  
 excipis intrepidus clipeo saeuamque coruscans  
 lampada Tarpeis infers incendia tectis.  
 interea tibi prima domus atque unica proles 785  
 heu gremio in patriae Stygias raptatur ad aras.  
 i nunc, Ausonios ferro populare penates  
 et uetitas molire uias. i, pacta resigna  
 per cunctos iurata deos. sic praemia reddit  
 Carthago et talis iam nunc tibi soluit honores. 790  
 quae porro haec pietas delubra aspergere tabo?  
 heu primae scelerum causae mortalibus aegris,  
 naturam nescire deum! iusta ite precari  
 ture pio caedumque feros auertite ritus.  
 mite et cognatum est homini deus. hactenus, oro, 795  
 sit satis ante aras caesos uidisse iuuenos.  
 aut si uelle nefas superos fixumque sedetque,  
 me, me, quae genui, uestris absumite uotis.  
 cur spoliare iuuat Libycas hac indole terras?  
 an flendae magis Aegates et mersa profundo 800  
 Punica regna forent, olim si sorte cruenta  
 esset tanta mei uirtus praerepta mariti?  
 haec dubios uario diuumque hominisque timore  
 ad cauta inlexere patres, ipsique relictum  
 abnueret sortem an superum pareret honori. 805  
 tum uero trepidare metu uix compos Imilce,  
 magnanimi metuens immitia corda mariti.  
 His auide auditis ductor sic deinde profatur:  
 ' Quid tui pro tanto non impar munere soluat  
 Hannibal aequatus superis? quae praemia digna 810  
 inueniam, Carthago parens? noctemque diemque  
 arma feram, templisque tuis hinc plurima faxo  
 hostia ab Ausonio ueniat generosa Quirino.  
 at puer armorum et belli seruabitur heres.  
 spes, o nate, meae Tyriarumque unica rerum, 815  
 Hesperia minitante, salus, terraque fretoque  
 certare Aeneadis dum stabit uita memento.  
 perge (patent Alpes) nostroque incumbe labori.  
 uos quoque, di patrii, quorum delubra piantur  
 caedibus atque coli gaudent formidine matrum, 820  
 huc laetos uultus totasque aduertite mentes.  
 namque paro sacra et maioris molior aras.  
 tu, Mago, aduersi conside in uertice montis,  
 tu laeuos propior collis accede, Choaspe,  
 ad claustra et fauces ducat per opaca Sychaeus. 825  
 ast ego te, Trasimenne, uago cum milite praeceps  
 lustrabo et superis quaeram libamina belli.

namque haud parua deus promissis spondet apertis,  
quae spectata, uiri, patriam referatis in urbem.'



## Liber V

Ceperat Etruscos occulto milite colles  
Sidonius ductor perque alta silentia noctis  
siluarum anfractus caecis insederat armis.  
at parte e laeua restagnans gurgite uasto  
effigiem in pelagi lacus umectabat inertis 5  
et late multo foedabat proxima limo.  
quae uada Faunigenae regnata antiquitus Arno  
nunc uolente die Trasimenni nomina seruant.  
Lydius huic genitor, <T>moli decus, aequore longo  
Maeoniam quondam in Latias aduexerat oras 10  
Tyrrhenus pubem dederatque uocabula terris.  
isque insueta tubae monstrauit murmura primus  
gentibus et bellis ignaua silentia rupit,  
nec modicus uoti natum ad maiora fouebat.  
uerum ardens puero castumque exuta pudorem 15  
(nam forma certare deis, Trasimenne, ualeres)  
litore correptum stagnis demisit Agylle,  
flore capi iuuenem primaeano lubrica mentem  
nympha nec Idalia lenta incaluisse sagitta.  
solatae uiridi penitus fouere sub antro 20  
Naides amplexus undosaque regna trementem.  
hinc dotale lacus nomen, lateque Hymenaeo  
conscia lasciuo Trasimennus dicitur unda.  
Et iam curriculo nigram nox roscida metam  
stringebat, nec se thalamis Tithonia coniunx 25  
protulerat stabatque nitens in limine primo,  
cum minus abnuerit noctem desisse uiator  
quam coepisse diem: consul carpebat iniquas,  
praegrediens signa ipsa, uias, omnisque ruebat  
mixtus eques nec discretis leuia arma manipulis 30  
insertique globo pedites, et inutile Marti  
lixarum uulgus praesago cuncta tumultu  
implere, et pugnam fugientum more petebant.  
tum super ipse lacus densam caligine caeca  
exhalans nebulam late corruperat omnem 35  
prospectum miseris, atque atrae noctis amictu  
squalebat pressum picea inter nubila caelum.  
nec Poenum liquere doli: sedet ense reposto  
abditus et nullis properantem occursibus arcet.  
ire datur, longeque patet ceu pace quieta 40  
incustoditum, mox inremeabile, litus.  
namque sub angustas artato limite fauces  
in fraudem ducebat iter, geminumque receptis  
exitium, hinc rupes, hinc undae claustra premebant.

at tur<m>a umbroso seruabat uertice montis 45  
 hostilem ingressum, refugos habitura sub ictu:  
 haud secus ac uitreas sollers piscator ad undas,  
 ore leuem patulo texens de uimine nassam,  
 cautius interiora ligat mediamque per aluum  
 sensim fastigans compressa cacumina nectit 50  
 ac fraude artati remeare foraminis arcet  
 introitu facilem quem traxit ab aequore piscem.  
 Ocius interea propelli signa iubebat  
 excussus consul fatorum turbine mentem,  
 donec flammiferum tollentes aequore currum 55  
 solis equi sparsere diem. iamque orbe renato  
 diluerat nebulas Titan, sensimque fluebat  
 caligo in terras nitido resoluta sereno.  
 tunc ales, priscum populis de more Latinis  
 auspiciu cum bella parant mentesque deorum 60  
 explorant super euentu, ceu praescia luctus  
 damnauit uesci planctuque alimenta refugit.  
 nec rauco taurus cessauit flebile ad aras  
 immugire sono pressamque ad colla bipennem  
 incerta ceruice ferens altaria liquit. 65  
 signa etiam effusa certant dum uellere mole,  
 taeter humo lacera nitentum erupit in ora  
 exultans cruor, et caedis documenta futurae  
 ipsa parens miseris gremio dedit atra cruento.  
 ac super haec diuum genitor terrasque fretumque 70  
 concutiens tonitru Cyclopu rapta caminis  
 fulmina Tyrrhenas Trasimenni torsit in undas,  
 ictusque aetheria per stagna patentia flamma  
 fumauit lacus atque arserunt fluctibus ignes.  
 heu uani monitus frustra morantia Parcas 75  
 prodigia! heu fati superi certare minores!  
 atque hic, egregius linguae nomenque superbum,  
 Coruinus, Phoebea sedet cui casside fulua  
 ostentans ales proauitae insignia pugnae,  
 plenus et ipse deum, et sociu terrente pauore 80  
 immiscet precibus monita atque his uocibus inquit:  
 'Iliacas per te flammis Tarpeiaque saxa,  
 per patrios, consul, muros suspensaue nostrae  
 euentu pugnae natoru pignora, cedas  
 oramus superis tempusque ad proelia dextrum 85  
 opperiare. dabunt idem camposque diemque  
 pugnandi: tantu ne dedignare secundos  
 expectare deos. cum fulserit hora, cruentam  
 quae stragem Libyae portet, tum signa sequentur  
 nulla uulsa manu, uescique interritus ales 90  
 gaudebit, nullosque uomet pia terra cruores.  
 an te praestantem belli fugit, improba quantum  
 hoc possit Fortuna loco? sedet obuius hostis

aduersa fronte, at circa nemorosa minantur  
 insidias iuga, nec laeua stagnantibus undis 95  
 effugium patet, et tenui stant tramite fauces.  
 si certare dolis et bellum ducere cordi est,  
 interea rapidis aderit Seruilius armis,  
 cui par imperium et uires legionibus aequae.  
 bellandum est astu. leuior laus in duce dextrae.' 100

Talia Coruinus, primoresque addere passim  
 orantum uerba, et diuisus quisque timori<s>  
 nunc superos, ne Flamin<i>o, nunc deinde precari  
 Flaminium, ne caelicolis contendere perstet.  
 acrius hoc accensa ducis surrexerat ira, 105  
 auditoque furens socias non defore uires  
 ' Siine nos' inquit 'Boiorum in bella ruentis  
 spectastis, cum tanta lues uulguisque tremendum  
 ingrueret, rupesque iterum Tarpeia paueret?  
 quas ego tunc animas dextra, quae corpora fudi, 110  
 irata tellure sata et uix uulnere uitam  
 reddentis uno! iacuere ingentia membra  
 per campos magnisque premunt nunc ossibus arua.  
 scilicet has sera ad laudes Seruilius arma  
 adiungat, nisi diuiso uicisse triumpho 115  
 ut nequeam et decoris contentus parte quiescam?  
 quippe monent superi. similes ne fingite uobis,  
 classica qui tremitis, diuos. sat magnus in hostem  
 augur adest ensis, pulchrumque et milite dignum  
 auspiciu Latio quod in armis dextera praestat. 120  
 an, Coruine, sedet, clausum se consul inertis  
 ut teneat uallo, Poenus nunc occupet altos  
 Arreti muros, Corythi nunc diruat arcem,  
 hinc Clusina petat, postremo ad moenia Romae  
 inlaesus contendat iter? deforme sub armis 125  
 uana superstitio est: dea sola in pectore Virtus  
 bellantum uiget. umbrarum me noctibus atris  
 agmina circumstant, Trebiae qui gurgite quique  
 Eridani uoluuntur aquis, inhumata iuuentus.'  
 Nec mora. iam medio coetu signisque sub ipsis 130  
 postrema aptabat nulli exorabilis arma.  
 aere atque aequorei tergo flauente iuuentis  
 cassis erat munita uiro, cui uertice surgens  
 triplex crista iubas effundit crine Suebo:  
 Scylla super fracti contorquens pondera remi 135  
 instabat saeuosque canum pandebat hiatus,  
 nobile Gargeni spoliu, quod rege superbus  
 Boiorum caeso capiti inlacerabile uictor  
 aptarat pugnasque decus portabat in omnis.  
 lorica induitur: tortos huic nexilis hamos 140  
 ferro squama rudi permixtoque asperat auro.  
 tum clipeu capit, aspersu quem caedibus olim

Celticus ornarat cruor, umentique sub antro  
 ceu fetum lupa permulcens puerilia membra  
 ingentem Assaraci caelo nutribat alumnum. 145  
 hinc ensem lateri dextraeque accommodat hastam.  
 stat sonipes uexatque ferox umentia frena,  
 Caucas<e>am instratus uirgato corpore tigrim.  
 inde exceptus equo, qua dant angusta uiarum,  
 nunc hos, nunc illos adit atque hortatibus implet: 150  
 ' Vstrum opus est uestrumque decus suffixa per urbem  
 Poeni ferre ducis spectanda parentibus ora.  
 unum hoc pro cunctis sat erit caput. aspera quisque  
 hortamenta sibi referat: "Meus, heu! meus atris  
 Ticini frater ripis iacet," "At meus alta 155  
 metitur stagna Eridani sine funere natus."  
 haec sibi quisque; sed, est uestrum cui nulla doloris  
 priuati rabies, is uero ingentia sumat  
 e medio, fodiant quae magnas pectus in iras,  
 perfractas Alpes passamque infanda Saguntum, 160  
 quosque nefas uetiti transcendere nomen Hiberi,  
 tangere iam Thybrim. nam dum nos augur et extis  
 quaesitae fibrae uanusque moratur haruspex,  
 solum iam superest Tarpeio imponere castra.'  
 Turbidus haec, uisoque artis in milibus atras 165  
 bellatore iubas aptante ' EstOrfite, munus,  
 est' ait 'hoc certare tuum, quis opima uolenti  
 dona Ioui portet feretro suspensa cruento.  
 nam cur haec alia pariat gloria dextra?'  
 hinc praeuectus equo, postquam inter proelia notam 170  
 accepit uocem, 'Procul hinc te Martius,' inquit  
 ' Murne, ostendit clamor, uideoque furentem  
 iam Tyria te caede. uenit laus quanta! sed, oro,  
 haec angusta loci ferro patefacta relaxa.'  
 tum Soracte satum, praestantem corpore et armis, 175  
 Aequanum noscens, patrio cui ritus in aruo,  
 cum pius Arcitenens accensis gaudet aceruis,  
 exta ter innocuos laetum portare per ignes,  
 ' Si in Apollinea semper uestigia pruna  
 inuiolata teras uictorque uaporis ad aras 180  
 dona serenato referas sollempnia Phoebo:  
 concipe' i ' dignumactis, Aequane, furorem  
 uulneribusque tuis. socio te caedis et irae  
 non ego Marmaridum mediam penetrare phalangem  
 Cinyphiaeque globos dubitarim inrumpere turmae.' 185  
 Nec iam ultra monitus et uerba morantia Martem  
 ferre ualet: longo Aeneadis quod flebitur aeuo  
 increpuere simul feralia classica signum,  
 ac tuba terrificis fregit stridoribus auras.  
 heu dolor, heu lacrimae nec post tot saecula serae! 190  
 horresco ut pendente malo, ceu ductor ad arma

exciret Tyrius. latebrosis collibus Astur  
 et Libys et torta Baliaris saeuus habena  
 erumpunt multusque Maces Garamasque Nomasque,  
 tum, quo non alius uenalem in proelia dextram 195  
 ocior attulerit conductaque bella probarit,  
 Cantaber et galeae contempto tegmine Vasco.  
 hinc pariter rupes, lacus hinc, hinc arma simulque  
 consona uox urget, signum clamore uicissim  
 per collis Tyria circumfundente corona. 200  
 Auertere dei uultus fatoque dederunt  
 maiori non sponte locum; stupet ipse tyranni  
 fortunam Libyci Mauors, disiectaque crinem  
 inlacrimat Venus, et Delum peruectus Apollo  
 tristem maerenti solatur pectine luctum. 205  
 sola Apennini residens in uertice diras  
 expectat caedes immiti pectore Iuno.  
 Primae Picentum, rupto ceu turbine fusa  
 agmina et Hannibalem ruere ut uidere, cohortes  
 inuadunt ultro et poenas pro morte futura, 210  
 turbato uictore, petunt accensa iuuentus,  
 et uelut erepto metuendi libera caelo  
 manibus ipsa suis praesumpta piacula mittit.  
 funditur unanimo nisu et concordibus ausis  
 pilorum in Poenos nimbus, fixosque repulsi 215  
 summittunt clipeos curuato pondere teli.  
 acrius hoc rursus Libys (et praesentia saeui  
 extimulat ducis) hortantes se quisque uicissim  
 incumbunt pressoque impellunt pectore pectus.  
 Ipsa, facem quatiens ac flauam sanguine multo 220  
 sparsa comam, medias acies Bellona pererrat.  
 stridit Tartarae nigro sub pectore diuae  
 letiferum murmur, feralique horrida cantu  
 bucina lymphatas agit in certamina mentes.  
 his iras aduersa fouent crudusque ruente 225  
 fortuna stimulus spem proiecisse salutis:  
 hos dexter deus et laeto Victoria uultu  
 adridens acuit, Martisque fauore fruuntur.  
 Abreptus pulchro caedum Lateranus amore  
 dum sequitur dextram, in medios penetrauerat hostis. 230  
 quem postquam florens aequali Lentulus aeuo  
 conspexit nimium pugnae nimiumque cruoris  
 infestas inter non aequo Marte cateruas  
 fata irritantem, nisu se concitat acri  
 immitemque Bagam, qui iam uicina ferebat 235  
 uulnera pugnantis tergo, uelocior hasta  
 occupat et socium duris se casibus addit.  
 tunc alacres arma adglomerant geminaque corusci  
 fronte micant: paribus fulgent capita ardua cristis.  
 actus in aduersos casu (namque obuia ferre 240

arma quis auderet, nisi quem deus ima colentum  
 damnasset Stygiae nocti?) prae fracta gerebat  
 Syrticus excelso decurrens robora monte  
 et quatiens acer nodosi pondera rami  
 flagrabat geminae nequiquam caedis amore: 245  
 ' Non hi Aegates infidaque litora nautis,  
 o iuuenes, motumque nouis sine Marte procellis  
 fortunam bello pelagus dabit. aequoris olim  
 uictores, media sit qualis, discite, terra  
 bellator Libys, et meliori cedite regnis.' 250  
 ac simul infesto Lateranum pondere truncae  
 arboris urgebat iungens conuicia pugnae.  
 Lentulus huic frendens ira: ' Æasimennus in altos  
 ascendet citius collis, quam sanguine roret  
 iste pio ramus,' subsidensque ilia nisu 255  
 conantis suspensa fodit. tum feruidus atro  
 pulmone exundat per hiantia uiscera sanguis.  
 Nec minus accensis in mutua funera dextris  
 parte alia campi saeuit furor. altus Iertes  
 obtruncat Nerium. Rullo ditissimus arui 260  
 occumbis, generose Volunx, nec clausa repostis  
 pondera thesauris patrio nec regia quondam  
 praefulgens ebore et possessa mapalia soli  
 profuerunt. quid rapta iuuant, quid gentibus auri  
 numquam extincta sitis? modo quem Fortuna fouendo 265  
 congestis opibus donisque refersit opimis,  
 nudum Tartarea portabit nauita cumba.  
 Iuxta bellator iuuenilibus Appius ausis  
 pandebat campum caede atque, ubi plurima uirtus  
 nullique aspirare uigor, decus inde petebat. 270  
 obuius huic Atlans, Atlans a litore Hiberno,  
 nequiquam extremae longinquus cultor harenae,  
 impetit os hasta, leuiterque e corpore summo  
 degustat cuspis generosum extrema cruorem.  
 intonuere minae, uiolentaque lumina flammis 275  
 exarsere nouis. furit et diffulminat omnem  
 obstantum turbam; at clausum sub casside uulnus  
 Martia commendat mananti sanguine membra.  
 tum uero aspiceres pauitantem et condere semet  
 nitentem sociis iuuenem, ceu tigride cerua 280  
 Hyrcana cum pressa tremit, uel territa pennas  
 colligit accipitrem cernens in nube columba,  
 aut dumis subit, albenti si sensit in aethra  
 librantem nisus aquilam, lepus. ora citato  
 ense ferit, tum colla uiri dextramque micantem 285  
 demetit ac mutat successu saeuior hostem.  
 Stabat fulgentem portans in bella bipennem  
 Cinyphius socerique miser Magonis inire  
 optabat pugnam ante oculos spe laudis Isalcas,

Sidonia tumidus sponsa uanoque superbus 290  
 foedere promissae post Dardana proelia taedae.  
 huic immittit atrox uiolentas Appius iras  
 conantique grauem fronti librare securim  
 altior insurgens galeam super exigit ictum.  
 at fragilis ualido conamine soluitur ensis 295  
 aere in Cinyphio, nec dispar sortis Isalcas  
 umbonem incerto detersit futilis ictu.  
 tum quod humo haud umquam ualisset uellere saxum,  
 ni uires trux ira daret, contorquet anhelans  
 Appius et lapsu resupino in terga cadentem 300  
 mole premit scopuli perfractisque ossibus urget.  
 uidit coniuncto miscens certamina campo  
 labentem socer, et lacrimae sub casside fusae  
 cum gemitu, rapidusque ruit: data foedera nuper  
 accendunt animos expectatique nepotes. 305  
 iamque aderat clipeumque uiri atque immania membra  
 lustrabat uisu, propiorque a fronte coruscae  
 lux galeae saeuas paulum tardauerat iras.  
 haud secus, e specula praeceps delatus opaca,  
 subsidens campo summissos contrahit artus, 310  
 cum uicina trucis conspexit cornua tauri,  
 quamuis longa fames stimulet, leo: nunc ferus alta  
 surgentis ceruice toros, nunc torua sub hirta  
 lumina miratur fronte ac iam signa mouentem  
 et sparsa pugnas meditantem spectat harena. 315  
 hic prior intorquens telum sic Appius infit:  
 ' Siqua tibi pietas, ictum ne desere foedus  
 et generum comitare socer.' ~~q~~ tegmina uelox  
 tunc aerisque moras laeuo stetit hasta lacerto.  
 at contra non dicta Libys, sed feruidus hastam 320  
 perlibrat, magni donum memorabile fratris,  
 caeso quam uictor sub moenibus ille Sagunti  
 abstulerat Durio ac spectatae nobile pugnae  
 germano dederat portare in proelia pignus.  
 telum ingens perque arma uiri perque ora, doloris 325  
 adiutum nisu, letalem pertulit ictum,  
 exanguesque uiri conantis uellere ferrum  
 in uulnus cecidere manus. iacet aequore nomen  
 clarum Maeonio atque Italiae pars magna ruinae  
 Appius. intremuere lacus, corpusque refugit 330  
 contractis Trasimennus aquis: telum ore cruento  
 expirans premit atque admorsae immurmurat hastae.  
 Nec fati melior Mamercus corpore toto  
 exsoluit poenas nulli non saucius hosti.  
 namque per aduersos, qua Lusitana ciebat 335  
 pugnas dira manus, raptum cum sanguine caesi  
 signiferi magna uexillum mole ferebat  
 et trepida infelix reuocabat signa suorum.

sed furiata cohors ausisque accensa superbis  
 quodcumque ipsa manu gestabat missile, quicquid 340  
 praebebat tellus sparsis uix peruia telis  
 iniicit pariter, pluresque in corpore nullum  
 inuenere locum perfossis ossibus hastae.  
 Aduolat interea fraterni uulneris ira  
 turbatus Libyae ductor, uisoque cruore, 345  
 num lateri cuspis, num toto pondere telum  
 sedisset, fratremque amens sociosque rogabat.  
 utque metum leti procul et leuiora pauore  
 cognouit, proprio tectum gestamine praeceps  
 ex acie rapit et tutis a turbine pugnae 350  
 constituit castris. medicas hinc ocuis artes  
 et senioris opem Synhali uocat. unguere uulnus  
 herbarum hic sucis ferrumque e corpore cantu  
 exigere et somnum tacto misisse chelydro  
 anteibat cunctos, nomenque erat inde per urbes 355  
 perque Paraetoniae celebratum litora Syrtis.  
 ipse olim antiquo primum Garamanticus Hammon  
 scire pater dederat Synhalo morsusque ferarum  
 telorumque grauis ictus sedare medendo.  
 atque is deinde suo moriens caelestia dona 360  
 monstrauit nato, natusque heredis honori  
 tramisit patrias artis. quem deinde secutus  
 haud leuior fama Synhalus Garamantica sollers  
 monstrata augebat studio multaque uetustum  
 Hammonis comitem numerabat imagine patrem. 365  
 tum proauita ferens leni medicamina dextra  
 ocuis, intortos de more astrictus amictus,  
 mulcebat lympham purgatum sanguine uulnus.  
 at Mago, exuuias secum caesique uolutans  
 hostis mente necem, fraternas pectore curas 370  
 pellebat dictis et casum laude leuabat:  
 ' Prae metu, germane. meis medicamina nulla  
 aduersis maiora feres: iacet Appius hasta  
 ad manis pulsus nostra. si uita relinquat,  
 sat nobis actum est: sequar hostem laetus ad umbras.' 375  
 Quae dum turbatos auertunt aequore campi  
 ductores ualloque tenent, ex agmine Poenum  
 cedentem consul tumulo speculatus ab alto  
 atque atram belli castris se condere nubem,  
 turbidus extemplo trepidantis milite maesto 380  
 inuadit cuneos subitoque pauore relaxat  
 iam rarescentis acies. tum uoce feroci  
 postulat eum ac mediae ruit in certamina uallis.  
 sic ubi torrentem crepitanti grandine nimbum  
 inlidit terris molitus Iuppiter altas 385  
 fulmine nunc Alpes, nunc mixta Ceraunia caelo,  
 intremuere simul tellus et pontus et aether,



ipsaque commoto quatiuntur Tartara mundo.  
 incidit attonitis inopino turbine Poenis  
 haud secus improuisa lues, gelidusque sub ossa           390  
 peruasit miseris conspecti consulis horror.  
 it medius ferroque ruens densissima latum  
 pandit iter. clamor uario discrimine uocum  
 fert belli rabiem ad superos et sidera pulsat,  
 ceu pater Oceanus cum saeua Tethye Calpen           395  
 Herculeam ferit atque exesa in uiscera montis  
 contortum pelagus latrantibus ingerit undis:  
 dant gemitum scopuli, fractasque in rupibus undas  
 audit Tartessos latis disterrina terris,  
 audit non paruo diuisus gurgite Lixus.           400  
     Ante omnis iaculo tacitas fallente per auras  
 occumbit Bogus, infaustum qui primus ad amnem  
 Ticini rapidam in Rutulos contorserat hastam.  
 ille sibi longam Clotho turbamque nepotum  
 crediderat uanis deceptus in alite signis.           405  
 sed non augurio Parcarum impellere metas  
 concessum cuiquam: ruit inter tela cruentis  
 suspiciens oculis caelum superosque reposcit  
 tempora promissae media iam morte senectae.  
 nec Bagaso exultare datum <a>ut impune relictum           410  
 consulis ante oculos uita spoliasset Libonem.  
 laurigeris decus illud auis nauaque iuuenta  
 florebat, sed Massylus succiderat ensis  
 pubescente caput mala, properoque uirentis  
 delerat leto bellator barbarus annos.           415  
 Flaminium implorasse tamen iam morte suprema  
 haud frustra fuit. auulsa est nam protinus hosti  
 ore simul ceruix: iuuat punire feroci  
 uictorem exemplo <et> monstratum reddere letum.  
     Quis deus, o Musae, paribus tot funera uerbis           420  
 euoluat, tantisque umbris in carmine digna  
 quis lamenta ferat? certantis laude cadendi  
 primaueos iuuenes mortisque in limine cruda  
 facta uirum et fixis rabiem sub pectore telis?  
 sternitur alternus uastis concursibus hostis,           425  
 nec spoliare uacat praedaeque aduertere mentem.  
 urget amor caedum, clausis dum detinet hostem  
 fraternum castris uulnus, funditque ruitque  
 nunc iaculis, nunc ense, modo inter milia consul  
 bellantum conspectus equo, modo Marte feroci           430  
 ante aquilas et signa pedes. fluit impia riuis  
 sanguineis uallis, tumulique et concaua saxa  
 armorum sonitus flatusque imitantur equorum.  
     Miscibat campum, membrorum in proelia portans  
 celsius humano robur, uisusque pauentis           435  
 mole gigantei uertebat corporis alas

Othrys Marmarides: lati super agmen utrumque  
 ingens tollebant umeri caput, hirtaque toruae  
 frontis caesaries et crinibus aemula barba  
 umbrabat rictus; squalore hinc hispida diro 440  
 et uillosa feris horrebant pectora saetis.  
 aspirare uiro propioremque addere Martem  
 haud ausum cuiquam. laxo ceu belua campo  
 incessebatur tutis ex agmine telis.  
 tandem uesanos palantum in terga ferenti 445  
 cum fremitu uultus tacita per nubila penna  
 intrauit toruum Gortynia lumen harundo  
 auertitque uirum. fugientis ad agmina consul  
 intorquet tergo iaculum, quod tegmine nudas  
 inrupit costas hirtoque a pectore primum 450  
 mucronem ostendit. rapidus conuellere temptat  
 qua nasci ferrum fulgenti cuspe cernit,  
 donec abundanter defuso sanguine late  
 procubuit moriens et telum uulnere pressit.  
 spiritus exundans uicinum puluere moto 455  
 perflauit campum et nubem dispersit in auras.  
 Nec minor interea tumulis siluisque fremebat  
 diuersis Mauors, uariaque per ardua pugna  
 et saxa et dum rorantes caede nitebant.  
 exitium trepidis letique et stragis acerbae 460  
 causa Sychaeus erat. Murranum ille eminus hasta  
 perculerat, quo non alius, cum bella silerent,  
 dulcius Oeagrios pulsabat pectine neruos.  
 occubuit silua in magna patriosque sub ipso  
 quaesiuit montis leto ac felicia Baccho 465  
 Aequana et Zephyro Surrentum molle salubri.  
 addiderat misero comitem pugnaeque ferocis  
 gaudebat tristi uictor nouitate Sychaeus.  
 palantis nam dum sequitur, peruaserat altam  
 in siluam et priscae reclinis ab ictibus ulmi 470  
 terga tuebatur trunco frustra relictos  
 Taurus comites suprema uoce ciebat.  
 transegit iuuenem ac perfossis incita membris  
 haesit in opposito cuspis Sidonia ligno.  
 Quid uobis, quaenam ira deum, uel mente sinistra 475  
 quae sedit formido, uiri? qui Marte relicto  
 ramorum quaesistis opem. non aequus in artis  
 nimirum rebus suasor metus. arguit asper  
 exitus euentu prauis consulta timoris.  
 annosa excelsos tendebat in aethera ramos 480  
 aesculus, umbrosum magnas super ardua siluas  
 nubibus insertans altis caput, instar (aperto  
 si staret campo) nemoris, lateque tenebat  
 frondosi nigra tellurem roboris umbra.  
 par iuxta quercus longum molita per aeuum 485

uertice canenti proferre sub astra cacumen  
 diffusas patulo laxabat stipite frondes  
 umbrabatque coma summi fastigia montis.  
 huc Hennaëa cohors, Triquetris quam miserat oris  
 rex, Arethusa, tuus, defendere nescia morti       490  
 dedecus et mentem nimio mutata pauore  
 certatim sese tulit ascendensque uicissim  
 pressit nutantis incerto pondere ramos.  
 mox alius super atque alius consistere tuto  
 dum certant, pars excussi (nam fragmine putri       495  
 ramorum et senio male fida fefellerat arbor),  
 pars trepidi celso inter tela cacumine pendent.  
 turbatos una properans consumere peste  
 corripit aeratam iam dudum in bella bipennem,  
 deposito clipeo mutatus tela, Sychaeus.       500  
 incumbunt sociae dextrae, magnoque fragore  
 pulsa gemit crebris succumbens ictibus arbor.  
 fluctuat infelix concusso stipite turba,  
 ceu, Zephyrus quatit antiquos ubi flamine lucos,  
 fronde super tremuli uix tota cacuminis haerens       505  
 iactatur nido pariter nutante uolucris.  
 procubuit tandem multa deuicta securi  
 suffugium infelix miseris et inhospita quercus  
 elisitque uirum spatiosa membra ruina.  
     Inde aliae cladum facies. contermina taedis       510  
 conlucet rapidoque inuoluitur aesculus igni.  
 iamque inter frondes arenti robore gliscens  
 uerticibus saeuus torquet Vulcanus anhelos  
 cum feruore globos flammarum et <c>ulmina torret.  
 nec tela interea cessant. semusta gementum       515  
 atque amplexa cadunt ardentis corpora ramos.  
     Haec inter miseranda uirum certamina consul  
 ecce aderat uoluens iram exitiumque Sychaeo.  
 at iuuenis dubio tantae discrimine pugnae  
 occupat euentum telo temptare priorem.       520  
 cui medio leuiter clipeo stetit aeris in ora  
 cuspis et oppositas uetita est tramittere crates.  
 sed non et consul misso concredere telo  
 fortunam optatae caedis parat, at latus ense  
 haurit: nec crudae tardarunt tegmina parmae.       525  
 labitur infelix atque adpetit ore cruento  
 tellurem expirans. tum diffundente per artus  
 frigore se Stygio manantem in uiscera mortem  
 accipit et longo componit lumina somno.  
     Atque ea dum uariis permixtus tristia Mauors       530  
 casibus alternat, iam castris Mago relictis,  
 iam Libyae ductor properantia signa citato  
 raptabant cursu et cessata reponere haebant  
 tempora caede uirum ac multo pensare cruore.

it globus intorquens nigranti turbine nubem 535  
 pulueris, et surgit sublatis campus harenis,  
 quaque ferens gressum flectit uestigia ductor,  
 undanti circum tempestas acta procella  
 uoluitur atque altos operit caligine montis.  
 occubuere femur Fontanus, Buta canorum 540  
 transfixi guttur, pressoque e uulnere cuspis  
 prospexit terga. hunc tristes luxere Fregellae  
 multiplicem proauis, hunc mater Anagnia fleuit.  
 haud dispar fortuna tibi, Laeuine, sed auso  
 non eadem. neque enim Tyrio concurrere regi 545  
 temptas, sed lectus par ad certamen Ithemon  
 Autololum moderator erat; quem poplite caeso  
 dum spoliat, grauis immiti cum turbine costas  
 fraxinus inrupit, conlapsaque membra sub ictu  
 hoste super fuso subita cecidere ruina. 550  
 [Nec Sidicina cohors defit. Viriasius armat  
 mille uiros, nulli uictus uel ponere castra  
 uel iunxisse ratem duroque resoluere muros  
 ariete et in turrim subitos immittere pontis.]  
 \* 554a  
 Quem postquam Libyae ductor uirtute feroci  
 exultare uidet (namque illi uulnere praeceps  
 terga dabat leuibus diffisus Arauricus armis),  
 acrius hoc, pulchro Mauorte accensus in iram  
 et dignum sese ratus in certamina saeuo  
 comminus ire uiro, referenti e corpore telum 560  
 aduolat et fodiens pectus: ' ludande laborum,  
 quisquis es, haud alia decuit te occumbere dextra.  
 ad manis leti perfer decus. Itala gentis  
 ni tibi origo foret, uita donatus abires.'  
 hinc Fadum petit et ueterem bellare Labicum, 565  
 cui Siculis quondam terris congressus Hamilcar  
 clarum spectato dederat certamine nomen.  
 immemor annorum seniumque oblitus in arma  
 ille quidem cruda mente et uiridissimus irae  
 ibat, sed uani frigentem in Marte senectam 570  
 prodebant ictus: stipula crepitabat inani  
 ignis iners cassamque dabat sine robore flammam.  
 quem postquam accepit patrio monstrante superbum  
 armigero Poenum ductor, 'Certamina primae  
 hic lue nunc' inquit ' pugna te notus Hamilcar 575  
 hac trahit ad manis dextra.' tum librat ab aure  
 intorquens iaculum et uersantem in uulnere sese  
 transigit. extracta foedauit cuspide sanguis  
 canitiem et longos finiuit morte labores.  
 nec minus Herminium primis obruncat in armis, 580  
 adsuetum, Trasimenne, tuos praedantibus hamis  
 exhaurire lacus patriaeque alimenta senectae

ducere suspenso per stagna iacentia lino.  
 interea exanimem maesti super arma Sychaeum  
 portabant Poeni corpusque in castra ferebant. 585  
 quos ubi conspexit tristi clamore ruentis  
 ductor, praesago percussus pectora luctu,  
 ' Quisnam' inquit ' dolo socii, quemue ira deorum  
 eripuit nobis? num te, dulcedine laudis  
 flagrantem et nimio primi Mauortis amore 590  
 atra, Sychaeae, dies properato funere carpsit?'  
 utque dato gemitu lacrimae adsensere ferentum  
 et dictus pariter caedis maerentibus auctor,  
 ' Cæro' ai' duerso pulchrum sub pectore uulnus  
 cuspidis Iliacae. dignus Carthagine, dignus 595  
 Hasdrubale ad manis ibis, nec te optima mater  
 dissimilem lugebit auis, Stygiaue sub umbra  
 degenerem cernens noster uitabit Hamilcar.  
 at mihi Flaminius, tam maesti causa doloris,  
 morte sua minuat luctus. haec pompa sequetur 600  
 exequias, seroque emptum uolet impia Roma  
 non uiolasse mei corpus mucrone Sychaei.'  
 Sic memorans torquet fumantem ex ore uaporem,  
 iraque anhelatum proturbat pectore murmur,  
 ut multo accensis feruore exuberat undis 605  
 clausus ubi exusto liquor indignatur aeno.  
 tum praeceps ruit in medios solumque fatigat  
 Flaminium incessens. nec dicto segnus ille  
 bella capessebat, propiorque insurgere Mauors  
 coeperat, et campo iunctus iam stabat uterque, 610  
 cum subitus per saxa fragor, motique repente,  
 horrendum, colles et summa cacumina totis  
 intremuere iugis. nutant in uertice siluae  
 pinifero fractaeque ruunt super agmina rupes.  
 immugit penitus conuulsis ima cauernis 615  
 dissiliens tellus nec paruos rumpit hiatus,  
 atque umbras late Stygias immensa uorago  
 faucibus ostendit patulis, manesque profundi  
 antiquum expauere diem. lacus ater in altos  
 sublatus montis et sede excussus auita 620  
 lauit Tyrrhenas ignota aspergine siluas.  
 iamque eadem populos magnorumque oppida regum  
 tempestas et dira lues strauitque tulitque.  
 ac super haec reflui pugnarunt montibus amnes,  
 et retro fluctus torsit mare. monte relicto 625  
 Apenninicolae fugere ad litora Fauni.  
 pugnabat tamen (heu belli uecordia!) miles,  
 iactatus titubante solo, tremebundaque tela,  
 subducta tellure ruens, torquebat in hostem,  
 donec pulsa uagos cursus ad litora uertit 630  
 mentis inops stagnisque inlata est Daunia pubes.

quis consul terga increpitans (nam turbine motae  
ablatus terrae inciderat): 'Quid deinde, quid, oro,  
restat, io, profugis? uos en ad moenia Romae  
ducitis Hannibalem, uos in Tarpeia Tonantis 635  
tectata faces ferrumque datis. sta, miles, et acris  
disce ex me pugnare, uel si pugnare negatum,  
disce mori. dabit exemplum non uile futuris  
Flaminius. ne terga Libys, ne Cantaber umquam  
consulis aspiciat. solus, si tanta libido 640  
est uobis rabiesque fugae, tela omnia solus  
pectore consumo et moriens fugiente per auras  
hac anima uestras reuocabo ad proelia dextras.'

Dumque ea commemorat densosque obit obuius hostis,  
aduolat ora ferus mentemque Ducarius. acri 645  
nomen erat gentile uiro, fuisque cateruis  
Boiorum quondam patriis antiqua gerebat  
uulnera barbaricae mentis, noscensque superbi  
uictoris uultus 'Tunc' inquit 'animus ille  
Boiorum terror? libet hoc cognoscere telo, 650  
corporis an tanti manet de uulnere sanguis.  
nec uos paeniteat, populares, fortibus umbris  
hoc mactare caput: nostros hic curribus egit  
insistens uictos alta ad Capitolia patres.  
ultrix hora uocat.' priter tunc undique fuis 655  
obruitur telis, nimboque ruente per auras  
contectus nulli dextra iactare reliquit  
Flaminium cecidisse sua. nec pugna perempto  
ulterior ductore fuit. namque agmine denso  
primores iuuenum, laeua ob discrimina Martis 660  
infensi superis dextrisque et cernere Poenum  
uictorem plus morte rati, super ocuis omnes  
membra ducis stratosque artus certamine magno  
telaque corporaque et non fausto Marte cruentas  
iniecere manus. sic densi caedis aceruo 665  
ceu tumulo texere uirum. tum, strage per undas  
per siluas sparsa perque altam sanguine uallem,  
in medias fratre inuectus comitante cateruas  
caesorum iuuenum Poenus 'Quae uulnera cernis,  
quas mortes!' inquit 'reppit omnis dextera ferrum, 670  
armatusque iacet seruans certamina miles.  
hos, en, hos obitus nostrae spectate cohortes!  
fronte minae durant, et stant in uultibus irae.  
et uereor, ne, quae tanta creat indole tellus  
magnanimos fecunda uiros, huic fata dicarint 675  
imperium, atque ipsis deuincat cladibus orbem.'

Sic fatus cessit nocti; finemque dedere  
caedibus infusae subducto sole tenebrae.

## Liber VI

Iam, Tartessiaco quos soluerat aequore Titan  
in noctem diffusus, equos iungebat Eois  
litoribus, primique nouo Phaethonte relecti  
Seres lanigeris repetebant uellera lucis,  
et foeda ante oculos strages, propiusque patebat 5  
insani Mauortis opus: simul arma uirique  
ac mixtus sonipes dextraeque in uulnere caesi  
haerentes hostis, passim clipeique iubaeque  
atque artus trunci capitum fractusque iacebat  
ossibus in duris ensis. nec cernere deerat 10  
frustra seminecum quaerentia lumina caelum.  
tum spumans sanie lacus et fluitantia summo  
aeternum tumulis orbata cadauera ponto.

Nec tamen aduersis ruerat tota Itala uirtus.  
Bruttius ingenti miserandae caedis aceruo, 15  
non aequum ostentans confosso corpore Martem,  
extulerat uix triste caput truncosque trahebat  
per stragem neruis interlabentibus artus,  
tenuis opum, non patre nitens linguaue, sed asper  
ense, nec e Volsca quisquam uir gente redemit 20  
plus aevi nec<e> magnanima. puer addere sese  
pubescente gena castris optarat et acri  
Flaminio spectatus erat, cum Celtica uictor  
obrueret bello diuis melioribus arma.  
inde honor ac sacrae custodia Marte sub omni 25  
alitis: hinc causam nutriuit gloria leti.  
namque necis certus, captae prohibere nequiret  
cum Poenos aquilae, postquam subsidere fata  
uiderat et magna pugnam inclinare ruina,  
occulere interdum et terrae mandare parabat. 30  
sed subitis uictus telis labentia membra  
prostrauit super ac mentita morte tegebat.  
uerum ubi lux nocte e Stygia miseroque sopore  
reddita, uicini de strage cadaueris hasta  
erigitur soloque uigens conamine late 35  
stagnantem caede et facilem discedere terram  
ense fodit, clausamque aquilae infelicis adorans  
effigiem, palmis languentibus aequat harenas.  
supremus fessi tenuis tum cessit in auras  
halitus et magnam misit sub Tartara mentem. 40

Iuxta cernere erat meritae sibi poscere carmen  
uirtutis sacram rabiem. Laeuinus, ab alto  
Priuerno, uitis Latiae praesignis honore,  
exanimum Nasamona Tyren super ipse iacebat

exanimis: non hasta uiro, non ensis: in artis 45  
 abstulerat Fors arma. tamen certamine nudo  
 inuenit Marti telum dolor. ore cruento  
 pugnatum, ferrique uicem dens praebuit irae.  
 iam lacerae nares foedataque lumina morsu,  
 iam truncum raptis caput auribus, ipsaque diris 50  
 frons depasta modis, et sanguine abundat hiatus;  
 nec satias, donec mandentia linqueret ora  
 spiritus et plenos rictus mors atra teneret.  
 Talia dum praebet tristis miracula uirtus,  
 diuerso interea fugientes saucia turba 55  
 iactantur casu silisque per auia caecis  
 ablati furtim multo cum uulnere solos  
 per noctem metantur agros. sonus omnis et aura  
 exterrent pennaque leui commota uolucris.  
 non sopor aut menti requies. agit asper acerba 60  
 nunc Mago attonitos, nunc arduus Hannibal hasta.  
 Serranus, clarum nomen, tua, Regule, proles,  
 qui longum semper fama gliscente per aeuum  
 infidis seruasse fidem memorabere Poenis,  
 flore nitens primo, patriis heu Punica bella 65  
 auspiciis ingressus erat, miseramque parentem  
 et dulcis tristi repetebat sorte penates  
 saucius. haud illi comitum super ullus, et atris  
 uulneribus qui ferret opem: per deuia, fractae  
 innitens hastae furtoque ereptus opacae 70  
 noctis, iter tacitum Perusina ferebat in arua.  
 hic fessus parui, quaecumque ibi fata darentur,  
 limina pulsabat tecti, cum membra cubili  
 euoluens non tarda Marus (uetus ille parentis  
 miles et haud surda tractarat proelia fama) 75  
 procedit renouata focus et paupere Vesta  
 lumina praetendens. utque ora agnouit et aegrum  
 uulneribus diris ac, lamentabile uisu,  
 lapsantis fultum truncata cuspide gressus,  
 funesti rumore mali iam saucius aures: 80  
 ' Quod sedus, o nimius uitae nimiumque ferendis  
 aduersis genitus, cerno? te, maxime, uidi,  
 ductorum, cum captiuo Carthaginis arcem  
 terreres uultu, crimen culpamque Tonantis,  
 occidere atque hausit, quem non Sidonia tecta 85  
 expulerint euersa meo de corde, dolorem.  
 estis ubi en iterum, superi? dat pectora ferro  
 Regulus, ac stirpem tantae periura recidit  
 surgentem Carthago domus.' inde aegra reponit  
 membra toro, nec ferre rudis medicamina (quippe 90  
 callebat bellis) nunc purgat uulnera lympham,  
 nunc mulcet sucis. ligat inde ac uellera molli  
 circumdat tactu et torpentis mitigat artus.



exin cura seni tristem depellere fesso  
 ore sitim et parca uires accersere mensa. 95  
 quae postquam properata, sopor sua munera tandem  
 applicat et mitem fundit per membra quietem.  
 necdum exorta dies, Marus instat uulneris aestus:  
 expertis medicare modis gratumque teporem  
 exutus senium trepida pietate ministrat. 100  
 Hic iuuenis maestos tollens ad sidera uultus  
 cum gemitu lacrimisque simul: ' Scilmina nondum  
 Tarpeia exosus damnasti sceptris Quirini,  
 extremas Italum res Ausoniamque ruentem  
 aspice,' ait ' gignitor, tandemque aduerte procellis 105  
 aequos Iliacis oculos. amissimus Alpes,  
 nec deinde aduersis modus est: Ticinus et ater  
 stragibus Eridanus, tuque insignite tropaeis  
 Sidoniis Trebia et tellus lacrimabilis Arni.  
 sed quid ego haec? grauior quanto uis ecce malorum! 110  
 uidi crescentis Trasimenni caedibus undas,  
 prostrataque uirum mole inter tela cadentem  
 uidi Flaminium. testor, mea numina, manes  
 dignam me poenae tum nobilitate paternae  
 strage hostis quaesisse necem, ni tristia letum, 115  
 ut quondam patri, nobis quoque fata negassent.'  
 Cetera ~aceruantem questu lenire laborans  
 effatur senior: ' Trio, fortissime, ritu  
 quicquid adest duri et rerum inclinata feramus.  
 talis lege deum cliuoso tramite uitae 120  
 per uarios praeceps casus rota uoluitur aeui.  
 sat tibi, sat magna et totum uulgata per orbem  
 stant documenta domus: sacer ille et numine nullo  
 inferior, tuus ille parens decora alta parauit  
 restando aduersis nec uirtutem exiit ullam 125  
 ante reluctantis liquit quam spiritus artus.  
 uix puerile mihi tempus confecerat aetas,  
 cum primo malas signabat Regulus aeuo.  
 accessi comes, atque omnis sociauiimus annos,  
 donec dis Italiae uisum est extinguere lumen 130  
 gentis, in egregio cuius sibi pectore sedem  
 ceperat alma Fides mentemque amplexa tenebat.  
 ille ense nobis magnorum hunc instar honorum  
 uirtutisque ergo dedit et, sordentia fumo  
 quae cernis nunc, frena (sed est argenteus ollis 135  
 fulgor). nec cuiquam Marus est post talia dona  
 non praelatus eques. uerum superauit honores  
 omnis hasta meos. cui me libare Lyaei  
 quod cernis latices, dignum cognoscere causam.  
 Turbidus arentis lento pede sulcat harenas 140  
 Bagra, non ullo Libycis in finibus amne  
 uictus limosas extendere latius undas

et stagnante uado patulos inuoluere campos.  
 hic studio laticum, quorum est haud prodiga tellus,  
 per ripas laeti saeuus consedimus aruis. 145  
 lucus iners iuxta Stygium pallentibus umbris  
 seruabat sine sole nemus, crassusque per auras  
 halitus erumpens taetrum expirabat odorem.  
 intus dira domus curuoque immanis in antro  
 sub terra specus et tristes sine luce tenebrae. 150  
 horror mente redit. monstrum exitiabile et ira  
 telluris genitum, cui par uix uiderit aetas  
 ulla uirum, serpens centum porrectus in ulnas  
 letalem ripam et lucos habitabat Auernos.  
 ingluuiem immensi uentris grauidamque uenenis 155  
 aluum deprensi satiabant fonte leones  
 aut acta ad fluuium torrenti lampade solis  
 armenta et tractae foeda grauitate per auras  
 ac tabe adflatus uolucres. semesa iacebant  
 ossa solo informi dape quae repletus et asper 160  
 uastatis gregibus nigro ructarat in antro.  
 isque ubi feruenti concepta incendia pastu  
 gurgite mulcebat rapido et spumantibus undis,  
 nondum etiam toto demersus corpore in amnem  
 iam caput aduersae ponebat margine ripae. 165  
 imprudens tantae pestis gradiebar, Aquino  
 Apenninicola atque Vmbro comitatus Auentis:  
 scire nemus faciemque loci explorare libebat.  
 iamque propinquantum tacitus penetrauit in artus  
 horror et occulto riguerunt frigore membra. 170  
 intramus tamen et Nymphas numenque precamur  
 gurgitis ignoti trepidosque et multa pauentis  
 arcano gressus audemus credere luco.  
 ecce e uestibulo primisque e faucibus antri  
 Tartareus turbo atque insano saeuior Euro 175  
 spiritus erumpit, uastoque e gurgite fusa  
 tempestas oritur, mixtam stridore procellam  
 Cerbereo torquens. pauefacti clade uicissim  
 aspiciamus. resonare solum, tellusque moueri,  
 atque antrum ruere, et uisi procedere manes. 180  
 quantis armati caelum petiere Gigantes  
 anguibus, aut quantus Lerna lassauit in undis  
 Amphitryoniaden serpens, qualisque comantis  
 auro seruauit ramos Iunonius anguis:  
 tantus disiecta tellure sub astra coruscum 185  
 extulit adsurgens caput atque in nubila primam  
 dispersit saniem et caelum foedauit hiatu.  
 diffugimus tenuemque metu conamur anhelis  
 tollere clamorem frustra: nam sibila totum  
 implebant nemus. at subita formidine caecus 190  
 et facti damnandus Auens (sed fata trahebant)

antiquae quercus ingenti robore sese  
 occulit, infandum si posset fallere monstrum.  
 uix egomet credo: spiris <c>ingentibus arte  
 arboris abstraxit molem penitusque reuulsam 195  
 euertit fundo et radicibus eruit imis.  
 tum trepidum ac socios extrema uoce cientem  
 corripit atque haustu sorbens et faucibus atris  
 (uidi respiciens) obscaena condidit aluo.  
 infelix fluuio sese et torrentibus undis 200  
 crediderat celerique fuga iam nabat Aquinus.  
 hunc medio inuasit fluctu ripaeque relatos  
 (heu genus infandum leti!) depascitur artus.  
 Sic dirum nobis et lamentabile monstrum  
 effugisse datur. quantum mens aegra sinebat, 205  
 adpropero gressum et ductori singula pando.  
 ingemuit casus iuuenum miseratus acerbos.  
 utque erat in pugnas et Martem et proelia et hostem  
 igneus et magna audendi flagrabat amore,  
 ocius arma rapi et spectatum Marte sub omni 210  
 ire iubet campis equitem. ruit ipse citatum  
 quadrupedem planta fodiens, scutataque raptim  
 consequitur iusso manus et muralia portat  
 ballistas tormenta grauis suetamque mouere  
 excelsas turris immensae cuspidis hastam. 215  
 iamque ubi feralem strepitu circumtonat aulam  
 cornea gramineum persultans ungula campum,  
 percitus hinnitu serpens euoluitur antro  
 et Stygios aestus fumanti exsibilat ore:  
 terribilis gemino de lumine fulgurat ignis. 220  
 at nemus arrectae et procera cacumina saltus  
 exuperant cristae: trifido uibrata per auras  
 lingua micat motu atque adsultans aethera lambit.  
 ut uero strepuere tubae, conterritus alte  
 immensum attollit corpus tergoque residens 225  
 cetera sinuatis glomerat sub pectore gyris.  
 dira dehinc in bella ruit rapideque resoluens  
 contortos orbis derecto corpore totam  
 extendit molem subitoque propincus in ora  
 lato distantum spatium uenit. omnis anhelat 230  
 attonitus serpentis ecus frenoque teneri  
 impatiens crebros expirat naribus ignes.  
 arduus ille super tumidis ceruicibus altum  
 nutat utroque caput. trepidos inde incitus ira  
 nunc sublime rapit, nunc uasto pondere gaudet 235  
 elisisse premens. tunc fractis ossibus atram  
 absorbet saniem et, tabo manante per ora,  
 mutat hians hostem semesaque membra relinquit.  
 cedebant iam signa retro, uictorque cateruas  
 longius auectas adflatus peste premebat, 240

cum ductor, propere reuocatam in proelia turmam  
 uocibus impellens: "Serpentine Itala pubes  
 terga damus Libycisque parem non esse fatemur  
 anguibus Ausoniam? si debellauit inertis  
 halitus, ac uiso mens aegra effluxit hiatu,           245  
 ibo alacer solusque manus componere monstro  
 sufficiam." clamans haec atque interritus hastam  
 fulmineo uolucrum torquet per inane lacerto.  
 uenit in aduersam non uano turbine frontem  
 cuspis et haud paulum uires adiuta ruentis           250  
 contra ardore ferae capiti tremebunda resedit.  
 clamor ad astra datur, uocesque repente profusae  
 aetherias adiere domos. furit ilicet ira  
 terrigena, impatiens dare terga nouisque dolori  
 et chalybem longo tum primum passus in aeuo.           255  
 nec frustra rapidi stimulante dolore fuisset  
 impetus, ablato ni Regulus arte regendi  
 instantem elusisset equo rursusque secutum  
 cornipedis gyros flexi curuamine tergi  
 detortis laeua celer effugisset habenis.           260

At non spectator Marus inter talia segni  
 torpebat dextra. mea tanto in corpore monstri  
 hasta secunda fuit. iam iamque extrema trisulca  
 lambebat lingua fessi certamine terga  
 quadrupedis: torsi telum atque urgentia uelox           265  
 in memet saeui serpentis proelia uerto.  
 hinc imitata cohors certatim spicula dextris  
 congerit alternasque ferum diducit in iras,  
 donec murali ballista coercuit ictu.  
 tum fractus demum uires; nec iam amplius aegra           270  
 consuetum ad nisus spina praestante rigorem  
 et solitum in nubes tolli caput, acrius insta<n>t.  
 iamque aluo penitus demersa phalarica sedit  
 et geminum uolucres lumen rapuere sagittae.  
 iam patulis uasto sub uulnere faucibus a<t>er           275  
 tabificam expirat saniem specus. ultima iamque  
 ingesti<s> cauda et iaculis et pondere conti  
 haeret humi, lassoque tamen minitatur hiatu,  
 donec tormentis stridens magnoque fragore  
 discussit trabs acta caput, longoque resoluens           280  
 aggere se ripae tandem exhalauit in auras  
 liuentem nebulam fugientis ab ore ueneni.  
 erupit tristi fluuio mugitus et imis  
 murmura fusa uadis, subitoque et lucus et antrum  
 et resonae siluis ulularunt flebile ripae.           285  
 heu quantis luimus mox tristia proelia damnis,  
 quantaque supplicia et qualis exhausimus iras!  
 nec tacuere pii uates famulumque sororum  
 Naiadum, tepida quas Bagrada nutrit in unda,

nos uiolasse manu seris monuere periclis. 290  
 haec tunc hasta decus nobis pretiumque secundi  
 uulneris a uestro, Serrane, tributa parente,  
 princeps quae sacro bibit e serpente cruorem.'  
 Iamdudum uultus lacrimis atque ora rigabat  
 Serranus medioque uiri sermone profatur: 295  
 ' Hui si uita duci nostrum durasset in aeuum,  
 non Trebia infaustas superasset sanguine ripas,  
 nec, Trasimenne, tuus premeret tot nomina gurges.'  
 Tum senior ' Magnas' inquit de sanguine poenas  
 percepit Tyrio et praesumpta piacula mortis. 300  
 nam defecta uiris et opes attrita supinas  
 Africa tendebat palmas, cum sidere diro  
 misit Agenoreis ductorem animosa Therapne.  
 nulla uiro species decorisque et frontis egenum  
 corpus; in exiguis uigor, admirabile, membris 305  
 uiuidus et nisu magnos qui uinceret artus.  
 iam Martem regere atque astus adiungere ferro  
 et duris facilem per inhospita ducere uitam  
 haud isti, quem nunc penes est sollertia belli,  
 cederet Hannibali. uellem hunc, o tristia nobis 310  
 Taygeta, hunc unum non durassetis opacis  
 Eurotae ripis. uidissem moenia flammis  
 Phoenissae ruere, aut certe non horrida fata  
 fleuissem ducis et, nulla quos morte nec igni  
 exutos seruans portabo in Tartara, luctus. 315  
 consertae campis acies, multusque per arua  
 feruebat Mauors, nec mens erat ulla sine ira.  
 hic inter medios memorandis Regulus ausis  
 laxabat ferro campum <in>que pericla ruebat  
 nec repetenda dabat letali uulnera dextra. 320  
 sic, ubi nigrantem torquens stridentibus Austris  
 portat turbo globum piceaque e nube ruinam  
 pendentem terris pariter pontoque minatur,  
 omnis et agricola et nemoroso uertice pastor  
 et pelago trepidat subductis nauita uelis. 325  
 at fraudem nectens, socios ubi concaua saxa  
 claudebant, uertit subito certamina Graius  
 et dat terga celer ficta formidine ductor,  
 haud secus ac stabulis procurans otia pastor  
 in foueam parco tectam uelamine frondis 330  
 ducit nocte lupos positae balatibus agnae.  
 abripuit traxitque uirum fax mentis honestae  
 gloria et incerti fallax fiducia Martis.  
 non socios comitumue manus, non arma sequentum  
 respicere: insano pugnae tendebat amore 335  
 iam solus, nubes subito cum densa Laconum  
 saxosis latebris intento ad proelia circum  
 funditur, et pone insurgit uis saeua uirorum.

o diram Latio lucem, fastisque notandum  
 dedecus o, Gradiue, tuum! tibi dextera et urbi           340  
 nata tuae tristi damnatur sorte catenae.  
 haud umquam absistam gemitu. te, Regule, uidit  
 Sidonius carcer, tuque huic sat magna triumpho  
 uisa es, Carthago, superis. quae poena sequetur  
 digna satis tali pollutos Marte Laconas?           345  
     At noua Elissaei iurato foedera patres  
 consultant mandare duci pacisque sequestrem  
 mittere poscentis uinctam inter proelia pubem  
 captiuamque manum ductore rependere nostro.  
 nec mora, iam stabat primis in litoris undis           350  
 nauali propulsa ratis, iam nautica pubes  
 aut siluis stringunt remos, aut abiete secta  
 transtra nouant. his intortos aptare rudentis,  
 his studium erecto componere carbasa malo.  
 unca locant prora curuati pondera ferri.           355  
 ante omnis doctus pelagi rectorque carinae  
 puppim aptat clauumque Cothon. micat aereus alta  
 fulgor aqua trifidi splendentis in aequore rostri.  
 tela simul uariamque ferunt contra aspera ponti  
 rerum ad tempus opem. mediae stat margine puppis           360  
 qui uoce alternos nautarum temperet ictus  
 et remis dictet sonitum pariterque relatis  
 ad numerum plaudat resonantia caerulea tonsis.  
     Postquam confectum nautis opus horaque cursus  
 atque armata ratis uentique dedere profundum,           365  
 omnis turba ruit, matres puerique senesque.  
 per medios coetus trahit atque inimica per ora  
 spectandum Fortuna ducem. fert lumina contra  
 pacatus frontem, qualis cum litora primum  
 attigit adpulsa rector Sidonia classe.           370  
 accessi comes, haud ipso renuente, rati que  
 impositus maestis socium me casibus addo.  
 inluuiem atque inopes mensas durumque cubile  
 et certare malis urgentibus hoste putabat  
 deuicto maius, nec tam fugisse cauendo           375  
 aduersa egregium, quam perdomuisse ferendo.  
 spes tamen una mihi, quamquam bene cognita et olim  
 atrox illa fides, urbem murosque domumque  
 tangere si miseris licuisset, corda moueri  
 posse uiri et uestro certe mitescere fletu.           380  
 claudebam sub corde metus lacrimasque putabam  
 esse uiro et nostrae similem inter tristia mentem.  
 cum tandem patriae Tiberino adlabimur amni,  
 seruabam uultus ducis ac proidentia sensum  
 lumina et obtutu perstabam intentus eodem.           385  
 si qua fides, unum, puer, inter mille labores,  
 unum etiam in patria saeuaque in Agenoris urbe

atque unum uidi poenae quoque tempore uultum.  
 obuia captiuo cunctis simul urbibus ibat  
 Ausonia, et campum turba uincente propinqui      390  
 implentur colles; strepit altis Albula ripis.  
 ipsi Poenorum proceres immitia corda  
 ad patrios certant cultus reuocare, togaeque  
 addebat honor. stetit, inlacrimante senatu  
 et matrum turba iuuenumque dolore profuso,      395  
 inter tot gemitus immobilis. aggere consul  
 tendebat dextram et patria uestigia primus  
 ponentem terra occursum celebrabat amico.  
 collegit gressum, monitusque recedere consul  
 nec summum uiolare decus. cingente superba      400  
 Poenorum turba captiuoque agmine saeptus  
 ibat et inuidiam caelo diuisque ferebat.  
 Ecce trahens geminum natorum Marcia pignus,  
 infelix nimia magni uirtute mariti,  
 squalentem crinem et tristis lacerabat amictus.      405  
 agnoscisne diem? an teneris non haesit in annis?  
 atque ea, postquam habitu iuxta et uelamine Poeno  
 deformem aspexit, fuis ululatibus aegra  
 labitur, et gelidos mortis color occupat artus.  
 si qua deis pietas, tales, Carthago, uidere      410  
 dent tibi Sidonias matres. me uoce quieta  
 adfatus iubet et uestros et coniugis una  
 arcere amplexus pater, impenetrabilis ille  
 luctibus et numquam summissus colla dolori.'  
 Hic alto iuuenis gemitu lacrimisque coortis      415  
 ' Mone parens,' inquit' quo minus numine nobis  
 Tarpeia nec in arce sedet, si iura querelis  
 sunt concessa piis, cur hoc matrique mihique  
 solamen, uel cur decus hoc, o dure, negasti,  
 tangere sacros uultus atque oscula ab ore      420  
 libauisse tuo? dextram mihi prendere dextra  
 non licitum? leuiores forent haec uulnera quantum,  
 si ferre ad manus infixos mente daretur  
 amplexus, uenerande, tuos. sed uana recordor  
 ni, Mare, (nam primo tunc haerebamus in aeuo)      425  
 humana maior species erat. horrida cano  
 uertice descendens ingentia colla tegebat  
 caesaries, frontique coma squalente sedebat  
 terribilis decor atque animi uenerabile pondus.  
 nil posthac oculis simile incidit.' excipit inde      430  
 iam Marus atque, inhibens conuellere uulnera questu,  
 ' Quid, cum praeteritis inuisa penatibus' inquit  
 ' hospiti et sedes Poenorum intrauit acerbas?  
 adfixi clipei currusque et spicula nota  
 aedibus in paruis, magni monumenta triumpho,      435  
 pulsabant oculos, coniunxque in limine primo

clamabat: "Quo fers gressus? non Punicus hic est,  
 Regule, quem fugias, carcer. uestigia nostri  
 casta tori domus et patrium sine crimine seruat  
 inuiolata larem. semel hic iterumque (quid, oro, 440  
 pollutum est nobis?) prolem, gratante senatu  
 et patria, sum enixa tibi. tua, respice, sedes  
 haec est, unde ingens umeris fulgentibus ostro  
 uidisti Latios consul procedere fasces,  
 unde ire in Martem, quo capta referre solebas 445  
 et uictor mecum suspendere postibus arma.  
 non ego complexus et sanctae foedera taedae  
 coniugiumue peto: patrios damnare penatis  
 absiste ac natis fas duc concedere noctem."  
 Hos inter fletus iunctus uestigia Poenis 450  
 limine se clusit Tyrio questusque reliquit.  
 uixdum clara dies summa lustrabat in Oeta  
 Herculei monumenta rogi, cum consul adire  
 accirique iubet Libyas. tum limina templi  
 uidimus intrantem. quae consultata senatus, 455  
 quasue uiri uoces extremum curia maerens  
 audierit, placido nobis ipse edidit ore.  
 intulit ut gressus, certatim uoce manuque  
 ad solitam sedem et uestigia nota uocabant.  
 abnuit antiquumque loci aspernatus honorem. 460  
 at circumfusi non setius undique dextram  
 prensare ac, patriae ductorem nomine tanto  
 redderet, orabant: captiua posse redemptum  
 pensari turba, ac Tyrias tum iustius arces  
 arsuras dextra, fuerit quae uincta catenis. 465  
 Tum palmas simul attollens ac lumina caelo  
 "Iustitiae rectique dator, qui cuncta gubernas,  
 nec leuior mihi diua Fides Sarranaque Iuno,  
 quos redivus testes iurata mente uocavi,  
 sit mihi fas me digna loqui Latiosque tueri 470  
 uoce focus: ibo ad Tyrios non signior," inquit  
 "stante fide redivus et saluo foedere poenae.  
 sic nobis rerum exitio desistite honorem  
 tendere. tot bellis totque annis fregimus aeuum.  
 nunc etiam uinclis et longo carcere torpent 475  
 captiuo in senio uires. fuit ille nec umquam,  
 dum fuit, a duro cessauit munere Martis  
 Regulus. exanguis spectatis corpore nomen.  
 at non Carthago, fraudum domus, inscia quantum  
 e nobis restet, iuuenes parat, aspera ferro 480  
 pectora, captiuos nostra pensare senecta.  
 ite dolos contra, gensque astu fallere laeta  
 discat, me capto quantum tibi, Roma, supersit.  
 nec uero placeat, nisi quae de more parentum  
 pax erit. exposcunt Libyes nobisque dedere 485



haec referenda, pari libeat si pendere bellum  
foedere et ex aequo geminas conscribere leges.  
sed mihi sit Stygios ante intrauisse penatis,  
talia quam uideam ferientis pacta Latinos."

Haec fatus Tyriae sese iam reddidit irae, 490  
nec monitus spernente grauis fido<s>que senatu  
Poenorum dimissa cohors. quae maesta repulsa  
ac minitans capto patrias properabat ad oras.  
prosequitur uulgus, patres, ac planctibus ingens  
personat et luctu campus. reuocare libebat 495  
interdum et iusto raptum retinere dolore.

At trepida et subito ceu stans in funere coniunx,  
ut uidit puppi properantem intrare, tremendum  
uociferans celerem gressum referebat ad undas:  
"Tollite me, Libyes, comitem poenaeque necisque. 500  
hoc unum, coniunx, uteri per pignora nostri  
unum oro: liceat tecum quoscumque ferentem  
terrarum pelagique pati caelique labores.  
non ego Amyclaeum ductorem in proelia misi,  
nec nostris tua sunt circumdata colla catenis. 505  
cur usque ad Poenos miseram fugis? accipe mecum  
hanc prolem. forsan duras Carthagini iras  
flectemus lacrimis, aut, si praecluserit aures  
urbs inimica suas, eadem tunc hora manebit  
teque tuosque simul, uel, si stat rumpere uitam, 510  
in patria moriamur. adest comes ultima fati."

Has inter uoces uinclis resoluta moueri  
paulatim et ripa coepit decedere puppis.  
tum uero infelix, mente<m> furiata dolore,  
exclamat fessas tendens ad litora palmas: 515  
"En, qui se iactat Libyae populisque nefandis  
atque hosti seruare fidem. data foedera nobis  
ac promissa fides thalamis ubi, perfide, nunc est?"  
ultima uox duras haec tunc penetrauit ad auris,  
cetera percussi uetuerunt noscere remi. 520

Tum fluuio raptim ad pelagi deuoluimur oras  
ac legimus pontum pinuque immane cauata  
aequor et immensas curua trabe findimus undas.  
ludibrium necis horrescens, uis aspera ponti  
obrueret scopulisque ratem furor improbus Euri 525  
frangeret, optabam: letum id commune fuisset.  
sed nos ad poenam moderato flamine lenes  
uexerunt Zephyri Tyrioque dedere furori.

Infelix uidi patriamque remissus in urbem  
narrator poenae dura mercede reuerti. 530  
nec tibi nunc ritus imitantem irasque ferarum  
Pygmalioneam temptarem expromere gentem,  
si maius quicquam toto uidisset in orbe  
gens hominum, quam quod uestri ueneranda parentis

edidit exemplum uirtus. pudet addere questus 535  
suppliciis, quae spectauit placido ore ferentem.  
tu quoque, care puer, dignum te sanguine tanto  
fingere ne cessa atque orientis comprime fletus.  
praefixo paribus ligno mucronibus omnes  
armantur laterum crates, densumque per artem 540  
textitur erecti stantisque ex ordine ferri  
infelix stimulus, somnisque hac fraude negatis  
quocumque inflexum producto tempore torpor  
inclinauit iners, fodiunt ad uiscera corpus.  
absiste, o iuuenis, lacrimis. patientia cunctos 545  
haec superat currus. longo reuiescet in aeuo  
gloria; dum caeli sedem terrasque tenebit  
casta Fides, dum uirtutis uenerabile nomen,  
uiuēt; eritque dies, tua quo, dux inclite, fata  
audire horrebunt a te calcata minores.' 550

Haec Marus et maesta refoebat uulnera cura.  
interea, rapidas perfusa cruoribus alas,  
sicut sanguinea Trasimenni tinxerat unda,  
uera ac ficta simul spargebat Fama per Urbem.  
Allia et infandi Senones captaeque recursat 555  
attonitis arcis facies. excussit habenas  
luctificus Pauor, et tempestas aucta timendo.  
hic raptim ruit in muros: uox horrida fertur  
' Hic adest' ,aciuntque sudēs et inania tela.  
ast aliae laceris canentes crinibus alta 560  
uerrunt tecta deum et seris post fata suorum  
sollicitant precibus. requiem tenebraeque diesque  
amisere: iacent portis ululante dolore  
dispersum uulgus, remeantumque ordine longo  
seruat turba gradus. pendent ex ore loquentum, 565  
nec laetis sat certa fides, iterumque morantur  
orando et, uultu interdum sine uoce precati,  
quod rogitant, audire pauent. hic fletus, ubi aures  
percussae grauiore malo, metus inde, negatum  
si scire, et dubius responsi nuntius haesit. 570  
iamque ubi conspectu redeuntum uisa propinquo  
corpora, sollicite laeti funduntur et ipsis  
oscula uulneribus figunt superosque fatigant.

Hic inter trepidos, curae uenerandus, agebat  
Serranum Marus, atque olim post fata mariti 575  
non egressa domum uitato Marcia coetu  
et lucem causa natorum passa ruebat  
in luctum similem antiquo. turbata repente  
agnoscensque Marum 'Fidei comes inclite magnae,  
hunc certe mihi reddis.' ait 'due uulnus? an alte 580  
usque ad nostra ferus penetrauit uiscera mucro?  
quicquid id est, dum non uinctum Carthago catenis  
abripiat poenaeque instauret monstra paternae,

gratum est, o superi. quotiens heu, nate, petebam,  
 ne patrias iras animosque in proelia ferres 585  
 neu te belligeri stimulare in arma parentis  
 triste decus. nimium uiuacis dura senectae  
 supplicia expendi. quaeso, iam parcite, si qua  
 numina pugnastis nobis.'

At cladis acerbae  
 discussa ceu nube, patres conquirere fessis 590  
 iam rebus meditantur opem, atque ad munera belli  
 certatur, pulsusque timor grauiore periclo.  
 maxima curarum rectorem ponere castris  
 cui Latium et moles rerum quassata recumbat,  
 spectante occasum patria. Iouis illa ruenti 595  
 Ausoniae atque Italis tempus protendere regnis  
 cura fuit; nam Tyrrhenos Poenumque secundis  
 Albana surgens respexerat arce tumentem,  
 qui ferre in muros uictoria signa parabat.  
 tum quassans caput ' ~~Hic~~ umquam tibi Iuppiter,' inquit 600  
 ' o iuuenis, dederit portas transcendere Romae  
 atque inferre pedem. Tyrrhenas sternere ualles  
 caedibus, et ripas fluuiorum exire Latino  
 sanguine fas fuerit: Tarpeium accedere collem  
 murisque aspirare ueto.' quater inde coruscum 605  
 contorsit dextra fulmen, quo tota reluxit  
 Maeonidum tellus, atramque per aethera uoluens  
 abrupto fregit caelo super agmina nubem.  
 nec Poenum auertisse satis: dat numine magno  
 Aeneadis mentem gremio deponere tuto 610  
 Romuleam laudem Fabioque salutis habenas  
 credere ductori. cui postquam tradita belli  
 iura uidet, ' Non hunc inquit ' ~~scilicet~~ uerit unquam  
 inuidia aut blando popularis gloria fuco, 615  
 non astus fallax, non praeda aliusue cupido.  
 bellandi uetus ac laudum cladumque quieta  
 mente capax. par ingenium castrisque togaeque.'  
 sic genitor diuum recipitque ad sidera gressum.

Hic circumspectis nulli deprensus in armis  
 laudatusque Ioui Fabius mirabile quantum 620  
 gaudebat reducem patriae adnumerare reuersus,  
 duxerat egrediens quam secum in proelia, pubem.  
 nec membris quisquam natouae pepercit amato  
 acrius aut uidit socium per bella cruorem  
 tristior. atque idem, perfusus sanguine uictor 625  
 hostili, plenis repetebat moenia castris.  
 stirpe genus clarum caeloque adfinis origo.  
 nam remeans longis olim Tirynthius oris  
 et triplicis monstri famam et spectacula captas  
 mira boues hac, qua fulgent nunc moenia Romae, 630  
 egit ouans. tunc Arcadius, sic fama, locabat

inter desertos fundata Palatia dumos  
paupere sub populo ductor, cum regia uirgo  
hospite uicta sacro Fabium de crimine laeto  
procreat et magni commiscet seminis ortus 635  
Arcas in Herculeos mater uentura nepotes.  
ter centum domus haec Fabios armauit in hostem  
limine progressos uno; pulcherrima quorum  
cunctando Fabius superauit facta ducemque  
Hannibalem aequando. tantus tunc, Poene, fuisti. 640  
Dum se perculsi renouant in bella Latini,  
turbatus Ioue et exuta spe moenia Romae  
pulsandi, collis Vmbros atque arua petebat  
Hannibal, excelso summi qua uertice montis  
deuexum lateri pendet Tuder, atque ubi latis 645  
proiecta in campis nebulas exhalat inertis  
et sedet ingentem pascens Meuania taurum,  
dona Ioui. tum Palladios se fundit in agros  
Picenum diues praedae atque errantibus armis,  
quo spolia inuitant, transfert populantia signa, 650  
donec pestiferos mitis Campania cursus  
tardauit bellumque sinu indefensa recepit.  
Hic dum stagnosi spectat templumque domosque  
Literni ductor, uaria splendentia cernit  
pictura belli patribus monumenta prioris 655  
exhausti: nam porticibus signata manebant,  
quis inerat longus rerum et spectabilis ordo.  
primus bella truci suadebat Regulus ore,  
bella neganda uiro, si noscere fata daretur.  
at princeps Poenis indicta more parentum 660  
Appius astabat pugna lauroque reuinctus  
iustum Sarrana ducebat caede triumphum.  
aequoreum iuxta decus et nauale tropaeum,  
rostra gerens niuea surgebat mole columna.  
exuuias Marti ~donumque Du<i>lius, alto 665  
ante omnis mersa Poenorum classe, dicabat.  
cui, nocturnus honos, funalia clara sacerque  
post epulas tibicen adest, castosque penatis  
insignis laeti repetebat murmure cantus.  
cernit et extremos defuncti ciuis honores: 670  
Scipio ductoris celebrabat funera Poeni,  
Sardoa uictor terra. uidet inde ruentem  
litoribus Libycis dispersa per agmina pubem;  
instabat crista fulgens et terga premebat  
Regulus: Autololes Nomadesque et Maurus et Hammon 675  
et Garamas positus dedebant oppida telis.  
lentus harenoso spumabat Bagrada campo  
uiperea sanie, turmisque minantibus ultro  
pugnabat serpens et cum duce bella gerebat.  
necnon proiectum puppi frustraue uocantem 680

numina Amyclaeum mergebat perfida ponto  
rectorem manus, et seras tibi, Regule, poenas  
Xanthippus digni pendebat in aequore leti.  
addiderant geminas medio consurgere fluctu  
Aegatis: lacerae circum fragmenta uideres       685  
classis et effusos fluitare in gurgite Poenos.  
possessor pelagi pronaque Lutatius aura  
captiuas puppis ad litora uictor agebat.  
haec inter iuncto religatus in ordine Hamilcar,  
ductoris genitor, cunctarum ab imagine rerum       690  
totius in sese uulgi conuerterat ora.  
sed Pacis faciem et pollutas foederis aras  
deceptumque Iouem ac dictantis iura Latinos  
cernere erat. strictas trepida ceruice securis  
horrebat Libys, ac summissis ordine palmis       695  
orantes ueniam iurabant inrita pacta.  
haec Eryce e summo spectabat laeta Dione.  
    Quae postquam infesto percensuit omnia uultu  
adridens Poenus, lenta proclamat ab ira:  
' Non diuiora dabis nostris inscribere tectis       700  
acta meae dextrae: captam, Carthago, Saguntum  
da spectare, simul flamma ferroque ruentem;  
perfodiant patres natorum membra. nec Alpes  
exiguus domitas capiet locus: ardua celsis  
persultet iuga uictor equis Garamasque Nomasque.       705  
addes Ticini spumantis sanguine ripas  
et nostrum Trebiam et Trasimenni litora Tusci  
clausa cadaueribus. ruat ingens corpore et armis  
Flaminius, fugiat consul manante cruore  
Scipio et ad socios nati ceruice uehatur.       710  
haec mitte in populos, et adhuc maiora dabuntur.  
flagrantem effinges facibus, Carthago, Libyssis  
Romam et deiectum Tarpeia rupe Tonantem.  
interea uos, ut dignum est, ista (ocius ite)  
o iuuenes, quorum dextris mihi tanta geruntur,       715  
in cineres monumenta date atque inuoluite flammis.'

## Liber VII

Interea trepidis Fabius spes unica rebus.  
ille quidem socios atque aegram uulnere praeceps  
Ausoniam armabat uiridique ad dura laborum  
bellator senio iam castra mouebat in hostem,  
sed mens humana maior non tela nec enses           5  
nec fortis spectabat equos. tot milia contra  
Poenorum inuictumque ducem, tot in agmina solus  
ibat et in sese cuncta arma uirosque gerebat.  
ac ni sacra seni uis impressumque fuisset  
sistere Fortunam cunctando aduersa fouentem,           10  
ultima Dardanii transisset nominis aetas.  
ille modum superis in Punica castra fauoris  
addidit et Libyae finem inter prospera bella  
uincendi statuit. tumefactum cladibus ille  
Hesperiiis lento Poenum moderamine lusit.           15  
summe ducum, qui regna iterum labentia Troiae  
et fluxas Latii res maiorumque labores,  
qui Carmentis opes et regna Euandria seruas,  
surge, age et merito sacrum caput insere caelo.  
At Libyae ductor, postquam noua nomina lecto           20  
dictatore uigent, raptim mutata Latinis  
imperia haud frustra reputans, cognoscere hauebat,  
quae fortuna uiro, quodnam decus, ultima fessis  
ancora cur Fabius, quem post tot Roma procellas  
Hannibali putet esse parem. feruore carentes           25  
angebant anni fraudique inaperta senectus.  
ocius accitum captiuo ex agmine poscit  
progeniem ritusque ducis dextraeque labores.  
Cilnius, Arreti Tyrrhenis ortus in oris,  
clarum nomen erat. sed laeua adduxerat hora           30  
Ticini iuuenem ripis, fususque ruentis  
uulnere equi Libycis praebat colla catenis.  
hic ardens exire malis et rumpere uitam,  
' Non cum Flaminio tibi res, nec feruida Gracchi  
in manibus consulta:' inquit ' Tyntia gens est;           35  
quam si fata tuis genuissent, Hannibal, oris,  
terrarum imperium Carthaginis arce uideres.  
non ego te longa serie per singula ducam.  
hoc sat erit: nosces Fabios certamine ab uno.  
Veientum populi uiolata pace negabant           40  
acceptare iugum, ac uicino Marte furebat  
ad portas bellum, consulque ciebat ad arma.  
dilectus uetiti, priuataque castra penates  
Herculei impleuere. domo, mirabile, ab una

patricius iunctis exercitus ibat in armis. 45  
 ter centum exiluire duces. quocumque liberet  
 uno non pauidus rexisses bella magistro.  
 sed dirum egressis omen: Scelerata minaci  
 stridentis sonitu tremuerunt limina portae,  
 maximaque Herculei mugiuuit numinis ara. 50  
 inuasere hostem, numerarique aspera uirtus  
 haud est passa uiros, et plures milite caedes.  
 saepe globo densi, saepe et per deuia passim  
 dispersi subiere uices, meritique labore  
 aequato, nulli quisquam uirtute secundus, 55  
 ducere ter centum Tarpeia ad templa triumphos.  
 spes heu fallaces oblitaque corda, caducum  
 mortali quodcumque datur! grex ille uirorum,  
 qui Fabia gente incolumi deforme putabat  
 publica bella geri, pariter cecidere deorum 60  
 inuidia, subitis circumuenientibus armis.  
 nec tamen occisos est cur laetere. supersunt  
 quot tibi si<n> Libyaetaeque satis: certauerit unus  
 ter centum dextris. tam uiuida membra laborque  
 prouidus et cauta sollertia tecta quiete. 65  
 nec uero, calidi, nunc tu, cui sanguinis aetas,  
 foderis in pugna uelocius ilia planta  
 bellatoris equi frenisque momorderis ora.  
 quem cernens auidum leti post talia Poenus,  
 ' Niququam nostras, demens,' ai' licis iras 70  
 et captiua paras moriendo euadere uincla.  
 uiuendum est. arta seruentur colla catena.'  
 haec iuuenis, diuisque tumens ausisque secundis.  
 At patres Latiasque nurus raptabat ad aras  
 cura deum. maesto suffusae lumina uultu 75  
 femineus matres graditur chorus: ordine longo  
 Iunoni pallam conceptaque uota dicabant:  
 ' Haades, o regina deum, gens casta precamur  
 et ferimus, digno quaecumque est nomine, turba  
 Ausonidum pulchrumque et, acu et subtemine fuluo 80  
 quod nostrae neuere manus, uenerabile donum.  
 ac dum decrescit matrum metus, hoc tibi, diua,  
 interea uelamen erit. si pellere nostris  
 Marmaricam terris nubem dabis, omnis in auro  
 pressa tibi uaria fulgebit gemma corona.' 85  
 necnon et proprio uenerantur Pallada dono  
 Phoebumque armigerumque deum primamque Dionen.  
 tanta adeo, cum res trepidae, reuerentia diuum  
 nascitur: at rarae fumant felicibus arae.  
 Dum Roma antiquos templis indicit honores, 90  
 iam Fabius, tacito procedens agmine et arte  
 bellandi lento similis, praecluserat omnis  
 fortunaeque hostique uias. discedere signis

haud licitum, summumque decus, quo tollis ad astra  
 imperii, Romane, caput, parere docebat. 95  
 uerum ubi prima satis conspecta in montibus altis  
 signa procul fulsitque nouis exercitus armis,  
 arrectae spes Sidonii, feruetque secundis  
 fortunae iuuenis. uincendi sola uidetur,  
 quod nondum steterint acies, mora: 'Pergite,' ~~lamat~~ 100  
 ' iteiti, ruite ad portas, propellite uallum  
 pectoribus. quantum campi distamus, ad umbras  
 tantum hosti superest. resides ad bella uocantur,  
 quis pudeat certare, senes. quodcumque uidetis,  
 hoc reliquum est, primo damnatum ut inutile bello. 105  
 en, ubi nunc Gracchi atque ubi nunc sunt fulmina gentis  
 Scipiadae? pulsi Ausonia non ante pauentem  
 dimisere fugam quam terror ad ultima mundi  
 Oceanumque tulit. profugus nunc errat uterque  
 nomina nostra tremens et ripas seruat Hiberi. 110  
 est etiam, cur Flaminio mihi gloria caeso  
 creuerit, et titulis libeat cur figere nostris  
 crudum Marte uiri nomen. quot demere noster  
 huic annos Fabio gladius ualet! et tamen audet.  
 audeat. haud ultra faxo spectetur in armis.' 115  
 Talia uociferans uolucris rapit agmina cursu  
 ac praeuectus equo nunc dextra prouocat hostem  
 nunc uoce increpitat, missa nunc eminus hasta  
 fertur ouans pugnaeque agitat simulacra futurae:  
 ut Thetidis proles Phrygiis Vulcania campis 120  
 arma tulit, clipeo amplexus terramque polumque  
 maternumque fretum totumque in imagine mundum.  
 Cassarum sedet irarum spectator et alti  
 celsus colle iugi domat exultantia corda  
 infractasque minas dilato Marte fatigat 125  
 sollers cunctandi Fabius, ceu nocte sub atra  
 munitis pastor stabulis per ouilia clausum  
 impavidus somni seruat pecus: efferat saeuit  
 atque impasta trucis ululatus turba luporum  
 exercet morsuque quatit restantia claustra. 130  
 Inritus incepti mouet inde atque Apula tardo  
 arua Libys passu legit ac nunc ualle residit  
 conditus occulta, si praecipitare sequentem  
 atque inopinata detur circumdare fraude,  
 nunc nocturna parat caecae celantibus umbris 135  
 furta uiae retroque abitum fictosque timores  
 adsimulat, tum castra citus deserta relicta  
 ostentat praeda atque inuitat prodigus hostem:  
 qualis Maeonia passim Maeandrus in ora,  
 cum sibi gurgitibus flexis reuolutus oberrat. 140  
 nulla uacant incepta dolis: simul omnia uersat  
 miscetque exacuens uaria ad conamina mentem,



sicut aquae splendor radiatus lampade solis  
 dissultat per tecta uaga sub imagine uibrans  
 luminis et tremula laquearia uerberat umbra. 145  
 iamque dolore furens ita secum immurmurat ira:  
 ' Obui si primus nobis hic tela tulisset,  
 nullane nunc Trebiae et Trasimenni nomina? nulli  
 lugerent Itali? numquam Phaethontius amnis  
 sanguinea pontum turbasset decolor unda? 150  
 inuentum, dum se cohibet terimurque sedendo,  
 uincendi genus. en quotiens, uelut obuius iret,  
 discinxit ratione dolos fraudesque resoluit.'  
 haec secum, medio somni cum bucina noctem  
 diuideret, iamque excubias sortitus iniquas 155  
 tertius abrupta uigil iret ad arma quiete.  
 uertit iter Daunique retro tellure relicta  
 Campanas remeat notus populator in oras.  
 hic uero, intrauit postquam uberis arua Falerni  
 (diues ea et numquam tellus mentita colono), 160  
 addunt frugiferis inimica incendia ramis.  
 Haud fas, Bacche, tuos tacitum tramittere honores,  
 quamquam magna incepta uocent. memorabere, sacri  
 largitor laticis, grauidae cui nectare uites  
 nulli dant prelis nomen praeferre Falernis. 165  
 Massica sulcabat meliore Falernus in aeuo  
 ensibus ignotis senior iuga. pampinus umbras  
 nondum uua uiridis nudo texebat in aruo,  
 pocula nec norant sucis mulcere Lyaei,  
 fonte sitim et pura soliti defendere lymphae. 170  
 attulit hospitio pergentem ad litora Calpes  
 extremumque diem pes dexter et hora Lyaeum,  
 nec pigritum paruosque lares humilisque subire  
 limina caelicolam tecti. cepere uolentem  
 fumosi postes et ritu pauperis aeui 175  
 ante focos mensae, laetus nec senserat hospes  
 aduenisse deum. sed enim de more parentum  
 grato cursabat studio instabatque senectae,  
 donec, opes festas, puris nunc poma canistris  
 composuit, nunc inriguis citus extulit hortis 180  
 rorantis umore dapes, tum lacte fauisque  
 distinxit dulcis epulas nulloque cruore  
 polluta castus mensa Cerealia dona  
 attulit ac primum Vestae detersit honorem  
 undique et in mediam iecit libamina flammam. 185  
 deesse tuos latices, hac sedulitate senili  
 captus, Iacche, uetas. subito, mirabile dictu,  
 fagina pampineo spumarunt pocula suco,  
 pauperis hospitii pretium, uilisque rubenti  
 fluxit mulctra mero, et quercu in cratera cauata 190  
 dulcis odoratis umor sudauit ab uuis.

' **E**cape' **B**acchus ait ' nondumibi nota, sed olim  
 uiticolae nomen peruulgatura Falerni  
 munera,' et haud ultra latuit deus. inde nitentem  
 lumine purpureo frontem cinxere corymbi, 195  
 et fusae per colla comae, dextraque pependit  
 cantharus, ac uitis thyrsos delapsa uirenti  
 festas Nysaeo redimiuit palmitibus mensas.  
 nec facilis laeto certasse, Falerne, saporibus,  
 postquam iterata tibi sunt pocula, iam pede risum, 200  
 iam lingua titubante moues, patrioque Lyaeo  
 tempora quassatus, grates et praemia digna  
 uix intellectis conaris reddere uerbis,  
 donec composuit luctantia lumina Somnus,  
 Somnus, Bacche, tibi comes additus. hinc ubi primo 205  
 ungula dispersit rores Phaethontia Phoebos,  
 uiferis late florebat Massicus aruis  
 miratus nemora et lucentis sole racemos.  
 ita monti decus, atque ex illo tempore diues  
 Tmolus <et> ambrosiis Ariusia pocula sucis 210  
 ac Methymna ferox lacibus cessere Falernis.

Haec tum uasta dabat terrisque infestus agebat  
 Hannibal, et sicci stimulabant sanguinis enses,  
 ludificante ducem Fabio. iamque improba castris  
 Ausoniis uota et pugnandi praua libido 215  
 gliscebant: praeconi decurrere monte parabant.

Da famae, da, Musa, uirum, cui uincere bina  
 concessum castra et geminos domitare furores.  
 ' **F**acida si nobis corda abruptumque putassent  
 ingenium patres et si clamoribus' inquit 220  
 ' **t**urbari facilem mentem, non ultima rerum  
 et deplorati mandassent Martis habenas.  
 stat pensata diu belli sententia: uincam  
 seruare inuitos urgentisque ultima fata.  
 nulli per Fabium e uobis cecidisse licebit. 225  
 si lucis piget et supremis esse cupido est  
 nominis Ausonii taedetque in tempore tali  
 nullum clade noua claraeque fragore ruinae  
 insignem fecisse locum, reuocandus ab atris  
 Flaminius uobis est sedibus. ille ruendi 230  
 iam dudum properans signum auspiciumque dedisset.  
 an nondum praeceps uicinaque fata uidetis?  
 una, ut debellet, satis est uictoria Poeno.  
 state, uiri, et sentite ducem. cum optabile tempus  
 deposcet dextras, tunc ista ferocia dicta 235  
 aequentur factis. non est, mihi credite, non est  
 arduus in pugnas ferri labor: una reclusis  
 omnes iam portis in campum effuderit hora.  
 magnum illud solisque datum, quos mitis euntis  
 Iuppiter aspexit, magnum est ex hoste reuerti. 240

fortunae Libys incumbit flatuque secundo  
 fidit agens puppim. dum desinat aura sinusque  
 destituat tumidos subducto flamine uentus,  
 in rem cunctari fuerit. non ulla perenni  
 amplexu Fortuna fouet. iam copia quanto       245  
 artior et nullo Tyriis certamine quantum  
 detritum est famaе! quin inter cetera nostra  
 haud laude afuerit, modo qui++sed parcere dictis  
 sit melius. iam uos acies et proelia et hostem  
 poscitis? o maneat, superi, fiducia talis!       250  
 interea exclusa maioris sorte pericli  
 me solum, quaeso, toti me opponite bello.'  
 his dictis fractus furor et rabida arma quierunt:  
 ut, cum turbatis placidum caput extulit undis  
 Neptunus totumque uidet totique uidetur       255  
 regnator ponto, saeui fera murmura uenti  
 dimittunt nullasque mouent in frontibus alas,  
 tum sensim infusa tranquilla per aequora pace  
 languentes tacito lucent in litore fluctus.  
     Sensit cura sagax Poeni fraudisque ueneno       260  
 adgreditur mentes. pauca atque haec ruris auiti  
 iugera nec multis Fabius uertebat aratris:  
 Massicus uuiferis addebat nomina glaebis.  
 hinc pestem placitum moliri et spargere causas  
 in castra ambiguas. ferro flammisque pepercit       265  
 suspectamque loco pacem dedit arte maligna  
 ceu clandestino traheretur foedere bellum.  
     Intellectus erat Fabio, Tyriosque uidebat  
 dictator saeuire dolos. sed non uacat ~aegre  
 inuidiam gladios inter lituosque timere       270  
 et dubia morsus famaе depellere pugna,  
 donec reptantem et nequiquam saepe trahendo  
 huc illuc castra scrutantem proelia Poenum,  
 qua nemorosa iuga et scopulosi uertice colles  
 exurgunt, clausit sparsa ad diuortia turma.       275  
 hinc Laestrygoniae saxoso monte premebant  
 a tergo rupes, undosis squalida terris  
 hinc Literna palus, nec ferri aut militis usum  
 poscebat regio, saeptos sed fraude locorum  
 arta fames poenas miserae exactura Sagunti       280  
 urgebat, finisque aderat Carthaginis armis.  
     Cuncta per et terras et lati stagna profundi  
 condiderat somnus, positoque labore dierum  
 pacem nocte datam mortalibus orbis agebat.  
 at non Sidonium curis flagrantia corda       285  
 ductorem uigilesque metus haurire sinebant  
 dona soporiferae noctis. nam membra cubili  
 erigit et fului circumdat pelle leonis,  
 qua super instratos proiectus gramine campi

presserat ante toros. tunc ad tentoria fratris 290  
 fert gressus uicina citos. nec degener ille  
 belligeri ritus taurino membra iacebat  
 effultus tergo et mulcebat tristia somno.  
 haud procul hasta uiri terrae defixa propinquae,  
 et dir<a> e summa pendebat cuspide cassis; 295  
 at clipeus circa loricaque et ensis et arcus  
 et telum Baliare simul tellure quiescunt.  
 iuxta lecta manus, iuuenes in Marte probati,  
 et sonipes strato carpebat gramina dorso.  
 ut pepulere leuem intrantis uestigia somnum, 300  
 ' **H**us!' niquit (pariterque manus ad tela ferebat)  
 ' **q**ae te cura uigil fessum, germane, fatigat?'  
 ac iam constiterat sociosque in caespite fusos  
 incussa reuocat castrorum ad munera planta,  
 cum Libyae ductor: ' Fabius ~~na~~ noctibus aegris, 305  
 in curas Fabius nos excitat, illa senectus  
 heu fatis quae sola meis currentibus obstat!  
 cernis ut armata circumfundare corona,  
 et uallet clausos collectus miles in orbe<m>.  
 uerum, age, nunc quando res artae, percipe porro 310  
 quae meditata mihi. latos correpta per agros  
 armenta adsueto belli de more secuntur.  
 cornibus arentis edicam innectere ramos  
 sarmentique leuis fronti religare maniplos,  
 admotus cum feruorem disperserit ignis 315  
 ut passim exultent stimulante dolore iuueni  
 et uaga per collis ceruice incendia iacent.  
 tum terrore nouo trepidus laxabit iniquas  
 custos excubias maioraque nocte timebit.  
 si cordi consulta (moras extrema recusant) 320  
 accingamur' **ia**. gemino tentoria gressu  
 inde petunt. ingens clipeo ceruice reposta  
 inter equos interque uiros interque iacebat  
 capta manu spolia et rorantia caede Maraxes  
 ac dirum, in somno ceu bella capesseret, amens 325  
 clamorem tum forte dabat dextraque tremente  
 arma toro et notum quaerebat feruidus ensem.  
 huic Mago, inuersa quatiens ut dispulit hasta  
 bellantem somnum, 'Tenebris, fortissime ductor,  
 iras compesce atque in lucem proelia differ. 330  
 ad fraudem occultamque fugam tutosque receptus  
 nunc nocte utendum est. arentis nectere frondes  
 cornibus et latis accensa immittere siluis  
 armenta, oppositi reserent quo claustra manipuli,  
 germanus parat atque obsessa euellere castra. 335  
 emergamus, et hic Fabio persuadeat astus  
 non certare dolis.' nihil hinc cunctante, sed acris  
 incepti laeto iuue, ad tentoria Acherrae

festinant, cui parca quies minimumque soporis,  
 nec notum somno noctes aequare: feroci 340  
 peruigil inseruibat equo fessumque leuabat  
 tractando et frenis ora exagitata fouebat.  
 at socii renouant tela arentemque cruorem  
 ferro detergent et dant mucronibus iras.  
 quid fortuna loci poscat, quid tempus, et ipsi 345  
 quaenam agitent, pandunt et coeptis ire ministrum  
 haud segnem hortantur. discurrit tessera castris,  
 intentiquo docent, quae sint properanda, mone<n>tque  
 quisque suos: instat trepidis stimulatque ruentis  
 nauus abire timor, dum caeca silentia dumque 350  
 maiores umbrae. rapida iam subdita peste  
 uirgulta atque altis surgunt e cornibus ignes.  
 hic uero ut, gliscente malo et quassantibus aegra  
 armentis capita, adiutae pinguescere flammae  
 coepere et uincens fumos erumpere uertex, 355  
 per collis dumosque (lues agit atra) per altos  
 saxosi scopulos montis lymphata feruntur  
 corpora anhela boum, atque obsessis naribus igni  
 luctantur frustra rabidi mugire iuueni.  
 per iuga, per uallis errat Vulcania pestis 360  
 nusquam stante malo, uicinaque litora fulgent:  
 quam multa adfixus caelo sub nocte serena  
 fluctibus e mediis sulcator nauita ponti  
 astra uidet, quam multa uidet, feruoribus atris  
 cum Calabros urunt ad pinguia pabula saltus, 365  
 uertice Gargani residens incendia pastor.  
 At facie subita uolitantum montibus altis  
 flammaram, quis tunc ce<ci>dit custodia sorti,  
 horrere atque ipsos nullo spargente uagari  
 credere et indomitos pasci sub collibus ignes. 370  
 caelone exciderint, et magna fulmina dextra  
 torserit Omnipotens, an caecis rupta cauernis  
 fuderit egestas accenso sulphure flammam  
 infelix tellus, media in formidine quaerunt.  
 iamque abeunt, faucesque uiae citus occupat armis 375  
 Poenus et in patulos exultans emicat agros.  
 huc tamen usque uigil processerat arte regendi  
 dictator Trebiam et Tusci post stagna profundi,  
 esset ut Hannibali Fabium Romanaque tela  
 euasisse satis. quin et uestigia pulsi 380  
 et gressus premeret castris, ni sacra uocarent  
 ad patrios ueneranda deos. tum uersus ad urbem  
 adloquitur iuuenem, cui mos tramittere signa  
 et belli summam primasque iubebat habenas,  
 atque his praeformat dictis fingitque monendo: 385  
 ' Sfactis nondum, Minuci, te cauta probare  
 erudiit Fortuna meis, nec ducere uerba

ad uerum decus ac prauis arcere ualebunt.  
 uidisti clausum Hannibalem. nil miles et alae  
 iuuere aut densis legio conferta maniplis.       390  
 testor te, solus clausi nec deinde morabor.  
 dis sine me libare dapem et sollemnia ferre:  
 hunc iterum atque iterum uinctum uel montibus altis  
 amnibus aut rapidis (modo pugna absistite) tradam.  
 interea (crede experto, non fallimus) aegris       395  
 nil mouisse salus rebus. sit gloria multis  
 et placeat, quippe egregium, prosternere ferro  
 hostem, sed Fabio sit uos seruasse triumphus.  
 plena tibi castra atque intactus uulnere miles  
 creditur: hos nobis (erit haec tibi gloria) redde.       400  
 iam cernes Libycum huic uallo adsultare leonem,  
 iam praedas offerre tibi, iam uertere terga,  
 respectantem adeo atque iras cum fraude coquentem.  
 claude, oro, castra et cunctas spes eripe pugnae.  
 haec monuisse satis. sed si compescere corda       405  
 non datur oranti, magno te iure pioque  
 dictator capere arma ueto.' sic castra relinquens  
 uallaratus monitis ac se referebat ad urbem.

Ecce autem flatu classis Phoenissa secundo  
 litora Caietae Laestrygoniosque recessus       410  
 sulcabat rostris portusque intrarat apertos  
 ac totus multo spumabat remige pontus,  
 cum trepidae fremitu uitreis e sedibus antri  
 aequoreae pelago simul emersere sorores  
 ac possessa uident infestis litora proris.       415  
 tum magno perculsa metu Nereia turba  
 attonitae propere refluunt ad limina nota,  
 Telebou medio surgunt qua regna profundo  
 pumiceaeque procul sedes. immanis in antro  
 conditur abrupto Proteus ac spumea late       420  
 cautibus obiectis reiectat caerula uates.  
 is postquam (sat gnarus enim rerumque metusque)  
 per uarias lusit formas et terruit atri  
 serpentis squamis horrendaque sibila torsit  
 aut fremuit toruo mutatus membra leone,       425  
 'Dante, ai quae causa uiae? quisue ora repente  
 peruasit pallor? cur scire futura libido?'

Ad quae Cymodoce, Nympharum maxima natu  
 Italidum: 'Nosti nostros, praesage, timores.  
 quid Tyriae classes ereptaque litora nobis       430  
 portendunt? num migrantur Rhoeteia regna  
 in Libyam superis? aut hos Sarranus habebit  
 nauita iam portus? patria num sede fugatae  
 Atlantem et Calpen extrema habitabimus antra?'

Tunc sic euoluens repetita exordia retro       435  
 incipit ambiguus uates reseratque futura:

' Lamedonteus Phrygia cum sedit in Ida  
 pastor et errantis dumosa per auia tauros  
 arguta reuocans ad roscida pascua canna  
 audiuit sacrae lentus certamina formae, 440  
 tum matris currus niueos agitabat olores  
 tempora sollicitus litis seruasse Cupido.  
 paruulus ex umero corytos et aureus arcus  
 fulgebat, nutuque uetans trepidare parentem  
 monstrabat grauidam telis se ferre pharetram. 445  
 ast alius niuea comebat fronte capillos,  
 purpureos alius uestis religabat amictus.  
 cum sic suspirans roseo Venus ore decoros  
 adloquitur natos: "Testis certissima uestrae  
 ecce dies pietatis adest. quis credere saluis 450  
 hoc ausit uobis? de forma atque ore (quid ultra  
 iam superest rerum?) certat Venus. omnia paruis  
 si mea tela dedi blando medicata ueneno,  
 si uester, caelo ac terris qui foedera sancit,  
 stat supplex, cum uultis, auus: uictoria nostra 455  
 Cypron Idymaeas referat de Pallade palmas,  
 de Iunone Paphos centum mihi fumet in aris."  
 dumque haec aligeris instat Cytherea, sonabat  
 omne nemus gradiente dea. iam bellica uirgo,  
 aegide deposita et qua adsuetum casside crinem 460  
 inuoluit, nec compta tamen pacemque serenis  
 condiscens oculis, ibat lucoque ferebat  
 praedicto sacrae uestigia concita plantae.  
 parte alia intrabat iussis Saturnia siluis,  
 iudicium Phrygis et fastus pastoris et Iden 465  
 post fratris latura toros. postrema nitenti  
 adfulsit uultu ridens Venus: omnia circa  
 et nemora et penitus frondosis rupibus antra  
 spirantem sacro traxerunt uertice odorem.  
 nec iudex sedisse ualet, fessique nitoris 470  
 luce cadunt oculi, ac metuit dubitasse uideri.  
 sed uictae fera bella deae uexere per aequor,  
 atque excisa suo pariter cum iudice Troia.  
 tum pius Aeneas terris iactatus et undis  
 Dardanios Itala posuit tellure penatis. 475  
 dum cete ponto innabunt, dum sidera caelo  
 lucebunt, dum sol Indo se litore tollet,  
 hic regna et nullae regnis per saecula metae.  
 at uos, o natae, currit dum immobile filum,  
 Hadriaci fugite infaustas Sasonis harenas. 480  
 sanguineis tumidus ponto miscebitur undis  
 Aufidus et rubros impellet in aequora fluctus,  
 damnatoque deum quondam per carmina campo  
 Aetolae rursus Teucris pugnabitis umbrae.  
 Punica Romuleos quatient mox spicula muros, 485

multaue Hasdrubalis fulgebit strage Metaurus.  
 hinc ille in furto genitus patruisque piabit  
 idem ultor patrisque necem; tum litus Elissae  
 implebit flammis auelletque Itala Poenum  
 uiscera torrentem et propriis superabit in oris. 490  
 huic Carthago armis, huic Africa nomine cedit,  
 hic dabit ex sese qui tertia bella fatiget  
 et cinerem Libyae ferat in Capitolia uictor.'

Quae dum arcana deum uates euoluit in antro,  
 iam monita et Fabium bellique equitumque magister 495  
 exuerat mente ac praeceps tendebat in hostem.  
 pascere nec Poenus prauum ac nutrire furorem  
 deerat et, ut paruo maiora ad proelia damno  
 eliceret, dabat interdum simulantia terga:  
 non aliter, quam qui sparsa per stagna profundi 500  
 euocat e liquidis piscem penetralibus esca,  
 cumque leuem summa uidit iam nare sub unda,  
 ducit sinuato captiuum ad litora lino.

Fama furit uersos hostis, Poenumque salutem  
 inuenisse fuga: liceat si uincere, finem 505  
 promitti cladum, sed enim ditione carere  
 uirtutem, et poenas uincens esse repostas.  
 clausurum iam castra ducem rursusque referri  
 uaginae iussurum enses, reddatur in armis  
 ut ratio, et purget miles cur uicerit hostem. 510  
 haec uulgi. necnon patrum Saturnia mentes  
 inuidiae stimulo fodit et popularibus auris.  
 tunc indigna fide censent optandaque Poeno,  
 quae mox haud paruo luerent damnata periclo.

Diuiditur miles, Fabioque equitumque magistro 515  
 imperia aequantur penitus. cernebat et expers  
 irarum senior, magnas ne penderet alti  
 erroris poenas patria inconsulta, timebat.  
 ac tum, multa putans secum, ut remeauit ab urbe,  
 partitus socias uires, uicina propinquis 520  
 signa iugis locat et specula sublimis ab alta  
 non Romana minus seruat quam Punica castra.  
 nec mora. disiecto Minuci uecordia uallo  
 perdendi simul et pereundi ardebat amore.

Quem postquam rapidum uidit procedere castris 525  
 hinc Libys, hinc Fabius, simul accendere sagacis  
 in subitum curas: propere capere arma maniplis  
 edicit uallique tenet munimine turmas  
 Ausonius, torquet totas in proelia uires  
 Poenorum ductor propellitque agmina uoce: 530  
 ' Dum ditor abest, rape, miles, tempora pugnae.  
 non sperata diu plano certamina campo  
 offert ecce deus. quando data copia, longum  
 detergete situm ferro multoque cruore



exsatiare, uiri, plenos rubiginis enses.' 535  
 Atque ea Cunctator pensabat ab aggere ualli  
 perlustrans campos oculis, tantoque periclo  
 discere, quinam esset Fabius, te, Roma, dolebat.  
 cui natus iuncta arma ferens 'Dabit improbus,' inquit  
 ' quae dignum est, poenas, qui per suffragia caeca 540  
 inuasit nostros haec ad discrimina fasces.  
 insanae spectate tribus. pro lubrica rostra  
 et uanis fora laeta uiris! nunc munera Martis  
 aequent imperio et solem concedere nocti  
 sciscant imbelles. magna mercede piabunt 545  
 erroris rabiem et nostrum uiolasse parentem.'  
 tum senior, quatiens hastam lacrimisque coortis.  
 ' Sanguine Poenorum, iuuenis, tam tristia dicta  
 sunt abolenda tibi. patiarne ante ora manusque  
 ciuem deleri nostras, aut uincere Poenum, 550  
 me spectante, sinam? non aequauisse minorem  
 soluetur culpa si sunt mihi talia corda?  
 iamque hoc, ne dubites, longaeui, nate, parentis  
 accipe et aeterno fixum sub pectore serua:  
 succensere nefas patriae, nec foedior ulla 555  
 culpa sub extremas fertur mortalibus umbras.  
 sic docuere senes. quantus qualisque fuisti,  
 cum pulsus lare et extorris Capitolia curru  
 intrares exul, tibi corpora caesa, Camille,  
 damnata quot sunt dextra! pacata fuissent 560  
 ni consulta uiro mensque impenetrabilis irae,  
 mutassentque solum sceptris Aeneia regna  
 nullaque nunc stares terrarum uertice, Roma.  
 pone iras, o nate, meas. socia arma feramus  
 et celeremus opem.' atque intermixta sonabant 565  
 classica, procursusque uiros conliserat acer.  
 Primus claustra manu portae dictator et altos  
 disiecit postis rupitque in proelia cursum.  
 non grauiore mouent uenti certamina mole  
 Odrysius Boreas et Syrtim tollere pollens 570  
 Africus, obnixi cum bella furentia torquent:  
 distraxere fretum ac diuersa ad litora uoluunt  
 aequor quisque suum; sequitur stridente procella  
 nunc huc, nunc illuc, raptum mare et intonat undis.  
 haud prorsus daret ullus honos tellusque subacta 575  
 Phoenicum et Carthago ruens, iniuria quantum  
 orta ex inuidia decoris tulit. omnia namque  
 dura simul deuicta uiro, metus, Hannibal, irae,  
 inuidia, atque una fama et fortuna subactae.  
 Poenus ab excelso rapidos decurrere uallo 580  
 ut uidit, tremuere irae, ceciditque repente  
 cum gemitu spes haud dubiae praesumpta ruinae.  
 quippe aciem denso circumuallauerat orbe

hausurus clausos coniectis undique telis.  
 atque hic Dardanius prauo certamine ductor           585  
 iam Styga et aeternas intrarat mente tenebras  
 (nam Fabium auxiliumque uiri sperare pudebat),  
 cum senior gemino complexus proelia cornu  
 ulteriore ligat Poenorum terga corona  
 et modo claudentis aciem nunc, extima cingens,           590  
 clausos ipse tenet. maiorem surgere in arma  
 maioremque dedit cerni Tiryntius. altae  
 scintillant cristae et, mirum, uelocibus ingens  
 per subitum membris uenit uigor: ingerit hastas  
 auersumque premit telorum nubibus hostem:           595  
 qualis post iuuenem, nondum subeunte senecta,  
 rector erat Pylius bellis aetate secunda.  
 Inde ruens Thurin et Buten et Narin et Arsen  
 dat leto fisumque manus conferre Mahalcen,  
 cui decus insigne et quaesitum cuspide nomen.           600  
 tum Garadum largumque comae prosternit Adherben  
 et geminas acies superantem uertice Thulin,  
 qui summas alto prensabat in aggere pinnas,  
 eminus hos, gladio Sapharum gladioque Monaesum  
 et Morinum pugnas aeris stridore cientem,           605  
 dexteriore gena cum sedit letifer ictus,  
 perque tubam fixae decurrens uulnere malae  
 extremo fluxit propulsus murmure sanguis.  
 proximus huic iaculo Nasamonius occidit Idmon.  
 namque super tepido lapsantem sanguine et aegra           610  
 lubrica nitentem nequiquam euadere planta  
 impacto prosternit equo trepideque leuantem  
 membra adflicta solo pressa uiolentius hasta  
 implicuit terrae telumque in caede reliquit.  
 haeret humi cornus motu tremefacta iacentis           615  
 et campo seruat mandatam adfixa cadauer.  
 Necnon exemplo laudis furiata iuuentus,  
 Sullaeque Crassique simul iunctusque Metello  
 Furnius ac melior dextrae Torquatus, inibant           620  
 proelia et unanimi uel morte emisse uolebant  
 spectari Fabio. miser hic uestigia retro  
 dum rapit et molem subducto corpore uitat  
 intorti Bibulus saxi atque in terga refertur,  
 strage super lapsus socium, qua fibula morsus  
 loricae crebro laxata resoluerat ictu,           625  
 accepit lateri penitusque in uiscera adegit  
 extabat fixo quod forte cadauere ferrum.  
 heu sortem necis! euasit Garamantica tela  
 Marmaridumque manus, ut inertis cuspide fusus  
 occideret, telo non in sua uulnera misso.           630  
 uoluitur exanimis, turpatque decora iuuenta  
 ora nouus pallor. membris dimissa solutis

arma fluunt, erratque niger per lumina somnus.  
 Venerat ad bellum Tyria Sidone, nepotum  
 excitus prece, et auxilio socia arma ferebat, 635  
 Eoa tumidus pharetrati militis ala,  
 gens Cadmi, Cleadas; fulua cui plurima passim  
 casside et aurato fulgebat gemma monili,  
 qualis ubi Oceani renouatus Lucifer unda  
 laudatur Veneri et certat maioribus astris. 640  
 ostro ipse ac sonipes ostro totumque per agmen  
 purpura Agenoreis saturata micabat aenis.  
 hic audum pugnae <et> tam clarum excidere nomen  
 Brutum exoptantem, uarie nunc laeuus in orbem,  
 nunc dexter leuibus flexo per deuia gyris 645  
 ludificatus equo, uolucrum post terga sagittam  
 fundit Achaemenio detractans proelia ritu.  
 nec damnata manus, medio sed, flebile, mento  
 armigeri Cascae penetrabilis haesit harundo  
 oblicumque secans subrecta cuspide uulnus 650  
 umentis ferrum admouit tepefacta palato.  
 at Brutus diro casu turbatus amici  
 ausum multa uirum et spargentem in uulnera saeuos  
 fraude fugae calamos, iam nullis cursibus instat  
 prendere cornipedis, sed totam pectoris iram 655  
 mandat atrox hastae telumque uolabile nodo  
 excutit et summum, qua laxa monilia crebro  
 nudabant uersu, tramittit cuspide pectus.  
 labitur intento cornu transfossus, et una  
 arcum laeua cadens, dimisit dextra sagittam. 660  
 At non tam tristi sortitus proelia Marte  
 Phoebei Soractis honor Carmelus agebat.  
 sanguine quippe suo iam Bagrada tinxerat ensem,  
 dux rectorque Nubae populi, iam fusus eidem  
 Zeusis Amyclaei stirps impacata Phalanti, 665  
 quem tulerat mater claro Phoenissa Laconi.  
 talia dum metuit, nec pugnae fesus in hoste  
 tam rapido nec deinde fugae, suadente pauore,  
 per dumos miser in uicina cacumina quercus  
 repserat atque alta sese occultabat in umbra 670  
 Hampsicus, insistens tremulis sub pondere ramis.  
 hunc longa multa orantem Carmelus et altos  
 mutantem saltu ramos transuerberat hasta,  
 ut, qui uiscatos populatur harundine lucos,  
 dum nemoris celsi procera cacumina sensim 675  
 substructa certat tacitus contingere meta,  
 sublimem calamo sequitur crescente uolucrum.  
 effudit uitam, atque alte manante cruore  
 membra pependerunt curuato exanguia ramo.  
 Iamque in palantis ac uersos terga feroces 680  
 pugnabant Itali, subitus cum mole pauenda

terrificis Maurus prorumpit Tunger in armis.  
 nigra uiro membra, et furui iuga celsa trahebant  
 cornipedes, totusque nouae formidinis arte  
 concolor aequabat liuentia currus equorum 685  
 terga: nec erectis similes imponere cristis  
 cessarat pennas, aterque tegebat amictus:  
 ceu quondam aeternae regnator noctis, ad imos  
 cum fugeret thalamos Hennaeva uirgine rapta,  
 egit nigrantem Stygia caligine currum. 690  
 at Cato, tum prima sparsus lanugine malas,  
 quod peperere decus Circaeo Tuscula dorso  
 moenia, Laertae quondam regnata nepoti,  
 quamquam tardatos turbata fronte Latinos  
 collegisse gradum uidet, imperterritus ipse 695  
 ferrata calce atque effusa largus habena  
 cunctantem impellebat equum. negat obuius ire  
 et trepidat cassa sonipes exterritus umbra.  
 tum celer in pugnam dorso delatus ab alto  
 alipedem planta currum premit atque uolanti 700  
 adsilit a tergo. cecidere et lora repente  
 et stimuli, ferrumque super ceruice tremiscens  
 palluit infelix subducto sanguine Maurus.  
 ora rapit gladio praefixaque cuspide portat.  
 At saeuo Mauorte ferox perrumpit anhelum 705  
 dictator cum caede globum. miserabile uisu,  
 uulneribus fessum ac multo labente cruore  
 ductorem cernit suprema ac foeda precantem.  
 manauere genis lacrimae, clipeoque pauentem  
 protegit et natum stimulans ' Fortissime, labem 710  
 hanc pellamus' in ' Poenoque ob mitia facta,  
 quod nullos nostris ignis disperserit aruis,  
 dignum expendamus pretium.' tunc arte paterna  
 ac stimulis gaudens iuuenis circumdata Poenum 715  
 agmina deturbat gladio campumque relaxat,  
 donec Sidonius decederet aequore ductor:  
 ceu, stimulante fame, rapuit cum Martius agnum  
 auerso pastore lupus fetumque trementem  
 ore tenet presso, tum, si uestigia cursu  
 auditis celeret balatibus obuia pastor, 720  
 iam sibimet metuens, spirantem dentibus imis  
 reiectat praedam et uacuo fugit aeger hiatu.  
 ~tum demum, Tyriis quas circumfuderat atra  
 tempestas, Stygiae tandem fugere tenebrae.  
 torpebant dextra<e>, et sese meruisse negabant 725  
 seruari, subitisque bonis mens aegra natabat:  
 ut, qui conlapsa pressi iacuere ruina,  
 eruta cum subito membra et nox atra recessit,  
 coniuent solemque pauent agnoscere uisu.  
 Quis actis senior numerato milite laetus 730

collis et tuto repetebat in aggere castra.  
ecce autem e media iam morte renata iuuentus  
clamorem tollens ad sidera et ordine longo  
ibat ouans Fabiumque decus Fabiumque salutem  
certatim et magna memorabant uoce parentem. 735  
tum qui partitis discederat ante manipulis  
' Sacte' ait ' o genitor, reuocato ad lucis honorem  
si fas uera queri, cur nobis castra uirosque  
diuidere est licitum? patiens cur arma dedisti,  
quae solus rexisse uales? hoc munere lapsi 740  
aeternas multo cum sanguine uidimus umbras.  
ocius huc aquilas seruataque signa referte.  
hic patria est, muri que urbis stant pectore in uno.  
tuque dolos, Poene, atque astus tandem exue notos:  
cum solo tibi iam Fabio sunt bella gerenda.' 745

Haec ubi dicta dedit, mille hinc, uenerabile uisu,  
caespite de uiridi surgunt properantibus arae.  
nec prius aut epulas aut munera grata Lyaei  
fas cuiquam tetigisse fuit quam multa precatus  
in mensam Fabio sacrum libauit honorem.

## Liber VIII

Primus Agenoridum cedentia terga uidere  
Aeneadis dederat Fabius. Romana parentem  
solum castra uocant, solum uocat Hannibal hostem  
impatiensque morae fremit: ut sit copia Martis,  
expectanda uiri fata optandumque sub armis 5  
Parcarum auxilium. namque hac spirante senecta  
nequiquam sese Latium sperare cruorem.  
iam uero concors miles signisque relatis  
indiuisus honos, iterumque et rursus eidem  
soli obluctandum Fabio maioribus aegrum 10  
angebant curis. lentando feruida bella  
dictator cum multa adeo, tum miles egenus  
cunctarum ut rerum Tyrius foret, arte sedendi  
egerat et, quamquam finis pugnaque manuque  
haud dum partus erat, iam bello uicerat hostem. 15  
quin etiam ingenio fluxi, sed prima feroces,  
uaniloquum Celtæ genus ac mutabile mentis,  
respectare domos: maerebant caede sine ulla  
(insolitum sibi) bella geri, siccasque cruore  
inter tela siti Mauortis hebescere dextras. 20  
his super internæ labes et ciuica uulnus  
inuidia augebant. laeuus conatibus Hannon  
ductoris non ulla domo summittere patres  
auxilia aut ullis opibus iuuisset sinebat.  
Quis lacerum curis et rerum extrema pauentem 25  
ad spes armorum et furialia uota reducit  
praescia Cannarum Iuno atque elata futuris.  
namque hac accitam stagnis Laurentibus Annam  
adfatur uoce et blandis hortatibus implet:  
' Sanguine cognato iuuenis tibi, diua, laborat 30  
Hannibal a uestro nomen memorabile Belo.  
perge age, et insanos curarum comprime fluctus.  
excute sollicito Fabium. sola ille Latinos  
sub iuga mittendi mora iam discingitur armis.  
cum Varrone manus et cum Varrone serenda 35  
proelia, nec desit fatis ad signa mouenda.  
ipsa adero. tendat iamdudum in Iapyga campum.  
huc Trebiae rursus et Trasimenni fata sequentur.'

Tum diua Indigetis castis contermina lucis  
' ~~Haud~~ inquit ' ~~ta~~ ius nobis praecepta morari. 40  
sit fas, sit tantum, quaeso, retinere fauorem  
antiquae patriae mandataque magna sororis,  
quamquam inter Latios Annae stet numen honores.'

Multa retro rerum iacet atque ambagibus aeu

obtegitur densa caligine mersa uetustas, 45  
 cur Sarrana dicent Oenotri numina templo,  
 regnisque Aeneadum germana colatur Elissae.  
 sed pressis stringam reuocatam ab origine famam  
 narrandi metis breuiterque antiqua reuoluam.

Iliaco postquam deserta est hospite Dido 50  
 et spes abruptae, media<m> in penetralibus atram  
 festinat furibunda pyram. tum corripit ensem  
 certa necis, profugi donum exitiale mariti.  
 despectus taedae regnis se imponit Iarbas,  
 et tepido fugit Anna rogo. quis rebus egenis 55  
 ferret opem, Nomadum late terrente tyranno?  
 Battus Cyrenen molli tum forte fouebat  
 imperio, mitis Battus lacrimasque dedisse  
 casibus humanis facilis. qui supplice uisa  
 intremuit regum euentus dextramque tetendit. 60  
 atque ea, dum flauas bis tondet messor aristas,  
 seruata interea sedes: nec longius uti  
 his opibus Battoque fuit. nam ferre per aequor  
 exitium miserae iam Pygmaliona docebat.  
 ergo agitur pelago, diuis inimica sibique, 65  
 quod se non dederit comitem in suprema sorori,  
 donec iactatam laceris, miserabile, uelis  
 fatalis turbo in Laurentis expulit oras.  
 non caeli, non illa soli, non gnara colentum  
 Sidonis in Latia trepidabat naufraga terra. 70  
 ecce autem Aeneas sacro comitatus Iulo,  
 iam regni compos, noto sese ore ferebat.  
 qui terrae defixam oculos et multa timentem  
 ac deinde adlapsam genibus lacrimantis Iuli  
 attollit mitique manu intra limina ducit. 75  
 atque ubi iam casus aduersorumque pauorem  
 hospitii leniuit honos, tum discere maesta  
 exposcit cura letum infelicis Elissae.  
 cui sic uerba trahens largis cum fletibus Anna  
 incipit et blandas addit pro tempore uoces: 80  
 ' Ne dea, solus regni lucisque fuisti  
 germanae tu causa meae: mors testis et ille  
 (heu cur non idem mihi tum!) rogas. ora uidere  
 postquam est ereptum miserae tua, litore sedit  
 interdum, stetit interdum, uentosque secuta 85  
 infelix oculis magno clamore uocabat  
 Aenean comitemque tuae se imponere solam  
 orabat paterere rati. mox turbida anhelum  
 rettulit in thalamos cursum subitoque tremore  
 substitit et sacrum timuit tetigisse cubile. 90  
 inde amens nunc sideream fulgentis Iuli  
 effigiem fouet amplexu, nunc tota repente  
 ad uultus conuersa tuos, ab imagine pendet

conqueriturque tibi et sperat responsa remitti.  
 non unquam spem ponit amor: iam tecta domumque 95  
 deserit et rursus portus furibunda reuisit,  
 si qui te referant conuerso flamine uenti.  
 ad magicas etiam fallax atque improba gentis  
 Massylae leuitas descendere compulit artes.  
 heu sacri uatum errores! dum numina noctis 100  
 eliciunt spondentque nouis medicamina curis,  
 quod uidi decepta nefas! congegit in atram  
 cuncta tui monumenta pyram et non prospera dona.'  
 Tunc sic Aeneas dulci repetitus amore:  
 ' Turem hanc iuro, uota inter nostra frequente<r> 105  
 auditam uobis, iuro caput, Anna, tibi que  
 germanaeque tuae dilectum mitis Iuli,  
 respiciens aegerque animi tum regna reliqui  
 uestra, nec abscessem thalamo, ni magna minatus  
 meque sua ratibus dextra imposuisset et alto 110  
 egisset rapidis classem Cyllenius Euris.  
 sed cur (heu seri monitus!), cur tempore tali  
 incustodito saeuire dedistis amor?'  
 Contra sic inquit uoluens uix murmur anhelum  
 inter singultus labrisque tremantibus Anna: 115  
 ' Nigro forte Ioui, cui tertia regna laborant,  
 atque atri sociae thalami noua sacra parabam,  
 quis aegram mentem et trepidantia corda leuaret  
 infelix germana tori, furuasque trahebam  
 ipsa manu properans ad uisa pianda bidentis; 120  
 ~namque asper somno dirus me impleuerat horror,  
 terque suam Dido, ter cum clamore uocarat  
 et laeta exultans ostenderat ora Sychaeus.  
 quae dum abigo menti et sub lucem ut uisa secudent  
 oro caelicolas ac uiuo purgor in amni, 125  
 illa cito passu peruecta ad litora mutae  
 oscula, qua steteras, bis terque infixit harenae:  
 deinde amplexa sinu late uestigia fouit,  
 ceu cinerem orbatae pressant ad pectora matres.  
 tum rapido praeceps cursu resolutaque crinem 130  
 euasit prope in celsam, quam struxerat ante  
 magna mole, pyram, cuius de sede dabatur  
 cernere cuncta freta et totam Carthaginis urbem.  
 hic Phrygiam uestem et bacatum induta monile,  
 postquam illum infelix hausit, quo munera primum 135  
 sunt conspecta, diem et conuiuia mente reduxit  
 festasque aduentu mensas teque ordine Troiae  
 narrantem longos se peruigilante labores,  
 in portus amens rorantia lumina flexit:  
 "Di longae noctis, quorum iam numina nobis 140  
 mors instans maiora facit, precor," inquit "adeste  
 et placidi uictos ardore admittite manis.



Aeneae coniunx, Veneris nurus, ulta maritum,  
 <uidi constructas nostrae Carthaginis arces.  
 nunc ad uos magni descendet corporis umbra. 145  
 me quoque fors dulci quondam uir notus amore  
 expectat, curas cupiens aequare priores."  
 haec dicens ensem media in praecordia adegit,  
 ensem Dardanii quaesitum in pignus amoris.  
 uiderunt comites tristisque per atria planctu 150  
 concurrunt: magnis resonant ululatibus aedes.  
 accepi infelix dirisque exterrita fatis,  
 ora manu lacerans, lymphato regia cursu  
 tecta peto celsosque gradus euadere nitor.  
 ter diro fueram conata incumbere ferro, 155  
 ter cecidi exanimae membris reuoluta sororis.  
 iamque ferebatur uicina per oppida rumor:  
 arma parant Nomadum proceres et saeuus Iarbas. 157a  
 tum Cyrenaeam fatis agitantibus urbem  
 deuenio. hinc uestris pelagi uis adpulit oris.'  
 Motus erat placidumque animum mentemque quietam 160  
 Troius in miseram rector susceperat Annam.  
 iamque omnis luctus omnisque e pectore curas  
 dispulerat, Phrygiis nec iam amplius aduena tectis  
 illa uidebatur. tacito nox atra sopore  
 cuncta per et terras et lati stagna profundi 165  
 condiderat, tristi cum Dido aegerrima uultu  
 has uisa in somnis germanae effundere uoces:  
 ' His, soror, in tectis longae indulgere quieti,  
 heu nimium secreta, potes, nec, quae tibi fraudes  
 tendantur, quae circumstent discrimina, cernis? 170  
 at nondum nostro infaustos generique soloque  
 Laomedontae nosis telluris alumnos?  
 dum caelum rapida stellas uertigine uoluet,  
 lunaque fraterno lustrabit lumine terras,  
 pax nulla Aeneadas inter Tyriosque manebit. 175  
 surge, age: iam tacitas suspecta Lauinia fraudes  
 molitur dirumque nefas sub corde uolutat  
 praeterea, ne falsa putes haec fingere somnum,  
 haud procul hinc paruo descendens fonte Numicus  
 labitur et leni per ualles uoluitur amne. 180  
 huc rapies, germana, uiam tutosque receptus.  
 te sacra excipient hilares in flumina Nymphae,  
 aeternumque Italis numen celebrabere in oris.'  
 sic fata in tenuem Phoenissa euanuit auram.  
 Anna nouis somno excutitur perterrita uisis, 185  
 itque timor totos gelido sudore per artus.  
 tunc, ut erat tenui corpus uelamine tecta,  
 prosiluit stratis humilique egressa fenestra  
 per patulos currit plantis pernicious agros,  
 donec harenoso, sic fama, Numicius illam 190

suscepit gremio uitreisque abscondidit antris.  
orta dies totum radiis impleuerat orbem,  
cum nullam Aeneadae thalamis Sidonida nacti  
et Rutulum magno errantes clamore per agrum  
uicini ad ripas fluuii manifesta secuntur 195  
signa pedum, dumque inter se mirantur, ab alto  
amnis aquas cursumque rapit. tum sedibus imis  
inter caeruleas uisa est residere sorores  
Sidonis et placido Teucros adfarier ore.  
ex illo primis anni celebrata diebus 200  
per totam Ausoniam uenerando numine culta est.

Hanc postquam in tristis Italum Saturnia pugnas  
hortata est, celeri superum petit aethera curru,  
optatum Latii tandem potura cruorem.  
diua deae parere parat magnumque Libyssae 205  
ductorem gentis nulli conspecta petebat.  
ille uirum coetu tum forte remotus ab omni  
incertos rerum euentus bellique uolutans  
anxia ducebat uigili suspiria uoce.  
cui dea sic dictis curas solatur amicis: 210  
' Quidantum ulterius, rex o fortissime gentis  
Sidoniae, ducis cura aegrescente dolorem?  
omnis iam placata tibi manet ira deorum,  
omnis Agenoridis rediit fauor. eia, age, segnis  
rumpe moras, rape Marmaricas in proelia uires. 215  
mutati fasces. iam bellum atque arma senatus  
ex inconsulto posuit Tiryntius heros,  
cumque alio tibi Flaminio sunt bella gerenda.  
me tibi, ne dubites, summi matrona Tonantis  
misit. ego Oenotris aeternum numen in oris 220  
concelebror uestri generata e sanguine Beli.  
haud mora sit: rapido belli rape fulmina cursu.  
celsus Iapygios ubi se Garganus in agros>  
explicat (haud longe tellus), huc derige signa.  
[haec, ut Roma cadat, sat erit uictoria Poenis.' ] 224a  
dixit et in nubes umentia sustulit ora.

Cui dux, promissae reuirescens pignore laudis,  
' Nympham, decus generis, quo non sacratius ullum  
numen' ai' nobisfelix oblata secundes.  
ast ego te compos pugnae Carthaginis arce  
marmoreis sistam templis iuxtaque dicabo 230  
aequatam gemino simulacri munere Dido.'  
haec fatus socios stimulat tum<e>factus ouantis:  
' Pone quis curas tormentaue lenta sedendi,  
fatalis Latio miles. placauimus iras  
caelicolum, redeunt diui: finita maligno 235  
hinc Fabio imperia et mutatos consule fasces  
nuntio. nunc dextras mihi quisque atque illa referto  
quae Marte exclusus promittere magna solebas.

en, numen patrium spondet maiora peractis.  
 uellantur signa, ac diua ducente petamus 240  
 infaustum Phrygibus Diomedis nomine campum.'  
 Dumque Arpos tendunt instincti pectora Poeni,  
 subnixus raptu plebei muneris ostro  
 saeuit iam rostris Varro ingentique ruinae  
 festinans aperire locum fata admouet urbi. 245  
 atque illi sine luce genus surdumque parentum  
 nomen, et immodice uibrabat in ore canoro  
 lingua procax. hinc auctus opes largusque rapinae,  
 infima dum uulgi fouet oblatratque senatum,  
 tantum in quassata bellis caput extulit urbe 250  
 momentum ut rerum et fati foret arbiter unus,  
 quo conseruari Latium uictore puderet.  
 hunc Fabios inter sacrataque nomina Marti  
 Scipiadas interque Ioui spolia alta ferentem  
 Marcellum fastis labem suffragia caeca 255  
 addiderant, Cannasque malum exitiale fouebat  
 ambitus et Graio funestior aequore Campus.  
 idem, ut turbarum sator atque accendere sollers  
 inuidiam prauusque togae, sic debilis arte  
 belligera Martemque rudis uersare nec ullo 260  
 spectatus ferro, lingua sperabat adire  
 ad dextrae decus atque e rostris bella ciebat.  
 ergo alacer Fabiumque morae increpitare professus  
 ad uulgum in patres petulantia uerba ferebat:  
 ' Vsq̄uorum imperium est, consul praecepta modumque 265  
 bellandi posco. sedeone au<t> montibus erro,  
 dum mecum Garamas et adustus corpora Maurus  
 diuidit Italiam? an ferro, quo cingitis, utor?  
 exaudi, bone dictator, quid Martia plebes  
 imperitet: pelli Libyas Romamque leuari 270  
 hoste iubent. num festinant, quos plurima passos  
 tertius exurit lacrimosis casibus annus?  
 ite igitur, capite arma, uiri. mora sola triumpho  
 paruum iter est. quae prima dies ostenderit hostem,  
 et patrum regna et Poenorum bella resoluēt. 275  
 ite alacres: Latia deuinctum colla catena  
 Hannibalem Fabio ducam spectante per urbem.'  
 Haec postquam increpuit, portis arma incitus effert  
 impellitque moras: ueluti cum carcere rupto  
 auriga indocilis totas effudit habenas 280  
 et praeceps trepida pendens in uerbera planta  
 impar fertur equis: fumat male concitus axis,  
 ac frena incerto fluitant discordia curru.  
 cernebat Paulus (namque huic communia Campus  
 iura atque arma tulit) labi mergente sinistro 285  
 consule res pessumque dari, sed mobilis ira est  
 turbati uulgi, signataque mente cicatrix

undantis aegro frenabat corde dolores.  
 nam cum perdomita est armis iuuenilibus olim  
 Illyris ora uiri, nigro adlatrauerat ore 290  
 uictorem inuidia et uentis iactarat iniquis.  
 hinc inerat metus et durae reuerentia plebis.  
 sed genus admotum superis summumque per altos  
 attingebat auos caelum: numerare parentem  
 Assaracum retro praestabat Amulius auctor 295  
 Assaracusque Iouem, ne<c>, qui spectasset in armis,  
 abnueret genus. huic Fabius iam castra petenti:  
 ' Sibi cum Tyrio credis fore maxima bella  
 ductore (inuitus uocem hanc e pectore rumpam)  
 frustraris, Paule. Ausoni<d>um te proelia dira 300  
 teque hostis castris grauior manet, aut ego multo  
 nequiquam didici casus praenoscerere Marte.  
 spondentem audiui (piget heu taedetque senectae,  
 si quas prospicio restat passura ruinas!)  
 cum duce tam fausti Martis, qua uiderit <h>ora, 305  
 sumpturum pugnam. quantum nunc, Paule, supremo  
 absumus exitio, uocem hanc si consulis ardens  
 audiuit Poenus! iam latis obuia credo  
 stat campis acies, expectaturque sub ictu  
 alter Flaminius. quantos, insane, ciebis 310  
 Varro uiros! tu (pro superi!) tu protinus arma,  
 tu campum? noscas ante exploresque trahendo,  
 ~quam ritus hostis! tu non, quae copia rerum,  
 quae natura locis, quod sit, rimabere sollers,  
 armorum genus, et stantem super omnia tela 315  
 fortunam aspicias? fer, Paule, indeuia recti  
 pectora. cur, uni patriam si adfligere fas est,  
 uni sit seruare nefas? eget improbus arto  
 iam uictu Libys, et belli feruore retuso  
 laxa fides socium est. non hic domus hospita tecto 320  
 inuitat patrio, non fidae moenibus urbes  
 excipiunt renouatque pari se pube iuuentus.  
 tertia uix superest, crudo quae uenit Hiberno,  
 turba uirum. persta et cauti medicamina belli  
 lentus ama. si qua interea inuitauerit aura 325  
 annueritque deus, uelox accede secundis.'  
 Cui breuiter maesto consul sic ore uicissim:  
 ' Meum erit haec prorsus pietas, mentemque feremus  
 in Poenos, inuicte, tuam. nec me unica fallit  
 cunctandi ratio, qua te grassante senescens 330  
 Hannibal oppressum uidit considerare bellum.  
 sed quaenam ira deum? consul datus alter, opinor,  
 Ausoniae est, alter Poenis. trahit omnia secum  
 et metuit demens alio ne consule Roma  
 concidat. e Tyrio consortem accite senatu: 335  
 non tam saeua uolet. nullus qui portet in hostem

sufficit insano sonipes. incedere noctis,  
quae tardent cursum, tenebras dolet, itque superbus  
tantum non strictis mucronibus, ulla retardet  
ne pugnas mora, dum uagina ducitur ensis. 340  
Tarpeiae rupes cognataque sanguine nobis  
tectae Iouis, quaeque arce sua nunc stantia linquo,  
moenia felicitatis patriae, quocumque uocabit  
summa salus, testor, spreto discrimine iturum.  
sed si surda mihi pugnant castra monenti, 345  
haud ego uos ultra, nati, dulcemque morabor  
Assaraci de gente domum, similem uidebit  
Varroni Paulum redeuntem saucia Roma.'

Sic tum diuersa turbati mente petebant  
castra duces. at praedictis iam sederat aruis 350  
Aetolos Poenus seruans ad proelia campos.  
non alias maiore uirum, maiore sub armis  
agmine cornipedum concussa est Itala tellus.  
quippe extrema simul gentique urbiue timebant,  
nec spes certandi plus uno Marte dabatur. 355

Faunigenae socio bella inuasere Sicano  
sacra manus Rutuli, seruant qui Daunia regna  
Laurentique domo gaudent et fonte Numici,  
quos Castrum Phrygibusque grauis quondam Ardea misit,  
quos, celso deuexa iugo Iunonia sedes, 360  
Lanuuium atque altrix casti Collatia Bruti,  
quique immite nemus Triuiuae, quique ostia Tusci  
amnis amant tepidoque fouent Almone Cybeben.  
hinc Tibur, Catille, tuum sacrisque dicatum  
Fortunae Praeneste iugis Antemnaeque, prisco 365  
Crustumio prior, atque habiles ad aratra Labici.  
necnon sceptriferi qui potant Thybridis undam,  
quique Anienis habent ripas gelidoque rigantur  
Simbruuium rastrisque domant Aequicula rura.  
his Scaurus monitor, tenero tunc Scaurus in aeuo, 370  
sed iam signa dabat nascens in saecula uirtus.  
non illis solitum crispare hastilia campo,  
nec mos pennigeris pharetram impleuisse sagittis:  
pila uolunt breuibisque habiles mucronibus enses;  
aere caput tecti surgunt super agmina cristis. 375

At, quos ipsius mensis seposita Lyaei  
Setia et incelebri miserunt ualle Velitrae,  
quos Cora, quos spumans immitti Signia musto,  
et quos pestifera Pomptini uligine campi,  
qua Saturae nebulosa palus restagnat, et atro 380  
liuentis caeno per squalida turbidus arua  
cogit aquas uolens atque inficit aequora limo,  
ducit auis pollens nec dextra indignus auorum  
Scaeuola, cui dirae caelatur laudis honora  
effigie clipeus: flagrant altaribus ignes, 385

Tyrrhenum ualli medio stat Mucius ira  
in semet uersa, saeuitque <in> imagine uirtus.  
~tunc icta species iniere ac bella magistro  
cernitur effugiens ardentem Porsena dextram.

Quis Circaea iuga et scopulosi uerticis Anxur 390

Hernicaque impresso raduntur uomere saxa,  
quis putri pinguis sulcaris Anagnia gleba,  
Sulla Ferentinis Priuernatumque manipulis  
ducebat simul excitis, Soraeque iuuentus  
addita fulgebat telis. hic Scaptia pubes, 395  
hic Fabrateriae uulgus, nec monte niuoso  
descendens Atina aberat detritaque bellis  
Sessa atque a duro Frusino haud imbellis aratro.

at, qui Fibreno miscentem flumina Lirim  
sulphureum tacitisque uadis ad litora lapsum 400

accolit, Arpinas, accita pube Venafro  
ac Larinatum dextris, socia hispidus arma  
commouet atque uiris ingens exhaurit Aquinum.

Tullius aeratas raptabat in agmina turmas,  
regia progenies et Tullo sanguis ab alto. 405

indole pro quanta iuuenis quantumque daturus  
Ausoniae populis uentura in saecula ciuem!  
ille, super Gangen, super exauditus et Indos,  
implebit terras uoce et furialia bella  
fulmine compescet linguae nec deinde relinquet 410  
par decus eloquio cuiquam sperare nepotum.

Ecce inter primos Therapnaeo a sanguine Clausi  
exultat rapidis Nero non imitabilis ausis.

hunc Amiterna cohors et Bactris nomina ducens  
Casperia, hunc Foruli magnaue Reate dicatum 415

Caelicolum Matri necnon habitata pruinis  
Nursia et a Tetrica comitantur rupe cohortes.  
cunctis hasta decus, clipeusque refertur in orbem,  
conique implumes et laeuo tegmina crure.

ibant et laeti pars Sancum uoce canebant 420

auctorem gentis, pars laudes ore ferebat,  
Sabe, tuas, qui de proprio cognomine primus  
dixisti populos magna dicione Sabinos.

Quid, qui Picenae stimulat telluris alumnos,  
horridus et squamis et equina Curio crista, 425

pars belli quam magna uenit! non aequore uerso  
tam creber fractis albescit fluctus in undis,  
nec coetu leuiore, ubi mille per agmina uirgo  
lunatis acies imitatur Martia peltis,

perstrepit et tellus et Amazonius Thermodon. 430

hic et, quos pascunt scopulosae rura Numanae,  
et quis litoreae fumant altaria Cuprae,  
quique Truentinas seruant cum flumine turris,  
cernere erat: clipeata procul sub sole corusco

agmina sanguinea uibrant in nubila luce. 435  
 stat fucare colus nec Sidone uilior Ancon  
 murice nec Libyco, statque umectata Vomano  
 Hadria et inclemens hirsuti signifer Ascli.  
 ho<c> Picus quondam nomen memorabile ab alto  
 Saturno statuit genitor, quem carmine Circe 440  
 exutum formae uolitare per aethera iussit  
 et sparsit croceum plumis fugientis honorem.  
 ante, ut fama docet, tellus possessa Pelasgis,  
 quis Aesis regnator erat fluuioque reliquit  
 nomen et a sese populos tum dixit Asilos. 445  
 Sed non ruricolae firmarunt robore castra  
 deteriore cauis uenientes montibus Vmbri.  
 hos Aesis Sapisque lauant rapidasque sonanti  
 uertice contorquens undas per saxa Metaurus,  
 et lauat ingentem perfundens flumine sacro 450  
 Clitumnus taurum Narque albescentibus undis  
 in Thybrim properans Tiniaequae inglorius umor  
 et Clanis et Rubico et Senonum de nomine Sena.  
 sed pater ingenti medios inlabitur amne  
 Albula et admota perstringit moenia ripa. 455  
 his urbes Arna et laetis Meuania pratis,  
 Hispellum et duro monti per saxa recumbens  
 <N>arnia et infestum nebulis umentibus olim  
 Iguuium patuloque iacens sine moenibus aruo  
 Fulgin<i>a, his populi fortes: Amerinus et armis 460  
 uel rastris laudande Camers, his Sassina, diues  
 lactis, et haud parci Martem coluisse Tudertes.  
 ductor Piso uiros spernaces mortis agebat,  
 ora puer pulcherque habitum, sed corde sagaci  
 aequabat senium atque astu superauerat annos. 465  
 is primam ante aciem pictis radiabat in armis,  
 Arsacidum ut fuluo micat ignea gemma monili.  
 Iamque per Etruscos legio completa maniplos  
 rectorem magno spectabat nomine Galbam.  
 huic genus orditur Minos inclusaque tauro 470  
 Pasiphae, clarique dehinc stant ordine patres.  
 lectos Caere uiros, lectos Cor<t>ona, superbi  
 Tarchonis domus, et ueteres misere Grauiscae.  
 necnon Argolico dilectum litus Haleso  
 A<l>sium et obsessae campo squalente Fregenae. 475  
 adfuit et sacris interpres fulminis alis  
 Faesula et antiquus Romanis moenibus horror  
 Clusinum uulcus, cum, Porsena magne, iubebas  
 nequiquam pulsos Romae imperitare Superbos.  
 tunc, quos a niueis exegit Luna metallis, 480  
 insignis portu, quo non spatiosior alter  
 innumeras cepisse rates et claudere pontum,  
 Maeoniaeque decus quondam Vetulonia gentis.

bisenos haec prima dedit praecedere fasces  
 et iunxit totidem tacito terrore securis. 485  
 haec altas eboris decorauit honore curulis  
 et princeps Tyrio uestem praetexuit ostro.  
 haec eadem pugnas accendere protulit aere.  
 his mixti Nepesina cohors Aequire Falisci,  
 quique tuos, Flauina, focos, Sabatia quique 490  
 stagna tenent Ciminique lacum, qui Sutria tecta  
 haud procul et sacrum Phoebos Soracte frequentant.  
 spicula bina gerunt: capiti cudone ferino  
 sat cautum: Lycios damnant hastilibus arcus.  
 Hae bellare acies norant. at Marsica pubes 495  
 et bellare manu et chelydris cantare soporem  
 uipereumque herbis hebetare et carmine dentem.  
 Ae<e>tae prolem Angitiam mala gramina primam  
 monstrauisse ferunt tactuque domare uenena  
 et lunam excussisse polo, stridoribus amnes 500  
 frenantem, ac siluis montes nudasse uocatis.  
 sed populis nomen posuit metuentior hospes,  
 cum fugeret Phrygias trans aequora Marsya Crenas  
 Mygdoniam Phoebi superatus pectine loton.  
 Marruuium ueteris celebratum nomine Marri 505  
 urbibus est illis caput, interiorque per udos  
 Alba sedet campos pomisque rependit aristas.  
 cetera in obscuro famae et sine nomine uulgi,  
 sed numero castella ualent. coniungitur acer  
 Paelignus gelidoque rapit Sulmone cohortes. 510  
 haud illo leuior bellis Vestina iuuentus 515  
 agmina densauit uenatu dura ferarum:  
 quae, Fiscelle, tuas arces Pinnamque uirentem  
 pascuaque haud tarde redeuntia tondet Aueiae.  
 Marrucina simul, Frentanis aemula pubes,  
 Corfini populos magnumque Teate trahebat. 520  
 omnibus in pugnam fertur sparus, omnibus alto  
 adsuetae uolucrum caelo demittere fundae.  
 pectora pellis obit caesi uenatibus ursi.  
 <Nec Sidicina cohors defit. Viriasius armat 523a  
 mille uiros, nulli uictus uel ponere castra 523b  
 uel iunxisse ratem duroque resolvere muros 523c  
 ariete et in turrim subitos immittere pontis.> 523d  
 Nec cedit studio Sidicinus sanguine miles, 511  
 quem genuere Cales. non paruus conditor urbi,  
 ut fama est, Calais, Boreae quem rapta per auras  
 Orithyia uago Geticis nutriuit in antris.  
 Iam uero, quos diues opum, quos diues auorum 524  
 e toto dabat ad bellum Campania tractu,  
 ductorum aduentu<m> uicinis sedibus Osci  
 seruabant: Sinuessa tepens fluctuque sonorum  
 Vulturum, quasque euertere silentia Amyclae



Fundique et regnata Lamo Caieta domusque  
Antiphatae, compressa freto, stagnisque palustre 530  
Liternum et quondam fatorum conscia Cyme.  
illic Nuceria et Gaurus naualibus acta  
prole Dicarchea, multo cum milite Graia  
illic Parthenope ac Poeno non peruia Nola,  
Allifae et Clanio contemptae semper Acerrae. 535  
Sarrastis etiam populos totasque uideres  
Sarni mitis opes; illic, quos sulphure pingues  
Phlegraei legere sinus, Misenus et ardens  
ore Giganteo sedes Ithacesia Bai.  
non Prochyte, non ardentem sortita Typhoea 540  
Inarime, non antiqui saxosa Telonis  
insula, nec paruis aberat Calatia muris,  
Surrentum et pauper sulci Cerealis Abella,  
in primis Capua, heu rebus seruare serenis  
inconsulta modum et prauo peritura tumore! 545  
laetos rectoris formabat Scipio bello.  
ille uiris pila et ferro circumdare pectus  
addiderat. leuiores domo de more parentum  
gestarant tela, ambustas sine cuspidibus cornos;  
aclydis usus erat factaeque ad rura bipennis. 550  
ipse inter medios uenturae ingentia laudis  
signa dabat: uibrare sudem, tramittere saltu  
muralis fossas, undosum frangere nando  
indutus thoraca uadum: spectacula tanta  
ante acies uirtutis erant. saepe alite planta 555  
ilia perfossum et campi per aperta uolantem  
ipse pedes praeuertit eum, saepe arduus idem  
castrorum spatium et saxo tramisit et hasta.  
Martia frons facilesque comae nec pone retroque  
caesaries breuior. flagrabant lumina miti 560  
aspectu, gratusque inerat uisentibus horror.  
Aduit et Samnis, nondum uergente fauore  
ad Poenos, sed nec ueteri purgatus ab ira:  
qui Batulum Nucrasque metunt, Bouiania quique  
exagitant lustra aut Caudinis faucibus haerent, 565  
et quos aut Rufrae, quos aut Aesernia, quosue  
obscura incultis Herdonia misit ab agris.  
Bruttius, haud dispar animorum, unaque iuuentus  
Lucanis excita iugis Hirpinaque pubes  
horrebat telis et tergo hirsuta ferarum. 570  
hos uenatus alit: lustra incoluere sitimque  
auertunt fluuio, somnique labore parantur.  
Additur his Calaber Sallentinaeque cohortes  
necnon Brundisium, quo desinit Itala tellus.  
parebat legio audaci permissa Cethego, 575  
cui socias uires atque indiscreta manipulis  
arma recensebant: nunc sese ostendere miles

Leucosiae e <s>copulis, nunc, quem Picentia Paesto  
misit et exhaustae mox Poeno Marte Cerillae,  
nunc Silarus quos nutrit aquis, quo gurgite tradunt 580  
duritiem lapidum mersis inolescere ramis.

ille et pugnacis laudauit tela Salerni  
falcatos ensis, et, quae Buxentia pubes  
aptabat dextris, inrasae robora clauae.  
ipse, umero exertus gentili more parentum, 585  
difficili gaudebat equo roburque iuuentae  
flexi cornipedis duro exercebat in ore.

Vos etiam accisae desolataeque uirorum,  
Eridani gentes, nullo attendente deorum  
uotis tunc uestris casura ruistis in arma. 590

certauit Mutinae quassata Placentia bello,  
Mantua mittenda certauit pube Cremonae,  
Mantua, Musarum domus atque ad sidera cantu  
eucta Aonio et Smyrnaeis aemula plectris.

tum Verona Athesi circumflua et undique sollers 595  
arua coronantem nutrire Fauentia pinum,  
Vercellae, fuscique ferax Pollentia uilli,

et quondam Teucris comes in Laurentia bella  
Ocni prisca domus, paruique Bononia Rheni,  
quique graui remo limosis segniter undis 600

lenta paludosae proscindunt stagna Rauennae.  
tum Troiana manus, tellure antiquitus orti  
Euganea profugique sacris Antenor's oris.  
necnon cum Venetis Aquileia ~superfluit armis.

tum pernix Ligus et sparsi per saxa Vagenni 605  
in decus Hannibalis duos misere nepotes.  
maxima tot populis rector fiducia Brutus

ibat et hortando notum accendebat in hostem.  
laeta uiro grauitas ac mentis amabile pondus  
et sine tristitia uirtus. non ille rigoris 610  
ingratas laudes nec nubem frontis amabat  
nec famam laeue quaerebat limite uitae.

Addiderat ter mille uiros, in Marte sagittae  
expertos, fidus Sicula regnator ab Aetna.  
non totidem Ilua uiros, sed laetos cingere ferrum 615  
armarat patrio, quo nutrit bella, metallo.

Ignosset quamuis auido committere pugnam  
Varroni, quicumque simul tot tela uideret.  
tantis agminibus Rhoeteo litore quondam  
feruere, cum magnae Troiam inuasere Mycenae, 620  
mille rates uidit Leandrius Hellespontus.

Vt uentum ad Cannas, urbis uestigia priscae,  
defigunt diro signa infelicia uallo.  
nec tanta miseris iamiam impendente ruina  
cessarunt superi uicinas prodere clades. 625  
per sudum attonitis pila exarsere manipulis,

et celsae toto ceciderunt aggere pinnae,  
 nutantique ruens prostravit uertice siluas  
 Garganus, fundoque imo muguit anhelans  
 Aufidus, et magno late distantia ponto 630  
 terruerunt pauidos accensa Ceraunia nautas.  
 quaesiuit Calaber, subducta luce repente  
 immensis tenebris, et terram et litora Sipus,  
 obseditque frequens castrorum limina bubo.  
 nec densae trepidis apium se inuoluere nubes 635  
 cessarunt aquilis. non unus crine corusco  
 regnorum euersor rubuit letale cometes.  
 castra quoque et uallum rabidae sub nocte silenti  
 inrupere ferae raptique ante ora pauentum  
 adiunctos uigilis sparserunt membra per agros. 640  
 ludificante etiam terroris imagine somnos  
 Gallorum uisi bustis erumpere manes,  
 terque quaterque solo penitus tremuere reuulsae  
 Tarpeiae rupes, atque atro sanguine flumen  
 manauit Iouis in templis, lacrimaeque uetusta 645  
 effigie patris large fluxere Quirini.  
 maior et horrificis sese extulit Allia ripis.  
 non Alpes sedere loco, non nocte dieue  
 ingentis inter stetit Apenninus hiatus.  
 axe super medio, Libyes a parte, coruscae 650  
 in Latium uenere faces, ruptusque fragore  
 horrisono polus, et uultus patuere Tonantis.  
 Aetnaeos quoque contorquens e cautibus ignis  
 Vesbius intonuit, scopulisque in nubila iactis  
 Phlegraeus tetigit trepidantia sidera uertex. 655  
 Ecce inter medios belli praesagus, et ore  
 attonito sensuque simul, clamoribus implet  
 miles castra feris et anhelat clade futura:  
 ' ~~Pa~~cite, crudeles superi. iam stragis aceruis  
 deficiunt campi. uideo per densa uolantem 660  
 agmina ductorem Libyae currusque citatos  
 arma uirum super atque artus et signa trahentem.  
 turbinibus furit insanis et proelia uentus  
 inque oculos inque ora rotat. cadit immemor aeui  
 nequiquam, Trasimenne, tuis Seruilius oris 665  
 subductus. quo, Varro, fugis? pro Iuppiter! ictu  
 procumbit saxi fessis spes ultima Paulus.  
 cesserit huic Trebia exitio. pons ecce cadentum  
 corporibus struitur, reicitque cadauera fumans  
 Aufidus, ac uictrix insultat belua campis. 670  
 gestat Agenoreus nostro de more secures  
 consulis, et sparsos lictor fert sanguine fasces.  
 in Libyam Ausonii portatur pompa triumphii.  
 o dolor! hoc etiam, superi, uidisse iubetis?  
 congesto, laeuae quodcumque auellitur, auro 675

metitur Latias uictrix Carthago ruinas.'

## Liber IX

Turbato monstris Latio cladisque futurae  
signa per Ausoniam prodentibus inrita diuis,  
haud secus ac si fausta forent et prospera pugnae  
omina uenturae, consul traducere noctem  
exsomnis telumque manu uibrare per umbras 5  
ac modo segnitie Paulum increpitare, modo acris  
exercere tubas nocturnaue classica uelle.  
nec minor in Poeno properi certaminis ardor.  
erumpunt uallo fortuna urgente sinistra  
consertaeque manus. nam sparsi ad pabula campis 10  
uicinis raptanda Macae fudere uolucrum  
telorum nubem. ante omnis inuadere bella  
Mancinus gaudens hostilique unguere primus  
tela cruore cadit, cadit et numerosa iuuentus.  
nec pecudum fibras Varro et contraria Paulo 15  
auspicia incusante deum compesceret arma,  
ni sors alterni iuris, quo castra reguntur,  
arbitrium pugnae properanti in fata negasset.  
quae tamen haud ualuit perituris milibus una  
plus donasse die. rediere in castra, gemente 20  
haud dubie Paulo, qui crastina iura uideret  
amenti cessura uiro, frustraue suorum  
seruatas a caede animas. nam turbidus ira  
infensusque morae dilata ob proelia ductor  
' **S**iue, sic' inquit ' **g**ates pretiumque rependis, 25  
Paule, tui capitis? meruerunt talia, qui te  
legibus atque urnae dira eripuerere minanti?  
tradant immo hosti reuocatos ilicet enses,  
tradant arma iube, aut pugnantum deripe dextris.  
sed uos, quorum oculos atque ora umentia uidi, 30  
uertere cum consul terga et remeare iuberet,  
ne morem et pugnae signum expectate petendae.  
dux sibi quisque uiam rapito, cum spargere primis  
incipiet radiis Gargana cacumina Phoebus.  
pandam egomet propere portas. ruite ocuis atque hunc 35  
ereptum reuocata diem.' **s**i turbidus aegra  
pestifero pugnae castra incendebat amore.

At Paulus, iam non idem nec mente nec ore,  
sed qualis stratis deleto milite campis  
post pugnam stetit, ante oculos atque ora futuro 40  
obuersante malo, ceu iam spe lucis adempta  
cum stupet exanimata parens natiue tepentis  
nequiquam fouet extremis amplexibus artus,  
' **P**etotiens' inquit **o**ncussae moenia Romae,

perque has, nox Stygia quas iam circumuolat umbra, 45  
 insontis animas, cladi parce obuius ire.  
 dum transit diuum furor et consumitur ira  
 Fortunae, nouus Hannibalis, sat, nomina ferre  
 si discit miles nec frigidus aspicit hostem.  
 nonne uides, cum uicinis auditur in aruis, 50  
 quam subitus linquat pallentia corpora sanguis,  
 quamque fluant arma ante tubas? cunctator et aeger,  
 ut rere, in pugnas Fabius quotcumque sub illis  
 culpatis duxit signis, nunc arma capessunt.  
 at quos Flaminius++sed dira auertite diui. 55  
 sin nostris animus monitis precibusque repugnat,  
 aures pande deo. cecinit Cymaea per orbem  
 haec olim uates et te praesaga tuosque  
 uulgauit terris proauorum aetate furores.  
 iamque alter tibi, nec perplexo carmine, coram 60  
 fata cano uates: sistis ni crastina signa,  
 firmabis nostro Phoebae dicta Sibyllae  
 sanguine. nec Graio posthac Diomede ferentur,  
 sed te, si perstas, insignes consule campi.'  
 haec Paulus, lacrimaeque oculis ardentibus ortae. 65  
 Necnon et noctem sceleratus polluit error.  
 Xanthippo captus Libycis tolerarat in oris  
 seruitium Satricus, mox inter praemia regi  
 Autololum dono datus ob uirtutis honorem.  
 huic domus et gemini fuerant Sulmone relictis 70  
 matris in uberibus nati, Mancinus et una  
 nomine Rhoeteo Solimus. nam Dardana origo  
 et Phrygio genus a proauo, qui sceptrum secutus  
 Aeneae claram muris fundauerat urbem  
 ex sese dictam Solimon. celebrata colonis 75  
 mox Italis paulatim attrito nomine Sulmo.  
 at tum barbaricis Satricus cum rege cateruis  
 aduectus, quo non spretum, si posceret usus,  
 noscere Gaetulis Latias interprete uoces,  
 postquam posse datum Paeligna reuisere tecta 80  
 et patrium sperare Larem, ad conamina noctem  
 aduocat ac furtim castris euadit iniquis.  
 sed fuga nuda uiri. sumpto nam prodere coepta  
 uitabat clipeo et dextra remeabat inermi.  
 exuuias igitur prostrataque corpora campo 85  
 lustrat et exutis Mancini cingitur armis.  
 iamque metus leuior. uerum, cui dempta ferebat  
 exanguis spolia et cuius nudauerat artus,  
 natus erat, paulo ante Maca prostratus ab hoste.  
 Ecce sub aduentum noctis primumque soporem 90  
 alter natorum, Solimus, uestigia uallo  
 Ausonio uigil extulerat, dum sorte uicissim  
 alternat portae excubias, fratrisque petebat

Mancini stratum sparsa inter funera corpus,  
furtiua cupiens miserum componere terra. 95  
nec longum celerarat iter, cum tendere in armis  
aggere Sidonio uenientem conspicit hostem,  
quodque dabat fors in subitis necopina, sepulcro  
Aetoli condit membra occultata Thoantis.  
inde, ubi nulla sequi propius pone arma uirumque 100  
incomitata uidet uestigia ferre per umbras,  
prosiliens tumulo contorquet nuda parentis  
in terga haud frustra iaculum, Tyriamque sequentum  
Satricus esse manum et Sidonia uulnera credens,  
auctorem caeci trepidus circumspicit ictus. 105  
Verum ubi uictorem iuuenili robore cursus  
attulit et notis fulsit lux tristis ab armis  
fraternusque procul luna prodente retexit  
ante oculos sese et radiauit comminus umbo,  
exclamat iuuenis subita flammatus ab ira: 110  
' Non is equidem Sulmone satus tua, Satrice, proles  
nec frater, Mancine, tuus fatearque nepotem  
Pergameo indignum Solimo, si euadere detur  
huic nostras impune manus. tu nobile gestes  
germani spolium ante oculos referasque superba 115  
me spirante domus Paelignae perfidus arma?  
haec tibi, cara parens Acca, ad solacia luctus  
dona feram, nati ut figas aeterna sepulcro.'  
Talia uociferans stricto mucrone ruebat.  
ast illi iam tela manu iamque arma fluebant 120  
audita patria natisque et coniuge et armis,  
ac membra et sensus gelidus stupefecerat horror.  
tum uox semanimi miseranda effunditur ore:  
' Paee, precor, dextrae, non ut mihi uita supersit  
(quippe nefas hac uelle frui), sed sanguine nostro 125  
ne damnes, o nate, manus. Carthaginis ille  
captiuus, patrias nunc primum aduectus in oras,  
ille ego sum Satricus, Solimi genus. haud tua, nate,  
fraus ulla est. iaceres in me cum feruidus hastam,  
Poenus eram. uerum castris elapsus acerbis 130  
ad uos et carae properabam coniugis ora:  
hunc rapui exanimi clipeum. sed iam unice nobis  
haec fratris tumulis arma excusata reporta.  
curarum tibi prima tamen sit, nate, referre  
ductori monitus Paulo, producere bellum 135  
nitatur Poenoque neget certamina Martis.  
augurio exultat diuum immensamque propinqua  
stragem acie sperat. quaeso, cohibete furentem  
Varronem: namque hunc fama est impellere signa.  
sat magnum hoc miserae fuerit mihi cardine uitae 140  
solamen cauisse meis. nunc ultima, nate,  
inuento simul atque amisso redde parenti

oscula.' sic fatus galeam exuit atque rigentis  
 inuadit nati tremebundis colla lacertis:  
 attonito mentis uerbis sanare pudorem           145  
 uulneris impressi <et> telum excusare laborat:  
 ' Quis estis nostris, quis conscius adfuit actis?  
 non nox errorem nigranti condidit umbra?  
 cur trepidas? da, nate, magis, da iungere pectus.  
 absoluo pater ipse manum, atque in fine laborum           150  
 hac condas oculos dextra, precor.' at miser imo  
 pectore suspirans iuuenis non uerba uicesque  
 adloquio uocemue refert, sed sanguinis atri  
 sistere festinat cursum laceroque ligare  
 ocius inlacrimans altum uelamine uulnus.           155  
 tandem inter gemitus miserae erupere querelae:  
 ' Sine te nobis, genitor, Fortuna reducit  
 in patriam? sic te nato natumque parenti  
 impia restituit? felix o terque quaterque  
 frater, cui fatis genitorem agnoscere ademptum.           160  
 ast ego, Sidoniis imperditus, ecce, parentem  
 uulnere cognosco. saltem hoc, Fortuna, fuisset  
 solamen culpae, dubia ut mihi signa dedisses  
 infausti generis. uerum linquetur iniquis  
 non ultra superis nostros <s>celerare labores.'           165  
 Haec dum amens queritur, iam deficiente cruore  
 in uacuas senior uitam disperserat auras.  
 tum iuuenis maestum attollens ad sidera uultum  
 ' Pollitae dextrae et facti Titania testis  
 infandi, quae nocturno mea lumine tela           170  
 derigis in patrium corpus, non amplius' inquit  
 ' his oculis et damnato uiolabere uisu.'  
 haec memorat, simul ense fodit praecordia et atrum  
 sustentans uulnus mananti sanguine signat  
 in clipeo mandata patris: fvge proelia varro,           175  
 ac summi tegimen suspendit cuspide teli  
 defletumque super prosternit membra parentem.  
 Talia uenturae mittebant omina pugnae  
 Ausoniis superi, sensimque abeuntibus umbris  
 conscia nox sceleris roseo cedebat Eoo.           180  
 ductor in arma suos Libys et Romanus in arma  
 excibant de more suos, Poenisque redibat  
 qualis nulla dies omni surrexerit aeuo.  
 ' Non arborum' inquit ' stinatum' Poenusegetis,  
 Herculeis iter a metis ad Iapygis agros           185  
 uincendo emensi. nusquam est animosa Saguntos,  
 concessere Alpes, pater ipse superbus aquarum  
 Ausoni<d>um Eridanus captiuo defluit alueo.  
 strage uirum mersus Trebia est, atque ora sepulcro  
 Lydia Flaminio premitur, lateque refulgent           190  
 ossibus ac nullo sulcantur uomere campi.



clarior his titulus plusque adlatura cruoris  
 lux oritur. mihi magna satis, sat uero superque  
 bellandi merces sit gloria: cetera uobis  
 uincantur. quicquid diti deuexit Hiberno, 195  
 quicquid in Aetnaeis iactauit Roma triumphis,  
 quin etiam Libyco si quid de litore raptum  
 condidit, in uestros ueniet sine sortibus enses.  
 ferte domos quod dextra dabit. nil ductor honoris  
 ex opibus posco. raptor per saecula longa 200  
 Dardanus edomitum uobis spoliauerit orbem.  
 qui Tyria ducis Sarranum ab origine nomen,  
 seu Laurens tibi, Sigeo sulcata colono,  
 adridet tellus, seu sunt Byzacia cordi  
 rura magis centum Cereri fruticantia culmis, 205  
 electos optare dabo inter praemia campos.  
 addam etiam, flaua Thybris quas inrigat unda,  
 captiuis late gregibus depascere ripas.  
 qui uero externo socius mihi sanguine Byrsae  
 signa moues, dextram Ausonia si caede cruentam 210  
 attolles, hinc iam ciuis Carthaginis esto.  
 neu uos Garganus Daunique fefellerit ora,  
 ad muros statis Romae. licet auia longe  
 urbs agat et nostro procul a certamine distet,  
 hic hodie ruet, atque ultra te ad proelia miles 215  
 nulla uoco: ex acie tende in Capitolia cursum.'

Haec memorat. tum propulso munimine ualli  
 fossarum rapuere moras, aciemque locorum  
 consilio curuis accommodat ordine ripis.  
 barbaricus laeuo stetit ad certamina cornu 220  
 bellator Nasamon unaque immanior artus  
 Marmarides, tum Maurus atrox Garamasque Macesque  
 et Massylae acies et ferro uiuere laetum  
 uulgius Adyrmachidae pariter, gens accola Nili,  
 corpora ab immodico seruans nigrantia Phoebus. 225  
 quis positum agminibus caput imperiumque Nealces.  
 at parte in dextra, sinuat qua flexibus undam  
 Aufidus et curuo circum errat gurgite ripas,  
 Mago regit. subiere leues, quos horrida misit  
 Pyrene, populi et uario cinxere tumultu 230  
 flumineum latus: effulget caetrata iuuentus,  
 Cantaber ante alios nec tectus tempora Vasco  
 ac torto miscens Baliaris proelia plumbo  
 Baetigenaeque uiri. celsus media ipse coercet  
 agmina, quae patrio firmavit milite quaeque 235  
 Celtarum Eridano perfusus saepe cateruis.  
 sed qua se fluuius retro labentibus undis  
 eripit et nullo cuneos munimine uallat,  
 turratas moles ac propugnacula dorso  
 belua nigranti gestans, ceu mobilis agger, 240

nutat et erectos attollit ad aethera muros.  
cetera iam Numidis circumuolitare uagosque  
ferre datur cursus et toto feruere campo.

Dum Libys incenso dispensat milite uires  
hortandoque iterum atque iterum insatiabilis urget 245

factis quemque suis et se cognoscere iactat  
qua dextra ueniant stridentis sibila teli,  
promittitque uiris nulli se defore testem,  
iam Varro exacta uallo legione mouebat  
cladum principia, ac pallenti laetus in unda 250

laxabat sedem uenturis portitor umbris.  
stant primi, quos sanguineae pendente uetabant  
ire notae clipeo, defixique omine torpent.  
iuxta terribilis facies: miseranda iacebant  
corpora in amplexu, natusque in pectore patris 255  
imposita uulnus dextra letale tegebat.

effusae lacrimae, Mancinique inde reuersus  
fraterna sub morte dolor, tum triste mouebat  
augurium et similes defuncto in corpore uultus.  
ocius erroris culpam deflendaque facta 260

ductori pandunt atque arma uetantia pugnam.  
ille ardens animi 'Ferte haec' ait 'omnia Paulo.  
namque illum, cui femineo stant corde timores,  
mouerit ista manus, quae caede imbuta nefanda,  
cum Furiae expeterent poenas, fortasse paterno 265  
signauit moriens sceleratum sanguine carmen.'

Tum minitans propere describit munera pugnae,  
quaque feras saeuus gentes aciemque Nealces  
temperat, hac sese Marso cum milite cumque  
Samnitum opponit signis et Iapyge alumno. 270

at campi medio (namque hac in parte uidebat  
stare ducem Libyae) Seruilius obuia adire  
arma et Picentis Vmbrosque inferre iubetur.  
cetera Paulus habet dextro certamina cornu.  
his super insidias contra Nomadumque uolucrum 275  
Scipiadae datur ire manum, quaeque arte dolisque  
scindent se turmae, praedicat spargere bellum.

Iamque propinquabant acies, agilique uirorum  
discursu mixtoque simul calefacta per ora  
cornipedum hinnitu et multum strepitantibus armis 280

errabat caecum turbata per agmina murmur.  
sic, ubi prima mouent pelago certamina uenti,  
inclusam rabiem ac sparsuras astra procellas  
parturit unda freti fundoque emota minacis  
expirat per saxa sonos atque acta cauernis 285  
torquet anhelantem spumanti uertice pontum.

Nec uero fati tam saeuo in turbine solum  
terrarum fuit ille labor. discordia demens  
intrauit caelo superosque ad bella coegit.

hinc Mauors, hinc Gradium comitatus Apollo           290  
 et domitor tumidi pugnat maris, hinc Venus amens,  
 hinc Vesta et captae stimulatus caede Sagunti  
 Amphitryoniades, pariter ueneranda Cybebe  
 Indigetesque dei Faunusque satorque Quirinus  
 alternusque animae mutato Castore Pollux.           295  
 contra cincta latus ferro Saturnia Iuno  
 et Pallas, Libycis Tritonidos edita lymphis,  
 ac patrius flexis per tempora cornibus Hammon,  
 multaue praeterea diuorum turba minorum.  
 quorum ubi mole simul uenientum et gressibus alma       300  
 intremuit tellus, pars impleuere propinquos  
 diuisi montes, pars sedem nube sub alta  
 ceperunt: uacuo descensum ad proelia caelo.  
 Tollitur immensus deserta ad sidera clamor,  
 Phlegraeis quantas effudit ad aethera uoces           305  
 terrigena in campis exercitus, aut sator aeui  
 quanta Cyclopa noua fulmina uoce poposcit  
 Iuppiter, extractis uidit cum montibus ire  
 magnanimos raptum caelestia regna Gigantas.  
 nec uero prima in tantis concursibus hasta           310  
 ulla fuit: stridens nimbus certante furore  
 telorum simul effusus, cupidaeque cruoris  
 hinc atque hinc animae gemina cecidere procella.  
 ac <p>rius insanus dextra qua<m> ducitur ensis  
 bellantum pars magna iacet. super ipsa suorum       315  
 corpora consistunt auidi calcantque gementis.  
 nec magis aut Libyco protrudi Dardana nisu  
 auertitue potest pubes, aut ordine pelli  
 fixa suo Sarrana manus, quam uellere sede  
 si coeptet Calpen impacto gurgite pontus.           320  
 amisere ictus spatium, nec morte peracta  
 artatis cecidisse licet. galea horrida flictu  
 aduersae ardescit galeae, clipeusque fatiscit  
 impulsu clipei, atque ensis contunditur ense.  
 pes pede, uirque uiro teritur, tellusque uideri       325  
 sanguine operta nequit, caelumque et sidera pendens  
 abstulit ingestis nox densa sub aethere telis.  
 quis astare loco dederat Fortuna secundo,  
 contorum longo et procerae cuspidis ictu,  
 ceu primas agitent acies, certamina miscent.       330  
 at, quos deinde tenet retrorsum inglorius ordo,  
 missilibus certant pugnas aequare priorum.  
 ultra clamor agit bellum, milesque cupiti  
 Martis inops saeuis impellit uocibus hostem.  
 non ullum defit teli genus. <h>i sude pugnas,       335  
 hi pinu flagrante cient, hi pondere pili,  
 at saxis fundaque alius iaculoque uolucris.  
 interdum stridens per nubila fertur harundo,

interdumque ipsis metuenda phalarica muris.

Speramusne, deae, quarum mihi sacra coluntur, 340  
mortali totum hunc aperire in saecula uoce  
posse diem? tantumne datis confidere linguae,  
ut Cannas uno ore sonem? si gloria uobis  
nostra placet neque uos magnis auertitis ausis,  
huc omnis cantus Phoebumque uocate parentem. 345  
uerum utinam posthac animo, Romane, secunda,  
quanto nunc aduersa, feras, si<n>tque hactenus, oro,  
nec libeat temptare deis an Troia proles  
par bellum tolerare queat. tuque anxia fati  
pone, precor, lacrimas et adora uulnera laudes 350  
perpetuas paritura tibi. nam tempore, Roma,  
nullo maior eris. mox sic labere secundis  
ut sola cladum tuearis nomina fama.

Iamque inter uarias Fortuna utrimque uirorum  
alternata uices incerto eluserat iras 355  
euentu, mediaque diu pendente per ambas  
spe gentis, paribus Mauors flagrabat in armis:  
mitia ceu uiridis agitant cum flamina culmos,  
necdum maturas impellit uentus aristas,  
huc atque huc it summa seges nutansque uicissim 360  
alterno lente motu incuruata nitescit.  
tandem barbaricis perfractam uiribus acri  
dissipat incurrens aciem clamore Nealces.  
laxati cunei, perque interualla citatus  
inrupit trepidis hostis. tum turbine nigro 365  
sanguinis exundat torrens, nullumque sub una  
cuspide procumbit corpus. dum uulnera tergo  
bellator timet Ausonius, per pectora saeuas  
exceptat mortes et leto dedecus arcet.

Stabat cum primis mediae certamine pugnae 370  
aspera semper amans et par cuicumque periclo  
Scaeuola, nec tanta uitam iam strage uolebat,  
sed dignum proauo letum et sub nomine mortem.  
is postquam frangi res atque augescere uidit  
exitium, ' **E**uis hoc uitae, quodcumque relictum, 375  
extendamus;' **u**irtus futtile nomen,  
ni decori sat sint pariendo tempora leti.'  
dixit et in medios, qua dext<e>ra concita Poeni  
limitem agit, uasto conixus turbine fertur.  
hic exultantem Caralim atque erepta uolentem 380  
induere excelso caesi gestamina trunco  
ense subit, capuloque tenus ferrum impulit ira.  
uoluitur ille ruens atque arua hostilia morsu  
adpetit et mortis premit in tellure dolores.  
nec Gabari<s> Sicchaeque uirum tenuere furentes 385  
concordi uirtute manus; sed perdidit acer,  
dum stat, decisam Gabar inter proelia dextram;

at Siccha auxilium, magno turbante dolore,  
 dum temere accelerat, calcato improuidus ense  
 succidit ac nudae sero uestigia plantae           390  
 damnauit dextraque iacet morientis amici.  
 tandem conuertit fatalia tela Nealcae  
 fulminei gliscens iuuenis furor. exilit ardens  
 nomine tam claro stimulante ad praemia caedis.  
 tum silicem scopulo auulsum, quem montibus altis           395  
 detulerat torrens, raptum contorquet in ora  
 turbidus. incusso crepuerunt pondere malae,  
 ablatusque uiro uultus: concreta cruento  
 per nares cerebro sanies fluit, atraque manant  
 orbibus elisis et trunca lumina fronte.           400  
 sternitur unanimo Marius succurrere Capro  
 conatus metuensque uiro superesse cadenti.  
 lucis idem auspicium ac patrium et commune duobus  
 paupertas: sacro iuuenes Praeneste creati  
 miscuerant studia et iuncta tellure serebant.           405  
 uelle ac nolle ambobus idem sociataque toto  
 mens aeuo ac paruus diues concordia rebus.  
 occubuere simul, uotisque ex omnibus unum  
 id Fortuna dedit, iunctam inter proelia mortem.  
 arma fuere decus uictori bina Symaetho.           410  
     Sed longum tanto laetari munere casus  
 haud licitum Poenis. aderat terrore minaci  
 Scipio conuersae miseratus terga cohortis  
 et cuncti fons Varro mali flauusque comarum  
 Curio et a primo descendens consule Brutus.           415  
 atque his fulta uiris acies repararet ademptum  
 mole noua campum, subito ni turbine Poenus  
 agmina frenasset iam procurrentia ductor.  
 isque ut Varronem procul inter proelia uidit  
 et iuxta sagulo circumuolitare rubenti           420  
 lictorem, ' Nōso pompam atque insignia nosco.  
 Flaminius modo talis' ait. tum feruidus acrem  
 ingentis clipei tonitru praenuntiat iram.  
 heu miser! aequari potuisti funere Paulo,  
 si tibi non ira superum tunc esset ademptum           425  
 Hannibalis cecidisse manu. quam saepe querere,  
 Varro, deis, quod Sidonium defugeris ensem!  
 nam, rapido subitam portans in morte salutem  
 procursu ~incepta in sese discrimina uertit  
 Scipio. nec Poenum, quamquam est ereptus opimae           430  
 caedis honor, mutasse piget maiore sub hoste  
 proelia et erepti Ticina ad flumina patris  
 exigere oblato tandem certamine poenas.  
 stabant educti diuersis orbis in oris,  
 quantos non alias uidit concurrere tellus,           435  
 Marte uiri dextraque pares, sed cetera ductor

anteibat Latius, melior pietate fideque.

Desiluere caua turbati ad proelia nube,  
Mauors Scipiadae metuens, Tritonia Poeno,  
aduentuque deum intrepidus ductoribus ambae 440

contremuere acies. ater, qua pectora flectit  
Pallas, Gorgoneo late micat ignis ab ore  
sibilaque horrificis torquet serpentibus aegis.  
fulgent sanguinei, geminum uibrare cometem  
ut credas, oculi, summaque in casside largus 445

undantis uoluit flammam ad sidera uertex.  
at Mauors, moto proturbans aera telo  
et clipeo campum inuoluens, Aetnaea Cycloperum  
munere fundentem lorica incendia gestat  
ac pulsat fulua consurgens aethera crista. 450

Ductores pugnae intenti, quantumque uicissim  
audere, propius mensi, tamen arma ferentis  
sensere aduenisse deos et laetus uterque  
spectari superis addebant mentibus iras.  
iamque ictu ualido libratam a pectore Poeni 455

Pallas in oblicum dextra detorserat hastam,  
et Gradivus, opem diuae portare ferocis  
exemplo doctus, porgebat protinus ensem  
Aetnaeum in pugnas iuueni ac maiora iubebat.  
tum Virgo ignescens penitus uiolenta repente 460

suffudit flammis ora atque obliqua retorquens  
lumina turbato superauit Gorgona uultu.  
erexere omnes immania membra chelydri  
aegide commota, primique furoris ad ictus  
rettulit ipse pedem sensim a certamine Mauors. 465

hic dea conuulsam rapido conamine partem  
uicini montis scopulisque horrentia saxa  
in Martem furibunda iacit, longeque relatos  
expauit sonitus tremefacto litore Sason.

At non haec superum fallebant proelia regem. 470

demittit propere succinctam nubibus Irim  
quae nimios frenet motus, ac talia fatur:  
'I, dea, et Oenotris uelox adlabere terris  
germanoque truces, dic, Pallas mitiget iras  
nec speret fixas Parcarum uertere leges. 475

dic etiam: "Ni desistis (nam uirus et aestus  
flammiferae noui mentis) nec colligis iram,  
aegide praecellant quantum horrida fulmina nosces."

Quae postquam accepit dubitans Tritonia uirgo  
nec sat certa diu, patriis an cederet armis, 480

'Abistemus' ait 'campo. sed Pallade pulsa  
num fata auertet? caeloque arcebit ab alto  
cernere Gargani feruentia caedibus arua?'  
haec effata caua Poenum in certamina nube  
sublatum diuersa tulit terrasque reliquit. 485

At Gradius atrox remeantis in aethera diuae  
 abscessu reuocat mentes fusosque per aequor  
 ipse manu magna nebulam circumdatus acri  
 restituit pugnae. conuertunt signa nouamque  
 instaurant Itali uersa formidine caedem. 490  
 cum uentis positus custos, cui flamina carcer  
 imperio compressa tenet caelumque ruentes  
 Eurique et Boreae parent Corique Notique,  
 Iunonis precibus promissa haud parua ferentis  
 regnantem Ae<t>olis Vulturum in proelia campis 495  
 effrenat. placet hic irae exitiabilis ultor.  
 qui, se postquam Aetnae mersit candente barathro  
 concepitque ignes et flammea protulit ora,  
 euolat horrendo stridore ac Daunia regna  
 perflat agens caecam glomerato puluere nubem. 500  
 eripere oculos aurae uocemque manusque.  
 uertice harenoso candentis, flebile dictu,  
 torquet in ora globos Italum et bellare manipulis  
 iussa laetatur rabie. tum mole ruinae  
 sternuntur tellure <et> miles et arma tubaeque, 505  
 atque omnis retro flatu occursante refertur  
 lancea et in tergum Rutulis cadit inritus ictus.  
 atque idem flatus Poenorum tela secundant,  
 et uelut ammento contorta hastilia turbo  
 adiuuat ac Tyrias impellit stridulus hastas. 510  
 tum denso fauces praeclusus puluere miles  
 ignauam mortem compresso maeret hiatu.  
 ipse caput flauum caligine conditus atra  
 Vulturum multaue comam perfusus harena  
 nunc uersos agit a tergo stridentibus alis, 515  
 nunc mediam in frontem ueniens clamante procella  
 obuius arma quatit patuloque insibilat ore.  
 interdum intentos pugnae et iam iamque ferentis  
 hostili iugulo ferrum conamine et ictu  
 auertit dextramque ipso de uulnere uellit. 520  
 nec satis Ausonias passim foedare cohortes:  
 in Martem uomit immixtas mugitibus auras  
 bisque dei summas uibrauit turbine cristas.  
 Quae dum Romuleis exercet proelia turmis  
 Aeolius furor et Martem succendit in iras, 525  
 adfatur Virgo, socia Iunone, parentem:  
 ' Quantos Gradius fluctus in Punica castra,  
 respice, agit quantisque furens se caedibus implet!  
 nunc, quaeso, terris descendere non placet Irim?  
 quamquam ego non Teucros (nostro cum pignore regnet 530  
 Roma, et Palladio sedes hac urbe locarim)  
 non Teucros delere aderam, sed lumen alumnae  
 Hannibalem Libyae pelli florentibus annis  
 uita atque extinguere primordia tanta negabam.'

Excipit hic Iuno longique laboris ab ira 535  
 'Immo,' ai' ut nocent gentes, immania quantum  
 regna Iouis ualeant cunctisque potentia quantum  
 antistet, coniunx, superis tua, disice telo  
 flagranti (nil oramus) Carthaginis arces  
 Sidoniamque aciem uasto telluris hiatu 540  
 Tartareis immerge uadis aut obrue ponto.'  
 Contra quae miti respondet Iuppiter ore:  
 ' Cæcis fatis et spes extenditis aegras.  
 ille, o nata, libens cui tela inimica ferebas,  
 contundet Tyrios iuuenis ac nomina gentis 545  
 induet et Libycam feret in Capitolia laurum.  
 at, cui tu, coniunx, cui das animosque decusque,  
 (fata cano) auertat populis Laurentibus arma.  
 nec longe cladis metae. uenit hora diesque,  
 qua nullas umquam transisse optauerit Alpes.' 550  
 sic ait atque Irim propere demittit Olympo  
 quae reuocet Martem iubeatque abscedere pugna.  
 nec uetitis luctatus abijt Gradus in altis  
 cum fremitu nubes, quamquam lituique tubaeque  
 uulneraque et sanguis et clamor et arma iuuarent. 555  
 Vt patuit liber superum certamine tandem  
 laxatusque deo campus, ruit aequore ab imo  
 Poenus quo sensim caelestia fugerat arma,  
 magna uoce trahens equitemque uirosque feraeque  
 turrigeræ molem tormentorumque labores. 560  
 atque ubi turbantem leuioris ense cateruas  
 agnouit iuuenem, scintillauitque cruentis  
 ira genis, ' Quænam Furiae quisue egit in hostem,  
 en, Minuci, deus, ut rursus te credere nobis  
 auderes?' rixit ' genitor tibi natus ab armis 565  
 ille meis ubi nunc Fabius? semel, improbe, nostras  
 sit satis euasisse manus.' atque inde superbis  
 hasta comes dictis murali turbine pectus  
 transforat et uoces uenturas occupat ictu.  
 Nec ferro saeuire sat est. appellitur atra 570  
 mole fera, et monstros componitur Itala pubes.  
 nam praeuectus equo moderantem cuspide Lucas  
 Maurum in bella boues stimulis maioribus ire  
 ac raptare iubet Libycarum armenta ferarum.  
 immane stridens agitur crebroque coacta 575  
 uulnere bellatrix properos fert belua gressus.  
 liuenti dorso turris flammaque uirisque  
 et iaculis armata sedet. procul aspera grando  
 saxorum super arma ruit, passimque uolanti  
 celsus telorum fundit Libys aggere nimbum. 580  
 stat niueis longum stipata per agmina uallum  
 dentibus, atque ebori praefixa comminus hasta  
 fulget ab incuruo directa cacumine cuspis.



hic, inter trepidos rerum, per membra, per arma  
 exigit Vffentis sceleratum belua dentem 585  
 clamantemque ferens calcata per agmina portat.  
 nec leuius Tadio letum: qua tegmine thorax  
 multiplicis lini claudit latus, improba sensim  
 corpore non laeso penetrarunt spicula dentis  
 et sublime uirum clipeo resonante tulerunt. 590  
 haud excussa noui uirtus terrore pericli:  
 utitur ad laudem casu geminumque citato  
 uicinus fronti lumen transuerberat ense.  
 extimulata graui sese fera tollit ad auras  
 uulnere et erectis excussam cruribus alte 595  
 pone iacit uoluens reflexo pondere turrim.  
 arma uirique simul spoliataque belua uisu  
 sternuntur subita, miserandum, mixta ruina.  
 Spargi flagrantis contra bellantia monstra  
 Dardanius taedas ductor iubet et facis atrae, 600  
 quos fera circumfert, compleri sulphure muros.  
 nec iusso mora. collectis fumantia lucent  
 terga elephantorum flammis, raptusque sonoro  
 ignis edax uento per propugnacula fertur.  
 non aliter, Pindo Rhodopeue incendia pastor 605  
 cum iacit, et siluis spatiat feruida pestis,  
 frondosi ignescunt scopuli, subitoque per alta  
 conlucet iuga dissultans Vulcanius ardor.  
 it fera candenti torrente bitumine corpus  
 amens et laxo diducit limite turmas. 610  
 nec cuiquam uirtus propiora capessere bella:  
 longinquis audent iaculis et harundinis ictu.  
 uritur impatiens et magni corporis aestu  
 huc atque huc iactas accendit belua flammam,  
 donec uicini tandem se fluminis undis 615  
 praecipitem dedit et tenui decepta liquore  
 stagnantis per plana uadi tulit incita longis  
 extantem ripis flammam. tum denique sese  
 gurgitis immersit molem capiente profundo.  
 At qua pugna datur, necdum Maurusia pestis 620  
 igne calet, circumfusi Rhoeteia pubes  
 nunc iaculis, nunc et saxis, nunc alite plumbo  
 eminus incessunt, ut qui castella per altos  
 oppugnat munita locos atque adsidet arces.  
 ausus digna uiro, fortuna digna secunda, 625  
 extulerat dextram <at>que aduersum comminus ensem  
 Mincius infelix ausi, sed stridula anhelum  
 feruorem effundens monstri manus abstulit acri  
 implicitum nexu diroque ligamine torsit  
 et superas alte miserum iaculata per auras 630  
 telluri elisis adflixit, flebile, membris.  
 Has inter clades uiso Varrone sub armis

incredens Paulus ' Quin imus comminus' inquit  
' ductori Tyrio, quem uinctum colla catenis  
staturum ante tuos currus promissimus urbi? 635  
heu patria, heu plebes scelerata et praua fauoris!  
haud umquam expedies tam dura sorte malorum,  
quem tibi non nasci fuerit per uota petendum,  
Varronem Hannibalemne, magis.' dumalia Paulus,  
urget praecipitis Libys atque in terga ruentum 640  
ante oculos cunctas ductoris concitat hastas.  
pulsatur galea et quatiuntur consulis arma.  
acrius hoc Paulus medios ruit asper in hostis.

Tum uero excussus mentem, in certamina Paulo  
auia diducto, conuertit Varro manuque 645  
cornipedem inflectens 'Das,' inquitpatria, poenas,  
quae Fabio incolumi Varronem ad bella uocasti.  
quaenam autem mentis uel quae discordia fati  
Parcarumque latens fraus est? abrumpere cuncta  
iamdudum cum luce libet. sed comprimit ense 650  
nescio qui deus. at <q>uae me ad grauiora reseruat!  
uiuamne? et fractos sparsosque cruore meorum  
hos referam populo fasces atque ora per urbes  
iratas spectanda dabo et, quo saeuus ipse  
Hannibal haud poscat, fugiam et te, Roma, uidebo?' 655  
plura indignantem telis propioribus hostes  
egere, et sonipes rapuit laxatus habenas.

## Liber X

Paulus, ut aduersam uidet increbescere pugnam,  
ceu fera, quae telis circumcingentibus ultro  
adsilit in ferrum et per uulnera colligit hostem,  
in medios fert arma globos seseque periclis  
ingerit atque omni letum molitur ab ense. 5  
increpat horrendum: ' Erstate et fortiter, oro,  
pectoribus ferrum accipite ac sine uulnere terga  
ad manis deferte, uiri. nisi gloria mortis,  
nil superest. idem sedes adeuntibus imas  
hic uobis dux Paulus erit.' uelocius inde 10  
Haemonio Borea pennaque citatior ibat  
quae redit in pugnas fugientis harundine Parthi,  
atque ubi certamen primi ciet immemor aeui  
plenus Gradiuo mentem Cato, fertur in hostis  
ac iuuenem, quem Vasco leuis, quem spicula densus 15  
Cantaber urgebat, letalibus eripit armis.  
abscessere retro pauidique in terga relatos  
abduxere gradus: ut, laetus ualle remota  
cum capream uenator agit fessamque propinquo  
insequitur cursu et sperat iam tangere dextra, 20  
si ferus aduerso subitum se protulit antro  
et stetit ante oculos frendens leo: deserit una  
et color et sanguis et tela minora periclo,  
nec iam speratae cura est in pectore praedae.  
nunc in restantis mucronem comminus urget, 25  
nunc trepidos ac terga mala formidine uersos  
adsequitur telis. furere ac decorare labores  
et saeuire iuuat. cadit ingens nominis expers  
uni turba uiro, atque, alter si detur in armis  
Paulus Dardaniis, amittant nomina Cannae. 30  
Tandem inclinato cornu sine more ruebat  
prima acies, non parca fugae. Labienus et Ocres  
sternuntur leto atque Opiter quos Setia colle  
uitifero, celsis Labienum Cingula saxa  
miserunt muris. iunxit fera tempora leti 35  
Sidonius non consimili discrimine miles:  
nam Labienus obit penetrante per ilia corno,  
fratres, hic umero, cecidere, hic poplite, caesis.  
oppetis et Tyrio super inguina fixe ueruto  
Maecenas, cui Maeonia uenerabile terra 40  
et sceptris olim celebratum nomen Etruscis.  
per medios agitur, proiecto lucis amore  
Hannibalem lustrans, Paulus. sors una uidetur  
aspera, si occumbat ductore superstite Poeno.

Quam metuens molem (neque enim certamine sumpto                    45  
 tempestas tanta et rabies impune fuisset)  
 in faciem pauidi Iuno conuersa Metelli  
 ' Quid amos,' inquit 'Latio spes unica consul,  
 incassumque moues fato renuente furores?  
 si superest Paulus, restant Aeneia regna;                    50  
 sin secus, Ausoniam tecum trahis. ire tumentem  
 tu contra iuuenem et caput hoc abscidere rebus  
 turbatis, o Paule, paras? nunc Hannibal ipsi  
 (tam laetus bello est) ausit certare Tonanti.  
 et iam conuersis (uidi nam flectere) habenis                    55  
 euasit Varro ac sese ad meliora reseruat.  
 sit spatium fati, et, dum datur, eripe leto  
 hanc nostris maiorem animam: mox bella capesses.'  
 Ad quae suspirans ductor: ' Mæmne sub armis  
 cur poscam, causa ista parum est, quod talia nostrae                    60  
 pertulerunt aures suadentem monstra Metellum?  
 i, demens, i, carpe fugam. non hostica tela  
 excipias tergo, superos precor. integer, oro,  
 intactusque abeas atque intres moenia Romae  
 cum Varrone simul. talin' , pauidissime, dignum                    65  
 me uita pulchraque indignum morte putasti?  
 quippe sinit Poenus, qui nunc contraria bella  
 ipsi ferre Ioui ualeat. pro degener altae  
 uirtutis patrum! quando certamen inire,  
 cuiue uirum mallet memet componere, quam qui                    70  
 et uictus dabit et uictor per saecula nomen?'  
 Talibus increpitat mediosque aufertur in hostis  
 ac retro cursum tendentem ad crebra suorum  
 agmina et in densis furantem membra manipulis  
 per conferta uirum et stipata umbonibus arma                    75  
 consequitur melior planta atque obtruncat Acherram,  
 ut canis occultos agitatur cum Belgicus apros  
 erroresque ferae sollers per deuia mersa  
 nare legit tacitoque premens uestigia rostro  
 lustrat inaccessos uenantum indagine saltus                    80  
 nec sistit, nisi conceptum sectatus odorem  
 deprendit spissis arcana cubilia dumis.  
 At coniunx Iouis, ut Paulum depellere dictis  
 nequiquam fuit et consul non desinit irae,  
 in faciem Mauri rursus mutata Gelestae                    85  
 auocat ignarum saeuo a certamine Poenum:  
 ' Hæc tela, huc' inquit dextram implorantibus adfer,  
 o decus aeternum Carthagini. horrida iuxta  
 stagnantis consul molitur proelia ripas,  
 et laus haud alio maior datur hoste perempto.'                    90  
 haec ait et iuuenem diuersa ad proelia raptat.  
 Flumineo Libycam turbabat in aggere pubem--  
 Cristae nomen erat. bis terni iuncta ferebant

arma senem circa nati; pauperque penatum  
 (sed domus haud obscura Tuder, notusque per Vmbros 95  
 bellator populos) factis et caede docebat  
 natorum armigeram pugnas tractare cohortem.  
 unanima inde phalanx, crudo ducente magistro,  
 postquam hominum satiata nec<e> est, prostrauerat ictu  
 innumero cum turre feram facibusque secutis 100  
 ardentem monstri spectabat laeta ruinam,  
 cum subitus galeae fulgor conoque coruscae  
 maiore intremuere iubae. nec tarda senectus  
 (agnouit nam luce uirum): rapit agmine natos  
 saeua parens ultro in certamina et addere passim 105  
 tela iubet nec manantis ex ore feroci  
 aut quae flagrarent galea exhorrescere flammis.  
 armiger haud aliter magni Iouis, anxia nido  
 cum dignos nutrit gestanda ad fulmina fetus,  
 obuersam spectans ora ad Phaet<h>ontia prolem, 110  
 explorat dubios Phoebaea lampade natos.  
 iamque suis daret ut pugnae documenta uocantis  
 ..... 112a  
 et medias hasta uelox praeteruolat auras.  
 haesit multiplici non alte cuspis in auro  
 ac senium inualido dependens prodidit ictu. 115  
 cui Poenus: 'Quinam ad cassos furor impulit ictus  
 exanguem senio dextram? uix prima momordit  
 tegmina Callaici cornus tremebunda metalli.  
 en, reddo tua tela tibi: memorabilis ista  
 a nobis melius discet bellare iuuentus.' 120  
 sic propria miseri transfigit pectora corno.  
 At contra, horrendum, bis terna spicula dextra  
 torta uolant, paribusque ruunt conatibus hastae:  
 haud secus ac Libyca fetam tellure leaenam  
 uenator premit obsesso cum Maurus in antro, 125  
 inuadunt rabidi iam dudum et inania temptant  
 nondum sat firmo catuli certamina dente.  
 consumit clipeo tela et collectus in arma  
 sustinet urgentis crepitantibus ictibus hastas  
 Sidonius ductor, nec iam per uulnera credit 130  
 aut per tot caedes actum satis, iraque anhelat,  
 ni leto det cuncta uirum iungatque parenti  
 corpora et excidat miseros cum stirpe penatis.  
 Tunc Abarim adfatur (namque una hic armiger ira  
 flammabat Martem atque omnis comes ibat in actus): 135  
 ' Suppeditanihi tela. uadis liuentis Auerni  
 demitti globus ille cupit, qui nostra lacessit  
 tegmina: iam stultae fructus pietatis habebit.'  
 haec fatus iaculo Lucam, qui maximus aevi,  
 transadigit: pressa iuuenis cum cuspidis labens 140  
 arma super fratrum resupino concidit ore.

mortiferum inde manu properantem uellere ferrum  
 pilo Volsonem (namque hoc de strage iacentum  
 fors dabat) adfixa sternit per tegmina nare.  
 tum Vesulum calido lapsantem in sanguine fratrum 145  
 ense metit rapido plenamque (heu barbara uirtus!)  
 abscisi galeam capitis, ceu missile telum,  
 conuersis in terga iacit. Telesinus, ad ossa  
 inliso saxo, qua spina interstruit artus,  
 occumbit, fratrisque uidet labentia membra 150  
 Quercentis, quem funda procul per inane uoluta  
 sopierat, dum supremam Telesinus in auras  
 exhalat lucem et dubitantia lumina condit.  
 at fessus maerore simul cursuque metuque  
 et tamen haud irae uacuum non certa per aequor 155  
 interdum insistens Perusinus membra ferebat.  
 hunc sude, quam raptam Libyci per terga iacentis  
 armiger obtulerat monstri, super inguina fixam,  
 obruncat quercuque premit uiolentus obusta.  
 temptarat precibus saeuum lenire furorem, 160  
 sed Stygius primos impleuit feruor hiatus,  
 et pulmone tenuis demisit anhelitus ignem.  
 tandem cum toto cecidit grege, nomen in Vmbro  
 clarum, Crista, diu populo: ceu fulmine celsa  
 aesculus aut proauis ab origine cognita quercus 165  
 cum fumat percussa Ioui, sacrosque per aeuum  
 aetherio ramos populantur sulphure flammae,  
 donec uicta deo late procumbit et omnem  
 conlabens operit spatioso stipite prolem.  
 Atque ea dum iuxta Tyrius stagna Aufida ductor 170  
 molitur, Paulus, numerosa caede futuram  
 ultus iam mortem, ceu uictor bella gerebat.  
 inter mille uiros iacet ingens P<h>orcys ab antris  
 Herculeae Calpes, caelatus Gorgone parmam,  
 unde genus ~tristique deae manabat origo. 175  
 hunc obiectantem sese atque antiqua tumentem  
 nomina saxificae monstrosa e stirpe Medusae,  
 dum laeuum petit incumbens uiolentius inguen,  
 detrahit excelsi correptum uertice coni,  
 adflictumque premens, tergo qua balteus imo 180  
 sinuatur coxa<e>que sedet munimen utrique,  
 coniecto fodit ense super: uomit ille calentem  
 sanguinis effundens per hiantia uiscera riuum  
 et subit Aetolos Atlanticus accola campos.  
 Has inter strages rapido terrore coorti 185  
 inuadunt terga atque auerso turbine miscent  
 bella inopina uiri, Tyrius quos fallere doctos  
 hanc ipsam pugnae rector formarat ad artem,  
 succinctique dolis, fugerent ceu Punica castra,  
 dediderant dextras. tum totis mentibus actam 190

in caedes aciem pone atque in terga ruentes  
 praecipitant. non hasta uiro, non deficit ensis:  
 e strage est ferrum atque euulsa cadauere tela.  
 raptum Galba procul (neque enim uirtutis amorem  
 aduersa exemisse ualent) ut uidit ab hoste 195  
 auferri signum, conixus corpore toto  
 uictorem adsequitur letalique occupat ictu.  
 ac dum comprehensam caeso de corpore praedam  
 auellit, tardeque manus moribunda remittit,  
 transfixus gladio propere accurrentis Amorgi 200  
 occidit, immoriens magnis non prosperus ausis.

Haec inter, ueluti nondum satiasset Enyo  
 iras saeua truces, sublatum puluere campum  
 Vulturis rotat et candentis torquet harenas.  
 iamque reluctantis stridens immane procella 205  
 per longum tulit ad campi suprema cauisque  
 adflictos ripis tumidum demersit in amnem.  
 hic tibi finis erat, metas hic Aufidus aeui  
 seruabat tacito, non felix Curio, leto.  
 namque, furens animi dum consternata moratur 210  
 agmina et oppositu membrorum sistere certat,  
 in praeceps magna propulsus mole ruentum  
 turbatis hauritur aquis fundoque uolutus  
 Hadriaca iacuit sine nomine mortis arena.

Ingens ferre mala et Fortunae subdere colla 215  
 nescius, aduersa fronte incurrebat in arma  
 uincentum consul: pereundi Martius ardor  
 atque animos iam sola dabat fiducia mortis,  
 cum Viriathus agens telis, regnator Hiberiae  
 magnanimus terrae, iuxta atque ante ora furentis 220  
 obruncat Pauli fessum certaminis hostem.  
 heu dolor, heu lacrimae! Seruilius, optima belli,  
 post Paulum belli pars optima, corruit ictu  
 barbarico magnamque cadens leto addidit uno  
 inuidiam Cannis. tristem non pertulit iram 225  
 consul et, insani quamquam contraria uenti  
 exarmat uis atque obtendit puluere lucem,  
 squalentem rumpens ingestae toruus harenae  
 ingreditur nimum ac <V>iriat<h>um moris Hiberi  
 carmina pulsata fundentem barbara caetra 230  
 inuadit laeuaeque fodit uitalia mammae.  
 hic fuit extremus caedum labor. addere bello  
 haud ultra licuit dextram, nec tanta relictum est  
 uti, Roma, tibi posthac ad proelia Paulo.  
 saxu<m> ingens, uasto libratum pondere, caeca 235  
 uenit in ora manu et perfractae cassidis aera  
 ossibus infodiens compleuit sanguine uultus.  
 inde pedem referens, labentia membra propinquo  
 imposuit scopulo atque, undanti uulnere anhelans,

sedit terribilis clipeum super ore cruento: 240  
immanis ceu, depulsis leuioribus hastis,  
accepit leo cum tandem per pectora ferrum,  
stat teli patiens media tremebundus harena  
ac, manante iubis rictuque et naribus unda  
sanguinis, interdum languentia murmura torquens, 245  
effundit patulo spumantem ex ore cruorem.  
tum uero incumbunt Libyes, super ipse citato  
ductor equo, qua flatus agit, qua peruius ensis,  
qua sonipes, qua belligero fera belua dente.  
obrutus hic telis ferri per corpora Piso 250  
rectorem ut uidit Libyae, conixus in hastam  
ilia cornipedis subrecta cuspide transit  
conlapsoque super nequiquam incumbere coeptat,  
cum Poenus, propere collecto corpore, quamquam  
cernuus inflexo sonipes effuderat armo: 255  
' Vnde Ausoniae rediuiua bella retractant  
post obitum dextra nec in ipsa morte quiescunt?'  
sic ait atque aegrum coeptanti attollere corpus  
arduus insurgens totum permiscuit ensem.  
Ecce, Cydonea uiolatus harundine plantam, 260  
Lentulus effusis campum linquebat habenis,  
cum uidet in scopulo rorantem saxa cruore  
toruoque obtutu labentem in Tartara Paulum.  
mens abiit, puduitque fugae. tum uisa cremari  
Roma uiro, tunc ad portas iam stare cruentus 265  
Hannibal; Aetoli tum primum ante ora fuere  
sorbentes Latium campi. ' Quid eūde relictum  
crastina cur Tyrios lux non deducat ad urbem,  
deseris in tantis puppim si, Paule, procellis?  
testor caelicolas,' inquit ' indamna gubernas 270  
crudelis belli uiuisque in turbine tanto  
inuitus, plus, Paule, (dolor uerba aspera dictat)  
plus Varrone noces. cape, quaeso, hunc, unica rerum  
fessarum spe<s>, cornipedem. languentia membra  
ipse leuabo umeris et dorso tuta locabo.' 275  
Haec inter, lacero manantem ex ore cruorem  
eiectans, consul: ' Ma te o uirtute paterna!  
nec uero spes angustae, cum talia restent  
pectora Romuleo regno. calcaribus aufer,  
qua uulnus permittit, ecum atque hinc ocus urbis 280  
claudantur portae (ruet haec ad moenia pestis)  
dic, oro: rerum Fabio tradantur habenae.  
nostris pugnauit monitis furor. amplius acta  
quid superest uita, nisi caecae ostendere plebi  
Paulum scire mori? feror an consumptus in urbem 285  
uulneribus? quantine emptum uelit Hannibal, ut nos  
uertentis terga aspiciat? nec talia Paulo  
pectora, nec manis tam parua intramus imago.



ille ego--sed uano quid enim te demoror aeger,  
 Lentule, conquestu? perge atque hinc cuspide fessum 290  
 erige quadrupedem propere.' utm Lentulus urbem  
 magna ferens mandata petit. nec Paulus inultum  
 quod superest de luce sinit: ceu uulnere tigris  
 letifero cedens tandem proiectaque corpus  
 luctatur morti et languentem pandit hiatum 295  
 in uanos morsus, nec sufficientibus irae  
 ictibus extrema lambit uenabula lingua.  
 iamque coruscanti telum propiusque ferenti  
 gressum exultantem et securo caedis Iertae  
 non expectatum surgens defixerat ensem 300  
 Sidoniumque ducem circumspectabat, in illa  
 exoptans animam certantem ponere dextra.  
 sed uicere uirum coeuntibus undique telis  
 et Nomas et Garamas et Celtae et Maurus et Astur.  
 hic finis Paulo. iacet altum pectus et ingens 305  
 dextera, quem, soli si bella agitanda darentur,  
 aequares forsant Fabio. mors additur urbi  
 pulchra decus misitque uiri inter sidera nomen.

Postquam spes Italum mentesque in consule lapsae,  
 ceu truncus capitis, saeuis exercitus armis 310  
 sternitur, et uictrix toto fremit Africa campo.  
 hic Picentum acies, hic Vmber Martius, illic  
 Sicana procumbit pubes, hic Hernica turma.  
 passim signa iacent, quae Samnis belliger, et quae  
 Sarrastes populi Marsaeque tulere cohortes. 315  
 transfixi clipei galeaeque et inutile ferrum  
 fractaque conflictu parmarum tegmina et ore  
 cornipedum derepta fero spumantia frena.  
 sanguineus tumidas in campos Aufidus undas  
 eiectat redditque furens sua corpora ripis. 320  
 sic Lagea ratis, uasto uelut insula ponto  
 conspecta, inlisis scopulis ubi nubifer Eurus,  
 naufragium spargens operit freta: iamque per undas  
 et transtra et mali laceroque aplustria uelo  
 ac miseri fluitant reuomentes aequora nautae. 325

At Poenus, per longa diem certamina saeuis  
 caedibus emensus, postquam eripere furori  
 insignem tenebrae lucem, tum denique Martem  
 dimisit tandemque suis in caede pepercit.  
 sed mens inuigilat curis noctisque quietem 330  
 ferre nequit. stimulat dona inter tanta deorum  
 optatas nondum portas intrasse Quirini.  
 proxima lux placet. hinc strictos ferre ocuis enses,  
 dum feruet cruor et perfusae caede cohortes,  
 destinat ac iam claustra manu, iam moenia flamma 335  
 occupat et iungit Tarpeia incendia Cannis.

Quo turbata uiri coniunx Saturnia coepto

irarumque Iouis Latiique haud inscia fati,  
 incautum ardorem atque auidas ad futils uotum  
 spes iuuenis frenare parat. ciet inde quietis        340  
 regnantem tenebris Somnum, quo saepe ministro  
 edomita inuiti componit lumina fratris,  
 atque huic adridens ' Nonet maioribus' inquit  
 'ausis, diue, uoco nec posco ut mollibus alis  
 des uictum mihi, Somne, Iouem. non mille premendi        345  
 sunt oculi tibi, nec spernens tua numina custos  
 Inachiae multa superandus nocte iuuencae.  
 ductori, precor, immittas noua somnia Poeno,  
 ne Romam et uetitos cupiat nunc uisere muros,  
 quos intrare dabit numquam regnator Olympi.'        350

Imperium celer exequitur curuoque uolucris  
 per tenebras portat medicata papauera cornu.  
 ast ubi per tacitum adlapsus tentoria prima  
 Barcaei petiit iuuenis, quatit inde soporas  
 deuexo capiti pennas oculisque quietem        355  
 inrorat, tangens Lethaea tempora uirga.  
 exercent rabidam truculenta insomnia mentem.  
 iamque uidebatur multo sibi milite Thybrim  
 cingere et insultans astare ad moenia Romae.  
 ipse refulgebat Tarpeiae culmine rupis        360  
 elata torquens flagrantia fulmina dextra  
 Iuppiter, et lati fumabant sulphure campi,  
 ac gelidis Anien trepidabat caerulus undis,  
 et densi ante oculos iterumque iterumque tremendum  
 uibrabant ignes. tunc uox effusa per auras:        365  
 ' Sat magna, o iuuenis, presa est tibi gloria Cannis.  
 siste gradum: nec enim sacris inrumpere muris,  
 Poene, magis dabitur, nostrum quam scindere caelum.'  
 attonitum uisis maioraque bella pauentem  
 post confecta Sopor Iunonia iussa relinquit,        370  
 nec lux terribili purgauit imagine mentem.

Quos inter motus somni uanosque tumultus  
 dedita per noctem reliquo cum milite castra  
 nuntiat et praedam pleno trahit agmine Mago.  
 huic ductor laetas Tarpeio uertice mensas        375  
 spondenti, cum quinta diem nox orbe tulisset,  
 celatis superum monitis clausoque pauore,  
 uulnera et exhaustas saeuo certamine uires  
 ac nimium laetis excusat fidere rebus.  
 tum spe deiectus iuuenis, ceu uertere ab ipsis        380  
 terga iuberetur muris ac signa referre,  
 ' Tanta mole' inquit ' non Romam credidit ipsa,  
 sed Varro est uictus. quaenam tam prospera Martis  
 munera destituis fato patriamque moraris!  
 mecum exultet eques: iuro hoc caput, accipe muros        385  
 Iliacos portasque tibi sine Marte patentis.'

Dumque ea Mago fremit cauto non credita fratri,  
 iam Latius sese Canusina in moenia miles  
 colligere et profugos uicino cingere uallo  
 coeperat. heu rebus facies inhonora sinistris! 390  
 non aquilae, non signa uiris, non consulis altum  
 imperium, non subnixae lictore secures.  
 trunca atque aegra metu, ceu magna elisa ruina,  
 corpora debilibus nituntur sistere membris.  
 clamor saepe repens et saepe silentia fixis 395  
 in tellurem oculis: nudae plerisque sinistrae  
 detrito clipeo, desunt pugnacibus enses,  
 saucius omnis eques: galeis carpsere superbum  
 cristarum decus et damnarunt Martis honores.  
 at multa thorax perfossus cuspide, et haerens 400  
 loricae interdum Maurusia pendet harundo.  
 interdum maesto socios clamore requirunt.  
 hic Galba, hic Piso et leto non dignus inert  
 Curio deflentur, grauis illic Scaeuola bello.  
 hos passim, at Pauli pariter ceu dira parentis 405  
 fata gemunt: ut uer**a** mali praenuntia numquam  
 cessarit canere et Varronis sistere mentem,  
 utque diem hunc totiens nequiquam auerterit urbi,  
 atque idem quantus dextra. sed cura futuri  
 quos premit, aut fossas instant praeducere muris 410  
 aut portarum aditus, ut rerum est copia, firmant,  
 quaque patet campus planis ingressibus hostis,  
 ceruorum ambustis imitantur cornua ramis,  
 et stilus occulitur, caecum in uestigia telum.  
 Ecce, super clades et non medicabile uulnus, 415  
 reliquias belli atque imperdita corpora Poenis  
 impia formido ac maior iactabat Erinys.  
 trans aequor Tyrios enses atque arma parabant  
 Punica et Hannibalem mutato euadere caelo.  
 dux erat exilio non laetus Marte Metellus, 420  
 sed stirpe haud parui cognominis. is mala bello  
 pectora degeneremque manum ad deformia agebat  
 consulta atque alio positas spectabat in or**e**,  
 quis sese occulerent, terras, quo nomina nulla  
 Poenorum aut patriae penetraret fama relictas. 425  
 Quae postquam accepit flammata Scipio mente,  
 quantus Sidonium contra fera proelia miscens  
 ductorem stetit in campis, rapit ocus ensem  
 atque, ubi turpe malum Latioque extrema coquebant  
 coepta uiri, ruptis foribus sese arduus infert. 430  
 tum quatiens strictum cum uoce ante ora pauentum  
 mucronem: ' Ἄρπεια, pater, qui templa secundam  
 incolis a caelo sedem, et Saturnia, nondum  
 Iliacis mutata malis, tuque aspera pectus  
 aegide Gorgoneos uirgo succincta furores, 435

Indigetesque dei, sponte en per numina uestra  
perque caput, nullo leuius mihi numine, patris  
magnanimi iuro: numquam Lauinia regna  
linquam nec linqui patiar, dum uita manebit.  
ocius en testare deos, si moenia taedis 440  
flagrabunt Libycis, nullas te ferre, Metelle,  
ausurum in terras gressus. ni talia sancis,  
quem tremis et cuius somnos formidine rumpis,  
Hannibal hic armatus adest. moriere, nec ullo  
Poenorum melior parietur gloria caeso.' 445  
his excussa incepta minis. iamque ordine iusso  
obstringunt animas patriae dictataque iurant  
sacramenta deis et purgant pectora culpa.

Atque ea dum Rutulis turbata mente geruntur,  
lustrabat campos et saeuae tristia dextrae 450  
facta recensebat pertractans uulnera uisu  
Hannibal et magna circumstipante caterua  
dulcia praebebat trucibus spectacula Poenis.  
quas strages inter, confossus pectora telis  
seminecem extremo uitam exhalabat in auras 455  
mu<r>mure deficiens iam Cloelius oraque nisu  
languida uix aegro et dubia ceruice leuabat.  
agnouit sonipes, arrectisque auribus acrem  
hinnitum effundens sternit tellure Bagesum,  
quem tum captiuo portabat in agmina dorso. 460  
hinc, rapidum glomerans cursum, per lubrica pingui  
stante cruore soli et t<u>mulata cadauera caede  
euolat ac domini consistit ad ora iacentis.  
inde inclinatus colla et submissus in armos  
de more inflexis praebebat scandere terga 465  
cruribus ac proprio quodam trepidabat amore.  
milite non illo quisquam felicius acri  
insultarat equo, uel si resupina citato  
proiectus dorso ferretur membra, uel idem  
si nudo staret tergo, dum rapta uolucris 470  
transigeret cursu sonipes certamina campi.

At Libys humanos aequantem pectore sensus  
haud parce miratus ecum, quinam ille sinistrae  
depugnet morti iuuenis, nomenque decusque  
erogitat letique simul compendia donat. 475  
hic Cinna (ad Tyrios namque is sua uerterat arma  
credulus aduersis, et tum comes ibat ouanti)  
' **A**ribus huic,' inquit ductor fortissime, origo est  
non indigna tuis. quondam sub regibus illa,  
quae Libycos renuit frenos, sub regibus olim 480  
Roma fuit. sed enim, solium indignata Superbi  
ut sceptrum exegit, confestim ingentia bella  
Clusina uenere domo. si Porsena fando  
auditus tibi, si Cocles, si Lydia castra,

ille ope Maeonia et populo succinctus Etrusco 485  
 certabat pulsos per bella reponere reges.  
 multa adeo nequiquam ausi, pressitque tyrannus  
 Ianiculum incumbens u<r>bi. mox pace probata  
 compressere odia, et positum cum foedere bellum,  
 obsidibusque obstricta fides. mansuescere corda 490  
 nescia, pro superi! et nil non immite parata  
 gens Italum pro laude pati: <b>is Cloelia senos  
 nondum completrat primaevi corporis annos,  
 una puellarum Laurentum et pignora pacis  
 inter uirgineas regi tramissa cateruas. 495  
 facta uirum sileo. rege haec et foedere et annis  
 et fluuio spretis mirantem interrita Thybrim  
 tranauit, frangens undam puerilibus ulnis.  
 cui si mutasset sexum natura, reuerti  
 forsam Tyrrhenas tibi non licuisset in oras, 500  
 Porsena. sed iuueni, ne sim tibi longior, hinc est  
 et genus et clara memorandum uirgine nomen.'  
 Talia dum pandit, uicinus parte sinistra  
 per subitum erumpit clamor. permixta ruina  
 inter et arma uirum et lacerata cadauera Pauli 505  
 eruerant corpus media de strage iacentum.  
 heu quis erat! quam non similis modo Punica telis  
 agmina turbanti, uel cum Taulantia regna  
 uertit, et Illyrico sunt addita uincla tyranno!  
 puluere canities atro arentique cruore 510  
 squalebat barba, et perfracti turbine dentes  
 muralis saxi, tum toto corpore uulnus.  
 Quae postquam aspexit, geminatus gaudia ductor  
 Sidonius ' FugeVarro,' inquit ' fug Varro, superstes,  
 dum iaceat Paulus. patribus Fabioque sedenti 515  
 et populo consul totas edissere Cannas.  
 concedam hanc iterum, si lucis tanta cupido est,  
 concedam tibi, Varro, fugam. at, cui fortia et hoste  
 me digna haud paruo caluerunt corda uigore,  
 funere supremo et tumuli decoretur honore. 520  
 quantus, Paule, iaces! qui tot mihi milibus unus  
 maior laetitiae causa es. cum fata uocabunt,  
 tale precor nobis salua Carthagine letum.'  
 Haec ait et socium mandari corpora terrae,  
 postera cum thalamis Aurora ru<b>ebit apertis, 525  
 imperat armorumque iubet consurgere aceros,  
 arsuros, Gradiue, tibi. tum munera iussa,  
 defessi quamquam, accelerant sparsoque propinquos  
 agmine prosternunt lucos: sonat icta bipenni  
 frondosis silua atra iugis. hinc ornus et albae 530  
 populus alta comae, ualidis accisa lacertis,  
 scinditur, hinc ilex proauorum condita saeclo.  
 deuoluunt quercus et amantem litora pinum

ac, ferale decus, maestas ad busta cupressos.  
 funereas tum deinde pyras certamine texunt, 535  
 officium infelix et munus inane peremptis,  
 donec anhelantis stagna in Tartessia Phoebus  
 mersit equos, fugiensque polo Titania caecam  
 orbita nigranti traxit caligine noctem.  
 post, ubi fulserunt primis Phaethontia frena 540  
 ignibus atque sui terris rediere colores,  
 supponunt flammam et manantia corpora tabo  
 hostili tellure cremant. subit horrida mentem  
 formido incerti casus, tacitusque pererrat  
 intima corda pauor, si fors ita Martis iniqui 545  
 mox ferat, hac ipsis inimica sede iacendum.  
 at tibi, Bellipotens, sacrum, constructus aceruo  
 ingenti mons armorum surgebat ad astra.  
 ipse, manu celsam pinum flammaque comantem  
 attollens, ductor Gradium in uota ciebat: 550  
 ' Primitas pugnae et laeti libamina belli  
 Hannibal Ausonio cremat haec de nomine uictor,  
 et tibi, Mars genitor, uotorum haud surde meorum,  
 arma electa dicat spirantum turba uirorum.'  
 tum face coniecta populatur feruidus ignis 555  
 flagrantem molem, et rupta caligine in auras  
 actus apex claro perfundit lumine campos.  
 hinc citus ad tumulum donataque funera Paulo  
 ibat et hostilis leti iactabat honorem.  
 sublimem eduxere pyram mollisque uirenti 560  
 stramine composuere toros. superaddita dona,  
 funereum decus: expertis inuisus et ensis  
 et clipeus, terrorque modo atque insigne superbum  
 tum laceri fascas, captaeque in Marte secures.  
 non coniunx natiue aderant, non iuncta propinquo 565  
 sanguine turba uirum, aut celsis de more feretris  
 praecedens prisca exequias decorabat imago  
 omnibus exuuiis nudo, iamque Hannibal unus  
 sat decoris laudator erat: fulgentia pingui  
 murice suspirans inicit uelamina et auro 570  
 intextam chlamydem ac supremo adfatur honore:  
 'I, decus Ausoniae, quo fas est ire superbas  
 uirtute et factis animas. tibi gloria leto  
 iam parta insigni. nostros Fortuna labores  
 uersat adhuc casusque iubet nescire futuros.' 575  
 haec Libys, atque repens crepitantibus undique flammis  
 aetherias anima exultans euasit in auras.  
 Fama dehinc gliscente sono iam sidera adibat,  
 iam maria ac terras, primamque intrauerat urbem.  
 diffidunt muris: solam pauitantibus arcem 580  
 sperauisse sat est. nec enim superesse iuuentam,  
 ac stare Ausoniae uacuum sine corpore nomen,

quodque adeo nondum portis inruperit hostis,  
 contemptu cessare putant. iam tecta cremari,  
 ac delubra rapi caedesque ante ora nefandae 585  
 natorum septemque arces fumare uidentur.  
 lux una euersas bis centum in strag>e curulis,  
 ac iuuenum bis tricenis orbata gemebat  
 milibus exhaustae nutantia moenia Romae,  
 atque ea post Trebiam, post Tusci stagna profundi, 590  
 nec socium numero pariter leuiore perempto.  
 sed uero sed enim reliqui pia turba senatus  
 munera sortito inuadunt. celer omnia lustrans  
 clamitat attonitis Fabius: ' Non uel relictæ est,  
 credite, cunctandi ratio. adproperemus, ut hostis 595  
 nequiquam armatos ausit succedere muros.  
 dura inter pauidos alitur fortuna sedendo,  
 et gliscunt aduersa metu. ite ocius, arma  
 deripite, o pubes, templis. uos atria raptim  
 nudate et clipeos in bella refigite captos. 600  
 sat patriæ sumus, e numero si ad proelia nostro  
 nil minuit pauor. in patulis illa horrida campis  
 sit metuenda lues, muros haud fregerit umquam  
 exultare leuis nudato corpore Maurus.'  
 Dum Fabius lapsas acuit formidine mentes, 605  
 Varronem aduentare uagus per moenia rumor  
 spargit et occulto perfundit pectora motu:  
 haud secus ac, fractæ rector si forte carinæ  
 litoribus solus uacuis ex aequore sospes  
 adnatet, incerti trepidant, tendantne negentne 610  
 iactato dextras, ipsamque odere salutem  
 unius amissa superantis puppe magistri.  
 quam restare uiro labem, qui accedere portis  
 audeat ac dirum ueniat pauitantibus omen!  
 Hos mulcens questus Fabius deforme docebat 615  
 cladibus irasci uulgumque arcebat ab ira.  
 aduersis etenim ferri non esse uirorum  
 qui Martem inscribant genti, non posse dolores  
 condere et ex poena solacia poscere luctus.  
 si uero exprobrare sinant, sibi tristius illum 620  
 inluxisse diem, quo castris uiderit ire  
 Varronem, quam quo uideat remeare sine armis.  
 his dictis sedere minae, et conuersa repente  
 pectora: nunc fati miseret, nunc gaudia Poeno  
 consulibus reputant caesis erepta duobus. 625  
 ergo omne effundit longo iam se agmine uulgu  
 gratantum, magnaue actum se credere mente  
 testantur, quod fisis auis sceptrisque superbis  
 Laomedontiadum non desperauerit urbi.  
 Nec minus infelix culpæ grandique pudore 630  
 turbatus, consul titubantem ad moenia gressum

portabat lacrimans: deiectum attollere uultum  
ac patriam aspicere et luctus renouare pigebat.  
quod uero reduci tum se populusque patresque  
offerrent, non gratari, sed poscere natos 635  
quisque suos fratresque simul miseraeque parentes  
ire uidebantur laceranda ad consulis ora.  
sic igitur muto lictore inuectus in urbem  
damnatum superis aspernabatur honorem.

At patres Fabiusque, procul maerore remoto, 640  
praecipitant curas. raptim delecta iuuenta  
seruitia armantur, nec claudit castra saluti  
postpositus pudor. infixum est Aeneia regna  
Parcarum in leges quacumque reducere dextra  
proque arce et sceptris et libertatis honore 645  
uel famulas armare manus. primaeva suorum  
corpora praetexto spoliant uelamine et armis  
insolitis cingunt. puerilis casside uultus  
clauditur atque hostis pubescere caede iubetur.  
idem obsecrantis, captiuum uulgius ut auro 650  
pensarent paruo (nec pauca fuere precantum  
milia), miranti durarunt prodere Poeno.  
cuncta adeo scelera et noxam superauerat omnem  
armatum potuisse capi. tunc terga dedisse  
damnatis Siculas longe meritare per oras 655  
impositum, donec Latio decederet hostis.  
haec tum Roma fuit: post te cui uertere mores  
si stabat fatis, potius, Carthago, maneres.



## Liber XI

Nunc age, quos clades insignis Iapyge campo  
uerterit ad Libyam populos Sarranaque castra,  
expediam. stat nulla diu mortalibus usquam,  
Fortuna titubante, fides. adiungere dextras  
certauere palam rumpenti foedera Poeno       5  
(heu nimium faciles laesis diffidere rebus!)  
saeuior ante alios iras seruasse repostas  
atque odium renouare ferox in tempore Samnis,  
mox leuis et sero pressurus facta pudore  
Bruttius, ambiguus fallax mox Apulus armis,       10  
tum gens Hirpini uana indocilisque quieti  
et rupisse indigna fidem: ceu dira per omnis  
manarent populos foedi contagia morbi.  
iamque Atella suas iamque et Calatia adegit,  
fas superante metu, Poenorum in castra cohortes.       15  
inde Phalanteo leuitas animosa Tarento  
Ausonium laxare iugum. patefecit amicas  
alta Croton portas Afrisque ad barbara iussa  
Thespiadum docuit summittere colla nepotes.  
idem etiam Locros habuit furor. ora uadosi       20  
litoris, Argiuos Maior qua Graecia muros  
seruat et Ionio luitur curuata profundo,  
laetas res Libyae et fortunam in Marte secuta,  
iurauit pauitans Tyrio sua proelia Marti.  
iam uero, Eridani tumidissimus accola, Celtae       25  
incubere malis Italum ueteresque doloris  
tota se socios properarunt iungere mole.

Sed fas id Celtis, fas impia bella referre  
Boiorum fuerit populis: Capuaene furorem,  
quem Senonum genti, placuisse, et Dardana ab ortu       30  
moenia barbarico Nom<a>dum sociata tyranno  
quisnam mutato tantum nunc tempore credat?  
luxus et insanis nutrita ignauia lustris  
consumptusque pudor peccando unisque relictus  
diuitiis probrosus honor lacerabat hiantem       35  
desidia populum ac resolutam legibus urbem.  
insuper exitio truculenta superbia agebat.  
nec uitiiis deerant uires. non largior ulli  
Ausoniae populo (sic tum Fortuna fouebat)  
aurique argentique modus; madefacta ueneno       40  
Assyrio maribus uestis medioque dierum  
regales epulae atque ortu conuiuia solis  
deprensa et nulla macula non inlita uita.  
tum populo saeui patres, plebesque senatus

inuidia laeta, et conlidens dissona corda           45  
 seditio. sed enim interea temeraria pubis  
 delicta augebat pollutior ipsa senectus.  
 nec, quos uile genus despectaque lucis origo  
 foedabat, sperare sibi et deposcere primi  
 deerant imperia ac patriae pereuntis habenas.           50  
 quin etiam exhilar<ar>e uiris conuiuia caede  
 mos olim et miscere epulis spectacula dira  
 certantum ferro, saepe et super ipsa cadentum  
 pocula, respersis non parco sanguine mensis.  
     Has astu adgressus quo uerteret acrius aegras           55  
 ad Tyrios mentes, quae nulla sorte daturam  
 certus erat Romam (neque enim impetrata uolebat)--  
 Pacuuius fuit haud obscurum crimine nomen--  
 hortatur summi partem deposcere iuris  
 atque alternatos sociato consule fasces           60  
 et, si partita renuant sedisse curuli  
 aequatumque decus geminasque uidere secures,  
 ultorem ante oculos atque ora astare repulsae.  
 ergo electa manus gressu fert dicta citato.  
 antistat cunctis praecellens Virrius ore,           65  
 sed genus obscurum nullique furore secundus.  
 qui postquam coetu patrum ingentique senatu  
 impia dementis uulgi ac uix tota profudit  
 consulta <et> tumidis incendit uocibus aures,  
 concordi fremitu renuentum effunditur asper           70  
 toto e concilio clamor, tum quisque fatigat  
 increpitans, uocumque tremit certamine templum.  
     Hic Torquatus, auum fronte aequauisse seuera  
 nobilis, ' Hu Capua portantes talia dicta  
 Romuleis durastis' ait ' succedere muris,           75  
 ad quos non ausi Carthago atque Hannibal arma  
 post Cannas adferre suas? numquamne per auris  
 it uestras, in Tarpeia cum sede Latini  
 orarent paria, haud uerbis, haud uoce, sed acri  
 propulsum dextra, qui tum mandata superbo           80  
 ore adportabat, tanto per limina templi  
 turbine praecipitem reuoluti corporis actum,  
 ut saeuo adflictus saxo spectante piaret  
 tristia dicta Ioue et lueret uerba impia leto?  
 en ego progenies eius, qui sede Tonantis           85  
 expulit orantem et nuda Capitolia consul  
 defendit dextra.' rabidum hinc palmasque uirorum  
 intentantem oculis proauitaque facta parantem  
 ut uidit maiore adeo crudescere motu,  
 excipit his frendens Fabius: ' Rr cuncta pudendi!           90  
 sedes, ecce, uacat, belli uiduata procella:  
 quem, quaeso, e uobis huic imposuisse paratis  
 inque locum Pauli quemnam datis? an tua, Virri,

prima atque ante alios sors, concedente senatu,  
 te citat ac nostris aequat iam purpura Brutis? 95  
 i, demens, i, quo tendis; tibi perfida fasces  
 det Carthago suos.' medio feruore loquentis  
 impatiens ultra gemitu cohibere furorem  
 fulminea toruum exclamat Marcellus ab ira:  
 ' ~~Quae~~ tandem et quam lenta tenet patientia mentem, 100  
 o confuse nimis Gradiui turbine Varro,  
 ut perferre queas furibunda insomnia consul?  
 nonne exturbatos iam dudum limine templi  
 praecipites agis ad portas, et discere cogis  
 semiuiros, quod sit nostro de more creati 105  
 consulis imperium? non umquam sobria pubes  
 et peritura breui, moneo, ocius urbe facesse.  
 muros ante tuos, ut par est, debita ductor  
 armatus responsa dabit.' consurgere cuncti  
 hinc pariter magnoque uiros clamore premebant. 110  
 necnon et foribus propere Campana iuuentus  
 extulit ipsa gradum, tantaque dolore repulsae  
 concitus Hannibalem uoluebat Virrius ore.  
 Fuluius (huic nam spondebant praesagia mentis  
 uenturum decus, et Capuae pereuntis imago 115  
 iam tum erat ante oculos) ' Non si Carthaginis' riquit  
 ' ~~du~~ctorem uestris deuinctum colla catenis  
 Romam uictor agis, posthac intrare Quirini  
 sacratas dabitur sedes. tende ocius, oro,  
 quo mens aegra uocat.' ~~fer~~erunt haec inde citati 120  
 mixta minis et torua trucis responsa senatus.  
 Tantane, omnipotens, caligine mersa latere  
 fata placet? ueniet quondam felicitior aetas,  
 cum pia Campano gaudebit consule Roma  
 et per bella diu fasces perque arma negatos 125  
 ultro ad magnanimos referet secura nepotes.  
 poena superborum tamen haec durabit auorum,  
 quod non ante suos Capua ad suffragia mittet,  
 quam Carthago suos.  
 Postquam nunc dicta senatus,  
 nunc facta exposuit, tum ueris falsa per artem 130  
 Virrius admiscens cecinit fatale cruenti  
 turbati<s> signum belli. furiata iuuentus  
 arma, arma Hannibalemque uolunt. ruit undique uulgus  
 et Poenos in tecta uocant. ingentia facta  
 Sidonii iuuenis celebrant: ut ruperit Alpes 135  
 Herculei socius decoris diuisque propinquas  
 transierit cursu rupes, ut caede referta  
 clauserit Eridani uictor uada, uictor ut idem  
 Lydia Romano turbarit stagna cruore,  
 ut Trebiae ripas aeterno nomine famae 140  
 tradiderit Paulumque idem inter proelia et idem

Flaminium, proceres rerum, demiserit umbris.  
 his super excisam primori Marte Saguntum  
 et iuga Pyrenes et Hiberum et sacra parentis  
 iuratumque uiro bellum puerilibus annis 145  
 accumulans. unum, ducibus tot caede peremptis,  
 tot fuis acie, stare inter proelia nullis  
 attactum telis. superum cum munere detur  
 huic sociare uiro dextras et foedere iungi,  
 fastus exanguis populi uanumque tumorem 150  
 nimirum Capua et dominatum perferat urbis,  
 ceu famulis fasces aequataque iura negantis?  
 prorsus enim tanto potiore nomine habendum  
 Varronem, ut fugiat consul fulgentior ostro.  
 Talia iactantes iam lectam sorte parabant 155  
 mittere quae Tyrios adiungat foedere pubem.  
 sed non inuictum ponebat pectore robur  
 tum solum Decius Capuae decus. isque receptus  
 in medios coetus (neque enim differre dabatur)  
 'Itis,' ait 'ciues, uiolanda ad iura parentum 160  
 damnatumque caput temerati foederis aris  
 iungitis hospitio? quae tanta obliuio recti?  
 magnumque atque in magnis positum populisque uirisque  
 <h>a<u>d uersam ostentare fidem! nunc tempus inire  
 proelia pro Rutulis, nunc signa aciemque mouere, 165  
 dum trepidae res, et medicinam uulnera poscunt:  
 is locus officio, cum cessant prospera, cumque  
 dura ad opem Fortuna uocat. nam laeta fouere  
 haud quaquam magni est animi decus. huc, age, adeste.  
 noui dis animas similes et pectora magnis 170  
 numquam angusta malis. capiunt, mihi credite, Cannas  
 et Trasimenna uada et Pauli memorabile letum.  
 hi sunt qui uestris infixum moenibus hostem  
 deiecere manu et Capuam eripuerunt superbis  
 Samnitum iussis. hi sunt qui iura dedere 175  
 terrore expulso Sidicinaque bella remorunt.  
 quos fugitis socios? quosue additis? ille ego sanguis  
 Dardanius, cui sacra pater, cui nomina liquit  
 ab Ioue ducta Capys magno cognatus Iulo,  
 ille ego semihomines inter Nasamonas et inter 180  
 saeuum atque aequantem ritus Garamanta ferarum  
 Marmarico ponam tentoria mixtus alumno,  
 ductoremque feram, cui nunc pro foedere proque  
 iustitia est ensis solaeque e sanguine laudes?  
 non ita, non Decio permixtum fasque nefasque, 185  
 haec ut uelle queat. nullo nos inuida tanto  
 armauit Natura bono, quam ianua mortis  
 quod patet et uita non aequa exire potestas.'  
 Haec uana auersas Decius iactauit ad auris.  
 ast delecta manus iungebat foedera Poeno. 190

iamque aderat praemissa duci turbante tumultu  
 Autololes numerosa cohors. ipse agmine magno  
 festinata citus per campos signa mouebat.  
 et Decius: 'Nunc hora, uiri, nunc tempus. adeste,  
 dum Capua dignum, dum me duce dextera uindex 195  
 molitur facinus: procumbat barbara pubes.  
 pro se quisque alacres rapite hoc decus. hostis adire  
 si parat, obstructas praebete cadauere portas  
 et ferro purgate nefas. hic denique solus  
 eluerit sanguis maculatas crimine mentes.' 200

Dumque ea nequiquam non ulli laeta profatur,  
 audita asperitate uiri coeptoque feroci,  
 multa feta gerens ira praecordia, Poenus  
 astabat muris propereque accersere lectos  
 immitem castris Decium iubet. horrida uirtus 205  
 armatumque fide pectus rectique cupido  
 et maior Capua mens imperterrita mole  
 inuicta stabat toruoque minacia uultu  
 iussa ducis uerbisque etiam incessebat amaris.  
 quem Libyae rector tot signa, tot arma ferentis 210  
 spernentem increpitans magno clamore profatur:  
 ' PosPaulum, post Flaminium componimur, eheu,  
 uecordi Decio, mecum certasse uolenti  
 in decus et famam leti. rapite (ite citati)  
 signa, duces. pateatne mihi Campana uetante 215  
 urbs Decio, explorare libet, noua bella mouenti  
 cui patuere Alpes, saxa impellentia caelum  
 atque uni calcata deo.' suffuderat ora  
 sanguis et a toruo surgebant lumine flammae.  
 tum rictus spumans et anhelis faucibus acta 220  
 uersabant penitus dirum suspiria murmur.  
 sic urbem inuectus, toto comitante senatu  
 et uulgo ad spectanda ducis simul ora ruente,  
 effundit cunctam rabiem irarumque procellas.

Necnon et Decio propiora pericula mentem 225  
 flammant, tempusque adeo cernebat adesse,  
 quo laudes ducis inuicti superaret inermis.  
 non illum fuga, non clausi occuluere penates,  
 sed liber, ueluti nullus penetrasset in urbem  
 Hannibal, intrepido seruauerat otia uultu, 230  
 cum iuuenem saeuus, horrendum, concitus armis  
 inuadit globus et pedibus sublime sedentis  
 ductoris sistit. tonat inde ferocibus alte  
 incessens uictor dictis: ' Slusne ruentem  
 fulcire ac reuocare paras a funere Romam, 235  
 o demens? en, qui diuum mihi munera tanta  
 eripiat. Decio prorsus seruabar inertem  
 uincendus, Decio imbelli, cui femina nulla  
 orta in Agenoreis nostrae Carthaginis oris

cesserit. huic agedum (nam cur indigna feramus 240  
 magnanimi?), miles, meritas innecte catenas.'  
 dixerat haec, necdum finem conuicia norant:  
 inlatus uelut armentis super ardua colla  
 cum sese imposuit uictorque immane sub ira  
 infremuit leo et immersis grauis unguibus haesit, 245  
 mandit anhelantem pendens ceruice iuuencum.  
 at Decius, dum uincla ligant, 'Necte ocius' inq̄ti  
 '(nam sic Hannibalem decet intrauisse) catenas,  
 foederis infausti pretium. sic uictima prorsus  
 digna cadit Decius. nec enim te sanguine laetum 250  
 humano sit fas caesis placasse iuuencis.  
 en dextra! en foedus! nondum tibi curia necdum  
 templorum intrati postes: iam panditur acri  
 imperio carcer. perge ac primordia tanta  
 accumula paribus factis. mihi fama sub umbras 255  
 te feret oppressum Capuae cecidisse ruinis.'  
 nec plura effari concessum. obnubitur atra  
 ueste caput, trahiturque ferox ante ora suorum.  
 Exin uictor ouans sedato pectore tandem  
 spectandis urbis tectis templisque serenos 260  
 laetus circumfert oculos et singula discit:  
 quis muris sator, et pubes sit quanta sub armis,  
 quot bello pateant argenti aerisque talenta,  
 nunc qualis frenata acies, nunc deinde pedestris  
 copia quanta uiris. monstrant Capitolia celsa 265  
 Stellatisque docent campos Cereremque benignam.  
 iamque diem ad metas defessis Phoebus Olympo  
 impellebat equis, fuscabat et Hesperos umbra  
 paulatim infusa properantem ad litora currum:  
 instituunt de more epulas festamque per urbem 270  
 regifice extractis celebrant conuiuia mensis.  
 ipse, deum cultu et sacro dignatus honore,  
 praecipuis multoque procul splendentibus ostro  
 accipitur sublime toris. non una ministri  
 turba gregis: posuisse dapes his addita cura, 275  
 his adolere focos, his ordine pocula ferre;  
 necnon et certis struitur penus. aspera mensa  
 pondera caelati fulgent antiquitus auri.  
 eripiunt flammae noctem, strepituque mouentum  
 murmurat alta domus. stupet inconsuetus opimae 280  
 Sidonius mensae miles faciemque superbi  
 ignotam luxus oculis mirantibus haurit.  
 uescitur ipse silens et tantos damnat honores  
 esse epulis facilesque coli tanto agmine mensas,  
 donec pulsa fames et Bacchi munera duram 285  
 laxarunt mentem. tum frontis reddita demum  
 laetitia, et positae grauiiores pectore curae.  
 Personat Euboica Teuthras testudine, Cymes

incola, et obtusas immiti murmure saeuae  
 inter bella tubae permulcet cantibus auris. 290  
 <namque chaos, caecam quondam sine sidere molem 453  
 non surgente die, ac mundum sine luce canebat.  
 tum deus ut liquidi disclusset stagna profundi  
 tellurisque globum media compage locasset;  
 ut celsum superis habitare dedisset Olympum,  
 castaque Saturni monstrabat saecula patris.>  
 iamque Iouem et laetos per furta canebat amores 291  
 Electraeque toros Atlantidos, unde creatus  
 proles digna deum tum Dardanus, isque Tonanti  
 ut det Eric<h>thonium magna de stirpe nepotem;  
 hinc Tros, hinc Ilus, generis tunc ordine longo 295  
 Assaracus, nulloque minor famaue manuue  
 tum Capys ut primis dederit sua nomina muris.  
 concelebrant plausu pariter Sidonia pubes  
 Campanaeque manus. ante omnis ductor honori  
 nominis augusto libat carchesia ritu; 300  
 cetera quem sequitur Bacchique e more liquorem  
 inrorat mensis turba ardescitque Lyaeo.  
 Interea, Tyrio resoluta in gaudia coetu  
 conuerso (neque enim, iuuenis non digne sileri,  
 tramittam tua coepta libens famamque negabo 305  
 quamquam imperfectis, magnae tamen indolis, ausis),  
 mens una, inuiolata mero nullisque uenenis  
 potandi exarmata decus, pugnaeque necisque  
 Sidoniae tacito uoluebat pectore molem.  
 quoque esset miranda magis tam sacra libido, 310  
 Pacuuio genitus patrias damnauerat artis.  
 is uariis oneratum epulis atque atria tardo  
 linquentem gressu comitatus pone parentem,  
 postquam posse datum meditata aperire nouosque  
 pandere conatus, et liber parte relicta 315  
 tectorum a tergo patuit locus, ' Accipe digna  
 et Capua et nobis' inquit 'consulta:' tōgaque  
 armatum amota nudat latus) ' hō ego bellum  
 conficere ense paro atque auulsum ferre Tonanti  
 rectoris Libyci uictor caput. hic erit ille, 320  
 qui polluta dolis iam foedera sanciet, ensis.  
 si perferre nequit spectacula tanta senectus  
 et tremit inceptis lasso maioribus aeuo,  
 at tu securis concede penatibus et me  
 linque meae menti. summum quod credis et aequas 325  
 Hannibalem superis, o quantum nomine maior  
 iam Poeno tibi natus erit!' uibrabat ab ore  
 ignis atrox, animusque uiri iam bella gerebat,  
 cum senior, tanti pondus conaminis aegra  
 iam dudum uix aure ferens, tremebundus ibidem 330  
 sternitur et pedibus crebro pauida oscula figens:

' Pesi quid superest uitae, per iura parentis  
 perque tuam nostra potiolem, nate, salutem,  
 absiste inceptis, oro, ne sanguine cernam  
 polluta hospitia ac tabo repleta cruento 335  
 pocula et euersas pugnae certamine mensas.  
 tune illum, quem non acies, non moenia et urbes  
 ferre ualent, cum frons propior lumenque corusco  
 igne micat, tune illa uiri quae uertice fundit  
 fulmina pertuleris, si uiso intorserit ense 340  
 diram, qua uertit per campos agmina, uocem?  
 fallit te, mensas inter quod credis inermem.  
 tot bellis quaesita uiro, tot caedibus armat  
 maiestas aeterna ducem. si admoueris ora,  
 Cannas et Trebiam ante oculos Trasimennaue busta 345  
 et Pauli stare ingentem miraberis umbram.  
 quid? tanto in casu comitum iuxtaque iacentum  
 torpebunt dextrae? parce, oro, et desine uelle,  
 cui nequeas uictor superesse. an tristia uincla  
 et Decius non erudiunt componere mentem?' 350

Talia commemorans, famae maioris amore  
 flagrantem ut uidit iuuenem surdumque timori,  
 ' Nil uita posco, refer in conuiuia gressum;  
 appropereamus: ' ita ' noiam tibi pectora pubis  
 Sidoniae fodienda manu tutantia regem: 355  
 hoc iugulo dextram explora. namque haec tibi ferrum,  
 si Poenum inuasisse paras, per uiscera ferrum  
 nostra est ducendum. tardam ne sperne senectam.  
 opponam membra atque ensem extorquere negatum  
 morte mea eripiam.' lacrimae tunc ore profusae, 360  
 et magna superum cura seruatus in arma  
 Scipiadae Poenus, nec tantum fata dederunt  
 externa peragi dextra. pulcherrimus irae  
 et dignus fieri compos memorabilis ausi,  
 amisit quantam posito conamine laudem, 365  
 cui tantum est uoluisse decus. tum red<d>ere sese  
 festinant epulis et tristia fronte serenant,  
 donec laeta uirum soluit conuiuia somnus.

Postera lux Phaet<h>ontis equos proferre parabat,  
 iam rapido summis curru splendente sub undis, 370  
 et iuuenis magno generatus Hamilcare duras  
 iam dudum exercet curas. Carthaginis arces  
 ire ferox Mago et patribus portare iubetur  
 nuntius acta ducis. praeda et captiua leguntur  
 corpora dereptaeque uiris sub Marte cruento 375  
 exuuias, fausti superis libamina belli.  
 altera curarum Libycis dimittitur oris  
 heu Decius, reduci lentas seruatus ad iras,  
 ni poenae iuuenem indignae miseratus ab alto  
 Iuppiter antiquam Batti uertisset ad urbem. 380



hic Pellaea uirum Ptolomaei scepra uehantum  
 eripere minis, resolutaque uincula collo.  
 atque eadem uitae custos mox deinde quieto  
 accepit tellus ossa inuiolata sepulchro.  
 Nec Venerem interea fugit exoptabile tempus           385  
 Poenorum mentes caeco per laeta premendi  
 exitio et luxu corda importuna domandi.  
 spargere tela manu passim fallentia natis  
 imperat et tacitas in pectora mittere flammis.  
 tum pueris dulce adridens: 'Eat improba Iuno           390  
 et nos (nec mirum, quid enim sumus?) acta secundis  
 despiciat. ualet illa manu, ualet illa lacertis:  
 paruula nos arcu puerili spicula sensim  
 fundimus, et nullus nostro de uulnere sanguis.  
 uerum, agite, o mea turba, precor (nunc tempus), adeste           395  
 et Tyriam pubem tacitis exurite telis.  
 amplexu multoque mero somnoque uirorum  
 profliganda acies, quam non perfregerit ensis,  
 non ignes, non immissis Gradibus habenis.  
 combibat inlapsos ductor per uiscera luxus,           400  
 nec pudeat picto fultum iacuisse cubili,  
 nec crinem Assyrio perfundere pugnet amomo.  
 ille sub hiberno somnos educere caelo  
 iactator tectis malit consumere noctes,  
 ac ponat ritus uescendi saepe citato           405  
 dum residet sub casside equo, discatque Lyaeo  
 imbellem donare diem. tum deinde madenti  
 post epulas sit grata chelys, segnisque soporas  
 aut nostro uigiles ducat sub numine noctes.'  
 Haec postquam Venus, adplaudit lasciuus et alto           410  
 mittit se caelo niueis exercitus alis.  
 sentit flammiferas pubes Maurusia pennas,  
 et pariter fuis tepuerunt pectora telis.  
 Bacchi dona uolunt epulasque et carmina rursus  
 Pieria liquefacta lyra. non acer aperto           415  
 desudat campo sonipes, non ulla per auras  
 lancea nudatos exercet torta lacertos.  
 mollitae flammis lymphae languentia somno  
 membra fouent, miserisque bonis perit horrida uirtus.  
 ipse etiam, adflatus fallente Cupidine, ductor           420  
 instaurat mensas dapibus repetitque uolentum  
 hospitia et patrias paulatim decolor artis  
 exuit, occulta mentem uitiantem sagitta.  
 altera iam patria atque aequo sub honore uocatur  
 altera Carthago Capua, intactumque secundae           425  
 fortunae ingenium uitia adlectantia quassant.  
 nec luxus ullus mersaeque libidine uitae  
 Campanis modus: accumulans uariasque per artis  
 scaenarum certant epulas distinguere ludo,



tum quoque, cum rapidi caput a ceruice recisum  
 portarent fluctus, subito emicuere per undas  
 ad murmur cete toto exultantia ponto.' 480

Sic tunc Pierius bellis durata uirorum  
 pectora Castalio frangebat carmine Teuthras.  
 interea placida attulerant iam flamina terris  
 Magonem Libycis. lauro redimita subibat  
 optatos puppis portus, pelagoque micabant 485  
 captiua arma procul celsa fulgentia prora.  
 at patulo surgens iam dudum ex aequore late  
 nauticus implebat resonantia litora clamor,  
 et simul adductis percussa ad pectora tonsis  
 centeno fractus spumabat uerbere pontus. 490  
 nec lentum in medios rapienda ad gaudia uulgus  
 procurrit fluctus, elataque turba fauore  
 certatim ingenti celebrat noua gaudia plausu.  
 aequatur rector diuis: illum undique matres,  
 illum turba minor moniti gaudere nepotes, 495  
 et senior manus et iuxta populusque patresque  
 mactatis superum digna<n>tur honore iuuencis.  
 sic patriam Mago et portas ingressus ouantis  
 fraternae laudis fama. ruit inde senatus,  
 et multo patrum stipatur curia coetu. 500  
 tum diuos ueneratus auum de more uetusto  
 ' Matrem' ait 'egregium et fractas, quis Itala tellus  
 nitebatur, opes, pars ipse haud parua laborum,  
 nuntio. pugnatum superis in uota secundis.  
 est locus, Aetoli signat quem gloria regis, 505  
 possessus quondam prisca inter saecula Dauno.  
 umentis rapido circumdat gurgite campos  
 Aufidus et stagnis intercipit arua refusis,  
 mox fluctus ferit Hadriacos magnoque fragore  
 cedentem impellit retrorsus in aequora pontum. 510  
 hic Varro et magnum Latia inter nomina Paulus  
 nomen, quis rerum ducibus permissa potestas,  
 uixdum depulsa nigrae caligine noctis  
 inuadunt campum et late fulgentibus armis  
 accendunt ultro lucem surgentis Eoi. 515  
 nos contra (nam germanum furor acer agebat  
 optatae pugnae) castris cita signa mouemus.  
 intremit et tellus et pulsus mugit Olympus.  
 hic fluuium et campos abscondit caede uirorum  
 ductor, quo numquam maiorem ad bella tulerunt 520  
 rectorem terrae. uidi cum turbine saeuo  
 Ausonia et sonitu bellantis fusa per agros  
 uni terga daret. uidi cum Varro citato  
 auferretur equo, proiectis degener armis.  
 quin et magnanimum perfosso corpore telis 525  
 strage super socium uidi te, Paule, cadentem.

Aegatis ille et seruilia foedera larga  
 ultus caede dies: non plus optasse liberet  
 quam tum concessit dexter deus. altera iam lux  
 si talis redeat, populis sis omnibus una 530  
 tum, Carthago, caput terrasque colare per omnis.  
 testes hi stragis, quos signum inlustre superbis  
 mos laeua gestare uiris.' tum funditur ante  
 ora admirantum praefulgens anulus auro  
 datque fidem uerbis haud paruo insignis aceruo. 535  
 hinc iterum repetens, 'Restat nunc sedibus imis  
 uertenda atque aequanda solo iam subruta Roma.  
 adnitamur: ' *ia* ' uis refouete tot haustas  
 casibus, et pateant non parca aeraria dextris  
 quas emimus bello. defit iam belua, tristis 540  
 Ausoniis terror, necnon alimenta fatigant.'  
 Atque ea dum memorat, toruo conuersus in ora  
 Hannonis uultu, quem gliscens gloria prauum  
 ductori<s> studio iam dudum agitabat acerbo:  
 'Iamne tibi dextras inceptaque nostra probamus? 545  
 iam fas Dardanio me non seruire colono?  
 anne iterum Hannibalem dedi placet? atra ueneno  
 inuidiae nigroque undantia pectora felle,  
 tandem tot titulis totque exorata tropaeis,  
 infelix muta. dextra en, en dextera, quam tu 550  
 Aeneadis lacerare dabas, et litora et amnes  
 et stagna et latos impleuit sanguine campos.'  
 haec Mago, atque animos fauor haud obscurus alebat.  
 Cui, simul inuidia atque ira stimulantibus, Hanno<n>:  
 ' *Tia* uesani iuuenis conuicia miror 555  
 haud equidem: tumet ingenio, fraternaue corda  
 non tarde agnoscas et uirus futtile linguae.  
 qui ne mutatum uanis absistere credat,  
 nunc pacem orandum, nunc improba foedere rupto  
 arma reponendu<m> et bellum exitiale cauendum 560  
 auctor ego. atque adeo uosmet perpendite, quaeso,  
 quid ferat: haud aliud nobis censere relictum est.  
 tela, uiros, aurum, classis, alimenta precatur  
 belligeramque feram. uictus non plura dedissem.  
 sanguine Dardanio Rutulos saturauimus agros, 565  
 et iacet in campis Latium. deponere curas  
 tandem ergo, bone, da uictor, liceatque sedere  
 in patria, liceat non exhaurire rapacis  
 impensis belli uacuos saepe penates.  
 nunc en, nunc, inquam (falsa ut praesagia nostra 570  
 sint, oro, mensque augurio ludatur inani),  
 haud procul est funesta dies. atrocia noui  
 corda ac prospicio natas e cladibus iras.  
 uos ego, uos metuo, Cannae. summittite signa  
 atque adeo temptate, agedum, ac deposcite pacem: 575

non dabitur. parat ille dolor, mihi credite, maius  
 exitium accepto, citiusque haec foedera uictor  
 quam uictus dabit. atque adeo, qui tanta superbo  
 facta sonas ore et spumanti turbine perflas  
 ignorantum aures, dic, en, germanus in armis           580  
 ille tuus par Gradiuo, per saecula tellus  
 cui similem numquam ductorem in bella creauit,  
 moenia Romuleae cur nondum uiderit urbis?  
 scilicet e gremio matrum rapiamus in hostem  
 nondum portandis habiles grauioribus armis,           585  
 aeratas iussi texamus mille carinas,  
 atque omnis Libyae quaeratur belua terris,  
 ut longa imperia atque armatos proroget annos  
 Hannibal et regnum trahat usque in tempora fati?  
 uos uero (neque enim occulto circumdamur astu)           590  
 ne dulcis spoliare domos, castrisque potentum  
 atque opibus sancite modum. pax optima rerum  
 quas homini nouisse datum est, pax una triumphis  
 innumeris potior, pax custodire salutem  
 et ciuis aequare potens reuocetur in arcis           595  
 tandem Sidonias, et fama fugetur ab urbe  
 perfidiae, Phoenissa, tua. si tanta libido  
 armorum tenet atque enses non reddere perstat  
 poscenti patriae, nil suppeditare furori  
 hortor et haec fratri Magonem dicta referre.'           600

Plura adnectentem (neque enim satiauerat iras  
 dicendo) clamor turbat diuersa uolentum:  
 ' SLibyae decus, haud ulli superabilis armis,  
 Hannibal est irae tibi, destituemus ad ipsas  
 uictorem metas nec opum adiumenta feremus,           605  
 inuidia unius scepra ut iam parta retardet?'  
 inde alacres tribuunt quae belli posceret usus  
 absentique suum iactant sub teste fauorem.  
 mox eadem terris placitum traducere Hiberis,  
 dum malus obtrectat facta immortalia liuor           610  
 nec sinit adiutas ductoris crescere laudes.

## Liber XII

Iam terra glaciale caput fecundaque nimbis  
tempora et austrifero nebulosam uertice frontem  
immitis condebat Hiems, blandisque salubre  
uer Zephyris tepido mulcebat rura sereno.  
prorumpit Capua Poenus uicinaque late 5  
praemisso terrore quatit, ceu condita bruma,  
dum Riphaea rigent Aquilonis flamina, tandem  
euoluit serpens arcano membra cubili  
et spondente die nouus emicat atque coruscum  
fert caput et saniem sublatis faucibus efflat. 10  
at Libyci ducis ut fulserunt signa per agros,  
desolata metu cuncta, et suadente pauore  
uallo se clausere simul trepidique salutis  
expectant ipsis metuentes moenibus hostem.  
Sed non ille uigor qui ruptis Alpibus arma 15  
intulerat dederatque uias Trebiaque potitus  
Maeonios Italo scelerauit sanguine fluctus  
tunc inerat. molli luxu madefacta meroque  
~inlecebris somni torpentia membra fluebant.  
quis gelidas suetum noctes thorace grauatis 20  
sub Ioue non aequo trahere et tentoria saepe  
spernere, ubi hiberna ruerent cum grandine nimbi,  
ac ne nocte quidem clipeiue ensesue reposti,  
non pharetrae aut iacula, et pro membris arma fuere,  
tum graue cassis onus maioraque pondera uisa 25  
parmarum ac nullis fusae stridoribus hastae.  
Prima instaurantem sensit certamina mitis  
Parthenope, non diues opum, non spreta uigoris,  
sed portus traxere ducem secura uolentem  
aequora, quae peteret ueniens Carthagine puppis. 30  
Sirenum dedit una suum (memorabile) nomen 33  
Parthenope muris Acheloiias, aequore cuius  
regnauere diu cantus, cum dulce per undas  
exitium miseris caneret non prospera nautis.  
nunc molles urbi ritus atque hospita Musis 31  
otia et exemptum curis grauioribus aeuum.  
haec pone adgressus (nam frontem clauserat aequor) 37  
moenia non ullas ualuit perfringere Poenus  
tota mole uias frustraue inglorius ausi  
pulsauit quatiens obstructas ariete portas. 40  
stabat Cannarum Graia ad munimina uictor  
nequiquam et caetae mentis consulta probabat  
euentu, qui post Dauni stagnantia regna  
sanguine Tarpeias ire abstinisset ad arces.

' **E**, qui nos segnes et nescire addere cursum 45  
factis iactastis, quod uobis scandere nuper  
non acie ex ipsa concessum moenia Romae,  
intrate atque epulas promissas sede Tonantis  
his, quae Graia manus defendit, reddite tectis.'  
talia iactabat fama<sup>que</sup> pudore futurae, 50  
inritus incepti prima si absisteret urbe,  
audebat cuncta atque acuebat fraudibus enses.  
sed subitae muris flammae totoque fluebant  
aggeris anfractu tela improuisa per auras.  
haud secus, occuluit saxi quo uertice fetus 55  
ales fulua Iouis, tacito si ad culmina nisu  
euasit serpens terretque propincus hiatu,  
illa hostem rostro atque adsuetis fulmina ferre  
unguibus incessens nidi circumuolat orbem.

Tandem ad uicinos Cumarum uertere portus 60  
defessus subiit uarioque lacessere motu  
fortunam et fama<sup>e</sup> turbando obstare sinistrae.  
sed custos urbi Gracchus tutela uel ipsis  
certior arcebat muris iterumque sedere  
portis atque aditus iterum sperare uetabat. 65  
lustrat inops animi rimaturque omnia circum  
alite uectus equo rursusque hortatibus inquit  
laudum agitare suos: ' **R**edi, quis terminus' inquit  
'ante urbes standi Graias, oblite tuorum  
factorum miles? quis erit modus? Alpibus astat 70  
nimirum maior moles, et scandere caelum  
pulsantis iubeo scopulos. quamquam altera detur  
si similis tellus, alia<sup>e</sup>que repente sub astra  
exsurgant rupes, non ibis et arduus arma  
me ducente feres? tene heu Cumanus hiantem 75  
agger adhuc murusque tenet Gracchusue, moueri  
non ausus portis? paruo in discrimine cerno  
..... 77a

an uobis gentes quaecumque labore parastis  
casu gesta putent? per uos Tyrrhena fauentum  
stagna deum, per ego et Trebiam cineresque Sagunti 80  
obtestor, dignos iam uosmet reddite uestra  
quam trahitis fama et reuocate in pectora Cannas.'

Sic ductor fessas luxu attritasque secundis  
erigere et uerbis temptabat sistere mentes.  
atque hic perlustrans aditus fulgentia cernit 85  
arcis templa iugo, quorum tum Virrius, altae  
immitis ductor Capuae, primordia pandit.  
' Non ~~est~~ hoc' inquit ' **n**ostri, quod suspicis, aeui:  
maiores fecere manus. cum regna timeret  
Dictaei regis (sic fama est) linquere terras 90  
Daedalus inuenit nec toto signa sequenti  
orbe dare, aetherias aliena tollere in auras

ausus se penna atque homini monstrare uolatus.  
suspensum hic librans media inter nubila corpus  
enauit superosque nouus conterruit ales. 95  
natum etiam docuit falsae sub imagine plumae  
attemptare uias uolucrum, lapsisque solutis  
pennarum remis et non felicibus alis  
turbida plaudentem uidit freta. dumque dolori  
indulget subito motis ad pectora palmis, 100  
nescius heu planctu duxit moderante uolatus.  
hic pro nubiuago gratus pia templa meatu  
instituit Phoebi atque audacis exiit alas.'

Virrius haec: sed enim ductor numerabat inertis  
atque actos sine Marte dies ac stare pudebat. 105  
ingemit aduersis respectansque inrita tecta  
urbe Dicarchea parat exsatiare dolorem.  
hic quoque nunc pelagus, nunc muri saxea moles  
officit audenti defensantumque labores.  
dumque tenet socios dura atque obsaepta uiarum 110  
rumpere nitentis lentus labor, ipse propinqua  
stagnorum terraeque simul miracula lustrat.

Primores adsunt Capuae: docet ille, tepentes  
unde ferant nomen Baiae, comitemque dedisse  
Dulichiae puppis stagno sua nomina monstrat. 115  
ast hic Lucrino mansisse uocabula quondam  
Cocyti memorat medioque in gurgite ponti  
Herculeum commendat iter, qua discidit aequor  
Amphitryoniades armenti uictor Hiberi.  
ille, olim populis dictum Styga, nomine uerso 120  
stagna inter celebrem nunc mitia monstrat Auernum:  
tum tristi nemore atque umbris nigrantibus horrens  
et formidatus uolucris letale uomebat  
suffuso uirus caelo Stygiaque per urbes  
religione sacer saeuum retinebat honorem. 125  
huic uicina palus (fama est Acherontis ad undas  
pandere iter) caecas stagnante uoragine fauces  
laxat et horrendos aperit telluris hiatus  
interdumque nouo perturbat lumine manis.  
at iuxta caligantis longumque per aeuum 130  
infernus pressas nebulis pallente sub umbra  
Cimmerias iacuisse domos noctemque profundam  
Tartareae narrant urbis. tum sulphure et igni  
semper anhelantis coctoque bitumine campos  
ostentant. tellus, atro exundante uapore 135  
suspirans ustisque diu calefacta medullis,  
aestuat et Stygios exhalat in aera flatus;  
~parturit et tremulis metuendum exsibilat antris,  
interdumque, cauas luctatus rumpere sedis  
aut exire fretis, sonitu lugubre minaci 140  
Mulciber immugit lacerataque uiscera terrae



mandit et exesos labefactat murmure montis.  
 tradunt Herculea prostratos mole Gigantas  
 tellurem iniectam quatere, et spiramine anhelo  
 torreri late campos, quotiensque minantur 145  
 rumpere compagem impositam, expallescere caelum.  
 apparet Prochyte saeuum sortita Mimanta,  
 apparet procul Inar<i>me, quae turbine nigro  
 fumantem premit Iapetum flammisque rebelli  
 ore eiectantem et, si quando euadere detur, 150  
 bella Ioui rursus superisque iterare uolentem.  
 monstrantur Vesuuina iuga atque in uertice summo  
 depasti flammis scopuli stratusque ruina  
 mons circum atque Aetnae fatis certantia saxa.  
 necnon Misenum seruantem Idaea sepulcro 155  
 nomina et Herculeos uidet ipso in litore Baulos:  
 miratur pelagique minas terraeque labores.  
 Quae postquam perspecta uiro, regressus ad altos  
 inde Pheretiadum muros, frondentia laeto  
 palmite deuastat Nysaea cacumina Gauri. 160  
 hinc ad Chalcidicam transfert citus agmina Nola.  
 campo Nola sedet crebris circumdata in orbem  
 turribus et celso facilem tutatur adiri  
 planitiem uallo, sed, qui non turribus arma  
 defendenda daret, uerum ultro moenia dextra 165  
 protegeret, Marcellus opem auxiliumque ferebat.  
 isque ubi Agenoream procul aduentare per aequor  
 et ferri ad muros nubem uidet, ' Ama, cruentus  
 hostis adest, capite arma, uiri' amatque capitque.  
 circumstant rapidi iuuenes aptantque frementi 170  
 sanguineas de more iubas. sonat inde, citato  
 agmina disponens passu: 'Tu limina dextrae  
 seruabis portae, Nero; tu conuerte cohortes  
 ad laeuam patrias et Larinatia signa,  
 clarum Volscorum, Tulli, decus. ast ubi iusso, 175  
 per tacitum ruptis subita ui fundite portis  
 telorum in campos nimum. ferar ipse reuulsa  
 in medios equitumque traham certamina porta.'  
 Dumque ea Marcellus, iam claustra reuellere Poeni  
 et scalis spretis temptabant rumpere muros. 180  
 insonuere tubae passim clamorque uirorum  
 hinnitusque, simul litui raucoque tumultu  
 cornua et in membris concussa furentibus arma.  
 fertur acerba lues disiectis incita portis  
 effusaeque ruunt inopino flumine turmae, 185  
 improbus ut fractis exundat molibus amnis,  
 propulsum ut Borea scopulis impingitur aequor,  
 ut rupto terras inuadunt carcere uenti.  
 nec torrente Libys uiso armorumque uirumque  
 deiectus spe s<t>are ualet. dux Dardanus instat 190

attonito, praegressus equo, tergisque ruentum  
 incumbens hasta socios nunc uoce fatigat:  
 ' Pæge, age, fer gressus. dexter deus, horaque nostra est.  
 hac iter ad muros Capuae,' nunc rursus in hostem  
 conuersus: 'Sta. quo raperis? non terga tuorum,           195  
 te, ductor Libyae, increpito: sta. campus et arma  
 et Mars in manibus. dimitto e caede cohortes:  
 spectemur soli. Marcellus proelia posco.'  
 sic rector Latus, iuuenique inuadere pugnam  
 Barcaeo suadebat honor pretiumque pericli.           200  
     Sed non haec placido cernebat pectore Iuno  
 coeptoque auertit suprema in fata ruentem.  
 sistere percussos ille et reuocare laborat:  
 ' Tæne e gremio Capuae tectisque sinistris  
 egredimur? state, o miseri, quis gloria summa           205  
 dedecori est. nil uos hodie, mihi credite, terga  
 uertentis fidum expectat. meruistis ut omnis  
 ingruat Ausonia, et saeuo Mauorte parastis  
 ne qua spes fusos pacis uitaeque maneret.'  
 uincebat clamore tubas uocisque uigore           210  
 quamuis obstructas saeuus penetrabat in auris.  
     Polydamanteis iuuenis Pedianus in armis  
 bella agitabat atrox Troianaque semina et ortus  
 atque Antenorea sese de stirpe ferebat,  
 haud leuior generis fama sacroque Timauo           215  
 gloria et Euganeis dilectum nomen in oris.  
 huic pater Eridanus Venetaeque ex ordine gentes  
 atque Apono gaudens populus, seu bella cieret  
 seu Musas placidus doctaeque silentia uitae  
 mallet et Aonio plectro mulcere labores,           220  
 non ullum dixere parem, nec notior alter  
 Gradiuo iuuenis nec Phoebos notior alter.  
 qui postquam, effusus urgens uestigia frenis  
 Poenorum, iuxta galeam atque insigne perempti  
 agnouit spoliū Pauli (puer illa gerebat           225  
 non paruo laetus ductoris munere Cinyps,  
 dilectus Poeno Cinyps, quo gratior ora  
 non fuit ac nulla nituit plus fronte decoris:  
 quale micat semperque nouum est quod Tiburis aura  
 pascit ebur, uel qui miro candoris honore           230  
 lucet in aure lapis rubris aduectus ab undis.)--  
 quem postquam egregium cristis et casside nota  
 fulgentem extremo Pedianus in agmine uidit,  
 ceu subita ante oculos Pauli emersisset imago  
 sedibus infernis amissaque posceret arma,           235  
 inuadit frendens: 'Tæne, ignauissime, sacri  
 portabis capitis, quae non sine crimine uester  
 inuidiaque deum gestaret tegmina ductor?  
 en Paulus.' uocat inde uiri ad spectacula manis

et fugientis agit costis penetrabile telum. 240  
 tum delapsus equo galeam atque insignia magni  
 consulis abrumpit dextra spoliaturque nitentem.  
 soluitur omne decus leto, niueosque per artus  
 it Stygius color et formae populatur honores.  
 ambrosiae cecidere comae, uiolataque ceruix 245  
 marmoreum in iugulum collo labente recumbit.  
 haud secus Oceano rediens Cythereius ignis,  
 cum sese Veneri iactat splendore refecto,  
 si subita inuadat nubes, hebetatur et atris  
 decrescens tenebris languentia lumina condit. 250  
 ipse etiam rapta Pedianus casside nudos  
 attonitus stupet ad uultus irasque coercet.  
 tum galeam magno socium clamore reportans  
 immitem quatibat eum, spumantia saeuo  
 frena cruentantem morsu. cui turbidus armis 255  
 obuia Marcellus rapido tulit ora tumultu  
 adgnoscentque decus ' Macte <o> uirtutis auitae,  
 macte Antenoride! nunc' inquit 'rapta petamus,  
 quod superest, Libyci ductoris tegmina,' teardens  
 terrificis saeuam fundit stridoribus hastam. 260  
 nec fors an uoti uanus foret, obuia ni uis  
 Gestaris opposito tenuisset corpore telum.  
 qui dum uicinis ductorem protegit armis,  
 transabiit non hunc sitiens grauis hasta cruorem  
 ingentisque minas mutata morte peregit. 265  
 auehitur raptim ductor discrimine leti  
 turbatus cursumque furens ad castra capessit.  
 Iamque fugae immodicus tendit certamine gressum  
 praecipitem uersis Poenorum exercitus armis.  
 adsequitur telis hostis, longasque uiritim 270  
 exsantiant iras cladum caeloque cruentos  
 certatim ostentant et dis ultoribus enses.  
 ille dies primus docuit, quod credere nemo  
 auderet superis, Martis certamine sisti  
 posse ducem Libyae. raptant currusque uirosque 275  
 Massylamque feram, et uiuis auulsa reportant  
 tegmina bellantum atque abeunt, sub cuspide terga  
 contenti uidisse ducis. tum Martis adaequant  
 Marcellum decori: graditur comitante triumpho  
 maior quam ferret cum uictor opima Tonanti. 280  
 Inde furens, postquam uallo uix depulit hostem,  
 ductor Agenoreus ' Quando hanc quantoque cruore  
 hostili labem eluerim? mea terga uidere  
 contigit Ausoniae? mene,' inquit ' summa deorum,  
 post Trebiam statuis tam turpi funere dignum? 285  
 uosque, inuicta diu, nunc heu sine Marte iuuentus,  
 debellata bonis Capuae, non degener ipse  
 gestorum Ausoniis uerti uictricia signa:

uobis terga dedi. uidi, cum ad bella uocarem,  
 non secus atque Italo fugere a ductore pauentis. 290  
 quid relicum prisca Martis tibi, qui dare terga  
 me reuocante potes?' fundebat talia Poenus.  
 at Latiae sese Nolana ad moenia turmae  
 portantes spolia insigni clamore ferebant.  
 At consueta grauis per longum audire suorum 295  
 euentus Roma et numquam recreata secundis,  
 adlato tandem faustae certamine pugnae  
 erigitur primoque deum se munere tollit.  
 ante omnis pigra in Martem fugiensque laborum,  
 dum bellum tonat, et sese furata iuuentus 300  
 dat poenas latebrae. tum, qui dulcedine uitae  
 inuenere dolos iurataque foedera Poeno  
 corrupere, notant et purgant crimine gentem.  
 punitur patriam meditati linquere terram  
 consilium infelix scelerataque culpa Metelli. 305  
 talia corda uirum. sed enim nec femina cessat  
 mente aequare uiros et laudis poscere partem.  
 omnis, prae sese portans capitisque manusque  
 antiquum decus ac derepta monilia collo,  
 certatim matrona ruit belloque ministrant. 310  
 haud tanta cessisse uiros in tempore tali  
 laudis sorte piget, factoque in saecula ituro  
 laetantur tribuisse locum. tum celsa senatus  
 subsequitur turba. in medium certamine magno  
 priuatae cumulantur opes. nudare penatis 315  
 ac nihil arcanos uitae melioris ad usus  
 seposuisse iuuat. coit et sine nomine uulgi.  
 corpore sic toto ac membris Roma omnibus usa,  
 exanguis rursus tollebat ad aethera uultus.  
 Addunt spem miseris dulcem Parnasia Cirrha 320  
 portantes responsa uiri. nam laeta ferebant  
 exaudisse adytis, sacra cum uoce tonaret  
 antrum et mugiret Phoebus iam intrata sacerdos:  
 ' Solite, gens Veneris, grauioris corde timores:  
 aduersa et quicquid duri sub Marte manebat 325  
 exhaustum est uobis. restant leuiores laborum  
 et sine pernicie terror. dis uota precesque  
 ferte modo et tepidos aris libate cruores,  
 neu date terga malis. aderit Gradivus, et ipse  
 Delius auertat propiora pericula uates 330  
 Troianos notus semper minuisse labores.  
 sed uero, sed enim ante omnia altaria fument  
 centum festa Ioui: centum cadat hostia cultris.  
 ille trucem belli nubem saeuasque procellas  
 in Libyam uiolentus aget: spectabitis ipsi 335  
 aegida turbato quatientem in proelia mundo.'  
 atque ea Parnasi postquam clamata sub antris

adlatum, uulgique deus peruenit ad auris,  
in Capitolinas certatim scanditur arces,  
sternunturque Ioui et delubrum sanguine honorant; 340  
tum paeana canunt responsaque fida precantur.

Interea adsuetis senior Torquatus in armis  
Sardoas patrio quatiebat milite terras.  
namque ortum Iliaca iactans ab origine nomen  
in bella Hampsagoras Tyrios renouata uocarat. 345

proles pulchra uiro nec tali digna parente  
Hostus erat, cuius fretus fulgente iuuenta  
ipse asper paci crudos sine uiribus annos  
barbarici studio ritus refouebat in armis.

isque ubi Torquatum raptim properata ferentem 350  
signa uidet pugnaeque auidas accedere dextras,  
fraude loci nota latebrosa per auia saltus  
euolat et prouisa fugae compendia captans  
uirgulta tegitur ualle ac frondentibus umbris.

Insula fluctisono circumuallata profundo 355  
fastigatur aquis compressaque gurgite terras  
enormis cohibet nudae sub imagine plantae:  
inde Ichnusa prius Grais memorata colonis.  
mox Libyci Sardus generoso sanguine fidens  
Herculis ex sese mutauit nomina terrae. 360

adfluxere etiam et sedes posuere coactas  
dispersi pelago post eruta Pergama Teucri.  
nec paruum decus, aduecto cum classe paterna  
agmine Thespiadum, terris, Iol<a>e, dedisti.

fama est, cum laceris Actaeon flebile membris 365  
supplicium lueret spectatae <in> fonte Dianae,  
attonitum nouitate mali fugisse parentem  
per freta Aristaeum et Sardoos isse recessus.

Cyrenen monstrasse ferunt noua litora matrem.  
serpentum tellus pura ac uiduata uenenis, 370  
sed tristis caelo et multa uitata palude.

qua uidet Italiam, saxoso torrida dorso  
exercet scopulis late freta pallidaque intus  
arua coquit nimium, Cancro fumantibus Austris.  
cetera propensae Cereris nutrita fauore. 375

Hoc habitu terrae nemorosa per inuia crebro  
Torquatum eludens Hostus Sidonia pugnae  
tela expectabat sociosque laboris Hiberos.

qui postquam appulsis animos auxere carinis,  
haud mora: prorumpit latebris, aduersaque late 380  
agmina inhorrescunt, longumque coire uidetur  
et conferre gradum. media interualla patentis  
corripiunt campi properatis eminus hastis,

donec ad expertos enses, fidissima tela,  
peruentum. dira inde lues: caeduntque caduntque 385  
alternique animas saeuo in mucrone relincunt.

Non equidem innumeras caedes totque horrida facta  
 sperarim tanto digne pro nomine rerum  
 pandere nec dictis bellantum aequare calorem.  
 sed uos, Calliope, nostro donate labori 390  
 nota parum magni longo tradantur ut aevo  
 facta uiri, et meritum uati sacremus honorem.  
 Ennius, antiqua Messapi ab origine regis,  
 miscebat primas acies, Latiaequae superbum  
 uitis adornabat dextra<m> decus. hispida tellus 395  
 miserunt Calabri: Rudiae genuere uetustae,  
 nunc Rudiae solo memorabile nomen alumno.  
 is prima in pugna (uates ut Thracius olim,  
 infestam bello quateret cum Cyzicus Argo,  
 spicula deposito Rhodopeia pectine torsit) 400  
 spectandum sese non parua strage uirorum  
 fecerat, et dextrae gliscebat caedibus ardor.  
 aduolat aeternum sperans fore pelleret Hostus  
 si tantam labem, ac perlibrat uiribus hastam.  
 risit nube sedens uani conamina coepti 405  
 et telum procul in uentos dimisit Apollo,  
 ac super his: ' Nnium iuuenis nimiumque superbi  
 sperata hausisti. sacer hic ac magna sororum  
 Aonidum cura est et dignus Apolline uates.  
 hic canet inlustri primus bella Itala uersu 410  
 attolletque duces caelo, resonare docebit  
 hic Lat<i>is <H>eliconam modis nec cedet honore  
 Ascraeo famaue seni.' si Phoebus, et Hosto  
 ultrix per geminum transcurrit tempus harundo.  
 uertuntur iuuenis casu perculsa per agros 415  
 agmina, et effusae pariter dant terga cateruae.  
 tum pater audita nati nece turbidus irae  
 barbaricum atque immane gemens transfigit anhelum  
 pectus et ad manis urget uestigia nati.  
 At Libyae ductor, Marcello fractus et acri 420  
 contusus pugna, campos damnarat et arma:  
 uerterat ad miseram non aequi Martis Acerras.  
 inde, ubi permisit flammis atque ensibus urbem,  
 Nuceriae nihilo leuior nec parcior ira  
 incussit sese atque aequauit moenia terrae. 425  
 post Casilina sibi multum obluctatus iniquis  
 defendentum armis aegre reserauerat astu  
 limina et obsessis uitam pensauerat auro.  
 iamque in Dauniacos transfundens agmina campos  
 flectebat rabiem quo praeda uel ira uocasset. 430  
 fumabat uersis incensa Petilia tectis,  
 infelix fidei miseraeque secunda Sagunto,  
 at quondam Herculeam seruare superba pharetram.  
 Verterat et mentem Tyria ad conata Tarentus,  
 portisque intrarant Poeni. sed enim arce corusca, 435

fisa loco, manus Ausoniae stipata sedebat.  
 hic, miranda mouens, classem quae condita portu  
 astabat (namque angustis e faucibus aequor  
 erumpit scopulos inter patuloque recessu  
 infundit campis secretum gurgite pontum)-- 440  
 inclusas igitur, quibus haud enare dabatur  
 arce superposita, claustris maris extulit astu  
 perque auersa tulit portatas arua carinas.  
 lubrica roboreis aderant substramina plaustris,  
 atque recens caesi tergo prolapsa iuueni 445  
 aequoream rota ducebat per gramina puppim.  
 et iam per collis dumosque ad litus adacta  
 innabat pelago ueniens sine remige classis.  
 Nuntius interea uectis non more carinis  
 terrentem freta curarum feruoribus implet, 450  
 dum procul Oebalios amet expugnare nepotes  
 et primus rostris sulcet naualibus arua,  
 adsessos Capuae muros: claustra ipsa reuelli  
 portarum, ac totum miseris incurrere bellum.  
 linquit coepta ferox, pennasque addente pudore 455  
 atque ira simul immani per proxima motu  
 euolat et minitans auida ad certamina fertur.  
 haud secus, amisso tigris si concita fetu  
 emicet, attonitae paucis lustratur in horis  
 Caucasus et saltu tramittitur alite Ganges, 460  
 donec fulmineo partus uestigia cursu  
 colligat et rabiem preno consumat in hoste.  
 Obuius huic sparso Centenius agmine raptim  
 funditur audendi prauus facilisque periclis,  
 sed paruum decus Hannibali. nam uitis honore 465  
 perfunctus Latiae subito stimularat agrestis  
 semermemque manum sternendam obiecerat hosti.  
 bis septem demissa neci (nec substitit agmen)  
 milia, bis septem, quae non sollertior ense,  
 sed genus insignis, iustis ducebat in armis 470  
 Fuluius: ast aequae per corpora fusa iacentum  
 raptum iter est, uictorque moram non passus eundi.  
 exequiae tantum famam nomenque uolentem  
 mitificae mentis tenuerunt funere laeto.  
 namque per insidias, infandum, et ab hospite caesus, 475  
 conloquium et promissa petit dum perfida gentis  
 Lucanae, Gracchus caeco circumdatus astu  
 occiderat, laudemque Libys rapiebat humandi.  
 Sed nun<c>, ut scitum celerare ad moenia Poenum,  
 <h>a<u>d stabat res ulla loco: iam consul uterque 480  
 praecipites aderant, Nola uis omnis, et Arpis  
 aevi floridior Fabius rapida arma ferebat.  
 hinc Nero et hinc uolucris Silanus nocte dieque  
 impellebat agens properata ad bella cohortis.

undique conueniunt, pariterque opponere cunctos           485  
 uni ductores iuueni placet. arduus ipse  
 Tifata insidit, propior qua moenibus instat  
 collis, et e tumulis subiectam despicit urbem.  
 uerum ubi tot sese circumfundentibus armis  
 uallatas socium portas unaque negari           490  
 intrauisse sibi Capuaeque erumpere cernit,  
 anxius euentus, nunc ferro frangere coetum  
 obstantum meditatur, inquit nunc auia coepto  
 consilia atque astu quaerit tot milia portis  
 abstrahere artatis cinctosque resolvere muros.           495  
 sic igitur secum curasque ita corde fatigat:  
 ' Quo, mens aegra, uocas? rursusne pericula sumam  
 non aecus regione loci, Capuaque uidente  
 terga dabo? an residens uicini uertice montis  
 excindi ante oculos patiar socialia tecta?           500  
 non ita me experti Fabius Fabiique magister  
 turbatum, Hesperio cum clausos milite collis  
 euasi uictor sparsosque per arua iuuenicos  
 iactare accensis stimulauit cornibus ignes.  
 haud dum omnes abiire doli. defendere nobis           505  
 si Capuam ereptum est, dabitur circumdare Romam.'  
 Haec postquam placita, et tenuit sententia mentem,  
 non expectato, Titan dum gurgite lucem  
 spirantis proferret equos, impellit in agmen  
 uoce manumque uiros et coepta immania pandit:           510  
 ' Poge, age, uince omnem, miles, uirtute laborem  
 et quantum humani possunt se tendere passus,  
 arduus accelera. Romam petis. hoc iter Alpes,  
 hoc Cannae strauere tibi. eia, incute muris  
 umbonem Iliacis Capuaeque repende ruinas:           515  
 quam tanti fuerit cadere, ut Palatia cernas  
 et demigrantem Tarpeia sede Tonantem.'  
 Instincti glomerant gressus. Roma auribus haeret,  
 Roma oculis, creduntque ducis sollertibus actis  
 aptius id coeptum, quam si duxisset ab ipso           520  
 fatali Aeneadis campo. Vulturna citata  
 tramittunt alno uada postremique relincunt  
 tardandis Italis corruptas igne carinas.  
 tum Sidicina legunt pernicipibus arua manipulis  
 Threicamque Calen, uestras a nomine nati,           525  
 Orithyia, domos. hinc Allifanus Iaccho  
 haud inamatus ager nymphisque habitata Casinis  
 rura euastantur. mox et uicinus Aquinas  
 et quae fumantem texere Giganta Fregellae  
 agmine carpuntur uolucris. fert concitus inde           530  
 per iuga celsa gradum, duris qua rupibus haeret  
 bellator Frusino, et surgit suspensa tumentis  
 dorso frugiferis Cerealis Anagnina glaebis.



iamque adeo est campos ingressus et arua Labici,  
 linquens Telegoni pulsatos ariete muros,           535  
 haud dignam inter tanta moram. nec amoena retentant  
 Algida nec iuxta Iunonis tecta Gabinae.  
 praeceps ad ripas immani turbine fertur,  
 sulphureis gelidus qua serpit leniter undis  
 ad genitorem Anio labens sine murmure Thybrim.           540  
     Hic ut signa ferox dimensaue castra locauit  
 et ripas tremefecit eques, perterrita pulsis  
 Ilia prima uadis sacro se coniugis antro  
 condidit, et cunctae fugerunt gurgite nymphae.  
 at matres Latiae, ceu moenia nulla supersint,           545  
     attonitae passim furibundis gressibus errant.  
 ante oculos astant lacerae trepidantibus umbrae,  
 quaeque grauem ad Trebiam quaeque ad Ticina fluenta  
 oppetiere necem: Paulus Gracchusque cruenti  
 Flaminiusque simul, miseris ante ora uagantur.           550  
     clausit turba uias. stat celsus et asper ab ira  
 ingentemque metum toruo domat ore senatus.  
 interdum tamen erumpunt sub casside fusae  
 per tacitum lacrimae: quidnam Fortuna minetur,  
 quidue parent superi? pubes dispersa per altas           555  
     stat turris atque huc uentum sub corde uolutat  
 ut iam Roma satis credat defendere muros.  
     Poenus ut ad somnos uix totam cursibus actae  
 indulisit pubi noctem, uigil ipse nec ullam  
 ad requiem facilis credensque abscedere uitae           560  
     quod sopor eripiat tempus, radiantibus armis  
 induitur Nomadumque iubet prorumpere turmas.  
 inde leuis frenis circum pauitantia fertur  
 quadrupedante sono percussae moenia Romae.  
 nunc aditus lustrat, clausas nunc cuspide pulsat           565  
     infesta portas fruiturque timore pauentum.  
 nunc lentus celsis astans in collibus intrat  
 urbem oculis discitque locos causasque locorum.  
 ac legeret uisu cuncta et penetraret in omnis  
 spectando partis, ni magno turbine adesset           570  
     Fuluius haud tota Capuae obsidione relicta.  
 tum demum castris turmas inflexit ouantis  
 spectata ductor satiatius pectora Roma.  
 atque ubi nox depulsa polo primaue rubescit  
 lampade Neptunus reuocatque Aurora labores,           575  
     effundit rupto persultans agmina uallo  
 et, quantum clamare ualet: ' **Et** plurima uestra,  
 o socii, decora et sacras in sanguine dextras,  
 uobis ite pares et tantum audete sub armis  
 quantum Roma timet. reliquam hanc excindite molem:           580  
     nil quod uincatis toto restabit in orbe.  
 neu populi uos Martigenae tardarit origo:

intratam Senonum capietis milibus urbem  
 adsuetamque capi. fortasse curulibus altis  
 iam uos exemplo proauorum ad nobile letum           585  
 expectant de more senes mortique parantur.'

Talibus hic Poenus, sed contra Oenotria pubes  
 non ullas uoces ducis aut praecepta requirit.  
 sat matres stimulant natiq̄ue et cara supinas  
 tendentum palmas lacrimantiaq̄ue ora parentum.           590  
 ostentant paruos uagituq̄ue incita pulsant  
 corda uirum, armatis infigunt oscula dextris.  
 ire uolunt et pro muris opponere densi  
 pectora respectantq̄ue suos fletumq̄ue resorbent.  
 ut uero impulso patefactae cardine portae           595  
 et simul erupit motis exercitus armis,  
 funditur immixtus gemitu precibusq̄ue per altos  
 ad caelum muros clangor, sparsaeq̄ue solutis  
 crinibus exululant matres atq̄ue ubera nudant.  
 Fuluius anteuolans agmen ' Q̄is nesciat' inquit           600  
 ' non sponte ad nostros Poenum uenisse penatis?  
 a portis fugit Capuae.' subnectere plura  
 conantem tristis caeli cum murmure uasto  
 turbauit fragor et subita de nube procellae.

Iuppiter Aethiopum remeans tellure minantem           605  
 Romuleo Poenum ut uidit succedere uallo,  
 caelicolis raptim excitis defendere tecta  
 Dardana et in septem discurrere iusserat arces.  
 ipse e Tarpeio sublimis uertice cuncta,  
 et uentos simul et nubes et grandinis iras           610  
 fulminaq̄ue et tonitrus et nimbos conciet atros.  
 concussi tremuere poli, caelumq̄ue tenebris  
 clauditur, et terras caeco nox condit amictu.  
 instat tempestas oculis, hostiq̄ue propinquo  
 Roma latet. iactae in turmas per nubila flammae           615  
 stridorem seruant, membrisq̄ue insibilat ignis.  
 hinc Notus, hinc Boreas, hinc fuscis Africus alis  
 bella mouent, quantis animos et pectora possint  
 irati satiare Iouis. fluit agmen aquarum  
 turbine confusum piceo et nigrante procella           620  
 atq̄ue omnis circa campos spumantibus undis  
 inuoluit. celsus summo de culmine montis  
 regnator superum sublata fulmina dextra  
 librauit clipeoque ducis non cedere certi  
 incussit. summa liquefacta est cuspis in hasta,           625  
 et fluxit ceu correptus fornacibus ensis.

Ambustis sed enim ductor Sidonius armis  
 sistebat socios et caecum e nubibus ignem  
 murmuraq̄ue a uentis misceri uana docebat.  
 tandem, post clades socium caelique ruinam,           630  
 non hoste in nimbis uiso, non ense, referri

signa iubet castris maestasque resuscitat iras:  
 ' Vntis debebis nimirum hiemisque procellis  
 unum, Roma, diem. sed non te crastina nobis  
 lux umquam eripiet, descendat Iuppiter ipse 635  
 in terras licet.' infrendens dum talia fatur,  
 ecce serenato clarum iubar emicat axe,  
 purgatusque nitet discussis nubibus aether.  
 Aeneadae sensere deum telisque repostis  
 summissas tendunt alta ad Capitolia dextras 640  
 et festa cingunt montis penetralia lauro.  
 tum uultus, modo non paruo sudore madentis,  
 nunc laetos Iouis aspectant: ' D, summe deorum,  
 da, pater, ut sacro Libys inter proelia telo  
 concidat. haud alia potis est occumbere dextra.' 645  
 Sic adeo orantes pressere silentia, postquam  
 abstulerat terras nigrantibus Hesperus umbris.  
 quem simul attollens rutilantem lampada Titan  
 obruit et uitae rediit mortalibus usus,  
 Poenus adest, nec se castris Oenotria pubes 650  
 continet. haud dum enses stricti, mediumque iacebat  
 tantum ad bella loci, quantum tramittere iactae  
 sufficerent hastae, cum fulgor hebescere caeli  
 per subitum coepit, densaeque subire tenebrae,  
 atque dies fugere, atque armari ad proelia rursus 655  
 Iuppiter. incumbunt uenti, crassusque rotante  
 Austro nimborum feruet globus. intonat ipse,  
 quod tremat et Rhodope Taurusque et Pindus et Atlas.  
 audiuere lacus Erebi, mersusque profundis  
 agnouit tenebris caelestia bella Typhoeus. 660  
 inuadit Notus ac, piceam cum grandine multa  
 intorquens nubem, cunctantem et uana minantem  
 circumagat castrisque ducem succedere cogit.  
 Verum ubi depositis saepsit sese aggere telis,  
 laeta serenati facies aperitur Olympi, 665  
 nullaque tam mitem credas habuisse Tonantem  
 fulmina, nec placido commota tonitrua caelo.  
 durat et adfirmans non ultra spondet in ipsos  
 ~uenturam~ crebra diem, modo patria uirtus  
 in dextras redeat, nec Romam excindere Poeni 670  
 credant esse nefas. ubi nam tunc fulmina tandem  
 inuiti latuisse Iouis, cum sterneret ensis  
 Aetolos campos? ubi, cum Tyrrhena natarent  
 stagna cruore uirum? 'Pugnat pro moenibus' inqui  
 ' siector superum tot iactis fulmine telis, 675  
 inter tot motus cur me contra arma ferentem  
 adflixisse piget? uentis hiemique fugaces  
 terga damus. remeet, quaeso, mens illa uigorque,  
 qua uobis, cum pacta patrum, cum foedera adessent,  
 integrare acies placitum.' sipectora flammat, 680

donec eum Titan spumantia frena resoluat.  
nec nox composuit curas, somnusue frementem  
ausus adire uirum, et redeunt cum luce furores.  
rursus in arma uocat trepidos clipeoque tremendum  
increpat atque armis imitatur murmura caeli. 685

Vt uero accepit tantum confidere diuis  
Ausonios patres, summissaque Baetis ad oras  
auxilia, et noctu progressum moenibus agmen,  
sic agitare fremens obsessos otia, iamque  
securam Hannibalis Romam, uiolentior instat. 690

iamque propinquabat muro, cum Iuppiter aegram  
Iunonem adloquitur curis mulcetque monendo:  
' Nubem Sidonio iuueni, coniunxque sororque  
cara mihi, non ulla umquam sine fine feroci  
addes frena uiro? fuerit delere Saguntum, 695  
exaequare Alpes, imponere uincula sacro  
Eridano, foedare lacus: etiamne parabit  
nostras ille domos, nostras perrumpere in arces?  
siste uirum. namque, ut cernis, iam flagitat ignes  
et parat accensis imitari fulmina flammis.' 700

His dictis grates agit ac turbata per auras  
deuolat et presa iuuenis Saturnia dextra  
' Quouis, o uecors, maioraque bella capessis  
mortali quam ferre datum?' Ino inquit (et atram  
dimouit nubem ueroque apparuit ore) 705

' non tibi cum Phrygio res Laurentiue colono:  
en, age (namque, oculis amota nube parumper,  
cernere cuncta dabo), surgit qua celsus ad auras,  
aspice, montis apex, uocitata Palatia regi  
Parrhasio plena tenet et resonante pharetra 710  
intenditque arcum et pugnas meditatatur Apollo.  
at, qua uicinis tollit se collibus altae  
molis Auentinus, uident' ut Latonia uirgo  
accensas quatiat Phlegethontis gurgite taedas  
exertos auide pugnae nudata lacertos? 715

parte alia, cerne, ut saeuus Gradius in armis  
implerit dictum proprio de nomine campum.  
hinc Ianus mouet arma manu, mouet inde Quirinus,  
quisque suo de colle deus. sed enim aspice, quantus  
aegida commoueat nimbos flammisque uomentem 720

Iuppiter et quantis pascat ferus ignibus iras.  
huc uultus flecte atque aude spectare Tonantem:  
quas hiemes, quantos concusso uertice cernis  
sub nutu tonitrus! oculis qui fulgurat ignis!  
cede deis tandem et Titania desine bella.' 725

sic adfata uirum indocilem pacisque modique,  
mirantem superum uultus et flammea membra  
abstrahit ac pacem terris caeloque reponit.

Respectans abit et castris auulsa moueri

signa iubet ductor remeaturumque minatur. 730  
redditur extemplo flagrantior aethere lampas,  
et tremula infuso resplendent caerulea Phoebos.  
at procul e muris uidere ut signa reuelli  
Aeneadae uersumque ducem, tacita ora uicissim  
ostentant nutuque docent quod credere magno 735  
non audent haerente metu, nec abire uolentis  
sed fraudem insidiasque putant et Punica corda,  
ac tacitae natis infigunt oscula matres:  
donec procedens oculis sese abstulit agmen  
suspectosque dolos dempto terrore resoluit. 740  
tum uero passim sacra in Capitolia pergunt  
inque uicem amplexi permixta uoce triumphum  
Tarpeii clamant Iouis ac delubra coronant.  
iamque omnis pandunt portas: ruit undique laetum  
non sperata petens dudum sibi gaudia uulgus. 745  
hi spectant, quo fixa loco tentoria regis  
astiterint, hi, qua celsus de sede uocatas  
adfatus fuerit turmas, ubi belliger Astur  
atque ubi atrox Garamas saeuusque tetenderit Hammon.  
corpora nunc uiua sparguntur gurgitis unda, 750  
nunc Anieniculis statuunt altaria nymphis.  
tum festam repetunt lustratis moenibus urbem.

### Liber XIII

Segne iter emenso uix dum Tarpeia uideri  
culmina desierant, toruos cum uersus ad urbem  
ductor Agenoreus uultus remeare parabat.  
castra locat, nulla laedens ubi gramina ripa  
Tutia deducit tenuem sine nomine riuum           5  
et tacite Tuscis inglorius adfluit undis.  
hic modo primores socium, modo iussa deorum,  
nunc sese increpitat: 'Dic o, cui Lydia caede  
creuerunt stagna et concussa est Daunia tellus  
armorum tonitru, quas exanimatus in oras           10  
signa refers? qui mucro tuum, quae lancea tandem  
intrauit pectus? si nunc existeret alma  
Carthago ante oculos turrita celsa figura,  
quas abitus, miles, causas, inlaese, dedisses?  
"Imbres, o patria, et mixtos cum grandine nimbos           15  
et tonitrus fugio." procul hanc expellite genti  
femineam Tyriae labem, nisi luce serena  
nescire ac liquida Mauortem agitare sub aethra.'

Terror adhuc inerat superum ac redolentia in armis  
fulmina et ante oculos irati pugna Tonantis.           20  
parendi tamen et cuicumque incumbere iusso  
durabat uigor, ac sensim diffusus ad oras  
signa reportandi crescebat in agmine feruor.  
sic, ubi perrupit stagnantem calculus undam,  
exiguos format per prima uolumina gyros,           25  
mox tremulum uibrans motu gliscente liquorem  
multiplicat crebros sinuati gurgitis orbes,  
donec postremo laxatis circulus oris  
contingat geminas patulo curuamine ripas.

At contra Argyripae prauum decus (inclita namque           30  
semina ab Oenea ductoris stirpe trahebat  
Aetoli--Dasio fuit haud ignobile nomen:  
laetus opum, sed clauda fides, seseque calenti  
addiderat Poeno Latiae diffisus habenae)--  
is uoluens ueterum memorata antiqua parentum           35  
' Ingo miles' ait 'quateret cum Teucris bello  
Pergama et ad muros staret sine sanguine Mauors,  
sollicitis Calchas (nam sic fortissimus heros  
poscenti socero saepe inter pocula Dauno  
narrabat memori Diomedes condita mente)--           40  
sed Calchas Danais, nisi clausum ex sedibus arcis  
armisonae curent simulacrum auellere diuae,  
non umquam adfirmat Therapnaeis Ilion armis  
cessurum aut Ladae rediturum nomen Amyclas.

quippe deis uisum, ne cui perrumpere detur 45  
 effigies ea quas umquam possederit urbes.  
 tum meus adiuncto monstratam euadit in arcem  
 Tydides Ithaco et dextra <a>molitus in ipso  
 custodes aditu templi caeleste reportat  
 Palladium ac nostris aperit mala Pergama fatis. 50  
 nam postquam Oenotris fundauit finibus urbem,  
 aeger delicti Phrygium placare colendo  
 numen et Iliacos parat exorare Penatis.  
 ingens iam templum celsa surgebat in arce,  
 Laomedontae sedes ingrata Mineruae, 55  
 cum medios inter somnos altamque quietem  
 nec celata deam et minitans Tritonia uirgo:  
 "Non haec, Tydide, tantae pro laudis honore  
 digna paras: non Garganus nec Daunia tellus  
 debentur nobis. quaere in Laurentibus aruis 60  
 qui nunc prima locant melioris moenia Troiae.  
 huc uittas castumque refer penetrale parentum."  
 quis trepidus monitis Saturnia regna capessit.  
 iam Phryx condebat Lauinia Pergama uictor  
 armaque Laurenti figebat Troia luco. 65  
 uerum ubi Tyrrheni peruentum ad fluminis undas  
 castraque Tydides posuit fulgentia ripa,  
 Priamidae intremuere metu. tum pignora pacis  
 praetendens dextra ramum canentis oliuae  
 sic orsus Dauni gener inter murmura Teucrum: 70  
 "Pone, Anchisiade, memores irasque metusque.  
 quicquid ad Idaeos Xanthum Simoentaque nobis  
 sanguine sudatum Scaetaeque ad limina portae,  
 haud nostrum est: egere dei duraeque sorores.  
 nunc age, quod superest cur non melioribus aevi 75  
 ducimus auspiciis? dextras iungamus inermis:  
 foederis en haec testis erit." ueniamque precatus  
 Troianam ostentat trepidis de puppe Mineruam.  
 haec ausos Celtas inrumpere moenia Romae  
 corripuit leto neque tot de milibus unum 80  
 ingentis populi patrias dimisit ad aras.'  
 His fractus ductor conuelli signa maniplis  
 optato laetis abitu iubet. itur in agros  
 diues ubi ante omnis colitur Feronia luco  
 et sacer umectat Flauinia rura Capenas. 85  
 fama est intactas longaeui ab origine fani  
 creuisse, in medium congestis undique donis,  
 immensum per tempus opes, lustrisque relictum  
 innumeris aurum solo seruante pauore.  
 hac auidas mentes ac barbara corda rapina 90  
 polluit atque armat contemptu pectora diuum.  
 auia tunc longinqua placent, quae sulcat aratro  
 ad freta porrectis Trinacria Bruttius aruis.

Dum Libys haud laetus Regina ad litora tendit,  
 uictor summoto patriis a finibus hoste 95  
 Fuluius infaustam Campana ad moenia clausis  
 portabat famam miserisque extrema mouebat.  
 tum prensans passim, cuicumque est nomen in armis:  
 ' Ædecus hoc defende manu: cur perfida et urbi  
 altera Carthago nostrae post foedera rupta 100  
 et missum ad portas Poenum, post iura petita  
 consulis alterni stat adhuc et turribus altis  
 Hannibalem ac Libycas expectat lenta cohortis?'  
 miscebat dictis facta et nunc robore celsas  
 educi turris, quis uinceret ardua muri, 105  
 cogebat, nunc coniunctas astringere nodis  
 instabat ferroque trabes, quo frangeret altos  
 portarum postes quateretque morantia claustra.  
 hic latera intextus stellatis axibus agger,  
 hic grauida armato surgebat uinea dorso. 110  
 at postquam properata satis quae commonet usus,  
 dat signum atque alacer scalis transcendere muros  
 imperat ac saeuus urbem terroribus implet.  
 Tum subito dextrum offulsit conatibus omen.  
 cerua fuit, raro terris spectata colore, 115  
 quae candore niuem, candore anteiret olores.  
 hanc agreste Capys donum, cum moenia sulco  
 signaret, grato paruae mollitus amore  
 nutrierat sensusque hominis donarat alendo.  
 inde exuta feram docilisque accedere mensis 120  
 atque ultro blanda attactu gaudebat erili.  
 aurato matres adsuetae pectine mitem  
 comere et umentis fluuio reuocare colorem.  
 numen erat iam cerua loci, famulamque Dianae  
 credebant, ac tura deum de more dabantur. 125  
 haec aevi uitaeque tenax felixque senectam  
 mille indefessos uiridem duxisse per annos  
 saeculorum numero Troianis condita tecta  
 aequabat. sed iam longo nox uenerat aeuo.  
 nam, subito incursu saeuorum agitata luporum 130  
 qui noctis tenebris urbem (miserabile bello  
 prodigium) intrarant, primos ad luminis ortus  
 extulerat sese portis pauidaue petebat  
 consternata fuga positos ad moenia campos.  
 exceptam laeto iuuenum certamine ductor 135  
 mactat, diua, tibi (tibi enim haec gratissima sacra)  
 Fuluius atque ' Adsiſorat ' Lonia, coeptis.'  
 inde alacer fidensque dea circumdata clausis  
 arma mouet, quaque obliquo curuantur in or<b>e<m>  
 moenia flexa sinu, spissa uallata corona 140  
 alligat et telis in morem indaginis ambit.  
 Dum pauitant, spumantis equi fera corda fatigans



euehitur porta sublimis Taurea cristis  
 bellator, cui Sidonius superare lacerto  
 ductor et Autololas dabat et Maurusia tela. 145  
 is trepido ac lituum tinnitu stare neganti  
 imperitans uiolenter equo, postquam auribus hostis  
 uicinum sese uidet et clamare propincu<m>,  
 ' Claudiu<u>huic' riquit (praestabat Claudius arte  
 bellandi et merita mille inter proelia fama) 150  
 ' hu<u>' inquit bl<u>m, si qua est fiducia dextrae,  
 det sese campo atque ineat certamina mecum.'  
 Vna mora Aeneadae, postquam uox attigit auris,  
 dum daret auspicium <i>usque in certamina ductor:  
 praeuetitum namque et capital committere Martem 155  
 sponte uiris. erumpit ouans, ut Fuluius arma  
 imperio soluit, patulumque inuectus in aequor  
 erigit undantem glomerato puluere nubem.  
 indignatus opem ammenti socioque iuuare  
 expulsum nodo iaculum atque accersere uires 160  
 Taurea uibrabat nudis conatibus hastam:  
 inde ruens ira telum contorquet in auras.  
 at non idem animus Rutulo: spec<u>latur et omni  
 corpore perlustrat qua sit certissima ferro  
 in uulnus uia, nunc uibrat, nunc comprimit hastam 165  
 mentiturque minas. mediam tunc transiit ictu  
 parmam, sed grato f<r>audata est sanguine cuspis.  
 tum strictum propere uagina detegit ensem.  
 et iam ferrata rapiebat calce uolantem  
 Taurea cornipedem fugiens minitancia fata. 170  
 nec Rutulus leuior cedentis perdere terga:  
 nam profugo rapidus fuis instabat habenis,  
 utque metus uictum, sic ira et gloria portis  
 uictorem immisit meritique cupido cruoris.  
 ac dum uix oculis, uix credunt mentibus hostem 175  
 confisum nullo comitante inrumpere tectis,  
 per mediam propere trepidantum interritus urbem  
 egit ecum auersaque euasit ad agmina porta.  
 Hinc ardore pari nisuque incurrere muris  
 ignescunt animi penetrataque tecta subire. 180  
 tela simul flammaeque micant. tunc saxeus imber  
 ingruit, et summis ascendunt turribus hastae.  
 nec pronum audendi uirtute excellere cuiquam:  
 aequarunt irae dextras. Dictaea per auras  
 tranat et in medium perlabitur urbis harundo. 185  
 laetatur non hortandi, non plura monendi  
 Fuluius esse locum. rapiunt sibi quisque laborem.  
 quos ubi tam erectos animi uidet, et super esse  
 factorum sibi quemque ducem, ruit impete uasto  
 ad portam magnaue optat discrimina fama. 190  
 Tres claustra aequaueo seruabant corpore fratres,

quis delecta manus centeni cuique ferebant  
 excubias unaque locum statione tenebant.  
 forma ex his Numitor, cursu plantaue uolucris  
 praestabat Laurens, membrorum mole Taburnus. 195  
 sed non una uiris tela: hic mirabilis arcu,  
 ille hastam quatere ac medicatae cuspidis ictu  
 proelia moliri et nudo non credere ferro,  
 tertius aptabat flammis ac sulphure taedas:  
 qualis Atlantiaco memoratur litore quondam 200  
 monstrum Geryones immane tricorporis irae,  
 cui tres in pugna dextrae uaria arma gerebant:  
 una ignes saeuos, ast altera pone sagittas  
 fundebat, ualidam torquebat tertia cornum,  
 atque uno diuersa dabat tria uulnera nisu. 205  
 hos ubi non aequis uariantes proelia consul  
 conspexit telis et portae limina circum  
 stragem ac perfusos subeuntum sanguine postis,  
 concitat intortam furiatis uiribus hastam.  
 letum triste ferens auras secat Itala taxus 210  
 et, qua nudarat, dum fundit spicula ab alto,  
 arcum protendens Numitor latus, ilia transit.  
 at non obsaepto contentus limine Martem  
 exercere, leuis bello, sed turbidus ausi,  
 Virrius incauto feruore eruperat amens 215  
 reclusa in campum porta miseramque furori  
 uincendum obtulerat pubem. ruit obuia in arma  
 Scipio et oblatum metit insatiabilis agmen.  
 Tifata umbrifero generatum monte Calenum  
 nutrierant audere trucem, nec corpore magno 220  
 mens erat inferior. subsidere saepe leonem,  
 nudus inire caput pugnas, certare iuueno  
 atque obliqua trucis deducere cornua tauri  
 adsuerat crudoque ~aliqua se attollere facto.  
 is, dum praecipites expellit Virrius urbe, 225  
 seu spreto, seu ne fieret mora, nudus in aequor  
 thorace exierat leuiorque premebat anhelos  
 pondere loricae et palantis uictor agebat.  
 iamque Veliternum media transegerat aluo,  
 iam solitum aequali ludo committere equestris 230  
 Scipiadae pugnas Marium tellure reuulso  
 perculerat saxo. miser implorabat amicum  
 cum gemitu expirans, scopulusque premebat hiantem.  
 sed ualidas saeuo uires duplicante dolore  
 effudit lacrimas pariter cornumque sonantem 235  
 Scipio, solamen properans optabile in armis  
 hostem prostrato morientem ostendere amico.  
 tranauit, uolucris liquidas ceu scinderet auras,  
 hasta uiri pectus rupitque immania membra:  
 quanta est uis agili per caerula summa Liburnae, 240

quae, pariter quotiens reuocatae ad pectora tonsae  
 percussere fretum, uentis fugit ocior et se,  
 quam longa est, uno remorum praeterit ictu.  
 Ascanium Volesus, proiectis ocuis armis  
 quo leuior peteret muros, per aperta uolantem 245  
 adsequitur planta. deiectum protinus ense  
 ante pedes domini iacuit caput, ipse secutus  
 corruiit ulterior procursus impete truncus.  
 nec spes obsessis ultra reserata tueri  
 moenia: conuertunt gressus recipique precantis 250  
 (infandum) excludunt socios dum cardine uerso  
 obnixa torquent obices, munimina sera.  
 acrius hoc instant Itali clausosque fatigant.  
 et, ni caeca sinu terras nox conderet atro,  
 perfractae rapido patuissent milite portae. 255

Sed non in requiem pariter cessere tenebrae:  
 hinc sopor impavidus, qualem uictoria mouit;  
 at Capua aut maestis ululantum flebile matrum  
 questibus aut gemitu trepidantum exterrita patrum  
 tormentis finem metamque laboribus orat. 260  
 mussat perfidiae ductor coetuque senatus  
 Virrius a Poeno nullam docet esse salutem,  
 uociferans pulsus uiuendi e pectore curis:  
 ' Spem sceptra Ausoniae pepigique, sub armis  
 si dexter Poenis deus et Fortuna fuisset, 265  
 ut Capuam Iliaci migrarent regna Quirini.  
 qui quaterent muros Tarpeiaque moenia, misi;  
 nec mihi poscendi uigor afuit, alter ut aequos  
 portaret fasces nostro de nomine consul.  
 hactenus est uixisse satis. dum copia noctis, 270  
 cui cordi comes aeterna est Acherontis ad undam  
 libertas, petat ille meas mensasque dapesque  
 et uictus mentem fuso per membra Lyaeo  
 sopitoque necis morsu medicamina cladis  
 hauriat ac placidis exarmet fata uenenis.' 275  
 haec ait et turba repetit comitante penatis.

Aedibus in mediis consurgens ilice multa  
 extruitur rogus, hospitium commune peremptis.  
 nec uulgum cessat furiare dolorque pauorque.  
 nunc menti Decius serae redit et bona uirtus 280  
 exilio punita truci. despectat ab alto  
 sacra Fides agitatque uirum fallacia corda.  
 uox occulta subit passim diffusa per auras:  
 ' Foedera, mortales, ne saeuo rumpite ferro,  
 sed castam seruare Fidem. fulgentibus ostro 285  
 haec potior regnis. dubio qui frangere rerum  
 gaudebit pacta ac tenuis spes linquet amici,  
 non illi domus, aut coniunx, aut uita manebit  
 umquam expers luctus lacrimaeque. aget aequore semper

ac tellure premens, aget aegrum nocte dieque 290  
 despecta ac uiolata Fides.' **clit** omnia iamque  
 concilia ac mensas contingit et abdita nube  
 accumbitque toris epulaturque improba Erinys.  
 ipsa etiam Stygio spumantia pocula tabo  
 porrigit et large poenas letumque ministrat. 295  
 Virrius interea, dum dat penetrare medullas  
 exitio, ascenditque pyram atque amplexibus haeret  
 iungentum fata et subici iubet ocius ignis.  
 Stringebant tenebrae metas, uictorque ruebat.  
 iamque superstantem muro sociosque Milonem 300  
 uoce attollentem pubes Campana uidebat.  
 pandunt attoniti portas trepidoque capessunt  
 castra inimica gradu, quis leto auertere poenas  
 defuerant animi. patet urbs confessa furorem  
 et reserat Tyrrio maculatas hospite sedes. 305  
 matronae puerique ruunt maestumque senatus  
 concilium nullique hominum lacrimabile uulgus.  
 stabant innixi pilis exercitus omnis  
 spectabantque uiros et laeta et tristia ferre  
 indocilis nunc propexis in pectora barbibus 310  
 uerrere humum, nunc foedantis in puluere crinem  
 canentem et turpi lacrima precibusque pudendis  
 femineum tenues ululatum fundere in auras.  
 Atque ea dum miles miratur inertia facta  
 expectatque ferox sternendi moenia signum, 315  
 ecce repens tacito percurrit pectora sensu  
 religio et saeuas componit numine mentis,  
 ne flammam taedasque uelint, ne templa sub uno  
 in cinerem traxisse rogo. subit intima corda  
 perlabens sensim mitis deus. ille superbae 320  
 fundamenta Capyn posuisse antiquitus urbi  
 non cuiquam uisus passim monet, ille refusus  
 in spatium immensum campis habitanda relinqui  
 utile tecta docet. paulatim atrocibus irae  
 languescunt animis, et uis mollita senescit. 325  
 Pan Ioue missus erat seruari tecta uolente  
 Troia, pendenti similis Pan semper et imo  
 uix ulla inscribens terrae uestigia cornu.  
 dextera lasciuit caesa Tegeatide capra  
 uerbera laeta mouens festa per compita cauda. 330  
 cingit acuta comas et opacat tempora pinus,  
 ac parua erumpunt rubicunda cornua fronte.  
 stant aures, imoque cadit barba hispida mento.  
 pastorale deo baculum, pellisque sinistrum  
 uelat grata latus tenerae de corpore dammae. 335  
 nulla in praeruptum tam prona et inhospita cautes,  
 in qua non librans corpus similisque uolanti  
 cornipedem tulerit praecisa per auia plantam.

interdum inflexus medio nascentia tergo  
respicit adridens hirtae ludibria caudae, 340  
obtendensque manum solem inferuescere fronti  
arcet et umbrato perlustrat pascua uisu.

hic, postquam mandata dei perfecta malamque  
sedauit rabiem et permulsit corda furentum,  
Arcadiae uolucris saltus et amata reuisit 345  
Maenala, ubi argutis longe de uertice sacro  
dulce sonans calamis ducit stabula omnia cantu.

At legio Ausonidum, flammis ductore iubente  
arceri portis stantisque relinquere muros  
(mite decus mentis), condunt ensesque facesque. 350

multa deum templis domibusque nitentibus auro  
egeritur praeda et uictus alimenta superbi,  
quisque bonis periire, uirum de corpore uestes  
femineae mensaeque alia tellure petitae  
poculaque Eoa luxum iniritantia gemma. 355

nec modus argento, caelataque pondera facti  
tantum epulis auri, tum passim corpora longo  
ordine captiua, et domibus deprompta talenta,  
pascere longincum non deficientia bellum,  
immensique greges famulae ad conuiuia turbae. 360

Fuluius, ut finem spoliandis aedibus aere  
belligero reuocante dedit, sublimis ab alto  
suggestu, magnis fautor non futtilis ausis,  
' Lauuio generate,' inquit ' quem Sospita Iuno  
dat nobis, Milo, Gradiui cape uictor honorem, 365  
tempora murali cinctus turrata corona.'

tum sontes procerum meritosque piacula prima  
acciet et iusta punit commissa securi.  
~hic atrox uirtus (nec enim occuluisse probarim  
spectatum uel in hoste decus) clamore feroci 370

Taurea ' Tuus inquit ' dno spoliabis inultus  
te maiorem anima, et iusso lictore recisa  
ignauos cadet ante pedes fortissima ceruix?  
haud umquam hoc uobis dederit deus.' inde minaci  
obtutu toruum contra et furiale renidens 375

bellatorem alacer per pectora transigit ense.  
cui ductor: ' Patiam moriens comitare cadentem.  
qui nobis animus, quae dextera cuique uiritim,  
decernet Mauors. tibi, si rebare pudendum  
iussa pati, licuit pugnantem occumbere letum.' 380

Dum Capua infaustam luit haud sine sanguine culpam,  
interea geminos terra crudelis Hibera  
Fortuna abstulerat permiscens tristia laetis  
Scipiadas, magnumque decus magnumque dolorem.  
forte Dicarchea iuuenis dum sedit in urbe 385  
Scipio post belli repetens extrema penatis,  
huc tristis lacrimas et funera acerba suorum

fama tulit. duris quamquam non cedere suetus  
pulsato lacerat uiolenter pectore amictus.  
non comites tenuisse ualent, non ullus honorum 390  
militiaeue pudor. pietas irata sinistris  
caelicolis furit atque odit solacia luctus.  
iamque dies iterumque dies absumpta querelis:  
uersatur species ante ora oculosque parentum.  
ergo excire parat manis animasque suorum 395  
adloquioque uirum tantos mulcere dolores.  
hortatur uicina palus, ubi signat Auerni  
squalentem introitum stagnans Acherusius umor.  
noscere uenturos agitat mens protinus annos.  
Sic ad Cymaeam, quae tum sub nomine Phoebi 400  
Autonoe tripodas sacros antrumque tenebat,  
fert gressus iuuenis consultaque pectoris aegri  
pandit et aspectus orat contingere patrum.  
nec cuncta<ta> diu uates ' ~~M~~atare repostis  
mos umbris' inquit 'consueta piacula nigras 405  
sub lucem pecudes reclusaeque abdere terrae  
manantem iugulis spirantum caede cruorem.  
tunc populos tibi regna suos pallentia mittent.  
cetera quae poscis maiori uate canentur.  
namque tibi Elysiio repetita oracula campo 410  
eliciam ueterisque dabo inter sacra Sibyllae  
cernere fatidicam Phoebai pectoris umbram.  
uade, age et, a medio cum se nox umida cursu  
flexerit, ad fauces uicini castus Auerni  
duc praedicta sacris duro placamina Diti: 415  
mella simul tecum et puri fer dona Lyaei.'

Hoc alacer monitu et promissae nomine uatis,  
adparat occulto monstrata piacula coepto.  
inde ubi nox iussam procedens contigit horam,  
et spatia aequarunt tenebras transacta futuras, 420  
consurgit stratis pergitque ad turbida portae  
ostia Tartareae, penitus quis abdita uates  
promissa implerat Stygioque sedebat in antro.  
tum, qua se primum rupta tellure recludit  
inuisus caelo specus atque eructat acerbam 425  
Cocyti laxo suspirans ore paludem,  
inducit iuuenem ferroque cauare refossam  
ocius urget humum atque arcanum murmur anhelans  
ordine mactari pecudes iubet. ater operto  
ante omnis taurus regi, tum proxima diuae 430  
caeditur Hennaee casta ceruice iuuenca.  
inde tibi, Alecto, tibi, numquam laeta Megaera,  
corpora lanigerum procumbunt lecta bidentum.  
fundunt mella super Bacchique et lactis honorem.  
' ~~S~~t, iuuenis, faciemque, Erebo quae surgit ab omni,' 435  
exclamat uates ' ~~p~~tere. accedentia cerno

Tartara et ante oculos adsistere tertia regna.  
 ecce ruunt uariae species et quicquid ab imo  
 natum hominum extinctumque chao est' (im cuncta uidebat,  
 Cyclopas Scyllamque et pastos membra uirorum 440  
 Odrysiae telluris equos): 'contende tueri  
 eductumque tene uagina interritus ensem.  
 quaecumque ante animae tendent potare cruorem  
 dissice, dum castae procedat imago Sibyllae.  
 interea cerne, ut gressus inhumata citatos 445  
 fert umbra et properat tecum coniungere dicta,  
 cui datur ante atros absumpti corporis ignes  
 sanguine non tacto solitas effundere uoces.'  
 aspicit et subito turbatus Scipio uisu  
 ' Quam te, qui casus,' ait 'dux maxime, fessae 450  
 eripuit patriae, cum talis horrida poscant  
 bella uiros? nec enim dextra concesserit ulli  
 Appius aut astu. decimum lux rettulit ortum,  
 ut te, cum Capua remearem, uulnera uidi  
 mulcentem, hoc uno maestum, quod adire nequires 455  
 saucius ad muros et Martis honore careres.'  
 Contra quae ductor: ' Ego mihi proxima tandem  
 lux gratos Phaethontis equos auertit et atris  
 aeternum demisit aquis. sed lenta meorum  
 dum uanos ritus cura et sollempnia uulgi 460  
 exequitur, cessat flammis imponere corpus,  
 ut portet tumulis per longum membra paternis.  
 quod te per nostri Martis precor aemula facta,  
 arce quae putris artus medicamina seruant  
 daque uago portas quamprimum Acherontis adire.' 465  
 Tunc iuuenis: ' Gae o ueteris pulcherrima Clausi,  
 haud ulla ante tuam, quamquam non parua fatigent,  
 curarum prior extiterit. namque ista per omnis  
 discrimen seruat populos uariatque iacentum  
 exequias tumuli et cinerum sententia discors. 470  
 tellure, ut perhibent, (is mos anticus) Hibera  
 exanima obscenus consumit corpora uultur.  
 regia cum lucem posuerunt membra, probatum est  
 Hyrcanis adhibere canes. Aegyptia tellus  
 claudit odorato post funus stantia saxo 475  
 corpora et a mensis exanguem haud separat umbram.  
 exhausto instituit Pontus uacuare cerebro  
 ora uirum et longum medicata reponit in aeuum.  
 quid qui reclusa nudos Garamantes harena  
 infodiunt? quid qui saeuo sepelire profundo 480  
 exanimos mandant Libycis Nasamones in oris?  
 at Celtae uacui capitis circumdare gaudent  
 ossa, nefas, auro ac mensis ea pocula seruant.  
 Cecropidae ob patriam Mauortis sorte peremptos  
 decreuere simul communibus urere flammis. 485

at gente in Scythica suffixa cadauera truncis  
lenta dies sepelit putri liquentia tabo.'

Talia dum memorant, umbra ueniente Sibyllae  
Autonoe 'Finem hic' inquit ' sermonibus adde  
alternis. haec, haec ueri fecunda sacerdos, 490  
cui tantum patuit rerum, quanto ipse negarit  
plus nouisse deus. me iam comitante tuorum  
tempus abire globo et pecudes imponere flammis.'

At grauida arcanis Cymes anus attigit ore  
postquam sacrificum delibauitque cruorem, 495  
in decus egregiae uultus intenta iuuentae  
' Atherea fruerer cum luce, haud segniter' inquit  
' Cymae populis uox nostra sonabat in antro.  
tum te permixtum saeclis rebusque futuris  
Aeneadum cecini. sed non sat digna mearum 500  
cura tuis uocum. nec enim conquirere dicta  
aut seruare fuit proauis sollertia uestris.

uerum age, disce, puer, quando cognoscere cordi est,  
iam tua deque tuis pendentia Dardana fatis.  
namque tibi cerno properatum oracula uitae 505

hinc petere et patrios uisu contingere manis.  
armifero uictor patrem ulcisceris Hiberno  
creditus ante annos Martem, ferroque resolues  
gaudia Poenorum et missum laetabere bello  
omen, Hiberiacis uicta Carthagine terris. 510

maius ad imperium posthac capiere, nec ante  
Iuppiter absistet cura, quam cuncta fugarit  
in Libyam bella et uincendum duxerit ipse  
Sidonium tibi rectorem. pudet urbis iniquae  
quod post haec decus hoc patriaque domoque carebit.' 515  
sic uates gressumque lacus uertebat ad atos.

Tum iuuenis 'Quaecumque datur sors durior aeu,  
obnitemur,' ait 'culpa modo pectora cessent.  
sed, te oro, quando uitae tibi causa labores  
humanos iuuisse fuit, siste, inclita uirgo, 520  
paulisper gressum et nobis manisque silentum  
enumerata Stygiaeque aperi formidinis aulam.'

Adnuit illa quidem, sed 'Non optanda recludis  
regna:' ait ' hi tenebras habitant uolitantque per umbras  
innumeri quondam populi. domus omnibus una. 525

in medio uastum late se tendit inane:  
huc, quicquid terrae, quicquid freta et igneus aer  
nutriuit primo mundi genitalis ab aeuo  
Mors communis agit: descendunt cuncta, capitque  
campus iners quantum interiit restatque futurum. 530  
cingunt regna decem portae: quarum una receptat  
belligeros dura Gradiui sorte creatos;  
altera, qui legis posuere atque inclita iura  
gentibus et primas fundarunt moenibus urbes;



tertia ruricolae, Cereris iustissima turba           535  
 quae uenit ad manis et fraudum inlaesa ueneno.  
 exin, qui laetas artis uitaeque colendae  
 inuenere uiam nec dedignanda parenti  
 carmina fuderunt Phoebos, sua limina seruant.  
 proxima, quos uenti saeuaeque hausere procellae,           540  
 naufraga porta rapit: sic illam nomine dicunt.  
 finitima huic noxa grauido et peccasse fatenti  
 uasta patet populo: poenas Rhadamanthus in ipso  
 expetit introitu mortumque exercet inanem.  
 septima femineis reseratur porta cateruis,           545  
 umentis ubi casta fouet Proserpina lucos.  
 infantum hinc gregibus uersasque ad funera taedas  
 passis uirginibus turbaeque in limine lucis  
 est iter extinctae et uagitu ianua nota.  
 tum seducta loco et laxata lucida nocte           550  
 claustra nitent, quae secreti per limitis umbram  
 Elysios ducunt campos: hic turba piorum,  
 nec Stygio in regno, caeli nec posta sub axe,  
 uerum ultra Oceanum sacro contermina fonti  
 Lethaeos potat latices, obliuia mentis.           555  
 extrema hinc auro fulgens iam lucis honorem  
 sentit et admoto splendet ceu sidere lunae.  
 hac animae caelum repetunt ac mille peractis  
 oblatae Ditem redeunt in corpora lustris.  
 has passim nigrum pandens Mors lurida rictum           560  
 itque reditque uias et portis omnibus errat.  
 Tum iacet in spatium sine corpore pigra uorago  
 limosique lacus: large exundantibus urit  
 ripas saeuus aquis Phlegethon et turbine anhelos  
 flammarum resonans saxosa incendia torquet.           565  
 parte alia torrens Cocytos sanguinis atris  
 uerticibus furit et spumanti gurgite fertur.  
 at, magnis semper diuis regique deorum  
 iurari dignata palus, picis horrida riuo,  
 fumiferum uoluit Styx inter sulphura limum.           570  
 tristior his Acheron sanie crassoque ueneno  
 aestuat et gelidam eructans cum murmure harenam  
 descendit nigra lentus per stagna palude.  
 hanc potat saniem non uno Cerberus ore,  
 haec et Tisiphones sunt pocula, et atra Megaera           575  
 hanc sitit ac nullo rabies restinguitur haustu.  
 ultimus erumpit lacrimarum fontibus amnis  
 ante aulam atque aditus et inexorabile limen.  
 Quanta cohors omni stabulante per atria monstro  
 excubat et manis permixto murmure terret!           580  
 luctus edax Maciesque, malis comes addita morbis,  
 et Maeror pastus fletu et sine sanguine Pallor  
 Curaeque Insidiaeque atque hinc queribunda Senectus,

hinc angens utraque manu sua guttura Liur  
 et, deforme malum ac sceleri procliuis, Egestas           585  
 Errorque infido gressu et Discordia gaudens  
 permiscere fretum caelo. sedet ostia Ditis  
 centenis suetus Briareus recludere palmis  
 et Sphinx uirgineos rictus infecta cruore  
 Scyllaque Centaurique truces umbraeque Gigantum.           590  
 Cerberus hic ruptis peragrat cum Tartara uinclis,  
 non ipsa Alecto, non feta furore Megaera  
 audet adire ferum, dum fractis mille catenis  
 uiperea latrans circumligat ilia cauda.  
     Dextra uasta comas nemorosaque brachia fundit           595  
     taxus Cocyti rigua frondosior unda.  
 hic dirae uolucres pastusque cadauere uultur  
 et multus bubo ac sparsis strix sanguine pennis  
 Harpyiaequae fouent nidos atque omnibus haerent  
 condensae foliis: saeuit stridoribus arbor.           600  
     has inter formas coniunx Iunonis Auernae  
     suggestu residens cognoscit crimina regum.  
 stant uincti, seroque piget sub iudice culpae:  
 circum errant Furiae Poenarumque omnis imago.  
 quam uellent numquam sceptris fulsisse superbis!           605  
     insultant duro imperio non digna nec aequa  
     ad superos passi manes, quaeque ante profari  
     non licitum uiuis, tandem permissa queruntur.  
 tunc alius saeuis religatur rupe catenis,  
 ast alius subigit saxum contra ardua montis,           610  
     uipereo domat hunc aeterna Megaera flagello.  
 talia letiferis restant patienda tyrannis.  
 sed te maternos tempus cognoscere uultus,  
 cuius prima uenit non tardis passibus umbra.'  
     Astabat fecunda Iouis Pomponia furto.           615  
     namque ubi cognouit Latio surgentia bella  
 Poenorum Venus, insidias anteire laborans  
 Iunonis fusa sensim per pectora patrem  
 implicuit flamma. quae ni prouisa fuissent,  
 Sidonia Iliacas nunc uirgo accenderet aras.           620  
     ergo ubi gustatus cruor admonuitque Sibylla  
     et dedit alternos ambobus noscere uultus,  
 sic iuuenis prior: ' O mgni mihi numinis instar,  
 cara parens, quam, te ut nobis uidisse liceret,  
 optassem Stygias uel leto intrare tenebras!           625  
     quae sors nostra fuit, cui te, cum prima subiret,  
     eripuit sine honore dies et funere carpsit?'  
 excipit his mater: 'Nullos, o nate, labores  
 mors habuit nostra: aetherio dum pondere partum  
 exsoluor, miti dextra Cyllenia proles           630  
     imperio Iouis Elysias deduxit in oras  
 attribuitque paris sedes, ubi magna moratur

Alcidae genetrix, ubi sacro munere Leda.  
 uerum age, nate, tuos ortus, ne bella pauescas  
 ulla nec in caelum dubites te attollere factis, 635  
 quando aperire datur nobis, nunc denique disce.  
 sola die caperem medio cum forte petitos  
 ad requiem somnos, subitus mihi membra ligauit  
 amplexus, non ille meo ueniente marito  
 adsuetus facilisque mihi. tum luce corusca, 640  
 implebat quamquam languentia lumina somnu<s>,  
 uidi, crede, Iouem. nec me mutata fefellit  
 forma dei, quod squalentem conuersus in anguem  
 ingenti traxit curuata uolumina gyro.  
 sed mihi post partum non ultra ducere uitam 645  
 concessum. heu, quantum gemui, quod spiritus ante  
 haec tibi quam noscenda darem discessit in auras!  
 his alacer colla amplexu materna petebat,  
 umbraque ter frustra per inane petita fefellit.  
 Succedunt simulacra uirum concordia, patris 650  
 unanimique simul patruum. ruit ipse per umbram  
 oscula uana petens iuuenis fumoque uolucris  
 et nebulis similes animas adprendere certat.  
 ' Quis est, care pater, quo stabant Itala regna  
 exosus Latium deus abstulit? hei mihi! nam cur 655  
 ulla fuere adeo quibus a te saeuus abessem  
 momenta? opposito mutassem pectore mortem.  
 quantos funeribus uestris gens Itala passim  
 dat gemitus! tumulus uobis censente senatu  
 Mauortis geminus surgit per gramina campo.' 660  
 nec passi plura, in medio sermone loquentis  
 sic adeo incipiunt. prior haec genitoris imago:  
 'Ipsa quidem uirtus sibimet pulcherrima merces;  
 dulce tamen uenit ad manis, cum gratia uitae  
 durat apud superos nec edunt obliuia laudem. 665  
 uerum age, fare, decus nostrum, te quanta fatiget  
 militia. heu, quotiens intrat mea pectora terror,  
 cum repeto, quam saeuus eas, ubi magna pericla  
 contingunt tibi. per nostri, fortissime, leti  
 obtestor causas, Martis moderare furori. 670  
 sat tibi sint documenta domus. octaua terebat  
 arenam culmis messem crepitantibus aestas,  
 ex quo cuncta mihi calcata meoque subibat  
 germano deuicta iugum Tartessia tellus.  
 nos miserae muros et tecta renata Sagunto, 675  
 nos dedimus Baetem nullo potare sub hoste,  
 nobis indomitus conuertit terque quaterque  
 germanus terga Hannibalis. pro barbara numquam  
 impolluta fides! peterem cum uictor adesum  
 cladibus Hasdrubalem, subito uenale, cohortes 680  
 Hispanae, uulgus, Libyci quas fecerat auri

Hasdrubal, abrupto liquerunt agmine signa.  
tunc hostis socio desertos milite multum  
ditior ipse uiris spisso circumdedit orbe.  
non segnis nobis nec inultis, nate, peracta est      685  
illa suprema dies, et laude inclusimus aeuum.'

Excipit inde suos frater coniungere casus:  
' **E**celsae turris post ultima rebus in artis  
subsidium optaram supremaque bella ciebam.  
fumantis taedas ac lata incendia passim      690  
et mille iniecere faces. nil nomine leti  
de superis queror: haud paruo data membra sepulcro  
nostra cremauerunt in morte haerentibus armis.  
sed me luctus habet, geminae ne clade ruinae  
cesserit adfusis oppressa Hispania Poenis.'      695

Contra quae iuuenis turbato fletibus ore:  
' **D**i, ~~q~~ueso, ut merita est, dignas pro talibus ausis  
Carthago expendat poenas. sed continet acris  
Pyrenes populos qui uestro Marte probatus  
exceptit fessos et notis Marcius armis      700  
successit bello. fusos quoque fama ferebat  
uictores acie atque exacta piacula caedis.'

His laeti rediere duces loca amoena piorum,  
prosequiturque oculis puer adueneratus euntis.  
iamque aderat multa uix adgnosendus in umbra      705

Paulus et epoto fundebat sanguine uerba:  
' **L**x Italum, cuius spectauit Martia facta  
multum uno maiora uiro, descendere nocti  
atque habitanda semel subigit quis uisere regna?'  
cui contra talis effundit Scipio uoces:      710

' **A**nipotens ductor, quam sunt tua fata per urbem  
lamentata diu! quam paene ruentia tecum  
traxisti ad Stygias Oenotria tecta tenebras.  
tum tibi defuncto tumulum Sidonius hostis  
constituit laudemque tuo quaesiuit honore.'      715  
dumque audit lacrimans hostilia funera Paulus,  
ante oculos iam Flaminius, iam Gracchus et aegro  
absumptus Cannis stabat Seruilius ore.

Appellare uiros erat ardor et addere uerba,  
sed raptabat amor priscos cognoscere manis.      720  
nunc meritum saeua Brutum immortale securi  
nomen, nunc superos aequantem laude Camillum,  
nunc auro Curium non umquam cernit amicum.  
ora Sibylla docet uenientum et nomina pandit.  
hic fraudes pacis Pyrrhumque a limine portae      725  
reiecit uisus orbus, tulit ille ruentem  
Thybridis in ripas regem solusque reuulso  
pone ferox ponte exclusit redeuntia regna.

' **S**tibi dulce uirum, primo qui foedera bello  
Phoenicum pepigit, uidisse: hic inclitus ille      730

aequoreis uictor cum classe Lutatius armis.  
 si studium et saeuam cognoscere Hamilcaris umbram,  
 ille est (cerne procul) cui frons nec morte remissa  
 irarum seruat rabiem. si iungere cordi est  
 conloquium, sine gustato det sanguine uocem.' 735  
 atque ubi permissum et sitiens se impleuit imago,  
 sic prior increpitat non mitis Scipio uultu:  
 ' Tiane, o fraudum genitor, sunt foedera uobis,  
 aut haec Sicania pepigisti captus in ora?  
 bella tuus toto natus contra omnia pacta 740  
 exercet Latio et perruptis molibus Alpīs  
 eluctatus adest: feruet gens Itala Marte  
 barbarico, et refluunt obstructi stragibus amnes.'  
 post quae Poenus ait: 'Decimum modo coeperat annum  
 excessisse puer, nostro cum bella Latinis 745  
 concepit iussu, licitum nec fallere diuos  
 iuratos patri. quod si Laurentia uastat  
 nunc igni regna et Phrygias res uertere temptat,  
 o pietas, o sancta fides, o uera propago!  
 atque utinam amissum reparet decus!' ride citato 750  
 celsus abit gressu, maiorque recessit imago.  
 Exin designat uates, qui iura sub armis  
 poscenti dederint populo primique petitas  
 miscuerint Italis Piraeo litore leges.  
 laetatur spectatque uirum insatiabilis ora 755  
 Scipio et appellet cunctos, ni magna sacerdos  
 admoneat turbae innumera<e>: ' Quot mihi toto  
 credis in orbe, puer, lustras dum singula uisu,  
 descendisse Erebo? nullo non tempore abundans  
 umbrarum huc agitur torrens, uectatque capaci 760  
 agmina mole Charon, et sufficit improba puppis.'  
 post haec ostendens iuuenem sic uirgo profatur:  
 ' Hic ille est, tellure uagus qui uictor in omni  
 cursu signa tulit, cui peruia Bactra Dahaeque,  
 qui Gangen bibit et Pellaeo ponte Niphaten 765  
 astrinxit, cui stant sacro sua moenia Nilo.'  
 incipit Aeneades: 'Libyci certissima proles  
 Hammonis, quando exuperat tua gloria cunctos  
 indubitata duces similique cupidine rerum  
 pectora nostra calent, quae te uia, fare, superbum 770  
 ad decus et summas laudum perduxerit arces.'  
 ille sub haec: ' Trepidans lenti sollertia Martis.  
 audendo bella expedias. pigra extulit artis  
 haud umquam sese uirtus. tu magna gerendi  
 praecipita tempus: mors atra impendet agenti.' 775  
 haec effatus abit. Croesi mox aduolat umbra,  
 diues apud superos, sed mors aequarat egenis.  
 Atque hic Elysio tendentem limite cernens  
 effigiem iuuenis, caste cui uitta ligabat

purpurea effusos per colla nitentia crines, 780  
 ' **Di,** **ai** **hi** quinam, uirgo? nam luce refulget  
 praecipua frons sacra uiro, multaeque secuntur  
 mirantes animae et laeto clamore frequentant.  
 qui uultus! quam, si Stygia non esset in umbra,  
 dixissem facile esse deum!' ' **Non** **laris:** inquit 785  
 docta comes Triuiaie 'meruit deus esse uideri,  
 et fuit in tanto non paruum pectore numen.  
 carmine complexus terram, mare, sidera, manis  
 et cantu Musas et Phoebum aequauit honore.  
 atque haec cuncta prius quam cerneret ordine terris 790  
 prodidit ac uestram tulit usque ad sidera Troiam.'  
 Scipio perlustrans oculis laetantibus umbram,  
 ' **S**inunc fata darent, ut Romula facta per orbem  
 hic caneret uates, quanto maiora futuros  
 facta eadem intrarent hoc' inquit 'teste nepotes! 795  
 felix Aeacide, cui tali contigit ore  
 gentibus ostendi, creuit tua carmine uirtus.'  
 Sed, quae tanta adeo gras<s>antum turba, requirens,  
 heroum effigies maiorisque accipit umbras.  
 inuicto stupet Aeacide, stupet Hectore magno 800  
 Aiacisque gradum uenerandaque Nestoris ora  
 miratur, geminos aspectat laetus Atridas  
 iamque Ithacum corde aequantem Peleia facta.  
 uicturam hinc cernit Ledaei Castoris umbram:  
 alternam lucem peragebat in aethere Pollux. 805  
 Sed subito uultus monstrata Lauinia traxit.  
 nam uirgo admonuit tempus cognoscere manis  
 femineos, ne cunctantem lux alma uocaret.  
 ' **F**eli haec' **n**iquit ' **V**neris nurus ordine longo  
 Troiugenas iunxit sociata prole Latinis. 810  
 uis et Martigenae thalamos spectare Quirini?  
 Hersiliam cerne: hirsutos cum sperneret olim  
 gens uicina procos, pastori rapta marito  
 intrauitque casae culmique e stramine fultum  
 pressit laeta torum et soceros reuocauit ab armis. 815  
 aspice Carmentis gressus. Euandria mater  
 haec fuit et uestros tetigit praesaga labores.  
 uis et, quos Tanaquil uultus gerat? haec quoque castae  
 augurio ualuit mentis uenturaque dixit  
 regna uiro et dextros agnouit in alite diuos. 820  
 ecce pudicitiae Latium decus, inclita leti  
 fert frontem atque oculos terrae Lucretia fixos.  
 non datur, heu tibi, Roma (nec est, quod malle deceret),  
 hanc laudem retinere diu. Verginia iuxta,  
 cerne, cruentato uulnus sub pectore seruat, 825  
 tristia defensi ferro monumenta pudoris,  
 et patriam laudat miserando in uulnere dextram.  
 illa est, quae Thybrim, quae fregit Lydia bella,

nondum passa marem, qualis optabit habere  
 quondam Roma uiros, contemptrix Cloelia sexus.' 830  
 cum subito aspectu turbatus Scipio poscit,  
 quae poenae causa, et qui sint in crimine manes,  
 tum uirgo: ' **A**trios fregit quae curribus artus  
 et stetit adductis super ora trementia frenis,  
 Tullia non ullos satis exhaustura labores 835  
 ardenti Phlegethonte natat. fornacibus atris  
 fons rapidus furit atque uistas sub gurgite cautes  
 egerit et scopulis pulsat flagrantibus ora.  
 illa autem, quae tondetur praecordia rostro  
 alitis (en quantum resonat plangentibus alis 840  
 armiger ad pastus rediens Iouis!), hostibus arcem  
 uirgo, immane nefas, adamato prodidit auro  
 Tarpeia et pactis reserauit claustra Sabinis.  
 iuxta (nonne uides? neque enim leuiores domantur  
 delicta) inlatrat ieiunis faucibus Orthrus, 845  
 armenti quondam custos immanis Hiberi,  
 et morsu petit et polluto euiscerat ungue.  
 nec par poena tamen sceleri: sacraria Vestae  
 polluit exuta sibi uirginitate sacerdos.  
 sed satis haec uidisse, satis.' 850  
 Mox deinde: ' **V**ienti  
 nunc animas tibi, quae potant obliuia, paucas  
 in fine enumerasse paro et remeare tenebris.  
 hic Marius: nec multa dies iam restat ituro  
 aetheriam in lucem. ueniet tibi origine parua  
 in longum imperium consul. nec Sulla morari 855  
 iussa potest aut amne diu potare soporo:  
 lux uocat et nulli diuum mutabile fatum.  
 imperium hic primus rapiet, sed gloria culpae,  
 quod reddet solus, nec tanto in nomine quisquam  
 existet, Sullae qui se uelit esse secundum. 860  
 ille, hirta cui subrigitur coma fronte, decorum  
 et gratum terris Magnus caput: ille deum gens,  
 stelligerum attollens apicem, Troianus Iulo  
 Caesar auo. quantas moles, cum sede reclusa  
 hinc tandem erumpent, terraque marique mouebunt! 865  
 heu miseri, quotiens toto pugnabitis orbe,  
 nec leuiores lues quam uictus crimina, uictor.'  
 Tum iuuenis lacrimans: 'Restare haec ordine duro  
 lamentor rebus Latiis. sed luce remota  
 si nulla est uenia et merito mors ipsa laborat, 870  
 perfidiae Poenus quibus aut Phlegethontis in undis  
 exuret ductor scelus, aut quae digna renatos  
 ales in aeternum laniabit morsibus artus?'  
 ' **N** metue:' exclamat uates 'non uita sequetur  
 inuiolata uirum: patria non ossa quiescent. 875  
 namque ubi fractus opum magnae certamine pugnae

pertulerit uinci turpemque orare salutem,  
rursus bella uolet Macetum instaurare sub armis.  
damnatusque doli desertis coniuge fida  
et dulci nato linquet Carthaginis arces           880  
atque una profugus lustrabit caerulea puppe.  
hinc Cilicis Tauri saxosa cacumina uiset.  
pro! quanto leuius mortalibus aegra subire  
seruitia atque hiemes aestusque fugamque fretumque  
atque famem, quam posse mori! post Itala bella           885  
Assyrio famulus regi falsusque cupiti  
Ausoniae motus dubio petet aequora uelo,  
donec Prusiacas delatus segniter oras  
altera seruitia imbelli patietur in aeuo  
et latebram munus regni. perstantibus inde           890  
Aeneadis reddique sibi poscentibus hostem,  
pocula furtiuo rapiet properata ueneno  
ac tandem terras longa formidine soluet.'  
Haec uates, Erebiq; cauis se reddidit umbris.  
tum laetus socios iuuenis portumq; reuisit.



## Liber XIV

Flectite nunc uestros, Heliconis numina, cantus  
Ortygiae pelagus Siculique ad litoris urbes.  
muneris hic uestri labor est, modo Daunia regna  
Aeneadum, modo Sicanios accedere portus,  
aut Macetum lustrare domos et Achaica rura 5  
aut uaga Sardoo uestigia tinguere fluctu  
uel Tyriae quondam regnata mapalia genti  
extremumue diem et terrarum inuisere metas.  
sic poscit sparsis Mauors agitatus in oris.  
ergo age, qua litui, qua ducunt bella, sequamur. 10  
Ausoniae pars magna iacet Trinacria tellus,  
ut semel expugnante Noto et uasantibus undis  
accepit freta caeruleo propulsa tridente.  
namque per occultum caeca ui turbinis olim  
impactum pelagus laceratae uiscera terrae 15  
discidit et medio perrumpens arua profundo  
cum populis pariter conuulsis transtulit urbes.  
ex illo seruans rapidus diuortia Nereus  
saeuo diuiduos coniungi pernegat aestu.  
sed spatium, quod dissociat consortia terrae, 20  
latratus fama est (sic arta interuenit unda)  
et matutinos uolucrum tramittere cantus.  
multa solo uirtus: iam reddere faenus aratris,  
iam montis umbrare olea, dare nomina Baccho  
cornipedemque citum lituis generasse ferendis, 25  
nectare Cecropias Hyblaeo accedere ceras.  
hic et Paeonios arcano sulphure fontis,  
hic Phoebo digna et Muis uenerabere uatum  
ora excellentum, sacras qui carmine siluas  
quique Syracosia resonant Helicon camena. 30  
promptae gens linguae, ast eadem, cum bella cieret,  
portus aequoreis sueta insignire tropaeis.  
Post dirum Antiphae sceptrum et Cyclopia regna  
uomere uerterunt primum noua rura Sicano--  
Pyrene misit populos, qui nomen ab amne 35  
ascitum patrio terrae imposuere uacanti.  
mox Ligurum pubes Siculo ductore nouauit  
possessis bello mutata uocabula regnis.  
nec Cres dedecori fuit accola: duxerat actos  
moenibus e centum non fausta ad proelia Minos, 40  
Daedaleam repetens poenam. qui fraude nefanda  
postquam perpetuas iudex concessit ad umbras  
Cocalidum insidiis, fesso Minoia turba  
bellandi studio Siculis subsedit in oris.

miscuerunt Phrygiam prolem Troianus Acestes 45  
 Troianusque Helymus, structis qui pube secuta  
 in longum ex sese donarunt nomina muris.  
 nec Zanclaea gerunt obscuram moenia famam,  
 dextera quam tribuit posito Saturnia telo.  
 sed decus Hennaëis haud ullum pulchrius oris, 50  
 quam quae Sisyphio fundauit nomen ab Isthmo  
 et multum ante alias Ephyraëis fulget alumnis.  
 hic Arethusa suum piscoso fonte recepat  
 Alpheon sacrae portantem signa coronae.  
 At non aecus amat Trinacria Mulciber antra. 55  
 nam Lipare uastis subter depasta caminis  
 sulphureum uomit exeso de uertice fumum.  
 ast Aetna eructat tremefactis cautibus ignis  
 inclusi gemitus, pelagique imitata furorem  
 murmure per caecos tonat inrequieta fragoris 60  
 nocte dieque simul. fonte e Phlegethontis ut atro  
 flammaram exundat torrens piceaque procella  
 semiambusta rotat liquefactis saxa cauernis.  
 sed quamquam largo flammaram exaestuet intus  
 turbine et adsidue subnascens profluat ignis, 65  
 summo cana iugo cohibet, mirabile dictu,  
 uicinam flammis glaciem, aeternoque rigore  
 ardentes horrent scopuli: stat uertice celsi  
 collis hiemps calidaque niuem tegit atra fauilla.  
 Quid referam Aeolio regnatas nomine terras 70  
 uentorumque domos atque addita claustra procellis?  
 hic uersi penitus Pelopea ad regna Pachyni  
 pulsata Ionio respondent saxa profundo.  
 hic contra Libyamque situm Caurosque furentis  
 cernit deuexas Lilybaeon nobile chelas. 75  
 at, qua diuersi lateris frons tertia terrae  
 uergit in Italiam prolato ad litora dorso,  
 celsus harenosa tollit se mole Pelorus.  
 His longo mitis placide dominator in aeuo  
 praefuerat terris Hieron, tractare sereno 80  
 imperio uulgum pollens et pectora nullo  
 parentum exagitare metu, pactamque per aras  
 haud facilis temerare fidem socialia iura  
 Ausoniis multos seruarat casta per annos.  
 uerum, ubi fata uirum fragili soluere senecta, 85  
 primaeuo cessit sceptrum exitiale nepoti,  
 et placida indomitos accepit regia mores.  
 namque bis octonis nondum rex praeditus annis  
 caligare alto in solio nec pondera regni  
 posse pati et nimium fluxis confidere rebus. 90  
 iamque breui nullum, delicta tuentibus armis,  
 fas notum ignotumque nefas. uilissima regi  
 cura pudor. tam praecipiti materna furori

Pyrrhus origo dabat stimulos proaique superbum  
 Aeacidae genus atque aeternus carmine Achilles. 95  
 ergo ardor subitus Poenorum incepta fouendi,  
 nec sceleri mora: <iam> iungit noua foedera, pacto  
 cederet ut Siculis uictor Sidonius oris.  
 sed stabant Poenae, tumulumque negabat Erinys,  
 qua modo pactus erat socium non cernere, terra. 100  
 saeuos namque pati fastus iuuenemque cruento  
 flagrantem luxu et miscentem turpia diris  
 haud ultra faciles, quos ira metusque coquebat,  
 iurati obtruncant. nec iam modus ensibus: addunt  
 femineam caedem atque insontum rapta sororum 105  
 corpora prosternunt ferro. noua saeuit in armis  
 libertas iactatque iugum: pars Punica castra,  
 pars Italos et nota uolunt, nec turba furentum  
 defit quae neutro sociari foedere malit.  
 Tali Trinacriae motu rebusque Sicanis 110  
 exitio regis trepidis, sublimis honore  
 (tertia nam Latios renouarat purpura fasces)  
 Marcellus classem Zaclaeis appulit oris.  
 atque ubi cuncta uiro caedesque exposita tyranni  
 ambiguaeque hominum mentes, Carthaginis arma 115  
 quos teneant et quanta locos, quod uulgus amicum  
 duret Troiugenis, quantos Arethusa tumores  
 concipiat perstetque suas non pandere portas,  
 incumbit bello ac totam per proxima raptim  
 armorum effundit flammato pectore pestem. 120  
 non aliter Boreas, Rhodopes a uertice praeceps  
 cum sese immisit decimoque uolumine pontum  
 expulit in terras, sequitur cum murmure molem  
 eiecti maris et stridentibus adfremit alis.  
 prima Leontinos uastarunt proelia campos, 125  
 regnatam diro quondam Laestrygone terram.  
 instabat ductor, cui tarde uincere Graias  
 par erat ac uinci turmas. ruit aequore toto  
 (femineum credas maribus concurrere uulgum)  
 et Cereri placitos fecundat sanguine campos. 130  
 sternuntur passim, pedibusque euadere letum  
 eripuit rapidus Mauors. nam ut cuique salutem  
 promisit fuga, praeueniens dux occupat ense.  
 'Ite, gregem metite imbellem ac succidite ferro.'  
 clamat cunctantis urgens umbone cateruas 135  
 ' pigo luctandi studio certamen in umbra  
 molle pati docta et gaudens splendescere oliuo  
 stat, mediocre decus uincentum, ignaua iuuentus.  
 haec laus sola datur, si uiso uincitis hoste.'  
 ingruit audito ductore exercitus omnis, 140  
 solaque, quod superest, secum certamina norunt,  
 quis dextra antistet spoliisque excellat opimis.

Euboici non per scopulos inlisa Caphereo  
 Euripi magis unda furit, pontumue sonantem  
 eicit angusto uiolentius ore Propontis, 145  
 nec feruet maiore fretum rapiturque tumultu  
 quod ferit Herculeas extremo sole columnas.  
 Mite tamen dextrae decus inter proelia tanta  
 enituit fama. miles Tyrrhenus (Asilo  
 nomen erat) captus quondam ad Trasimenna fluenta, 150  
 seruitium facile et dominantis mollia iussa  
 expertus Beryae, patrias remearat ad oras  
 sponte fauentis eri, repetitisque impiger armis  
 tum ueteres Siculo casus Mauorte piabat.  
 atque is, dum medios inter fera proelia miscet, 155  
 inlatus Beryae, cui, pacta ad regia misso  
 Poenorum a populis sociataque bella gerenti,  
 aerato cassis munimine clauserat ora,  
 inuadit ferro iuuenem trepideque ferentem  
 instabilis retro gressus prosternit harena. 160  
 at miser audita uictoris uoce trementem  
 cunctantemque animam Stygia ceu sede reducens,  
 cassidis a mento male fidae uincola rumpit  
 iungebatque preces atque addere uerba parabat.  
 sed subito aspectu et noto conterritus ore 165  
 Tyrrhenus ferrumque manu reuocauit et ultro  
 talia cum gemitu lacrimis effudit obortis:  
 ' N, quaeso, supplex lucem dubiusque precare:  
 fas hostem seruare mihi. multo optimus ille  
 militiae, cui postremum est primumque, tueri 170  
 inter bella fidem: tu letum euadere nobis  
 das prior et seruas nondum seruatus ab hoste.  
 haud equidem dignum memet, quae tristia uidi,  
 abnuerim dignumque iterum in peiora reuolui,  
 si tibi per medios ignis mediosque per ensis 175  
 non dederit mea dextra uiam.' sic fatur et ultro  
 attollit uitaque exaequat munera uitae.  
 At, compos Sicula primum certaminis ora  
 coepti, Marcellus uictricia signa quieto  
 agmine progrediens Ephyraea ad moenia uertit. 180  
 inde Syracosias castris circumdedit arces.  
 sed ferri languebat amor. sedare monendo  
 pectora caeca uirum atque iras euellere hauebat.  
 nec (renuant si forte sibi et si mitia malle  
 credant esse metum) laxis seruatur omissa 185  
 obsidio claustris: quin contra intentior ipse  
 inuigilat cautis, fronte imperterritus, armis  
 et struit arcana necopina pericula cura.  
 haud secus Eridani stagnis ripaue Caystri  
 innatat albus olor pronoque immobile corpus 190  
 dat fluuio et pedibus tacitas eremigat undas.

Interea, dum incerta labat sententia clausis,  
 exciti populi atque urbes socia arma ferebant:  
 incumbens Messena freto minimumque reuulsa  
 discreta Italia atque Osco memorabilis ortu: 195  
 tum Catane, nimium ardenti uicina Typhoeo  
 et generasse pios quondam celeberrima fratres,  
 et cui non licitum fatis, Camarina, moueri:  
 tum, quae nectareis uocat ad certamen Hymetton,  
 audax Hybla, fauis, palmaque arbusta Selinus 200  
 et, iusti quondam portus, nunc litore solo  
 subsidium infidum fugientibus aequora, Mylae:  
 necnon altus Eryx, necnon e uertice celso  
 Centuripae largoque uirens Entella Lyaeo,  
 Entella, Hectoreo dilectum nomen Acestae. 205  
 non Tapsos, non e tumulis glacialibus Acrae  
 defuerunt. Agyrina manus geminoque Lacone  
 Tyndaris attollens sese adfluit. altus equorum  
 mille rapit turmam atque hinnitibus aera flammam  
 pulueream uoluens Acragas ad inania nubem. 210  
 ductor Grosphus erat, cuius caelata gerebat  
 taurum parma trucem, poenae monimenta uetustae.  
 ille, ubi torreret subiectis corpora flammis,  
 mutabat gemitus mugitibus, actaque ueras  
 credere erat stabulis armenta effundere uoces, 215  
 haud impune quidem: nam dirae conditor artis  
 ipse suo moriens immugit flebile tauro.  
 uenit ab amne trahens nomen Gela, uenit Halaesa  
 et qui praesenti domitant periura Palici  
 pectora supplicio, Troianaque uenit Acesta, 220  
 quique per Aetnaeos Acis petit aequora fines  
 et dulci gratam Nereida perluit unda.  
 aemulus ille tuo quondam, Polypheme, calori,  
 dum fugit agrestem uiolenti pectoris iram,  
 in tenuis liquefactus aquas euasit et hostem 225  
 et tibi uictricem, Galatea, immiscuit undam.  
 necnon qui potant Hypsamque Alabimque sonoro  
 et perlucentem splendenti gurgite Achaten,  
 qui fontis, uage Chrysa, tuos et pauperis aluei  
 Hipparin ac facilem superari gurgite parco 230  
 Pantagian rapidique colunt uada flaua Symathi.  
 litora Thermarum, prisca dotata camena,  
 armauere suos, qua mergitur Himera ponto  
 Aeolio. nam diuiduas se scindit in oras  
 nec minus occasus petit incita quam petit ortus. 235  
 Nebrodes gemini nutrit diuortia fontis,  
 quo mons Sicania non surgit ditior umbrae.  
 Henna deum lucis sacra dedit ardua dextra.  
 hic specus ingentem laxans telluris hiatum  
 caecum iter ad manis tenebroso limite pandit, 240

qua nouus ignotas Hymenaeus uenit in oras,  
 hac Stygius quondam stimulante cupidine rector  
 ausus adire diem, maestoque Acheronte relicto  
 egit in inlicitas currum per inania terras.  
 tum rapta praeceps Hennaëa uirgine flexit        245  
 attonitos caeli uisus lucemque pauentis  
 in Styga rursus equos et praedam condidit umbris.  
 Romanos Petraëa duces, Romana petiuit  
 foedera Callipolis lapidosique Engyon arui,  
 Hadranum Ergetiumque simul telaque superba        250  
 lanigera Melite et litus piscosa Calacte,  
 quaeque procelloso Cephaloedias ora profundo  
 caeruleis horret campis pascentia cete,  
 et qui correptas sorbentem uerticis haustu  
 atque iterum e fundo iaculantem ad sidera puppis        255  
 Tauromenitana cernunt de sede Charybdim.  
 haec Latium manus et Laurentia signa fouebat.  
     Cetera Elissaeis aderat gens Sicana uotis.  
 mille Agathy-na dedit perflataque Trogilos Austris,  
 mille Thoanteae sedes Phacelina Dianae.        260  
 tergemino uenit numero fecunda Panhormos,  
 seu siluis sectere feras seu retibus aequor  
 uerrere seu caelo libeat traxisse uolucrum.  
 non Herbesos iners, non Naulocha pigra pericli  
 sederunt, non frondosis Morgentia campis        265  
 abstinuit Marte infido. comitata Menaeis  
 uenit Amastra uiris et paruo nomine Tisse  
 et Netum et Mutyce pubesque liquentis Achaeti.  
 Sidonios Drepane atque undae clamosus Helorus  
 et mox seruili uastata Triocala bello,        270  
 Sidonios Arbela ferox et celsus Ietas  
 et bellare Tabas docilis Cossyraque parua  
 nec maior~ Megara iunctae concordibus ausis  
 iuuere et strato Gaulum spectabile ponto,  
 cum sonat alcyones cantu nidosque natantis        275  
 immota gestat sopitis fluctibus unda.  
 ipsa Syracusae patulos urbs inclita muro<s>  
 milite collecto uariisque impleuerat armis.  
 ductores facilem impelli laetamque tumultus  
 uaniloquo plebem furiabant insuper ore:        280  
 numquam hoste intratos muros et quattuor arces,  
 et Salaminiacis quantam Eoisque tropaeis  
 ingenio portus urbs inuia fecerit umbram,  
 spectatum proauis: ter centum ante ora triremes  
 unum naufragium, mersasque impune profundo        285  
 clade pharetrigeri subnixas regis Athenas.  
 flammabant uulgum geniti Carthagine fratres,  
 Poeni matre genus, sed quos, sub crimine pulsus  
 urbe Syracosia, Libycis eduxerat oris

Trinacrius genitor, geminaque a stirpe parentum 290  
astus miscebant Tyrios leuitate Sicana.

Quae cernens ductor, postquam immedicabile uisum  
seditio, atque ultro bellum surgebat ab hoste,  
testatus diuos Siculorum amnesque lacusque  
et fontis, Arethusa, tuos, ad bella uocari 295  
inuitum (quae sponte diu non sumpserit, hostem  
induere arma sibi), telorum turbine uasto  
adgreditur muros atque armis intonat urbi.

par omnis simul ira rapit, certantque ruuntque.  
turris multiplici surgens ad sidera tecto 300

exibat, tabulata decem cui crescere Graius  
fecerat et multas nemorum consumpserat umbras.  
armatam hinc igni pinum et deuoluere saxa  
certabant calidaeque picis diffundere pestem.  
huic procul ardentem iaculatus lampada Cimber 305  
conicit et lateri telum exitiabile figit.

pascitur adiutu<s> Vulcanus turbine uenti,  
gliscentemque trahens turris per uiscera labem  
perque altam molem et totiens nascentia tecta  
scandit ouans rapidusque uorat crepitantia flammis 310  
ro<bo>ra et, ingenti simul exundante uapore  
ad caelum, uictor nutantia culmina lambit.  
implentur fumo et nebula caliginis atrae,  
nec cuiquam euasisse datur, ceu fulminis ictu  
correptae rapido in cineres abi<e>re ruinae. 315

Par contra pelago miseris fortuna carinis.  
namque ubi se propius tectis urbique tulere,  
qua portus muris pacatas adplicat undas,  
improuisa nouo pestis conterruit astu.  
trabs fabre teres atque erasis undique nodis 320  
nauali similis malo praefixa gerebat

uncae tela manus: ea celso ex aggere muri  
bellantis curui rapiebat in aera ferri  
unguibus et mediam reuocata ferebat in urbem.  
nec solos uis illa uiros, quin saepe triremem 325  
belligerae rapuere trabes, cum desuper actum  
incuterent puppi chalybem morsusque tenacis.

qui, simul adfixo uicina in robora ferro  
sustulerant sublime ratem, miserabile uisu,  
per subitum rursus laxatis arte catenis 330  
tanta praecipitem reddebant mole profundo  
ut totam haurirent undae cum milite puppem.  
his super insidiis angusta foramina murus  
arte cauata dabat, per quae c<l>am fundere tela  
tutum erat, opposito mittentibus aggere ualli. 335

<nec> sine fraude labos, arta ne rursus eodem  
spicula ab hoste uia uicibus contorta redirent.  
calliditas Graia atque astus pollentior armis

Marcellum tantasque minas terraque marique  
arcebat, stabatque ingens ad moenia bellum. 340

Vir fuit Isthmiacis decus immortale colonis,  
ingenio facile ante alios telluris alumnos,  
nudus opum, sed cui caelum terraeque paterent.  
ille, nouus pluuias Titan ut proderet ortu  
fuscatis tristis radiis, ille, haereat anne 345  
pendeat instabilis tellus, cur foedere certo  
hunc adfusa globum Tethys circumliget undis  
nouerat atque una pelagi lunaeque labores,  
et pater Oceanus qua lege effunderet aestus.  
non illum mundi numerasse capacis harenas 350  
uana fides. puppis etiam constructaque saxa  
feminea traxisse ferunt contra ardua dextra.

Hic dum Italum ductorem astu Teucrosque fatigat,  
adnabat centum late Sidonia uelis  
classis subsidio et scindebat caerula rostris. 355  
erigitur subitas in spes Arethusia proles  
adiungitque suas portu progressa carinas.  
nec contra Ausonius tonsis aptare lacertos  
addubitat mersisque celer fodit aequora remis.  
uerberibus torsere fretum: salis icta frequenti 360  
albescit pulsu facies, perque aequora late  
spumat canenti sulcatus gurgite limes.  
insultant pariter pelago, ac Neptunia regna  
tempestate noua trepidant. tum uocibus aequor  
personat, et clamat scopulis clamoris imago. 365  
ac iam diffusus uacua bellator in unda  
cornibus ambierat patulos ad proelia fluctus,  
nauali claudens umentem indagine campum:  
ac simili curuata sinu diuersa ruebat  
classis et artabat lunato caerula gyro. 370

nec mora: terrificis saeuae stridoribus aeris,  
per uacuum late cantu resonante profundum,  
inc<r>epuere tubae, quis excitus aequore Triton  
expauit tortae certantia murmura conchae.  
uix meminere maris: tam uasto ad proelia nisu 375  
incumbunt proni positisque in margine puppis  
extremae plantis nutantes spicula torquent.  
sternitur effusis pelagi media area telis,  
celsaque anhelatis exurgens ictibus alnus  
caerula nigranti findit spumantia sulco. 380

Ast aliae latere atque incussi roboris ictu  
detergent remos, aliae per uiscera pinus  
tramissis ipso retinentur uulnere rostris  
quo retinent. medias inter sublimior ibat 385  
terribilis uisu puppis, qua nulla per omne  
egressa est Libycis maior naualibus aeuum.  
sed quater haec centum numeroso remige pontum



pulsabat tonsis, ueloque superba capaci  
cum rapidum hauriret Borean et cornibus omnis  
colligeret flatus, lento se robore agebat, 390  
intraret fluctus solis ce<u> pulsa lacertis:  
procurrunt leuitate agili docilesque regentis  
audiuisse manum Latio cum milite puppes.

Has ut per laeuum uenientis aequor Himilco  
in latus obliquas iussamque incurrere proram 395  
conspexit, propere diuis in uota uocatis  
aequoris, intento uolucrum de more sagittam  
adsignat neruo, utque oculis librauit in hostem  
et calamo monstrauit iter, diuersa relaxans  
brachia deduxit uultu comitante per auras 400  
in uulnus telum ac residentis puppe magistri  
adfixit plectro dextram. nec deinde regenda  
puppe manus ualuit flectenti immortalia clauo.  
dumque ad opem accurrit ceu capta nauita puppe,  
ecce iterum fatoque pari neruoque sagitta 405  
in medium perlapsa globum transuerberat ictu  
orba gubernaculi subeuntem munera Taurum.

Inrumpit Cumana ratis, quam Corbulo ductor  
lectaque complebat Stabiarum litore pubes.  
numen erat celsae puppis uicina Dione. 410  
sed superingestis propior quia subdita telis  
bella capessebat, media subsedit in unda  
diuisitque fretum. clamantum spumeus ora  
Nereus implet aquis, palmaeque, trahente profundo,  
luctantum frustra summis in fluctibus extant. 415  
hic audax ira magno per caerula saltu  
Corbulo transgressus (nam textam robore turrim  
appulerant nexae ferri compage triremes)  
euadit tabulata super flammaque comantem  
multifida pinum celso de culmine quassat. 420  
inde atros alacer pastosque bitumine torquet,  
amentante Noto, Poenorum aplustribus ignes.  
intrat diffusos pestis Vulcania passim  
atque implet dispersa foros: trepidatur omisso  
summis remigio, sed enim tam rebus in artis 425  
fama mali nondum tanti penetrarat ad imos.  
at rapidus feruor, per pinguis unguine taedas  
inlapsus, flammis uictricibus insonat alueo.  
qua nondum tamen intulerat uim Dardana lampas  
parcebatque uapor, saxorum grandine dirus 430  
arcebat fatumque ratis retinebat Himilco.  
hic miser, igniferam dum uentilat aere pinum,  
murali saxo per lubrica sanguine transtra  
uoluitur in fluctus Lycchaei uulnere Cydnus.  
fax nidore graui foedauit comminus auras 435  
ambusto instridens pelago. ferus inde citatum

missile adorata contorquet Sabratha puppe  
 (Hammon numen erat Libycae gentile carinae  
 cornigeraque sedens spectabat caerulea fronte):  
 ' ~~Fe~~ pater, adflctis, fer,' ~~ai~~ Gramantice uates, 440  
 rebus opem inque Italos da certa effundere tela.'  
 has inter uoces tremulo uenit agmine cornus  
 et Neptunicolae transuerberat ora Telonis.  
 Urgebant nihilo leuius iam in limine mortis,  
 quos fuga praecipitis partem glomerarat in unam 445  
 puppis, adhuc uacuam taedae. sed, proxima cursu  
 fulmineo populatus, ineuitabilis ardor  
 correptam flammis inuoluit ouantibus alnum.  
 primus, ope aequorei funis delapsus in undas,  
 qua nondum Stygios glomerabat Mulciber aestus, 450  
 ambustus socium remis aufertur Himilco.  
 proxima nudarunt miserandi fata Batonis  
 desertam ductore ratem. bonus ille per artem  
 crudo luctari pelago atque exire procellas.  
 idem, quid Boreas, quid uellet crastinus Auster, 455  
 anteibat, nec peruigilem tu fallere uultum  
 obscuro quamuis cursu, Cynosura, ualeres.  
 is, postquam aduersis nullus modus, ' ~~Ac~~ipe nostrum,  
 Hammon, sanguinem,' ~~ia~~ spectator cladis iniquae.'  
 atque, acto in pectus gladio, dextra inde cruorem 460  
 excipit et large sacra inter cornua fundit.  
 Hos inter Daphnis, deductum ab origine nomen  
 antiqua, fuit infelix, cui linqere saltus  
 et mutare casas infido marmore uisum.  
 at princeps generis quanto maiora parauit 465  
 intra pastorem sibi nomina! Daphnin amarunt  
 Sicelides Musae, dexter donauit auena  
 Phoebus Castalia et iussit, proiectus in herba  
 si quando caneret, laetos per prata, per arua  
 ad Daphnin properare greges riuosque silere. 470  
 ille ubi septena modulatus harundine carmen  
 mulcebat siluas, non umquam tempore eodem  
 Siren adsuetos effudit in aequore cantus,  
 Scyllaei tacuere canes, stetit atra Charybdis,  
 et laetus scopulis audiuit iubila Cyclops. 475  
 progeniem hauserunt et nomen amabile flammae.  
 Innatat ecce super transtris fumantibus asper  
 Ornytos ac longam sibimet facit aequore mortem,  
 qualis Oiliades, fulmen iaculante Minerua,  
 surgentis domuit fluctus ardentibus ulnis. 480  
 transigitur ualida medius, dum se adleuat, alni  
 cuspidi Marmarides Sciron. pars subnatat unda  
 membrorum, pars extat aquis totumque per aequor  
 portatur, rigido, miserandum, immortua rostro.  
 accelerant puppes utrimque atque ora ruentum 485

sanguinei feriunt remorum aspergine rores.  
ipse adeo senis ductor Rhoeteius ibat  
pulsibus et ualido superabat remige uentos.  
quam rapidis puppem manibus frenare Lilaus  
dum temptat, saeua truncatur membra bipenni, 490  
ac fert haerentis trabibus ratis incita palmas.

Sicania Aeoliden portabant transtra Podaetum.  
hic, aeuo quamquam nondum excessisset ephebos,  
nec sat maturus laudum, seu feruida corda  
seu laeui traxere dei, bellique cupido, 495  
arma puer niueis aptarat picta lacertis  
et freta gaudebat celsa turbare Chimaera.  
iamque super Rutula, super et Garamantide pinu  
ibat ouans, melior remo meliorque sagitta,  
et iam turrigerum demerserat aequore Nessum. 500  
heu puero malesuada rudi noua gloria pugnae!  
dum cristam galeae trucis exuuiasque precatur  
de duce Marcello superos temerarius, hasta  
excepit raptim uulnus letale remissa,  
pro qualis! seu splendentem sub sidera nisu 505  
exigeret discum, iaculo seu nubila supra  
surgeret, aligeras ferret seu puluere plantas  
uix tacto, uel dimens<i> spatia improba campi  
transiret uelox saltu, decuere labores.  
sat prorsus, sat erat decoris discrimine tuto, 510  
sat laudis. cur facta, puer, maiora petebas?  
illum, ubi labentem pepulerunt tela sub undas,  
ossa Syracosio fraudatum naufraga busto,  
fleuerunt freta, fleuerunt Cyclopia saxa  
et Cyane et Anapus et Ortygie Arethusa. 515

Parte alia Perseus (puppem hanc Tiberinus agebat)  
quaue uehebatur Crantor Sidonius Io  
concurrunt. iniecta ligant hinc uincla ferri  
atque illinc, steteruntque rates ad proelia nexae.  
nec iaculo aut longe certatur harundine fusa: 520  
comminus et gladio terrestria proelia miscent.  
perrumpunt Itali, qua caedes prima reclusit  
monstrauitque uiam; uasta sed mole catenas  
hortatur socios et uincla abrumpere ferri  
ac parat hostili resoluta puppe receptos 525  
auehere et paribus pelago diducere ab armis--  
Aetnaeo Polyphemus erat nutritus in antro  
atque inde antiquae nomen feritatis amabat.  
ubera praebuerat paruo lupa, corporis alti  
terribilis moles, mens aspera, uultus in ira 530  
semper et ad caedes Cyclopia corde libido.  
isque relaxatis membrorum pondere uinclis  
impulerat puppim et mergebat gurgite tonsas  
duxissetque ratem, pressa Laronius hasta

ni propere duro nitentem exurgere uelox 535  
 adfixet transtro. uix morte incepta remittit:  
 namque manus seruat dum suetos languida ductus,  
 ignauum summo traxit super aequore remum.

Perculsi cuneo Poeni densentur in unum,  
 quod caret hoste, latus, subito cum pondere uictus, 540  
 insiliente mari, summergitur alueus undis.  
 scuta uirum cristaeque et inertis spicula ferro  
 tutelaeque deum fluitant. hic robore fracto  
 pugnat inops chalybis seseque in proelia rursus  
 armat naufragio, remis male feruidus ille 545  
 festinat spoliare ratem, discrimine nullo  
 nautarum interdum conuulsa sedilia torquens.  
 non plectro ratis aut frangendae in uulnera prorae  
 parcutitur, et pelago repetuntur nantia tela.  
 uulneribus patulis intrat mare. mox sua ponto 550  
 singultante anima propulsa refunditur unda.  
 nec desunt, qui correptos complexibus artis  
 immergant pelago et, iaculis cessantibus, hostem  
 morte sua perimant. remeantum gurgite mentes  
 crudescunt, ac pro ferro stat fluctibus uti. 555  
 haurit sanguineus contorta cadauera uertex.  
 hinc clamor, gemitus illinc mortesque fugaeque  
 remorumque fragor flictuque sonantia rostra.  
 perfusum bello feruet mare. fessus acerbis  
 terga fuga celeri Libyae conuertit ad oras 560  
 exigua sese furatus Himilco carina.

Concessere mari tandem Graiusque Libysque,  
 et iam captiuae uinclis ad litora longo  
 ordine ducuntur puppes. flagrantibus alto  
 stant aliae taedis. splendet lucente profundo 565  
 Mulciber, et tremula uibratur imagine pontus.  
 ardet nota fretis Cyane pennataque Siren,  
 ardet et Europe, niuei sub imagine tauri  
 uecta Ioue ac presso tramittens aequora cornu,  
 et quae fusa comas curuum per caerula piscem 570  
 Nereis umentis moderatur roscida freno.  
 uritur undiuagus Python et corniger Hammon  
 et, quae Sidonios uultus portabat Elissae,  
 bis ternis ratis ordinibus grassata per undas.  
 at uinclis trahitur cognata in litora Anapus 575  
 Gorgoneasque ferens ad sidera Pegasus alas.  
 ducitur et Libyae puppis signata figuram  
 et Triton captiuus et ardua rupibus Aetne,  
 spirantis rogos Enceladi, Cadmeaque Sidon.

Nec mora tum trepidos hac clade inrumpere muros 580  
 signaque ferre deum templis iam iamque fuisset,  
 ni subito importuna lues inimicaque pestis,  
 inuidia diuum pelagique labore parata,

polluto miseris rapuisset gaudia caelo.  
 criniger aestiferis Titan feruoribus auras           585  
 et patulam Cyanen lateque palustribus undis  
 stagnantem Stygio Cocyti oppleuit odore  
 temporaque autumnis laetis florentia donis  
 foedauit rapidoque accendit fulminis igni.  
 fumabat crassus nebulis caliginis aer,           590  
 squalebat tellus uitato feruida dorso  
 nec uictum dabat aut ullas languentibus umbras,  
 atque ater picea uapor expirabat in aethra.  
 uim primi sensere canes. mox nubibus atris  
 fluxit deficiens penna labente uolucris.           595  
 inde ferae siluis sterni. tum serpere labes  
 Tartarea atque haustis populari castra manipulis.  
 arebat lingua, et gelidus per uiscera sudor  
 corpore manabat tremulo. descendere fauces  
 abnuerant siccae iussorum alimenta ciborum.           600  
 aspera pulmonem tussis quatit, et per anhela  
 igneus efflatur sitientum spiritus ora.  
 lumina ferre grauem uix sufficientia lucem  
 unca nare iacent, saniesque immixta cruore  
 expuitur, membrisque cutis tegit ossa peresis.           605  
 heu dolor! insignis notis bellator in armis  
 ignauo rapitur leto. iactantur in ignem  
 dona superba uirum, multo Mauorte parata.  
 succubuit medicina malis. cumulantur aceruo  
 labentem et magno cineres sese aggere tollunt.           610  
 passim etiam deserta iacent inhumataque late  
 corpora, pestiferos tetigisse timentibus artus.  
 serpit pascendo crescens Acherusia pestis  
 nec leuiore quatit Trinacria moenia luctu  
 Poenorumque parem castris fert atra laborem.           615  
 aequato par exitio et communis ubique  
 ira deum atque eadem leti uersatur imago.  
 Nulla tamen Latios fregit uis dura malorum,  
 incolumi ductore, uiros, clademque rependit  
 unum inter strages tutum caput. ut grauis ergo           620  
 primum letiferos repressit Sirius aestus,  
 et minuere auidae mortis contagia pestes,  
 ceu, sidente Noto cum se maria alta reponunt,  
 propulsa inuadit piscator caerulea cumba,  
 sic tandem ereptam morbis grassantibus armat           625  
 Marcellus pubem, lustratis rite manipulis.  
 circumstant alacres signa auditisque tubarum  
 respirant laeti clangoribus. itur in hostem,  
 et, si fata ferant, iuuat inter proelia ferro  
 posse mori. socium miseret, qui sorte pudenda           630  
 in morem pecudum effudere cubilibus atris  
 inlaudatam animam. tumulos inhonoraque busta

respiciunt, et uel nullo iacuisse sepulcro  
 quam debellari morbis placet. ardua primus  
 ad muros dux signa rapit. tenuata iacendo 635  
 et macie in galeis abscondunt ora, malusque,  
 ne sit spes hosti, uelatur casside pallor.  
 infundunt rapidum conuulsis moenibus agmen  
 condensique ruunt: tot bellis inuia tecta  
 tot<que> uno introitu capiuntur militis arces. 640  
 Totum, qua uehitur Titan, non ulla per orbem  
 tum sese Isthmiacis aequassent oppida tectis.  
 tot delubra deum totque intra moenia portus,  
 adde fora et celsis suggesta theatra columnis  
 certantisque mari moles, adde ordine longo 645  
 innumeras spatioque domos aequare superbas  
 rura. quid, inclusos porrecto limite longis  
 porticibus sacros iuuenum certamine lucos?  
 quid tot captiuis fulgentia culmina rostris  
 armaque fixa deis, aut quae Marathonius hostis 650  
 perdidit aut Libya quae sunt aduecta subacta?  
 hic Agathocleis sedes ornata tropaeis,  
 hic mites Hieronis opes; hic sancta uetustas  
 artificum manibus. non usquam clarior illo  
 gloria picturae saeclo; non aera iuuabat 655  
 ~quem scire Ephyren; fuluo certauerit auro  
 uestis spirantis referens subtemine uultus--  
 quae radio caelat Babylon uel murice picto  
 laeta Tyros, quaeque Attalicis uariata per artem  
 aulacis scribuntur acu aut Memphitide tela. 660  
 iam simul argento fulgentia pocula, mixta  
 quis gemma quaesitus honos, simulacra deorum  
 numen ab arte datum seruantia; munera Rubri  
 praeterea ponti depexaque uellera ramis,  
 femineus pudor. His tectis opibusque potitus 665  
 Ausonius ductor, postquam sublimis ab alto  
 aggere despexit trepidam clangoribus urbem,  
 inque suo positum nutu, stent moenia regum  
 an nullos oriens uideat lux crastina muros,  
 ingemuit nimio iuris tantumque licere 670  
 horruit et propere reuocata militis ira  
 iussit stare domos, indulgens templa uetustis  
 incolere atque habitare deis. sic parcere uictis  
 pro praeda fuit, et sese contenta nec ullo  
 sanguine pollutis plausit Victoria pennis. 675  
 tu quoque ductoris lacrimas, memorande, tulisti,  
 defensor patriae, meditantem in puluere formas  
 nec turbatum animi tanta feriente ruina.  
 ast relicum uulguis resoluta in gaudia mente  
 certarunt uicti uictoribus. aemulus ipse 680  
 ingenii superum seruando condidit urbem.

ergo extat saeculis stabitque insigne tropaeum  
et dabit antiquos ductorum noscere mores.

Felices populi, si, quondam ut bella solebant,  
nunc quoque inexhaustas pax nostra relinqueret urbes!  
at, ni cura uiri qui nunc dedit otia mundo  
effrenum arceret populandi cuncta furorem,  
nudassent auidae terrasque fretumque rapinae.

685

## Liber XV

At noua Romuleum carpebat cura senatum,  
quis trepidas gentes Martemque subiret Hiberum  
atritis rebus. geminus iacet hoste superbo  
Scipio, belligeri, Mauortia pectora, fratres.  
hinc metus, in Tyrias ne iam Tartessia leges  
concedat tellus propioraque bella pauescat.  
anxia turba patrum quasso medicamina maesti  
imperio circumspectant diuosque precantur  
qui laceris ausit ductor succedere castris.  
Absterret iuuenem patrios patriumque piare  
optantem manes tristi conterrita luctu  
et reputans annos cognato sanguine turba.  
si gentem petat infaustam, inter busta suorum  
decertandum hosti, qui fregerit arma duorum,  
qui consulta, ducum ac flagret meliore Gradiuo.  
nec promptum teneris immania bella lacertis  
moliri regimenque rudi deoscere in aeuo.  
Has lauri residens iuuenis uiridante sub umbra  
aedibus extremis uoluebat pectore curas,  
cum subito adsistunt dextra laeuaque per auras  
allapsae, haud paulum mortali maior imago,  
hinc Virtus, illinc uirtuti inimica Voluptas.  
altera Achaemenium spirabat uertice odorem  
ambrosias diffusa comas et ueste refulgens  
ostrum qua fuluo Tyrium suffuderat auro;  
fronte decor quaesitus acu, lasciuaque crebras  
ancipiti motu iaciebant lumina flammis.  
alterius dispar habitus: frons hirta nec umquam  
composita mutata coma, stans uultus, et ore  
incessuque uiro propior laetique pudoris  
celsa umeros niueae fulgebat stamine pallae.  
Occupat inde prior promissis fisa Voluptas:  
"quis furor hic, non digne puer, consumere bello  
florem aeui? Canaene tibi grauiorque palude  
Maeonius Stygia lacus excessere Padusque?  
quem tandem ad finem bellando fata lacesces?  
tunc etiam temptare paras Atlantica regna  
Sidoniasque domos? moneo, certare periculis  
desine et armisonae caput obiectare procellae.  
ni fugis hos ritus, Virtus te saeua iubebit  
per medias uolitare acies mediosque per ignes.  
haec patrem patruumque tuos, haec prodiga Paulum,  
haec Decios Stygias Erebi detrusit ad undas  
dum cineri titulum memorandaque nomina bustis



praetendit nec sensurae, quod gesserit, umbrae.  
at si me comitere, puer, non limite duro  
iam tibi decurrat concessi temporis aetas.  
haud umquam trepidos abrumpet bucina somnos,  
non glaciem Arctoam, non experiere furentis  
ardorem Cancris nec mensas saepe cruento  
gramine compositas. aberunt sitis aspera et haustus  
sub galea puluis plenique timore labores.  
sed current albusque dies horaeque serena,  
et molli dabitur uictu sperare senectam.  
quantas ipse deus laetos generauit in usus  
res homini plenaque dedit bona gaudia dextra!  
atque idem, exemplar lenis mortalibus aevi,  
imperturbata placidus tenet otia mente.  
illa ego sum, Anchisae Venerem Simoentis ad undas  
quae iunxi, generis uobis unde editus auctor.  
illa ego sum, uerti superum quae saepe parentem  
nunc auis in formam, nunc torui in cornua tauri.  
huc aduerte aures. currit mortalibus aeuum,  
nec nasci bis posse datur. fugit hora, rapitque  
Tartareus torrens ac secum ferre sub umbras,  
si qua animo placuere, negat. quis luce suprema  
dimisisse meas sero non ingemit horas?"  
Postquam conticuit finisque est addita dictis,  
tum Virtus "quasnam iuuenem florentibus" inquit  
"pellicis in fraudes annis uitaeque tenebras,  
cui ratio et magnae caelestia semina mentis  
munere sunt concessa deum? mortalibus alti  
quantum caelicolae, tantundem animalibus isti  
praecellunt cunctis. tribuit namque ipsa minores  
hos terris Natura deos; sed foedere certo  
degeneres tenebris animas damnauit Auernis.  
at quis aetherii seruatur seminis ortus,  
caeli porta patet. referam quid cuncta domantem  
Amphitryoniaden? quid, cui, post Seras et Indos  
captiuo Liber cum signa referret ab Euro  
Caucaseae currum duxere per oppida tigres?  
quid suspiratos magno in discrimine nautis  
Ledaeos referam fratres uestrumque Quirinum?  
nonne uides, hominum ut celsos ad sidera uultus  
sustulerit deus ac sublimia finxerit ora  
cum pecudes uolucrumque genus formasque ferarum  
segnem atque obscenam passim strauisset in aluum?  
ad laudes genitum, capiat si munera diuum  
felix ad laudes hominum genus. huc, age, paulum  
aspice (nec longe repetam), modo Roma minanti  
impar Fidenae contentaque crescere asylo  
quo sese extulerit dextris; idem aspice, late  
florentes quondam luxus quas uerterit urbes.

quippe nec ira deum tantum nec tela nec hostes,  
quantum sola noces animis illapsa, Voluptas.  
Ebrietas tibi foeda comes, tibi Luxus et atris  
circa te semper uolitans Infamia pennis;  
mecum Honor ac Laudes et laeto Gloria uultu  
et Decus ac niueis Victoria concolor alis.  
me cinctus lauro producit ad astra Triumphus.  
casta mihi domus et celso stant colle penates;  
ardua saxoso perducit semita cliuo.  
asper principio (neque enim mihi fallere mos est)  
prosequitur labor. annitendum intrare uolenti,  
nec bona censendum, quae Fors infida dedisse  
atque eadem rapuisse ualet. mox celsus ab alto  
infra te cernes hominum genus. omnia contra  
experienda manent, quam spondet blanda Voluptas.  
stramine proiectus duro patiere sub astris  
insomnes noctes frigusque famemque domabis.  
idem iustitiae cultor, quaecumque capesses,  
testes factorum stare arbitrare diuos.  
tunc, quotiens patriae rerumque pericula poscent,  
arma feres primus, primus te in moenia tolles  
hostica nec ferro mentem uincere nec auro.  
hinc tibi non Tyrio uitiatas murice uestes  
nec donum deforme uiro fragrantis amomi,  
sed dabo, qui uestrum saeuo nunc Marte fatigat  
imperium, superare manu laurumque superbam  
in gremio Iouis excisis deponere Poenis."  
Quae postquam cecinit sacrato pectore Virtus,  
exemplis laetum uultuque audita probantem  
conuertit iuuenem. sed enim indignata Voluptas  
non tenuit uoces. "nil uos iam demoror ultra"  
exclamat; "uenient, uenient mea tempora quondam,  
cum docilis nostris magno certamine Roma  
seruiet imperiis et honos mihi habebitur uni."  
sic quassans caput in nubes se sustulit atras.  
At iuuenis plenus monitis ingentia corde  
molitur iussaeque calet uirtutis amore.  
ardua rostra petit nullo fera bella uolente  
et graui ancipitis deposcit munera Martis.  
arrecti cunctorum animi. pars lumina patris,  
pars credunt toruos patrum reuiescere uultus.  
sed quamquam instinctis tacitus tamen aegra pericli  
pectora subrepat terror, molemque pauentes  
expendunt belli, et numerat fauor anxius annos.  
Dumque ea confuso percenset murmure uulgi,  
ecce per obliquum caeli squalentibus auro  
effulgens maculis ferri inter nubila uisus  
anguis et ardenti radiare per aera sulco  
quaque ad caeliferi tendit plaga litus Atlantis,

perlabi resonante polo. bis terque coruscum  
addidit augurio fulmen pater, et uaga late  
per subitum moto strepuere tonitrua mundo.  
tum uero capere arma iubent genibusque saluant  
summissi augurium: hac iret, qua ducere diuos  
perspicuum et patrio monstraret semita signo.  
Certatim comites rerum bellique ministros  
agglomerant sese atque acres sociare labores  
exposcunt, laudumque loco est isdem esse sub armis.  
tum noua caeruleum descendit classis in aequor.  
it comes Ausonia atque in terras transit Hiberas,  
ut, cum saeua fretis immisit proelia, Corus  
Isthmon curuata sublime superiacit unda  
et spumante ruens per saxa gementia fluctu  
Ionium Aegaeo miscet mare. celsus in arma  
emicat ac prima stans Scipio puppe profatur:  
"diue tridentipotens, cuius maria ire per alta  
ordimur, si iusta paro, decurrere classi  
da, pater, ac nostros ne sperne iuuare labores.  
per pontum pia bella ueho." leuis inde secunda  
aspirans aura propellit carbasa flatu.  
iamque agiles, Tyrrhena sonant qua caerulea, puppes  
Ausonium euasere latus Ligurumque citatis  
litora tramittunt proris. hinc gurgite ab alto  
tellurem procul irrumpentem in sidera cernunt,  
aerias Alpes. occurrunt moenia Graiis  
condita Massiliae. populis haec cincta superbis,  
barbarus immani cum territet accola ritu,  
antiquae morem patriae cultumque habitumque  
Phocais armiferas inter tenet hospita gentes.  
hinc legit Ausonius sinuatos gurgite ductor  
anfractus pelagi. nemoroso uertice celsus  
apparet collis, fugiuntque in nubila siluae  
Pyrenes, tunc Emporiae ueteresque per ortus  
Graiorum uulgi, tunc hospita Tarraco Baccho.  
considunt portu. securae gurgite clauso  
stant puppes, positusque labor terrorque profundi.  
Nox similes morti dederat placidissima somnos.  
uisa uiro stare effigies ante ora parentis  
atque hac aspectu turbatum uoce monere:  
"nate, salus quondam genitoris, nate, parentis  
et post fata decus, bellorum dira creatrix  
euastanda tibi tellus, et caede superbi  
ductores Libyae cauta uirtute domandi,  
qui sua nunc trinis diducunt agmina castris.  
si conferre manum libeat coeantque uocatae  
hinc atque hinc acies, ualeat quis ferre ruentes  
tergemina cum mole uiros? absiste labore  
ancipiti, sed nec segnis potiora capesse.

urbs colitur Teucro quondam fundata uetusto,  
nomine Carthago. Tyrius tenet incola muros.  
ut Libyae sua, sic terris memorabile Hiberis  
haec caput est. non ulla opibus certauerit auri,  
non portu celsoue situ, non dotibus arui  
uberis aut agili fabricanda ad tela uigore.  
inuade auersis, nate, hanc ductoribus urbem.  
nulla acies famae tantum praedaeue pararit."  
Talia monstrabat genitor propiusque monebat,  
cum iuuenem sopor et dilapsa reliquit imago.  
surgit et infernis habitantia numina lucis  
ac supplex patrios compellat nomine manes:  
"este duces bello et monstratam ducite ad urbem!  
uobis ultor ego et Sarrano murice fulgens  
inferias mittam fuis insignis Hiberis  
et tumulis addam sacros certamine ludos."  
praegreditur celeratque uias et corripit agmen  
pernici rapidum cursu camposque fatigat.  
sic, ubi prosiluit Pisaeo carcere praeceps,  
non solum ante alios, sed enim, mirabile dictu,  
ante suos it uictor equus, currumque per auras  
haud ulli durant uisus aequare uolantem.  
Iamque Hyperionia lux septima lampade surgens  
sensim attollebat propius subeuntibus arces  
urbis et admoto crescebant culmina gressu.  
at pelago uectus seruata Laelius hora,  
quam dederat ductor subigendae ad moenia classi,  
a tergo affusis cingebat tecta carinis.  
Carthago impenso naturae adiuta fauore  
excelsos tollit pelago circumflua muros.  
artatas ponti fauces modica insula claudit,  
qua Titan ortu terras aspergit Eoo.  
at qua prospectat Phoebi iuga sera cadentis,  
pigram in planitiem stagnantes egerit undas,  
quas auget ueniens refluusque reciprocatur aestus.  
sed gelidas a fronte sedet sublimis ad Arctos  
urbs imposta iugo pronumque excurrit in aequor  
et tuta alterno defendit moenia fluctu.  
Audax, ceu plano gradiens uictricia campo  
ferret signa, iugum certabat scandere miles.  
Aris, ductor erat qui contra, amplexus in artis  
auxilium atque excelsa loci, praesaepserat arcem.  
pugnabat natura soli, paruoque superne  
bellantum nisu passim per prona uoluti  
truncato instabiles fundebant corpore uitam.  
uerum ubi concessit pelagi reuolubilis unda  
et fluctus rapido fugiebat in aequora lapsu,  
quaque modo excelsae sulcarant caerulea puppes,  
hac impune dabat Nereus transcurrere planta,

hinc tacite nitens informidatus adire  
ductor Dardanius subitam trahit aequore pubem  
perque undas muris pedes aduolat. inde citati  
a tergo accelerant, qua fisis fluctibus Aris  
incustoditam sine milite liquerat urbem.  
tum prostratus humi, miserandum, uicta catenis  
Poenus colla dedit populumque addixit inermem.  
hanc oriens uidit Titan, cum surgeret, urbem  
uallari castris captamque aspexit eandem  
ocius Hesperio quam gurgite tingeret axem.  
Aurora ingrediens terris exegerat umbras  
principio statuunt aras. cadit ardua taurus  
uictima Neptuno pariter pariterque Tonanti.  
tum merita aequantur donis, ac praemia uirtus  
sanguine parta capit. phaleris hic pectora fulget,  
hic torque aurato circumdat bellica colla,  
ille nitet celsus muralis honore coronae.  
Laelius ante omnes, cui dextera clara domusque,  
ter dena boue et aequorei certaminis alto  
donatur titulo Poenique recentibus armis  
reitoris. tunc hasta uiris, tunc Martia cuique  
uexilla, ut meritum, et praedae libamina dantur.  
Postquam perfectae laudes hominumque deumque,  
captiuae spectantur opes digestaque praeda:  
hoc aurum patribus, bello haec Martique talenta,  
hoc regum donis, diuum hoc ante omnia templis,  
cetera bellantum dextrae pulchroque labori.  
quin etiam accitus populi regnator Hiberi,  
cui sponsa et sponsae defixus in ossibus ardor.  
hanc notam formae concessit laetus ouansque  
indelibata gaudenti uirgine donum.  
tum uacui curis uicino litore mensas  
instituunt festoque agitant conuiuia ludo.  
Laelius effatur: "macte, o uenerande, pudici,  
ductor, macte animi. cedat tibi gloria lausque  
magnorum heroum celebrataque carmine uirtus.  
mille Mycenaee qui traxit in aequora proras  
reitor, et Inachiis qui Thessala miscuit arma,  
femineo socium uiolarunt foedus amore,  
nullaque tum Phrygio steterunt tentoria campo,  
captiuus non plena toris; tibi barbara soli  
sanctius Iliaca seruata est Phoebade uirgo."  
haec atque his paria alterno sermone serebant,  
donec Nox atro circumdata corpus amictu  
nigrantes inuexit equos suasitque quietem.  
Emathio interea tellus Aetola tumultu  
feruebat Macetum subitis perculsa carinis.  
proximus hinc hosti dextras iungebat Acarnan.  
causa noui motus Poenis regique Philipppo

in bellum Ausonium sociatae foedere uires.  
hic gente egregius ueterisque ab origine regni  
Aeacidum sceptris proauoque tumebat Achille.  
ille et nocturnis conterruit Oricon armis  
quaque per Illyricum Taulantius incola litus  
exiguos habitat non ullo nomine muros,  
turbidus incessit telis, ille aequore uectus  
nunc et Phaeacum Thesprotiaque arua lacesens  
Epirum cassis lustrabat futilis ausis,  
nunc et Anactoria signa ostentauit in ora  
Ambraciosque sinus Olpaeaque litora bello  
perfudit rapido. pepulit uada feruida remis  
Leucatae et Phoebi uidit citus Actia templa.  
nec portus Ithacae, Laertia regna, Samenque  
liquit inaccessam fluctuque sonantia cano  
saxa Cephallenum et scopulosis Neriton aruis.  
ille etiam Pelopis sedes et Achaica adire  
moenia praegaudens tristem Calydonia Dianae  
Oeneasque domos, Curetica tecta, subibat  
promittens contra Hesperiam sua proelia Grais  
tum lustrata Ephyre Patraeque et regia Pleuron  
Parnasusque biceps Phoeboque loquentia saxa.  
ac saepe ad patrios bello reuocante penates,  
cum modo Sarmaticus regna infestaret Orestis,  
aspera nunc Dolopum uis exundasset in agros,  
incepto tamen haud facilis desistere uano  
belli per Graias umbram circumtulit oras,  
donec nunc pelago, nunc terra exutus omisit  
spem positam in Tyriis et supplex foedera sanxi.  
Dardana nec legem regno accepisse refugit.  
Tunc et Tyndarei Latias fortuna Tarenti  
auxit opes laudemque simul. nam perfida tandem  
urbs Fabio deuicta seni, postremus in armis  
ductoris titulus cauti. sollertia tutum  
tum quoque adepta decus captis sine sanguine muris.  
namque ut compertum, qui Punica signa regebat  
feminea exuri flamma, tacitusque quietae  
exin uirtuti placuit dolus, ire sorori  
(nam castris erat in Rutulis) germanus amatae  
cogitur et magnis muliebria uincere corda  
pollicitis, si reclusas tramittere portas  
concedat Libycus rector, uotique potitus  
euicto Fabius Poeno circumdata telis  
incustodita penetrauit moenia nocte.  
Sed quisnam auersos Phoebum tunc iungere ab urbe  
Romulea dubitaret equos, qui tempore eodem  
Marcellum acciperet letum oppetiisse sub armis?  
moles illa uiri calidoque habitata Gradiuo  
pectora et haud ullis umquam tremefacta periclis,

heu quantum Hannibalem clara factura ruina,  
procubuere. iacet campis Carthaginis horror  
forsan Scipiadae confecti nomina belli  
rapturus, si quis paulum deus adderet aeuo.  
Collis Agenoreum dirimebat ab aggere uallum  
Ausonio (Dauni Mauors consederat aruis).  
curarum comes et summi Crispinus honoris  
Marcello socius communia bella ciebat.  
ad quem Marcellus: "gestit lustrare propinquas  
mens siluas medioque uiros imponere monti,  
ne Libys occultis tumulum prior occupet ausis.  
si cordi est, te participem, Crispine, laboris  
esse uelim. numquam desunt consulta duobus."  
haec ubi sedere, ardentem attollere sese  
iam dudum certant in equos. Marcellus, ut arma  
aptantem natum aspexit laetumque tumultu  
"uincis" ait "nostros mirando ardore uigores.  
sit praematurus felix labor. urbe Sicana  
qualem te uidi, nondum permetteret aetas  
cum tibi bella, meo tractantem proelia uultu!  
huc, decus, huc, nostrum, lateri te iunge paterno  
et me disce nouum Martem temptare magistro."  
tum pueri colla amplectens sic pauca precatur:  
"summe deum, Libyco faxis de praeside nunc his,  
his umeris tibi opima feram." nec plura, sereno  
sanguineos fudit cum Iuppiter aethere rores  
atque atris arma aspersit non prospera guttis.  
uixdum finitis intrarant uocibus artas  
letiferi collis fauces, cum turba uolucris  
inuadunt Nomades iaculis nimboque feruntur  
aetherio similes caeca fundente latebra  
armatos in bella globos. circumdata postquam  
nil restare uidet uirtus, quod debeat ultra  
iam superis, magnum secum portare sub umbras  
nomen mortis auet. tortae nunc eminus hastae  
altius insurgit, nunc saeuit comminus ense.  
forsan et enasset rapidi freta saeua pericli,  
ni telum aduersos nati uenisset in artus.  
tum patriae tremuere manus, laxataque luctu  
fluxerunt rigidis arma infelicia palmis.  
obuia nudatum tramittit lancea pectus,  
labensque impresso signauit gramina mento.  
At postquam Tyrius saeua inter proelia ductor  
infixum aduerso uidit sub pectore telum,  
immane exclamat: "Latias, Carthago, timere  
desine iam leges. iacet exitiabile nomen,  
Ausonii columen regni. sed dextera nostrae  
tam similis non obscuras mittatur ad umbras.  
magnanima inuidia uirtus caret." alta sepulcri

protinus exstruitur caeloque educitur ara.  
conuectant siluis ingentia robora. credas  
Sidonium cecidisse ducem. tum tura dapesque  
et fasces clipeusque uiri, pompa ultima, fertur.  
ipse facem subdens "laus" inquit "parta perennis.  
Marcellum abstulimus Latio. deponere forsans  
gens Italum tandem arma uelit. uos ite superbae  
exsequias animae et cinerem donate supremi  
muneris officio; numquam hoc tibi, Roma, negabo."  
alterius par atque eadem fortuna laborum  
consulis: exanimum sonipes ad signa reuexit.  
Talia in Ausonia. sed non et talis Hiberis  
armorum euentus campis. Carthaginis omnes  
per subitum raptae pernix uictoria late  
terruebat gentes. ducibus spes una salutis,  
si socias iungant uires. ingentibus orsum  
auspiciis iuuenem, ceu patria gestet in armis  
fulmina, sublimi uallatam uertice montis  
et scopulis urbem, cumulatam strage uirorum  
non toto rapuisse die, qua Martius ille  
Hannibal in terra consumpto uerterit anno  
nec pube aequandam nec opum ubertate Saguntum.  
Proximus applicito saxosis aggere siluis  
tendebat fratris spirans ingentia facta  
Hasdrubal. hic robur mixtusque rebellibus Afris  
Cantaber, hic uolucris Mauro perniciosior Astur;  
tantaque maiestas terra rectoris Hibera,  
Hannibalis quantus Laurenti terror in ora.  
forte dies priscum Tyriis sollempnis honorem  
rettulerat, quo primum orsi Carthaginis altae  
fundamenta nouam coepere mapalibus urbem,  
et laetus repetens gentis primordia ductor  
festa coronatis agitabat gaudia signis  
pacificans diuos. fraternum laena nitebat  
demissa ex umeris donum, quam foederis arti  
Trinacrius Libyco rex inter munera pignus  
miserat, Aeoliis gestatum insigne tyrannis.  
aurata puerum rapiebat ad aethera penna  
per nubes aquila intexto librata uolatu.  
antrum ingens iuxta, quod acus simulauit in ostro,  
Cyclopi domus. hic recubans manantia tabo  
corpora letifero sorbet Polyphemus hiatu.  
circa fracta iacent excussaue morsibus ossa.  
ipse manu extenta Laertia pocula poscit  
permiscetque mero ructatos ore cruores.  
Conspicuis Siculi Tyrius subteminis arte  
gramineas pacem superum poscebat ad aras.  
ecce inter medios hostilia nuntius arma  
quadripedante inuectus equo aduentare ferebat.



turbatae mentes, imperfectusque deorum  
cessit honos. ruptis relinquunt altaria sacris.  
clauduntur uallo, tenuemque ut roscida misit  
lucem Aurora polo, rapiunt certamina Martis.  
audax Scipiadae stridentem Sabbura cornum  
excepit, geminaeque acies uelut omine motae.  
exclamat Latius ductor: "prima hostia uobis,  
sacrati manes, campo iacet. en age, miles,  
in pugnam et caedes, qualis spirantibus ire  
adsueras ducibus, talis rue." dumque ea fatur,  
incumbunt. Myconum Laenas Cirtamque Latinus  
et Thysdrum Maro et incestum Catilina Nealcen  
germanae thalamo obruncat. cadit obuius acri  
Cartalo Nasidio, Libycae regnator harenae.  
te quoque Pyrenes uidit conterrita tellus  
permixtum Poenis et uix credenda furentem,  
magnum Dardaniae, Laeli, decus, omnia felix  
cui natura dedit nullo renuente deorum.  
ille foro auditus, cum dulcia soluerat ora,  
aequabat Pyliae Neleia mella senectae,  
ille, ubi suspensi patres et curia uocem  
posceret, ut cantu ducebat corda senatus;  
idem, cum subitum campo perstrinxerat aures  
murmur triste tubae, tanto feruore ruebat  
in pugnam atque acies, ut natum ad sola liqueret  
bella. nihil uitae peragi sine laude placebat.  
tunc effurtiua tractantem proelia luce  
deiecit Galam. sacris Carthaginis illum  
supposito mater partu subduxerat olim;  
sed stant nulla diu deceptis gaudia diuis.  
tunc Alabim Maurumque Dracen demisit ad umbras,  
femineo clamore Dracen extrema rogantem.  
huius ceruicem gladio inter uerba precesque  
amputat. absciso durabant murmura collo.  
At non ductori Libyco par ardor in armis.  
frondosi collis latebras ac saxa capessit  
auiam, nec caedes extremae damna mouebant  
agminis. Italiam profugus spectabat et Alpes,  
praemia magna fugae. tacitum dat tessera signum  
dimissa in colles pugna siluasque ferantur  
dispersi et summam, quicumque euaserit, arcem  
Pyrenes culmenque petat. tum primus honore  
armorum exuto et parma celatus Hibera  
in montes abit atque uolens palantia linquit  
agmina. desertis Latius uictricia signa  
immittit miles castris (non urbe recepta  
plus ulla partum praedae) tenuitque moratas  
a caede, ut Libycus ductor prouiderat, iras,  
flumine ueluti deprensus gurgitis undis

auulsa parte inguinibus causaque pericli  
enatat intento praedae fiber auius hoste.  
Impiger occultis Poenus postquam abditur umbris  
saxosae fidens siluae, maiora petuntur  
rursus bella retro et superari certior hostis.  
Pyrenes tumulo clipeum cum carmine figunt:  
**HASDRVBALIS SPOLIVM GRADIVO SCIPIO VICTOR.**  
Terrore interea posito trans ardua montis  
Bebrycia populos armabat Poenus in aula  
mercandi dextras largus belloque parata  
prodigere in bellum facilis. praemissa feroces  
augebant animos argenti pondera et auri  
parta metalliferis longo discrimine terris.  
hinc noua completerunt haud tardo milite castra  
uenales animae, Rhodani qui gurgite gaudent,  
quorum serpit Arar per rura pigerrimus undae.  
iamque hieme affecta mitescere coeperat annus.  
inde iter ingrediens rapidum per Celtica rura  
miratur domitas Alpes ac peruia montis  
ardua et Herculeae quaerit uestigia plantae  
germanique uias diuinis comparat ausis.  
Vt uero uentum in culmen castrisque resedit  
Hannibalis, "quos Roma," inquit "quos altius, oro,  
attollit muros, qui post haec moenia fratri  
uicta meo stent incolumes? sit gloria dextrae  
felix tanta precor, neue usque ad sidera adisse  
inuideat laeuus nobis deus." agmine celso  
inde alacer, qua munitum decliuus ab alto  
agger monstrat iter, properatis deuolat armis.  
non tanto strepuere metu primordia belli.  
nunc geminum Hannibalem, nunc iactant bina coire  
hinc atque hinc castra et pastos per prospera bella  
sanguine ductores Italo coniungere Martem  
et duplicare acies. uenturum ad moenia cursu  
hostem praecipiti et uisurum haerentia porta  
spicula Elissaeis nuper contorta lacertis.  
His super infrendens sic secum Oenotria Tellus:  
"tantone (heu superi!) spernor contempta furore  
Sidoniae gentis, quae quondam scepra timentem  
nati Saturnum nostris considerare in oris  
et regnare dedi? decima haec iam uertitur aestas,  
ex quo proterimur. iuuenis, cui sola supersunt  
in superos bella, extremo de litore rapta  
intulit arma mihi temeratisque Alpibus ardens  
in nostros descendit agros. quot corpora texi  
caesorum stratis totiens deformis alumnis!  
nulla mihi floret bacis felicibus arbor  
immatura seges rapido succiditur ense  
culmina uillarum nostrum delapsa feruntur

in gremium foedantque suis mea regna ruinis.  
hunc etiam, uastis qui nunc sese intulit oris,  
perpetiar miseras quaerentem exurere belli  
reliquias? tum me scindat uagus Afer aratro,  
et Libys Ausoniis commendet semina sulcis  
ni cuncta, exsultant quae latis agmina campis,  
uno condiderim tumulo." dum talia uersat  
et thalamos claudit Nox atra deumque hominumque,  
tendit Amyclaei praeceps ad castra nepotis.  
is tum Lucanis cohibentem finibus arma  
Poenum uicini seruabat caespite ualli.  
hic iuuenem aggreditur Latiae telluris imago:  
"Clausorum decus atque erepto maxima Romae  
spes Nero Marcello, rumpe atque expelle quietem.  
magnum aliquid tibi, si patriae uis addere fatis,  
audendum est, quod depulso quoque moenibus hoste  
uictores fecisse tremant. fulgentibus armis  
Poenus inundauit campos, qua Sena relictum  
Gallorum a populis seruat per saecula nomen.  
ni propere alipedes rapis ad certamina turmas,  
serus deletae post auxiliabere Romae.  
surge, age, fer gressus. patulos regione Matauri  
damnaui tumulis Poenorum atque ossibus agros."  
his dictis abit atque abscedens uisa pauentem  
attrahere et fractis turmas propellere portis.  
Rumpit flammato turbatus corde soporem  
ac supplex geminas tendens ad sidera palmas  
Tellurem Noctemque et caelo sparsa precatur  
astra ducemque uiae tacito sub lumine Phoeben.  
inde legit dignas tanta ad conamina dextras,  
quaque iacet superi Larinas accola ponti,  
qua duri bello gens Marrucina fidemque  
exuere indocilis sociis Frentanus in armis,  
tum qua uitiferos domitat Praetutia pubes  
laeta laboris agros, et penna et fulmine et undis  
hibernis et Achaemenio uelocior arcu  
euolat. hortator sibi quisque "age, perge, salutem  
Ausoniae ancipites superi et, stet Roma cadatne,  
in pedibus posuere tuis" clamantque ruuntque.  
hortandi genus acer habet praecedere ductor.  
illum augent cursus annisi aequare sequendo  
atque indefessi noctemque diemque feruntur.  
At Roma aduersi tantum et mala gliscere belli  
accipiens trepidare metu nimiumque Neronem  
sperauisse queri atque uno sibi uulnere posse  
auferr restantem animam. non arma nec aurum  
nec pubem nec, quem fundat, superesse cruorem.  
scilicet Hasdrubalem inuadat, qui ad proelia soli  
Hannibali satis esse nequit? iam rursus, ubi arma

auertisse suo cognorit deuia uallo,  
haesurum portis Poenum. uenisse, superbo  
qui fratri certet, cui maxima gloria cedat  
urbis deletae. fremit amens corde sub imo  
ordo patrum ac magno interea meditatur amore  
seruandi decoris, quonam se fine minanti  
seruitio eripiat diuosque euadat iniquos.  
hos inter gemitus obscuro noctis opacae  
succedit castris Nero, quae coniuncta feroci  
Luius Hasdrubali uallo custode tenebat.  
belliger is quondam scitusque accendere Martem  
floruerat primo clarus pugnator in aeuo.  
mox falso laesus non aequi crimine uulgi  
secretis ruris tristes absconderat annos.  
sed postquam grauior moles terrorque periclo  
poscebat propiore uirum, reuocatus ad arma  
tot caesis ducibus patriae donauerat iram.  
At non Hasdrubalem fraudes latuere recentum  
armorum, quamquam tenebris nox texerat astus.  
pulueris in clipeis uestigia uisa mouebant  
et, propen signum accursus, sonipesque uirique  
substricti corpus. bis clarum, bucina, signum  
praeterea gemino prodebat iuncta magistro  
castra regi. uerum fratri si uita supersit,  
qui tandem licitum socias coniungere uires  
consulibus? sed enim solum, dum uera patescant,  
cunctandi restare dolum Martemque trahendi.  
nec consulta fugae segni formidine differt.  
Nox, somni genetrix, mortalia pectora curis  
purgarat, tenebraeque horrenda silentia alebant.  
erepit suspensa ferens uestigia castris  
et muta elabi tacito iubet agmina passu.  
illunem nacti per rura tacentia noctem  
accelerant uitantque sonos; sed percita falli  
sub tanto motu Tellus nequit. implicat actas  
caeco errore uias umbrisque fauentibus arto  
circumagit spatio sua per uestigia ductos.  
nam qua curuatas sinuosis flexibus amnis  
obliquat ripas refluoque per aspera lapsu  
in sese redit, hac casso ducente labore  
exiguum inuoluunt frustratis gressibus orbem,  
inque errore uiae tenebrarum munus ademptum.  
Lux surgit panditque fugam. ruit acer apertis  
turbo equitum portis, atque omnes ferrea late  
tempestas operit campos. nondum arma manusque  
permixtae, iam tela bibunt praemissa cruorem.  
hinc iussae Poenum fugientem sistere pennae  
Dictaeae uolitant, hinc lancea turbine nigro  
fert letum cuicumque uiro, quem prenderit ictus.

deponunt abitus curam trepidique coactas  
constituunt acies et spes ad proelia uertunt.  
Ipse inter medios (nam rerum dura uidebat)  
Sidonius ductor tergo sublimis ab alto  
quadripedantis equi tendens uocemque manusque:  
"per decora extremo uobis quaesita sub axe,  
per fratris laudes oro, uenisse probemus  
germanum Hannibalis. Latio Fortuna laborat  
aduersis documenta dare atque ostendere, quantus  
uerterit in Rutulos domitor telluris Hiberæ  
suetus ad Herculeas miles bellare columnas.  
forsitan et pugnas ueniat germanus in ipsas.  
digna uiro, digna, obtestor, spectacula pleno  
corporibus properate solo. quicumque timeri  
dux bello poterat, fratri iacet. unica nunc spes,  
e poena ac latebris infracto Liuius aeuo,  
damnatum, offertur uobis, caput. ite agite, oro,  
sternite ductorem, cum quo concurrere fratri  
sit pudor, et turpi finem donate senectæ."  
At contra Nero: "quid cessas cluisse labores  
ingentis belli? pedibus tibi gloria, miles,  
parta ingens. nunc accumula coepta ardua dextra.  
heu temere abducto liquisti robore castra,  
ni factum absoluit uictoria. praecipe laudem.  
aduentu cecidisse tuo memorabitur hostis."  
Parte alia insignis nudatis casside canis  
Liuius: "huc, iuuenes, huc me spectate ruentem  
in pugnas, quantumque meus patefecerit ensis,  
tantum intrate loci et tandem praeccludite ferro  
iam nimium patulas Poenis grassantibus Alpes.  
quod ni ueloci prosternimus agmina Marte  
et fulmen subitum Carthaginis Hannibal adsit,  
qui deus infernis quemquam nostrum eximat umbris?"  
hinc galea capite accepta dicta horrida ferro  
sancit et obtectus senium fera proelia miscet.  
illum per cuneos et per densissima campi  
corpora tot dantem leto, quot spicula torsit,  
turbati fugere Macae, fugere feroces  
Autololes Rhodanique comas intonsa iuuentus.  
Fatidicis Nabis ueniens Hammonis harenis  
improba miscebat securus proelia fati  
ceu tutante deo ac patriis spolia Itala templis  
fixurum uano tumidus promiserat ore.  
ardebat gemma Garamantide caerulea uestis,  
ut cum sparsa micant stellarum lumina caelo,  
et gemmis galeam clipeumque accenderat auro.  
casside cornigera dependens infula sacros  
prae se terrores diuumque ferebat honorem.  
arcus erat pharetraeque uiro atque incocta cerastis

spicula et armatus peragebat bella ueneno.  
necnon cornipedis tergo de more repostus  
sustentata genu per campum pondera conti  
Sarmatici prona aduersos urgebat in hostes.  
tum quoque transfixum telo per membra, per arma  
consulis ante oculos magno clamore Sabellum  
asportabat ouans et ouans Hammona canebat.  
non tulit hanc iram tantosque in corde tumores  
barbarico senior telumque intorsit et una  
praedam animamque simul uictori uictor ademit.  
Adsilit audito tristis clamore ruinae  
Hasdrubal et coeptantem Arabum raptare perempto  
gemmaferi spoliū cultus auroque rigentes  
exuuias iaculum a tergo perlibrat ad ossa.  
Iam correpta miser geminis uelamina palmis  
carpebat propere et trepidos nudauerat artus:  
concidit ac sacras uestes atque aurea fila  
reddidit exanimo spoliatum lapsus in hostem.  
at Canthus Rutilum, Canthus possessor harenae,  
qua celebre inuicti nomen posuere Philaeni,  
ditem ouium Rutilum obtruncat, cui mille sub altis  
lanigeræ balant stabulis. ipse otia molli  
exercens cura gelido nunc flumine soles  
frangebat nimios pecori, nunc laetus in herba  
tondebat niueae splendentia uellera lanae  
aut, pecus e pastu cum sese ad tecta referret,  
noscentes matres spectabat ouilibus agnos.  
occubuit clipei transfixo proditus aere  
et sero ingemuit stabulis exisse paternis.  
Acrius hoc Italum pubes incurrit et urget,  
ut torrens, ut tempestas, ut flamma corusci  
fulminis, ut Borean pontus fugit, ut caua currunt  
nubila, cum pelago caelum permiscuit Eurus.  
« proceræ stabant, Celtarum signa, cohortes,  
prima acies. hos impulsu cuneoque feroci  
laxat uis subita, et fessos errore uiarum  
nec soli faciles longique laboris anhelos  
auertit patrius genti pavor. addere tergo  
hastas Ausonius teloque instare sequaci  
nec donare fugam. cadit uno uulnere Thyrmis,  
non uno Rhodanus, profligatumque sagittæ  
lancea deturbat Morinum et iam iamque cadentem.  
cedentes urget totas largitus habenas  
Liuius acer equo et turmis abeuntibus infert  
cornipedem. tunc auersi surgentia colla  
disicit ense Mosæ. percussit pondere terram  
cum galea ex alto lapsum caput; at residentem  
turbatus rapuit sonipes in proelia truncum.  
hic Cato (nam medio uibrabat et ipse tumultu)

"si, primas" inquit "bello cum amisimus Alpes,  
hic iuueni oppositus Tyrio foret! ei mihi quanta  
cessauit Latio dextra, et quot funera Poenis  
donarunt prauis suffragia tristia campi!"  
Iamque inclinabant acies, cunctisque pauorem  
Gallorum induerat pauor, et Fortuna ruebat  
Sidonia: ad Rutulos Victoria uerterat alas.  
celsus ceu prima reflorescente iuuenta  
ibat consul ouans, maior maiorque uideri.  
ecce trahens secum canentem puluere turmam  
ductor Agenoreus subit intorquensque lacertis  
tela sonat: "cohibete fugam. cui cedimus hosti?  
nonne pudet? conuersa senex marcentibus annis  
agmina agit. nunc, quaeso, mihi nunc dextera in armis  
degenerat, nostrique piget? mihi Belus auorum  
principium, mihi cognatum Sidonia Dido  
nomen et ante omnes bello numerandus Hamilcar  
est genitor, mihi, cui cedunt montesque lacusque  
et campi atque amnes, frater. me magna secundum  
Carthago putat Hannibali, me Baetis in oris  
aequant germano passae mea proelia gentes."  
talia dum memorat medios ablatus in hostes,  
ut noua conspecti fulserunt consulis arma,  
hastam praepropero nisu iacit. illa per oras  
aerati clipei et loricae tegmina summo  
incidit haud felix umero parceque petitum  
perstrinxit corpus nec multo tincta cruore,  
uana sed optanti promisit gaudia Poeno.  
Turbati Rutuli, confusaque pectora uisu  
terrifico. tunc increpitans conamina consul:  
"femineis laesum uana inter proelia corpus  
unguibus aut palmis credas puerilibus ictum.  
ite, docete, uiri, Romanae uulnera suerint  
quanta afferre manus." tum uero effunditur ingens  
telorum uis, et densa sol uincitur umbra.  
iamque per extentos alterna strage uirorum  
corpora fusa iacent campos demersaque in undam  
iunxerunt cumulo crescente cadauera ripas,  
ut, cum uenatu saltus exercet opacos  
Dictynna et laetae praebet spectacula matri  
aut Pindi nemora excutiens aut Maenala lustrans  
(omnis Naiadum plenis comitata pharetris  
turba ruit, striduntque sagittiferi coryti),  
tum per saxa ferae perque ipsa cubilia fusae,  
per ualles fluuiosque atque antra uirentia musco  
multa strage iacent; exsultat uertice montis  
gratam perlustrans oculis Latonia praedam.  
Audito ante alios senioris uulnere rumpit  
per medios Nero saeuus iter uisaeque uirorum

aequali pugna "quid enim, quid deinde relictumst  
Italiae fati? hunc si non uincitis hostem,  
Hannibalem uincetis?" ait. ruit ocius amens  
in medios, Tyriumque ducem inter prima frementem  
agmina ut aspexit, rabidi ceu belua ponti  
per longum sterili ad pastus iactata profundo,  
cum procul in fluctu piscem male saucia uidit,  
aestuat et lustrans nantem sub gurgite praedam  
absorbet late permixtum piscibus aequor,  
non telo mora, non dictis. "haud amplius" inquit  
"elabere mihi. non hic nemora auia fallent  
Pyrenes, nec promissis frustrabere uanis,  
ut quondam terra fallax deprensus Hibera  
euasti nostram mentito foedere dextram."  
Haec Nero et intorquet iaculum, nec futilis ictus.  
nam latere extremo cuspis librata resedit.  
inuadit stricto super haec interritus ense  
collapsique premens umbone trementia membra  
"si qua sub extremo casu mandata referri  
germano uis forte tuo, portabimus" inquit.  
contra Sidonius: "leto non terreor ullo.  
utere Marte tuo, dum nostris manibus adsit  
actutum uindex. mea si suprema referre  
fratri uerba paras, mando Capitolia uictor  
exurat cinerique Iouis permisceat ossa  
et cineres nostros." cupientem annectere plura  
feruentemque ira mortis transuerberat ense  
et rapit infidum uictor caput. agmina fuso  
sternuntur duce non ultra fidentia Marti.  
Iamque diem solisque uices nox abstulit atra,  
cum uires parco uictu somnoque reducunt,  
ac nondum remeante die uictricia signa,  
qua uentum, referunt clausis formidine castris.  
tum Nero procera sublimia cuspide portans  
ora ducis caesi "Cannas pensauimus," inquit  
"Hannibal, et Trebiam et Thrasymenni litora tecum  
fraterno capite. i, duplica nunc perfida bella  
et geminas accerse acies. haec praemia restant,  
qui tua tramissis optarint Alpibus arma."  
compressit lacrimas Poenus minuitque ferendo  
constanter mala et inferias in tempore dignas  
missurum fratri clauso commurmurat ore.  
tum castris procul amotis aduersa quiete  
dissimulans dubia exclusit certamina Martis.



## Liber XVI

Bruttia maerentem casus patriaeque suosque  
Hannibalem accepit tellus. hic aggere saeptus  
in tempus posita ad renouandum bella coquebat:  
abditus ut silua, stabulis cum cessit adeptis,  
amisso taurus regno gregis auia clauso 5  
molitur saltu certamina iamque feroci  
mugitu nemora exterret perque ardua cursu  
saxa ruit, sternit siluas rupesque lacessit  
irato rabidus cornu: tremit omnis ab alto  
prospectans scopulo pastora bella parantem. 10  
sed uigor hausurus Latium, si cetera Marti  
adiumenta forent, praua obtreptante suorum  
inuidia, reuocare animos ac stare negata  
cogebatur ope et senio torpescere rerum.  
parta tamen formido manu et tot caedibus olim 15  
quaesitus terror uelut inuiolabile telis  
seruabant sacrumque caput, proque omnibus armis  
et castrorum opibus dextrisque recentibus unum  
Hannibalis sat nomen erat. tot dissona lingua  
agmina, barbarico tot discordantia ritu 20  
corda uirum mansere gradu, rebusque retusis  
fidus ductoris tenuit reuerentia mentes.

Nec uero Ausonia tantum se laetus agebat  
Dardanidis Mauors: iam terra cedit Hibera  
auriferis tandem Phoenix depulsus ab aruis, 25  
iam Mago exutus castris agitante pauore  
in Libyam propero tramisit caerulea uelo.  
ecce aliud decus haud uno contenta fauore  
nutribat Fortuna duci. nam concitus Hannon  
aduentabat, agens crepitantibus agmina caetris 30  
barbara, et indigenas serus raptabat Hiberos.  
non ars aut astus belli uel dextera deerat,  
si non Scipiadae concurreret. omnia ductor  
magna adeo Ausonius maiori mole premebat:  
ut Phoebe stellas, ut fratri<s> lumina Phoeben 35  
exuperant montisque Atlas et flumina Nilus,  
ut pater Oceanus Neptunia caerulea uincit.  
uallantem castra (obscurum nam uesper Olympo  
fundere non aequam trepidanti coeperat umbra<m>)  
adgreditur Latius rector, subitoque tumultu 40  
caeduntur passim coepti munimina ualli  
imperfecta super. contexere herbida lapsos  
pondera, et in tumuli concessit caespes honorem.

Vix uni mens digna uiro, nouisse minores

quam deceat pretiumque operis sit tradere famae. 45  
 Cantaber ingenio membrorum et mole timeri  
 uel nudus telis poterat Larus. hic fera gentis  
 more securigera miscebat proelia dextra  
 et, quamquam fundi se circum pulsa uideret  
 agmina, deleta gentilis pube cateruae 50  
 caesorum implebat solus loca: seu foret hostis  
 comminus, expleri gaudebat uulnere frontis  
 aduersae, seu laeua acies in bella uocaret,  
 obliquo telum reflexum Marte rotabat.  
 at, cum pone ferox auersi in terga ueniret 55  
 uictor, nil trepidans retro iactare bipennem  
 callebat, nulla belli non parte timendus.  
 huic ducis inuicti germanus turbine uasto  
 Scipio contorquens hastam, cudone comantis  
 disiecit crinis. namque altius acta cucurrit 60  
 cuspis et elata procul est eiecta securi.  
 at iuuenis, cui telum ingens accesserat ira,  
 barbaricam adsiliens magno clamore bipennem  
 incutit. intremuere acies, sonuitque per auras  
 pondere belligero pulsati tegminis umbo, 65  
 haud impune quidem. remeans nam dextera ab ictu  
 decisa est gladio ac dilecto immortalia telo.  
 qui postquam murus miseris ruit, agmina concors  
 auertit fuga confestim dispersa per agros.  
 nec pugnae species, sed poenae tristis imago 70  
 illa erat, hinc tantum caedentium atque inde ruentium.  
 per medios Hannon palmas post terga reuinctus  
 ecce trahebatur lucemque (heu dulcia caeli  
 lumina!) captiuus lucem inter uincla petebat.  
 cui rector Latius: 'Tanta, en, qui regna reposcant, 75  
 quis cedat toga et armiferi gens sacra Quirini.  
 seruitio si tam faciles, cur bella refertis?'  
 Haec inter celerare gradum, coniungat ut arma,  
 Hasdrubalem ignarum cladis praenuntius adfert  
 explorator eques. raptat dux obuia signa 80  
 ac, postquam optatam laetus contingere pugnam  
 uidit et ad letum magno uenientia cursu  
 agmina, suspiciens caelum ' Nil amplius' inquit  
 ' uos hodie posco, superi. protraxistis ad arma  
 quod profugos, satis est: in dextra cetera nobis 85  
 uota, uiri. rapite, ite, precor. uocat ecce furentis  
 hinc pater, hinc patruus. gemina o mihi numina belli,  
 ducite, adeste, sequor. dignas spectabitis, aut me  
 praescia mens fallit, uestro iam nomine caedes.  
 nam quis erit tandem campis telluris Hiberiae 90  
 bellandi modus? en umquam lucebit in orbe  
 ille dies, quo te armorum, Carthago, meorum  
 aspiciam sonitus admotaque bella trementem?'

Dixerat, et raucus stridenti murmure clangor  
 increpuit: tonuere feris clamoribus astra. 95  
 concurrunt, quantumque rapit uiolentia ponti  
 et Notus et Boreas et inexorabilis Auster,  
 cum mergunt plenas tumefacta sub aequora classes,  
 aut cum letiferos accendens Sirius ignis  
 torret anhelantem saeuis ardoribus orbem, 100  
 tantum acies hominumque ferox discordia ferro  
 demetit. haud ullus terrarum aequarit hiatus  
 pugnarum damna, aut strages per inhospita lustra  
 umquam tot dederit rabies horrenda ferarum.  
 iam campi uallesque madent, hebetataque tela. 105  
 et Libys occubuere et amantes Martis Hiberi.  
 stat tamen una loco perfossis debilis armis  
 luctaturque acies, qua concutit Hasdrubal hastam.  
 nec finem daret ille dies animosaque uirtus,  
 ni perlapsa uiro loricae tegmen harundo 110  
 et parco summum uiolasset uulnere corpus  
 suasissetque fugam. rapido certamina linquit  
 in latebras euctus equo noctisque per umbram  
 ad Tartessiacos tendit per litora portus.  
 Proximus in pugna ductori Marte manuque 115  
 regnator Nomadum fuerat, mox foedere longo  
 cultuque Aeneadam nomen Masinissa superbum.  
 huic fesso, quos dura fuga et nox suaserat atra,  
 carpenti somnos subitus rutilante coruscum  
 uertice fulsit apex, crispamque inuoluere uisa est 120  
 mitis flamma comam atque hirta se spargere fronte.  
 concurrunt famuli et serpentis tempora circum  
 festinant gelidis restinguere fontibus ignis;  
 at grandaeva deum praenoscens omina mater  
 ' Si sic, caelicolae, portentaque uestra secundi 125  
 condite: ' ai' dicitur capiti per saecula lumen.  
 ne uero, ne, nate, deum tam laeta pauesce  
 prodigia aut sacras metue inter tempora flammis.  
 hic tibi Dardaniae promittit foedera gentis,  
 hic tibi regna dabit regnis maiora paternis 130  
 ignis et adiunget Latiis tua nomina fatis.'  
 sic uates, iuuenisque animum tam clara mouebant  
 monstra, nec a Poenis ulli uirtutis honores,  
 Hannibal ipse etiam iam iamque modestior armis.  
 Aurora obscuri tergebat nubila caeli 135  
 uixque Atlantiadum rubefecerat ora sororum:  
 tendit in Ausonios et adhuc hostilia castra.  
 atque, ubi se uallo intulerat, ductorque benigno  
 accepit Latius uultu, rex talibus infit:  
 ' Caestum monita et sacrae responsa parentis 140  
 disque tua, o Rutulum rector, gratissima uirtus  
 auulsum Tyriis huc me duxere uolentem.

si tibi non segnes tua contra fulmina saepe  
uisi stare sumus, dignam te, nate Tonantis,  
adferimus dextram. nec nos aut uana subegit 145  
incertae mentis leuitas et mobile pectus,  
aut spes et laeti sectamur praemia Martis:  
perfidiam fugio et periuram ab origine gentem.  
tu, quando Herculeis finisti proelia metis,  
nunc ipsam belli nobiscum inuade parentem. 150  
ille tibi, qui iam gemino Laurentia lustris  
possedit regna et scalas ad moenia Romae  
admouet, in Libyam flammis ferroque trahendus.'

Sic Nomadum ductor. tunc dextra Scipio dextram  
amplexus: ' Spulchra tibi Mauorte uidetur, 155  
pulchrior est gens nostra fide. dimitte bilinguis  
ex animo socios. magna hinc te praemia clarae  
uirtutis, Masinissa, manent, citiusque uel armis  
quam gratae studio uincetur Scipio mentis.  
cetera quae Libyam portari incendia suades, 160  
expediat tempus. nec enim sunt talia rerum  
non meditata mihi, et mentem Carthago fatigat.'  
hinc iuueni dona insignem uelamine picto  
dat chlamydem stratumque ostro, quem ceperat ipse  
deiecto uictor Magone animique probarat, 165  
cornipedem, tum, qua diuum libabat ad aras  
Hasdrubal, ex auro pateram galeamque comantem.  
exin firmato sociali foedere regis  
uertendas agit iam nunc Carthaginis arces.

Massylis regnator erat ditissimus oris 170  
nec nudus uirtute Syphax, que iura petebant  
innumerae gentes extremaque litore Tethys.  
multa uiro terra ac sonipes et belua, terror  
bellorum, nec non Marti delecta iuuentus.  
nec foret, aut ebore aut solido qui uinceret auro 175  
Gaetulisue magis fucaret uellus aenis.  
has adiungere opes auidus reputansque laborem,  
si uertat rex ad Poenos, dare uela per altum  
imperat atque animo iam tum Africa bella capessit.  
uerum ubi peruentum, et portus tenuere carinae, 180  
iam trepida fugiens per proxima litora puppe  
Hasdrubal adflictis aderat noua foedera quaerens  
rebus et ad Tyrios Massylia signa trahebat.

Audito pariter populorum in regna duorum  
aduenisse duces, qui tota mole laborent 185  
disceptentque armis terrarum uter imperet orbi,  
celsus mente Syphax acciri in tecta benigne  
imperat et tanto regni se tollit honore.  
tum laetos uoluens oculos aduersa per ora,  
sic Latium adfatur iuuenem ac prior incipit ultro: 190  
' Quam te, Dardanide pulcherrime, mente serena

accipio intueorque libens! quamque ora recordor  
 laetus Scipiadae! reuocat tua forma parentem.  
 nam repeto, Herculeas Erythia ad litora Gades  
 cum studio pelagi et spectandis aestibus undae 195  
 uenisset, magnos uicina ad flumina Baetis  
 ductores miro quodam me cernere amore.  
 tum mihi dona uiri praeda delecta tulere,  
 arma simul regnoque meo tum cognita primum  
 cornipedum frena atque arcus, quis cedere nostra 200  
 nunc norunt iacula, et ueteris tribuere magistros  
 militiae, qui dispersas sine lege cateruas  
 uestro formarent ritu ad certamina Martis.  
 ast ego, cum contra, nostris quae copia regnis,  
 nunc auri ferrem, niuei nunc munera dentis, 205  
 nil ualui precibus. solos sibi cepit uterque,  
 quos cohibebat ebur uaginae sectilis, enses.  
 quare, age, laetus haue nostros intrare penatis  
 ac, mea quando adfert Libycum fortuna per undas  
 ductorem, facili, quae dicam, percipe mente. 210  
 et uos, qui Tyriae regitis Carthaginis arces,  
 Hasdrubal, huc aures, huc quaeso aduertite sensus.  
 quanta per Ausonios populos torrentibus armis  
 tempestas ruat et Latio suprema minetur,  
 utque bibant Tyrium bis quinos saeua per annos 215  
 Sicana nunc tellus, nunc litora Hibera cruorem,  
 cui nescire licet? quin ergo tristia tandem  
 considunt bella, et deponitis arma uolentes?  
 tu Libya, tu te Ausonia cohibere memento.  
 haud deformis erit uobis ad foedera uersis 220  
 pacator mediusque Syphax.' subiungere plura  
 non passus, gentis morem arbitriumque senatus  
 Scipio demonstrat, uanique absistere coepti  
 spe iubet et patres docet haec expendere solos.  
 suadendi modus hic, quodque est de parte diei 225  
 exacti super ad mensas et pocula uertunt,  
 atque, epulis postquam finis, dant corpora somno  
 et dura in noctem curarum uincula soluunt.

Iamque nouum terris pariebat limine primo  
 egrediens Aurora diem, stabulisque subibant 230  
 ad iuga solis equi, necdum ipse ascenderat axem,  
 sed prorupturis rutilabant aequora flammis:  
 exigit e stratis corpus uultuque sereno  
 Scipio contendit Massyli ad limina regis.  
 illi mos patrius fetus nutrire leonum 235  
 et catulis rabiem atque iras expellere alendo.  
 tum quoque fulua manu mulcebat colla iubasque  
 et fera tractabat ludentum interritus ora.  
 Dardanium postquam ductorem accepit adesse,  
 induitur chlamydem, regnique insigne uetusti 240

gestat laeua decus. cinguntur tempora uitta  
albente, ac lateri de more adstringitur ensis.  
hinc in tecta uocat, secretisque aedibus hospes  
sceptrafero cum rege pari sub honore residunt.

Tum prior his infit terrae pacator Hiberæ: 245

' Prima mihi, domitis Pyrenes gentibus, ire  
ad tua regna fuit properantem et maxima cura,  
o sceptri uenerande Syphax. nec me aequore saeuus  
tardauit medio pontus. non ardua regnis  
quaesumus aut inhonora tuis: coniunge Latinis 250  
unanimum pectus sociusque accede secundis.  
non tibi Massylæ gentes extentaque tellus  
Syrtybus et latis proauita potentia campis  
amplius attulerint decoris, quam Romula uirtus  
certa iuncta fide et populi Laurentis honores. 255  
cetera quid referam? non ullus scilicet ulli  
aecus caelicolum, qui Dardana laeserit arma.'

Audiuit laeto Massylus et adnuit ore  
complexusque uirum ' Firmus prospera' dixit  
' omnia, nec uotis superi concordibus absint, 260  
cornigerumque Iouem Tarpeiumque ore uocemus.'

et simul extractis caespes surrexerat aris  
uictimaque admotae stabat subiecta bipenni,  
cum subito abruptis fugiens altaria taurus  
exiuit uinclis mugituque excita late 265  
impleuit tecta et fremitu suspiria rauco  
congemnans trepida terrorem sparsit in aula.  
uittaque, maiorum decoramen, fronte sine ullo  
delapsa attactu nudauit tempora regis.  
talia caelicolae casuro tristia regno 270  
signa dabant, saeuique aderant grauia omina fati.  
hunc fractum bello regem solioque reuulsum,  
tempus erit, cum ducet agens ad templa Tonantis  
qui tunc orabat socialia foedera supplex.  
his actis repetit portum puppesque secundo 275  
dat uento et notis reddit se Scipio terris.

Concurrere auidæ gentes, uariosque subacta  
Pyrene misit populos. mens omnibus una:  
concordes regem appellant regemque salutant. 280  
scilicet hunc summum norunt uirtutis honorem.

sed, postquam miti reiecit munera uultu,  
Ausonio non digna uiro, patriosque uicissim  
edocuit ritus et Romam nomina regum  
monstrauit nescire pati, tum uersus in unam, 285  
quæ restat, curam, nullo super hoste relicto,  
et Latios simul et uulgum Baetisque Tagique  
conuocat ac medio in coetu sic deinde profatur  
' Quando ita caelicolum nobis propensa uoluntas  
adnuit, extremo Libys ut deiectus ab orbe

aut his occideret campis, aut axe relicto           290  
Hesperio patrias exul lustraret harenas:  
iam uestra tumulos terra celebrare meorum  
est animus pacemque dare exposcentibus umbris.  
mente fauete pari atque aures aduertite uestras.  
septima cum solis renouabitur orbita caelo,           295  
quique armis ferroque ualent, quique arte regendi  
quadriugos pollent currus, quis uincere planta  
spes est, et studium iaculis impellere uentos,  
adsint ac pulchrae certent de laude coronae.  
praemia digna dabo, e Tyria spolia incluta praeda,           300  
nec quisquam nostri discedet muneris expers.'  
sic donis uulgum laudumque cupidine flammat.

Iamque dies praedicta aderat, coetuque sonabat  
innumero campus, simulatasque ordine iusto  
exequias rector lacrimis ducebat obortis.           305  
omnis Hiber, omnis Latio sub nomine miles  
dona ferunt tumulisque super flagrantibus addunt.  
ipse, tenens nunc lacte, sacro nunc plena Lyaeo  
pocula, odoriferis aspergit floribus aras.  
tum manis uocat excitos laudesque uirorum           310  
cum fletu canit et ueneratur facta iacentum.

Inde refert sese circo et certamina prima  
incohat ac rapidos cursus proponit equorum.  
fluctuat aequoreo fremitu rabieque fauentum,           315  
carceribus nondum reseratis, mobile uulgus  
atque fores oculis et limina seruat equorum.  
iamque, ubi prolato sonuere repagula signo  
et toto prima emicuit uix ungula cornu,  
tollitur in caelum furiali turbine clamor,  
pronique ac similes certantibus ore secuntur           320  
quisque suos currus magnaue uolantibus idem  
uoce locuntur equis. quatitur certamine circus  
<s>pectantum, ac nulli mentem non abstulit ardor:  
instant praeceptis et equos clamore gubernant.  
fuluus, harenosa surgens tellure, sub auras           325  
erigitur globus atque operit caligine densa  
cornipedumque uias aurigarumque labores.  
hic studio furit acris equi, furit ille magistri.  
hos patriae fauor, hos accendit nobile nomen  
antiqui stabuli. sunt quos spes grata fatiget           330  
et noua ferre iugum ceruix. sunt, cruda senectus  
quos iuuat et longo sonipes spectatus in aeuo.

Euolat ante omnis rapidoque per aera curru  
Callaicus Lampon fugit atque ingentia tranat           335  
exultans spatia et uentos post terga relinquit.  
conclamant plausuque fremunt uotique peractam  
maiolem credunt praerepto limite partem.  
at, quis interior cura et prudentia circi

altior, effusas primo certamine uires  
 damnare et cassis longe increpitare querelis           340  
 indispensato lassantem corpora nisu:  
 ' Quo nimis, quo, Cyrne, ruis?' (nam Cyrnus agebat)  
 ' erbera dimitte et reuoca moderatus habenas.'  
 heu surdas aures! fertur securus equorum  
 nec meminit, quantum campi decurrere restet.           345  
     Proximus, a primo distans, quantum aequore currus  
 occupat ipse, loci tantum, sed proximus ibat  
 Astur Panchates: patrium frons alba nitebat  
 insigne et patrio pes omnis concolor albo.  
 ingentes animi, membra haud procera decusque           350  
 corporis exiguum, sed tum sibi fecerat alas  
 concitus atque ibat campo indignatus habenas:  
 crescere sublimem atque augeri membra putares.  
 Cinyphio rector cocco radiabat Hiberus.  
     Tertius aequata currebat fronte Peloro           355  
 Caucasus. ipse asper, nec qui ceruicis amaret  
 adplausae blandos sonitus clausumque cruento  
 spumeus admorsu gauderet mandere ferrum.  
 at docilis freni et melior parere Pelorus  
 non umquam effusum sinuabat deuius axem,           360  
 sed laeuo interior stringebat tramite metam,  
 insignis multa ceruice et plurimus idem  
 ludentis per colla iubae. mirabile dictu,  
 nullus erat pater: ad Zephyri noua flamina campis  
 Vettonum eductum genetrix effuderat Harpe.           365  
 nobilis hunc Durius stimulabat in aequore currum,  
 Caucasus antiquo fidebat Atlante magistro.  
 ipsum Aetola, uago Diomedi condita, Tyde  
 miserat: exceptum Troiana ab origine equorum  
 tradebant, quos Aeneae Simoentos ad undas           370  
 uictor Tydides magnis abduxerat ausis.  
 iamque fere medium euecti certamine campum  
 in spatio addebant, nisusque adprendere primos  
 Panchates animosus equos super altior ire  
 et praecedentem iam iamque ascendere currum           375  
 pone uidebatur, curuatisque ungula prima  
 Callaicum quatiens pulsabat calcibus axem.  
     At postremus Atlas, sed non et signior ibat  
 postremo Durio: pacis de more putares  
 aequata fronte et concordi currere freno.           380  
 sensit ut exhaustas, qui proximus ibat, Hiberus  
 Callaicas Cyrni uires, nec ut ante salire  
 praecipitem currum, et fumantis uerbere cogi  
 adsiduo uiolenter equos, ceu monte procella  
 cum subita ex alto ruit, usque ad colla repente           385  
 cornipedum protentus et in capita ardua pendens  
 concitat ardentem, quod ferret lora secundus,



Panchatem uocesque addit cum uerbere mixtas:  
 ' ~~T~~ae, Astur, certante feret quisquam aequore palmam  
 erepto? consurge, uola, perlabere campum 390  
 adsuetis uelox pennis. decrescit anhelo  
 pectore consumptus Lampon, nec restat hianti,  
 quem ferat ad metas, iam spiritus.' haec ubi dicta,  
 tollit se sonipes, ceu tunc e carcere primo  
 corripere spatium, et nitentem opponere curuos 395  
 aut aequare gradus Cynnum post terga relinquit.  
 confremit et caelum et percussus uocibus altis  
 spectantum circus. fertur sublime per auras  
 altius attollens ceruicem uictor ouantem  
 Panchates sociosque trahit prior ipse iugalis. 400  
 At postremus Atlas, Durius postremus in orbem  
 exercent artis: laeuos nunc adpetit ille  
 conatus, nunc ille premit certatque subire  
 dexter, et alterni nequiquam fallere temptant:  
 donec confisus primaevae flore iuuentae 405  
 oblicum Durius conuersis pronus habenis  
 opposuit currum atque euersum propulit axem  
 Atlantis senio inualidi, sed iusta querentis:  
 ' Quouis? aut quinam hic rabidi certaminis est mos?  
 et nobis et equis letum commune laboras.' 410  
 dumque ea proclamat, perfracto uoluitur axe  
 cernuus, ac pariter fusi, miserabile, campo  
 discordes sternuntur equi. quatit aequore aperto  
 lora suis uictor, mediaque Pelorus harena  
 surgere nitentem fugiens Atlanta reliquit. 415  
 nec longum Cynni defessos prendere currus.  
 hunc quoque cunctantem et sero moderamina equorum  
 discentem rapido praeteruolat incitus axe.  
 impellit currum clamor uocesque fauentum,  
 iamque etiam dorso atque umeris trepidantis Hiberi 420  
 ora superposuit sonipes, flatusque uapore  
 terga premi et spumis auriga calescere sentit.  
 incubuit campo Durius misitque citatos  
 uerbere quadrupedes, nec frustra: aequare uidetur,  
 aut etiam aequauit iuga praecedentia dexter. 425  
 attonitus tum spe tanta: ' ~~C~~nitore, Pelore,  
 te Zephyro eductum nunc nunc ostendere tempus.  
 discant, qui pecudum ducunt ab origine nomen,  
 quantum diuini praecellat seminis ortus.  
 uictor dona dabis statuesque altaria patri.' 430  
 et, ni successu nimio laetoque pauore  
 proditus elapso foret inter uerba flagello,  
 forsac sacrasset Zephyro, quas uouerat, aras.  
 tum uero infelix, ueluti delapsa corona  
 uictoris capiti foret, in se uersus ab ira 435  
 auratam medio discindit pectore uestem,

ac lacrimae simul et questus ad sidera fusi.  
nec iam subducto parebat uerbere currus.  
pro stimulis dorso quatiuntur inania lora.

Interea metis certus iam laudis agebat 440

sese Panchates et praemia prima petebat  
arduus. effusas lenis per colla, per armos  
uentilat aura iubas, tum mollia crura superbi  
attollens gressus magno clamore triumphat.  
par donum solido argento caelata bipennis 445

omnibus, at uario distantia cetera honore.  
primus e cum uolucrem, Massyli munera regis  
haud spernenda, tulit. tulit hinc uirtute secundus  
e Tyria, quae multa iacet, duo pocula, praeda,  
aurifero perfusa Tago. uillosa leonis 450

terga feri et cristis horrens Sidonia cassis  
tertius inde honor est. postremo munere Atlantem,  
quamuis perfracto senior subsederat axe,  
accitum donat ductor, miseratus et aeuum  
et sortem casus. famulus florente iuuenta 455  
huic datur, adiuncto gentilis honore galeri.

His actis ductor laeta ad certamina plantae  
inuitat positisque accendit pectora donis:

' Hinc primus galeam (hac acies terrebat Hiberas  
Hasdrubal), hunc ensem, cui proxima gloria cursus, 460  
accipiet: caeso pater hunc detraxit Hyempsae.  
tertius extremam tauro solabere palmam.  
cetera contenti discedent turba duobus  
quisque ferox iaculis, quae dat gentile metallum.'

Fulgentes pueri Tartessos et Hesperos ora 465  
ostendere simul uulgi clamore secundo.

hos Tyria misere domo patria inclita Gades.  
mox subit aspersus prima lanugine malas  
Baeticus: hoc dederat puero cognomen ab amne  
Corduba et haud paruo certamina laeta fouebat. 470

inde comam rutilus, sed cum fulgore niuali  
corporis, impleuit caueam clamoribus omnem  
Eurytus: excelso nutritum colle creat  
Saetabis, atque aderant trepidi pietate parentes.  
tum Lamus et Sicoris, proles bellacis Ilerdae, 475  
et Theron, potator aquae, sub nomine Lethes  
quae fluit immemori perstringens gurgite ripas.

Qui postquam arrecti plantis et pectora proni  
pulsantesque aestu laudum exultantia corda  
acceperere tuba spatium, exilure per auras 480

ocius effusis neruo exturbante sagittis.  
diuersa et studia et clamor, pendentque fauentes  
unguibus atque suos, ut cuique est gratia, an heli  
nomine quemque cient. grex inclitus aequore fertur  
nullaque tramissa uestigia signat harena, 485

omnes primaevi flauentiaque ora decori,  
omnes ire leues atque omnes uincere digni.

Extulit incumbens medio iam limite gressum  
Eurytus et primus breuibus, sed primus, abibat  
praecedens spatiis. instat non segnius acer 490  
Hesperos ac prima stringit uestigia planta  
praegressae calcis. satis est huic esse priori,  
huic sperare sat est fieri se posse priorem.  
acrius hoc tendunt gressus animique uigore  
corpora agunt. auget pueris labor ipse decorem. 495  
ecce leui nisu postremoque agmine currens,  
postquam sat uisus sibi concepisse uigoris,  
celsus inexhaustas effundit turbine uires  
non expectato subitusque erumpit et auras  
praeuehitur Theron: credas Cyllenida plantam 500  
aetherio nexis cursu talaribus ire.  
iamque hos iamque illos, populo mirante, relinquit  
et, modo postremus, nunc ordine tertia palma,  
Hesperon infestat sua per uestigia pressum.  
nec iam, quem sequitur tantum, sed prima coronae 505  
spes trepidat tantis uenientibus Eurytus alis.  
quartus sorte loci, sed, si tres ordine seruent  
inceptos cursus, nequiquam uana laborans,  
Tartessos fratrem medio Therone premebat.  
nec patiens ultra tollit sese aequore Theron 510  
igneus et plenum praeteruolat Hesperon irae.  
unus erat super, et metae propioribus aegros  
urebat finis stimulis; quascumque reliquit  
hinc labor, hinc penetrans pauor in praecordia uires,  
dum sperare licet, breuia ad conamina uterque 515  
aduocat: aequantur cursus, pariterque ruebant.  
et forsán gemina meruissent praemia palma,  
peruecti simul ad metas, ni, terga secutus  
Theronis, fusam late per lactea colla  
Hesperos ingenti tenuisset saeuus ab ira 520  
traxissetque comam. tardato laetus ouansque  
Eurytus euadit iuue ne atque ad praemia uictor  
emicat et galeae fert donum insigne coruscae.  
cetera promisso donata est munere pubes  
intonsasque comas uiridi redimita corona 525  
bina tulit patrio quatiens hastilia ferro.

Hinc grauiora uirum certamina, cominus ensis  
dstrictus bellique feri simulacra cientur.  
nec, quos culpa tulit, quos crimina noxia uitae,  
sed uirtus animusque ferox ad laudis amorem, 530  
hi creuere pares ferro; spectacula digna  
Martigena uulgo suetique laboris imago.  
hos inter gemini (quid iam non regibus ausum?  
aut quod iam regni restat scelus?) impia circo

innumero fratres, cauea damnante furorem, 535  
 pro sceptro armatis inierunt proelia dextris.  
 is genti mos dirus erat, patriumque petebant  
 orbatu solium lucis discrimine fratres.  
 concurrere animis, quantis conflagere par est  
 quos regni furor exagitat, multoque cruore 540  
 exsatiata simul portantes corda sub umbras  
 occubere. pari nisu per pectora adactus  
 intima descendit mucro; superaddita saeuus  
 ultima uulneribus uerba; et, conuicia uoluens,  
 dirus in inuitas effugit spiritus auras. 545  
 nec manes pacem passi. nam corpora iunctus  
 una cum raperet flamma rogos, impius ignis  
 dissiluit, cineresque simul iacuisse negarunt.  
 cetera distincto donata est munere turba,  
 ut uirtus et dextra fuit. duxere iuuenos 550  
 impressis dociles terram proscindere aratris,  
 duxere adsuetos lustra exagitare ferarum  
 uenatu iuuenes, quos dat Maurusia praeda.  
 necnon argenti necnon insignia uestis  
 captiuae pretia et sonipes et crista nitenti 555  
 insurgens cono, spolia exuuiarumque Libyssae.  
 Tum iaculo petiere decus, spectacula circi  
 postrema, et metae certarunt uincere finem  
 Burnus auis pollens, quem misit ripa ~metalli  
 qua Tagus auriferis pallet turbatus harenis, 560  
 et Glagus insignis uentos anteire lacerto,  
 et, cuius numquam fugisse hastilia cerui  
 praerapida potuere fuga, uenator Aconteus,  
 Indibilisque, diu laetus bellare Latinis,  
 iam socius, uolucresque uagas deprendere nube 565  
 adsuetus iaculis, idem et bellator, Ilerdes.  
 laus Burni prima, infixit qui spicula metae:  
 est donum serua albentis inuertere lanas  
 murice Gaetulo docta. at, quem proxima honorant  
 praemia, uicinam metae qui propulit hastam, 570  
 accepto laetus puero discessit Ilerdes,  
 cui ludus nullam cursu non tollere dammam.  
 tertia palma habuit geminos insignis Aconteus  
 nec timidos agitare canes latratibus aprum.  
 Quos postquam clamor plaususque probauit honores, 575  
 germanus ducis atque effulgens Laelius ostro  
 nomina magna uocant laeti manesque iacentum  
 atque hastas simul effundunt. celebrare iuuabat  
 sacros cineres atque hoc decus addere ludis.  
 ipse etiam mentis testatus gaudia uultu 580  
 ductor, ut aequauit meritis pia pectora donis,  
 et frater thoraca tulit multiplicis auri,  
 Laelius Asturica rapidos de gente iugales,

contorquet magnis uictricem uiribus hastam  
 consurgens umbrisque dari testatur honorem. 585  
 hasta uolans, mirum dictu, medio incita campo  
 substitit ante oculos et terrae infixi cohaesit.  
 tum subitae frondes celsoque cacumine rami  
 et latam spargens quercus, dum nascitur, umbram.  
 ad maiora iubent praesagi tendere uates: 590  
 id monstrare deos atque hoc portendere signis.  
 Quo super augurio, pulsus de litore cunctis  
 Hesperio Poenis, ultor patriaeque domusque  
 Ausoniam repetit Fama ducente triumphum.  
 nec Latium curis ardet flagrantius ullis, 595  
 quam iuueni Libyam et summos permittere fascas.  
 sed non par animis nec bello prospera turba  
 ancipiti senior temeraria coepta uetabant  
 magnosque horrebant cauta formidine casus.  
 Ergo, ubi delato consul sublimis honore 600  
 ad patres consulta refert deturque potestas  
 orat delendae Carthaginis, altius orsus  
 hoc grandaeva modo Fabius pater ora resoluit:  
 ' ~~h~~ud equidem metuisse queam, satiatus et aevi  
 et decoris, cui iam superest et gloria et aetas, 605  
 ne credat nos inuidiae certamine consul  
 laudibus obtrectare suis. satis inclita nomen  
 gestat fama meum, nec egent tam prospera laude  
 facta noua. uerum et patriae, dum uita manebit,  
 deesse nefas animumque nefas scelerare silendo. 610  
 bella noua in Libyae moliris ducere terras?  
 hostis enim deest Ausoniae, nec uincere nobis  
 est satis Hannibalem. petitur quae gloria maior  
 litore Elissaeo? stimuli si laudis agunt nos,  
 hanc segetem mete. composuit propioribus ausis 615  
 dignum te Fortuna parem. uult Itala tellus  
 ductoris saeui, uult tandem, haurire cruorem.  
 quo Martem aut quo signa trahis? restinguere primum est  
 ardentem Italiam. tu fessos auis hostis  
 deseris ac septem denudas proditor arces. 620  
 an, cum tu Syrtim ac sterilis uastabis harenas,  
 non dira illa lues notis iam moenibus urbis  
 adsiliet uacuumque Iouem sine pube, sine armis  
 inuadet? quanti, ut cedas Romamque relinquas,  
 emerit! et tanto percussi fulmine belli 625  
 sicine te, ut nuper Capua est accitus ab alta  
 Fuluius, aequoreis Libyae reuocabimus oris?  
 uince domi et trinis maerentem funera lustris  
 Ausoniam purga bello. tum tende remotos  
 in Garamantas iter Nasamonicosque triumphos 630  
 molire. angustae prohibent nunc talia coepta  
 res Italiae. pater ille tuus, qui nomina uestrae

addidit haud segnis genti, cum consul Hiberi  
 tenderet ad ripas, reuocato milite primus  
 descendenti auide superatis Alpibus ultro           635  
 opposuit sese Hannibali. tu consul abire  
 a uictore paras hoste atque auellere nobis  
 scilicet hoc astu Poenum? si deinde sedebit  
 impavidus nec te in Libyam tuaque arma sequetur,  
 capta damnabis consulta improuida Roma.           640  
 sed fac turbatum conuertere signa tuaeque  
 classis uela sequi. nempe idem erit Hannibal, idem  
 cuius tu uallum uidisti e moenibus urbis.'  
 haec Fabius, seniorque manus paria ore fremebat.  
     Tum contra consul: ' Cæsis ductoribus olim           645  
 magnanimis gemino leto, cum tota subisset  
 Sidonium possessa iugum Tartessia tellus,  
 non Fabio, non, quis eadem est sententia cordi,  
 quoquam ad opem uerso, fateor, primoribus annis  
 excepi nubem belli solusque ruenti           650  
 obieci caelo caput atque in me omnia uerti.  
 tum grandaeva manus puero male credita bella  
 atque idem hic uates temeraria coepta canebat.  
 dis grates laudemque fero, sub numine quorum  
 gens Troiana sumus: puer ille et futtilis aetas           655  
 imbellesque anni necdum maturus ad arma  
 Scipio restituit terras inlaesus Hiberas  
 Troiugenis, pepulit Poenos, solisque secutus  
 extremas ad Atlanta uias, exegit ab orbe  
 Hesperio nomen Libyae nec rettulit ~auri           660  
 signa prius, quam fumantis circa aequora uidit  
 Romano Phoebum soluentem litore currus.  
 asciuit reges idem. nunc ultimus actis  
 restat Carthago nostris labor. hoc sator aeui  
 Iuppiter aeterni monet. Hannibali ecce senectus           665  
 intremit aut aegros simulat mentita timores,  
 ne finem longis tandem peperisse ruinis  
 sit noster titulus. certe iam dextera nobis  
 experta, et robur florentibus auximus annis.  
 ne uero fabricate moras, sed currere sortem           670  
 hanc sinite ad ueterum delenda opprobria cladum  
 quam mihi serua<ue>re dei. sat gloria cauto  
 non uinci pulchra est Fabio, peperitque sedendo  
 omnia Cunctator. nobis nec Mago nec Hannon  
 nec Gisgone satus nec Hamilcare terga dedisset,           675  
 si segnes clauso traheremus proelia uallo.  
 Sidoniusne puer uix pubescente iuuenta  
 Laurentis potuit populos et Troia adire  
 moenia flauentemque sacro cum gurgite Thybrim  
 et potuit Latium longo depascere bello:           680  
 nos Libyae terris tramittere signa pigebit

et Tyrias agitare domos? securam pericli  
litora lata patent, et opima pace quieta  
stat tellus. timeat tandem Carthago timeri  
adsueta, et nobis, quamuis Oenotria nondum      685  
Hannibale arua uacent, superesse intellegat arma.  
illum ego, quem uosmet cauti consultaque uestra  
in Latio fecere senem, cui tertia large  
fundenti nostrum ducuntur lustra cruorem,  
illum ego ad incensas trepidantem et sera pauentem      690  
aduertam patriae sedes. an Roma uidebit  
turpia Agenoreae muris uestigia dextrae:  
Carthago immunis nostros securam labores  
audiet interea et portis bellabit apertis?  
tum uero pulset nostras iterum improbus hostis      695  
ariete Sidonio turris, si templa suorum  
non ante audierit Rutulis crepitantia flammis.'

Talibus accensi patres, fatoque uocante,  
consulis adnuerunt dictis, faustumque precati  
ut foret Ausoniae, tramittere bella dederunt.

## Liber XVII

Hostis ut Ausoniis decederet aduena terris,  
fatidicae fuerant oracula prisca Sibyllae  
caelicolum Phrygia genetricem sede petitam  
Laomedontae sacrandam moenibus urbis:  
aductum exciperet numen, qui lectus ab omni 5  
concilio patrum praesentis degeret aevi  
optimus. en nomen melius maiusque triumphis!  
iamque petita aderat Latia portante Cybebe  
puppe, atque ante omnis magno cedente senatu  
obuius accitis properabat Scipio sacris, 10  
qui, genitus patruo ductoris ad Africa bella  
tunc lecti, multa fulgebat imagine auorum.  
isque ubi longinquo uenientia numina ponto  
accepit supplex palmis Tuscique sonora  
Thybridis adduxit sublimis ad ostia puppim, 15  
femineae tum deinde manus subiere, per amnem  
quae traherent celsam religatis funibus alnum.  
circum arguta cauis tinnitibus aera, simulque  
certabant rauco resonantia tympana pulsu,  
semiuirique chori, gemino qui Dindyma monte 20  
casta colunt, qui Dictaeo bacchantur in antro,  
quique Idaea iuga et lucos nouere silentis.  
hos inter fremitus ac laeto uota tumultu  
substitit adductis renuens procedere uinclis  
sacra ratis subitisque uadis immobilis haesit. 25  
tum puppe a media magno clamore sacerdos:  
' ~~Ca~~ecite pollutis contingere uincula palmis  
et procul hinc, moneo, procul hinc, quaecumque profanae,  
ferte gradus nec uos casto miscete labori,  
dum satis est monuisse deae. quod si qua pudica 30  
mente ualet, si qua inlaesi sibi corporis astat  
conscia, uel sola subeat pia munera dextra.'

Hic, prisca ducens Clausorum ab origine nomen,  
Claudia, non aequa<e> populi male credita fama<e>,  
in puppim uersis palmisque oculisque profatur: 35  
' ~~Ca~~elicolum genetrix, numen, quod numina nobis  
cuncta creas, cuius proles terramque fretumque  
sideraque et manis regnorum sorte gubernant,  
si nostrum nullo uiolatum est crimine corpus,  
testis, diua, ueni et facili me absolue carina.' 40  
tum segura capit funem, fremitusque leonum  
audiri uisus subito, et grauiora per auris  
nulla pulsa manu sonuerunt tympana diuae.  
fertur prona ratis (uentos impellere credas)



contraque aduersas ducentem praeuenit undas. 45  
 extemplo maior cunctis spes pectora mulcet  
 finem armis tandem finemque uenire periclis.  
 Ipse alacer Siculo discedens Scipio terra  
 abscondit late propulsis puppibus aequor,  
 cui numen pelagi placauerat hostia taurus, 50  
 iactaque caeruleis innabant fluctibus exta.  
 tunc a sede deum purumque per aethera lapsae  
 armigerae Iouis ante oculos coepere uolucres  
 aequoreas monstrare uias ac ducere classem.  
 augurium clangor laetum dabat. inde secuti 55  
 tantum praegressos liquida sub nube uolatus  
 quantum non frustra speculantum lumina seruant,  
 litora Agenoreae tenuerunt perfida terrae.  
 Nec segnis tanta in semet ueniente procella  
 Africa terribilem magno sub nomine molem 60  
 regis opes contra et Massyla parauerat arma,  
 spesque Syphax Libycis una et Laurentibus unus  
 terror erat. campos pariter uallesque refusas  
 litora implerat nullo decorare tapete  
 cornipedem Nomas adsuetus, densaeque per auras 65  
 condebant iaculis stridentibus aethera nubes.  
 immemor hic dextraeque datae iunctique per aras  
 foederis, et mensas testis atque hospita iura  
 fasque fidemque simul, prauo mutatus amore,  
 ruperat atque toros regni mercede pararat. 70  
 uirgo erat eximia specie claroque parente,  
 Hasdrubalis proles, thalamis quam cepit ut altis,  
 ceu face succensus prima taedaque iugali,  
 uertit opes gener ad Poenos, Latiaeque soluto  
 foedere amicitiae dotalia transtulit arma. 75  
 Sed non Ausonio curarum extrema Syphacem  
 ductori monuisse fuit, missique minantur:  
 stet regno, reputet superos, pacta hospita seruet:  
 longe coniugia ac longe Tyrios hymenaeos  
 inter Dardanias acies fore. sanguine quippe, 80  
 si renuat, blando nimium facilique marito  
 statura obsequia et thalami flagrantis amores.  
 Sic Latius permixta minis, <s>ed cassa monebat  
 ductor. nam surdas coniunx obstruxerat aures.  
 ergo, asper monitis frustra nitentibus, enses 85  
 aduocat et castas polluti foederis aras  
 testatus uaria Martem mouet impiger arte.  
 castra, leui calamo cannaque intecta palustri,  
 qualia Maurus amat dispersa mapalia pastor,  
 adgreditur, furtum armorum tutantibus umbris, 90  
 ac tacita spargit celata incendia nocte.  
 inde, ubi collecti rapidam diffundere pestem  
 coeperunt ignes et se per pinguia magno

pabula ferre sono, clare expatiantur in auras  
 et fumos uolucris propellunt lumine flammae. 95  
 it totis inimica lues cum turbine castris,  
 atque alimenta uorat strepitu Vulcanus anhelus  
 arida, et ex omni manant incendia tecto.  
 sentitur plerisque prius, quam cernitur, ignis  
 excitis somno, multorumque ora uocantum 100  
 auxilium inuadunt flammae. fluit undique uictor  
 Mulciber et rapidis amplexibus arma uirosque  
 corripit: exundat pestis, semustaque castra  
 albenti uolitant per nubila summa fauilla.  
 ipsius ingenti regis tentoria saltu 105  
 lugubre increpitans late circumuolat ardor,  
 hausissetque uirum, trepidus ni clade satelles  
 e somno ac stratis rapuisset inulta precantem.  
 Verum ubi mox iuncto sociarant aggere uires  
 Massylus Tyriusque duces, accitaeque regno 110  
 lenierat pubes infaustae uulnera noctis,  
 ira pudorque dabant et coniunx, tertius ignis,  
 immanis animos, adflataque barbarus ora  
 castrorum flammis et se uelamine nullo  
 uix inter trepidas ereptum ex hoste cateruas 115  
 frendebat minitans: sed enim non luce Syphacem  
 nec claro potuisse die nec sole tuente  
 a quoquam uinci. iactarat talia uecors,  
 sed iam claudebat flatum nec plura sinebat  
 Atropos et tumidae properabat stamina linguae. 120  
 namque, ubi prosiluit castris, ceu turbidus amnis,  
 qui siluas ac saxa trahens per deuia praeceps  
 uoluitur et ripas spumanti gurgite laxat,  
 ante omnis praeuectus equo trahit agmina uoce.  
 contra naua manus Rutuli celsusque ruebat 125  
 uiso rege procul raptis exercitus armis,  
 ac sibi quisque: 'Videsne? uidesne, ut in agmine primo  
 Massylus uolitet deprecens proelia rector?  
 fac nostrum hoc, mea dextra, decus. uiolauit et aras  
 caelicolum et casti ductoris foedera rupit. 130  
 sit satis hunc castris semel effugisse crematis.'  
 sic secum taciti et certatim spicula fundunt.  
 prima in cornipedis sedit spirantibus ignem  
 naribus hasta uolans erexitque ore cruento  
 quadrupedem elatis pulsantem calcibus auras. 135  
 corruit asper ecus confixaque cuspide membra  
 huc illuc iactans rectorem prodidit hosti.  
 inuadunt uanumque fugae atque attollere fessos  
 adnitentem artus reuocato a uulnere telo  
 corripunt, tum uinclae uiro manicaeque, pudendum, 140  
 addita, et, exemplum non umquam fidere laetis,  
 sceptriferas arta palmas uinxere catena.

ducitur ex alto deiectus culmine regni,  
 qui modo sub pedibus terras et scepra patensque  
 litora ad Oceani sub nutu uiderat aequor. 145  
 prostratis opibus regni Phoenissa metuntur  
 agmina, et inuisus Marti notusque fugarum  
 uertit terga citus damnatis Hasdrubal ausis.  
 Stabat Carthago, truncatis undique membris,  
 uni <in>nixa uiro, tantoque fragore ruentem 150  
 Hannibal absentem retinebat nomine molem.  
 id relicum fessos opis auxiliique cedere  
 rerum extrema iubent, huc confugere pauentes,  
 postquam se superum desertos numine cernunt.  
 nec mora: propulsa sulcant uada salsa carina, 155  
 qui reuocent patriaeque ferant mandata monentis,  
 ne lentus nullas uideat Carthaginis arces.  
 Quarta Aurora ratem Dauni deuexerat oras,  
 et fera ductoris turbabant somnia mentem.  
 namque grauis curis carpit dum nocte quietem, 160  
 cernere Flaminium Gracchumque et cernere Paulum  
 uisus erat simul aduersos mucronibus in se  
 dstrictis ruere atque Itala depellere terra,  
 omnisque a Cannis Trasimennique omnis ab undis 165  
 in pontum impellens umbrarum exercitus ibat.  
 ipse fugam cupiens notas euadere ad Alpes  
 quaerebat terraeque ulnis amplexus utrisque  
 haerebat Latiae, donec uis saeua profundo  
 truderet et rapidis daret asportare procellis.  
 His aegrum uisis adeunt mandata ferentes 170  
 legati patriaeque extrema pericula pandunt:  
 Massyla ut ruerint arma, ut ceruice catenas  
 regnator tulerit Libyae, letoque negato  
 seruetur noua pompa Ioui, Carthago laboret  
 ut trepidi Hasdrubalis, qui rerum agitarit habenas, 175  
 non una concussa fuga. se, triste profatu,  
 uidisse, arderent cum bina in nocte silenti  
 castra, et luceret sceleratis Africa flammis.  
 praerapidum iuuenem minitari, Bruttia seruet  
 litora dum Poenus, detracturum ignibus atris, 180  
 in quam se referat, patriam suaque inclita facta.  
 haec postquam dicta, et casus patuere metusque,  
 effundunt lacrimas dextramque ut numen adorant.  
 Audiuit toruo obtutu defixus et aegra  
 expendit tacite cura secum ipse uolutans 185  
 an tanti Carthago foret. sic deinde profatur:  
 ' O dūm exitium mortalibus! o nihil umquam  
 crescere nec magnas patiens exurgere laudes  
 inuidia! euersam iam pridem excindere Romam  
 atque aequare solo potui, traducere captam 190  
 seruitum gentem Latioque imponere leges.

dum sumptus dumque arma duci fessosque secundis  
summisso tirone negant recreare maniplos,  
dumque etiam Cerere et uictu fraudasse cohortis  
Hannoni placet, induitur tota Africa flammis, 195  
pulsat Agenoreas Rhoeteia lancea portas.

nunc patriae decus et patriae nunc Hannibal unus  
subsidium, nunc in nostra spes ultima dextra.  
uertentur signa, ut patres statuere, simulque  
et patriae muros et te seruabimus, Hannon.' 200

Haec ubi detonuit, celsas e litore puppes  
propellit multumque gemens mouet aequore classem.  
non terga est ausus cedentum inuadere quisquam,  
non reuocare uirum: cuncti praestare uidentur,  
quod sponte abscedat, superi, tandemque resoluat 205

Ausoniam. uentos optant, et litora ab hoste  
nuda uidere sat est: ceu flamina comprimit Auster  
cum fera et abscedens reddit mare, nauita parco  
interea uoto non auras poscit amicas  
contentus caruisse Noto, pacemque quietam 210

pro facili cursu reputat satis. omnis in altum  
Sidonius uisus conuerterat undique miles:  
ductor defixos Itala tellure tenebat  
intentus uultus, manantesque ora rigabant  
per tacitum lacrimae, et suspiria crebra ciebat, 215  
haud secus ac patriam pulsus dulcisque penatis  
linqueret et tristis exul traheretur in oras.

Vt uero adfusus puppes procedere uentis  
et sensim coepere procul subsidere montes,  
nullaque iam Hesperia et nusquam iam Daunia tellus, 220  
hic secum infrendens: 'Mentisne ego compos et hoc nunc  
indignus reditu, qui memet finibus umquam  
amorim Ausoniae? flagrasset subdita taedis  
Carthago, et potius cecidisset nomen Elissae.

quid? tunc sat compos, qui non ardentia tela 225  
a Cannis in templa tuli Tarpeia, Iouemque  
detraxi solio? sparsissem incendia montis  
per septem bello uacuos gentique superbae  
Iliacum exitium et proauorum fata dedissem.

cur porro haec angant? nunc, nunc inuadere ferro 230  
quis prohibet rursumque ad moenia tendere gressus?  
ibo et, castrorum relegens monumenta meorum,  
qua uia nota <uoca>t, remeabo Anienis ad undas.  
flectite in Italiam proras, auertite classem:  
faxo ut uallata reuocetur Scipio Roma.' 235

Talibus ardentem furiis Neptunus ut alto  
prospexit uertique rates ad litora uidit,  
quassans caeruleum genitor caput aequora fundo  
eruit et tumidum mouet ultra litora pontum.  
extemplo uentos imbresque et rupe procellas 240

concitat Aeolias ac nubibus aethera condit.  
 tum, penitus telo molitus regna tridenti  
 intima, ab occasu Tethyn impellit et ortu  
 ac totum Oceani turbat caput. aequora surgunt  
 spumea et inlusu scopulus tremit omnis aquarum. 245  
 primus se attollens Nasamonum sedibus Auster  
 nudauit Syrtim correpta nubilus unda.  
 insequitur sublime ferens nigrantibus alis  
 abruptum Boreas ponti latus. intonat ater  
 discordi flatu et partem rapit aequoris Eurus. 250  
 hinc rupti reboare poli, atque hinc crebra micare  
 fulmina, et in classem ruere implacabile caelum.  
 consensere ignes nimbique et fluctus et ira  
 uentorum, noctemque freto imposuere tenebrae.  
 ecce, intorta Noto ueniensque a puppe procella 255  
 antemnae immugit (stridorque immite rudentum  
 sibilat) ac similem monti nigrante profundo  
 ductoris frangit super ora trementia fluctum.  
 exclamat uoluens oculos caeloque fretoque:  
 ' Feki o frater diuisque aequate cadendo, 260  
 Hasdrubal! egregium fortis cui dextera in armis  
 pugnanti peperit letum, et cui fata dedere  
 Ausoniam extremo tellurem adprendere morsu.  
 at mihi Cannarum campis, ubi Paulus, ubi illae  
 egregiae occubere animae, dimittere uitam 265  
 non licitum, uel, cum ferrem in Capitolia flammis,  
 Tarpeio Iouis ad manis descendere telo.'

Talia dum maeret, diuersis flatibus acta  
 in geminum ruit unda latus puppimque sub atris  
 aequoris aggeribus tenuit, ceu turbine mersam. 270  
 mox nigris alte pulsa exundantis harenae  
 uerticibus ratis aetherias remeauit ad auras  
 et fluctus supra uento librante pependit.  
 at geminas Notus in scopulos atque horrida saxa  
 dura sorte rapit, miserandum et triste, biremis. 275  
 increpuere ictu prorae. tum murice acuto  
 dissiliens sonuit rupta compage carina.  
 hic uaria ante oculos facies: natat aequore toto  
 arma inter galeasque uirum cristasque rubentis  
 florentis Capuae gaza et seposta triumpho 280  
 Laurens praeda ducis, tripodes mensaeque deorum  
 cultaque nequiquam miseris simulacra Latinis.  
 tum Venus emoti facie conterrita ponti  
 talibus adloquitur regem maris: 'Hoc satis irae  
 interea, genitor: satis ad maiora minarum. 285  
 cetera parce, precor, pelago, ne tollat acerba  
 hoc Carthago decus, nullo superabile bello  
 progenuisse caput, nostrosque in funera Poeni  
 Aeneadas undis totoque eguisse profundo.'

Sic Venus. et tumidi considunt gurgite fluctus. 290

290a

obuiaque aduersis propellunt agmina castris.

Dux, uetus armorum scitusque accendere corda  
laudibus, ignifero mentes furiabat in iram  
hortatu decorisque urebat pectora flammis:

' ¶ mihi Flaminii portas rorantia caesi 295

ora ducis: nosco dextram. tu primus in ictus  
ingentis Pauli ruis ac defigis in ossa

mucronem. tibi pugnacis gestantur opima  
Marcelli, Gracchusque cadens tibi proluit ense.

ecce manus, quae pulsantem te, belliger Appi, 300

moenia sublimis Capuae de culmine muri  
excelso fusa moribundum perculit hasta.

ecce aliud fulmen dextrae, quo nobile nomen  
Fuluius excepit non unum pectore uulnus.

huc prima te siste acie, cui consul in armis 305

Crispinus cecidit. me tu comitare per hostis,  
qui nobis, memini, ad Cannas laetissimus irae  
Seruili fers ora ducis suffixa ueruto.

cerno flagrantis oculos uultumque timendum  
non ipso minus ense tuum, fortissime Poenum 310

o iuuenis, qualem uidi, cum flumine saeuo  
insignis Trebiae complexum ingentibus ulnis  
mersisti fundo luctantem uana tribunum.

at tu, qui gelidas Ticini primus ad undas  
Scipiadae patris tinxisti sanguine ferrum, 315

incepta exequere et nati mihi redde cruorem.  
horrescamne ipsos, ueniant si ad proelia, diuos,  
cum stetis, turmae, uidi contermina caelo

quas iuga calcantis summas uolitare per Alpibus,  
cum uideam, quorum ferro manibusque capaces 320

arsere Argyripae campi? num segnior ibis  
nunc mihi, qui primus torques in moenia telum  
Dardana, nec nostrae facilis concedere laudi?

te<n>' uero, tene extimulem, qui, fulmina contra  
et nimbos tonitrusque ac summi numinis iras 325

cum starem, perferre sonos ac uana iubebas  
nubila et ante duces Capitolia celsa petebas?

quid uos, quis claro deletum est Marte Saguntum,  
exhorter, quos nobilitant primordia belli?

ut meque et uobis dignum, defendite, quaeso, 330

praeteritas dextrae laudes. diuum ipse fauore  
uincendoque senex patriam post trina labantem  
lustra et non uisos tam longa aetate penatis

ac natum et fidae iam pridem coniugis ora  
confisus uobis repeto. non altera restat 335

iam Liby<a>, nec Dardaniis pugna altera restat.  
certatus nobis hodie dominum accipit orbis.'

Hannibal haec. sed non patiens remorantia uerba  
Ausonius miles, quotiens dux coeperat ora  
soluere ad effatus, signum pugnamque petebant. 340

Haec procul aëria speculantem nube sororem  
ut uidit diuum genitor maestosque sub acri  
obtutu uultus, sic ore effatus amico est:

' Quis mentis edunt morsus? da noscere coniunx.  
num Poeni casus ducis et Carthaginis angit 345  
cura tuae? sed enim reputa tecum ipsa furores  
Sidonios. gentem contra et fatalia regna  
Teucrorum quis erit, quaeso, germana, rebelli  
fractis foederibus populo modus? ipsa malorum  
non plus Carthago tulit exhaustique laboris, 350  
quam pro Cadmea <u>isti exercita gente.  
turbasti maria ac terras iuuenemque ferocem  
immisti Latio. tremuerunt moenia Romae,  
perque bis octonos primus fuit Hannibal annos  
humani generis. tempus componere gentes. 355  
ad finem uentum, et claudenda est ianua belli.'

Tum supplex Iuno: ' Neque ego, haec mutare laborans  
quis est fixa dies, pendenti nube resedi,  
nec reuocare acies bellumue extendere quaero.  
quae donare potes, quoniam mihi gratia languet 360  
et cecidit iam primus amor, nil fila sororum  
aduersus posco: uertat terga Hannibal hosti,  
ut placet, et cineres Troiae Carthagine regent.  
illud te gemini per mutua pignora amoris  
et soror et coniunx oro: tranare pericla 365  
magnanimum patiare ducem uitamque remittas  
neue sinas captum Ausonias perferre catenas.  
stent etiam contusa malis mea moenia, fracto  
nomine Sidonio, et nostro seruentur honori.'

Sic Iuno, et contra breuiter sic Iuppiter orsus: 370  
' Dopatium muris, ut uis, Carthaginis altae.  
stent lacrimis precibusque tuis. sed percipe, coniunx,  
quatenus indulsisse uacet. non longa supersunt  
fata urbi, uenietque pari sub nomine ductor,  
qui nunc seruatas euertat funditus arces. 375  
aetherias quoque, uti poscis, trahat Hannibal auras,  
ereptus pugnae. miscere hic sidera ponto  
et terras implere uolet redeuntibus armis:  
noui feta uiri bello praecordia. sed lex  
muneris haec esto nostri: Saturnia regna 380  
ne post haec uideat, repetat neue amplius umquam  
Ausoniam. nunc instanti raptum auehe leto  
ne, latis si miscebit fera proelia campis,  
Romulei nequeas iuuenis subducere dextrae.'

Dum statuit fata Omnipotens urbique ducique, 385  
inuadunt acies pugnam et clamore laccessunt

sidera. non alio grauiore tempore uidit  
aut populos tellus aut, qui patria arma mouerent,  
maioris certare duces. discriminis alta  
in medio merces, quicquid tegit undique caelum. 390  
ibat Agenoreus praefulgens ductor in ostro,  
excelsumque caput penna nutante leuabat  
crista rubens. saeuus magno de nomine terror  
praecedit, Latioque micat bene cognitus ensis.  
at contra ardenti radiabat Scipio cocco, 395  
terribilem ostentans clipeum, quo patris et una  
caelarat patru spirantis proelia dira  
effigies: flammam ingentem frons alta uomebat.  
sub tanta cunctis ui telorumque uirumque  
in ducibus stabat spes et uictoria solis. 400  
quin etiam, fauor ut subigit plerosque metusue,  
Scipio si Libycis esset generatus in oris,  
sceptra ad Agenoreos credunt uentura nepotes,  
Hannibal Ausonia genitus si sede fuisset,  
haud dubitant terras Itala in ditione futuras. 405  
Contremuere aerae, rapido uibrantibus hastis  
turbine, et horrificam traxere per aethera nubem.  
inde ensis propiorque acies et comminus ora  
admota ac dira flagrantia lumina flamma.  
sternitur, in medium contemptrix turba pericli 410  
quae primis se praecipitem tulit obuia telis,  
gentilemque bibit tellus inuita cruorem.  
feruidus ingenii Masinissa et feruidus aei  
in primas Macetum turmas immania membra  
infert et iaculo circumuolat alite campum. 415  
caerulus haud aliter, cum dimicat, incola Thyres  
agmina falcigero circumuenit arta couinno.  
Graia phalanx patrio densarat more cateruas  
iunctisque astabat nulli penetrabilis hastis.  
immemor has pacti post foedus in arma Philippus 420  
miserat et quassam refouebat Agenoris urbem.  
rarescit multo laxatus uulnere miles  
atque aperit patulas prostrato corpore late  
inter tela uias. inrumpit mole ruinae  
Ausonius globus et periuria Graia resignat. 425  
Archemorum Rutilus, Teucrum Norbanus (et ambo  
Mantua pubenti genitrix dimiserat aeuo),  
obtruncat Samium bellacis dextra Caleni,  
at Clytium Selius, Pellaeum et uana tumentem  
ad nomen patriae Clytium: sed gloria Pellae 430  
haud ualuit misero defendere Daunia tela.  
Saeuior his Latius uastabat Bruttia signa  
Laelius increpitans: ' Adone Oenotria tellus  
detestanda fuit, quam per maria aspera perque  
insanos Tyrio fugeretis remige fluctus? 435



sed fugisse satis fuerit. Latione cruore  
 insuper externas petitis perfundere terras?'  
 haec dicens Silarum meditantem in proelia telo  
 praeuenit. hasta uolans imo sub gutture sedit  
 et uitae uocisque uias simul incita clausit. 440  
 Vergilio Caudinus, acerbo Laus Amano  
 sternitur. accendunt iras uultusque uirorum  
 armorumque habitus noti et uox consona linguae.  
 quos ubi nudantis conspexit Hamilcare cretus  
 terga fuga, 'State ac nostram ne prodite gentem' 445  
 uociferans subit et conuertit proelia dextra:  
 qualis in aestiferis Garamantum feta ueneno  
 attollit campis feruenti pastus harena  
 colla Paraetoniis serpens lateque per auras  
 undantem torquet perfundens nubila tabem. 450  
 continuo infesta portantem cuspede uulnus  
 impedit anteuolans Herium, cui nobile nomen  
 Marrucina domus clarumque Teate ferebat.  
 atque illi magnum nitenti et laudibus hostis  
 arrecto capuli ad finem manus incita sedit, 455  
 quaerebatque miser morienti lumine fratrem,  
 cum iuuenis subit et leto stimulatus acerbo  
 Pleminius saeuum mucronem ante ora coruscat  
 ac fratrem magno minitans clamore reposit.  
 huic proles Barcae: 'Germanum reddere uero 460  
 si placet, haud renuo. maneant modo foedera nostra:  
 Hasdrubalem reuocate umbris. egone aspera ponam  
 umquam in Romanos odia, aut mansuescere corda  
 nostra sinam, parcamque uiro quem terra crearit  
 Itala? tum manes inimico<s> sede repellat 465  
 aeterna socioque abigat me frater Auerno.'  
 sic ait et clipei propulsum pondere toto,  
 lubrica qua tellus lapsantis sanguine fratris  
 fallebat nisus, prosternit et occupat ense.  
 extendit labens palmas, Heriumque iacentem 470  
 amplexus, iuncta leniuit morte dolores.  
 tum Libys inuadit mixtae certamina turbae  
 conuertitque ruens per longum hostilia terga,  
 ut cum fulminibus permixta tonitrua mundum  
 terrificant, summique labat domus alta parentis: 475  
 omne hominum terris trepidat genus, ipsaque ob ora  
 lux atrox micat, et praesens astare uiritim  
 creditur intento percussis Iuppiter igne.  
 Parte alia, ceu sola forent discrimina campo  
 quo mis<c>eret agens truculentum Scipio Martem, 480  
 aspera pugna nouas uaria sub imagine leti  
 dat formas. hic ense iacet prostratus adacto,  
 hic saxo perfracta gemit lacrimabilis ossa,  
 ast hos, turpe, pauor fusos proiecit in ora,

horum aduersa dedit Gradiuo pectora uirtus. 485  
 ipse super strages ductor Rhoeteius instat,  
 qualis apud gelidum currus quatit altior Hebrum  
 et Geticas soluit feruenti sanguine Mauors  
 laetus caede niues, glaciemque Aquilonibus actam  
 perrumpit stridens sub pondere belliger axis. 490  
 iamque ardore truci lustrans fortissima quaeque  
 nomina obit ferro. claris spectata per orbem  
 stragibus occumbit late inter tela iuuentus:  
 qui muros rapuere tuos miserisque nefandi  
 principium belli fecere, Sagunte, ruinas, 495  
 qui sacros, Trasimenne, lacus, Phaethontia quique  
 polluerant tabo stagna, ac fiducia tanta  
 quos tulit, ut superum regi soliumque domosque  
 irent direptum: mactantur comminus uno  
 exitio, redduntque animas, temerata fereba<n>t 500  
 qui secreta deum et primo<s> reserasse negatas  
 gressibus humanis Alpis. formidinis huius  
 plena acies propere retro exanimata ruebat:  
 haud secus ac tectis urbis Vulcania pestis  
 cum sese infudit, rapidusque incendia flatus 505  
 uentilat et uolucris spargit per culmina flammis,  
 attonitum erumpit subita formidine uulgas,  
 lateque ut capta passim trepidatur in urbe.  
 Verum ubi cunctari taedet dispersa uirorum  
 proelia sectantem et leuiori Marte teneri, 510  
 omnes in causam belli auctoremque malorum  
 uertere iam uires tandem placet. Hannibal unus  
 dum restet, non, si muris Carthaginis ignis  
 subdatur caesique cadant exercitus omnis,  
 profectum Latio. contra, si concidat unus, 515  
 nequiquam fore Agenoreis cuncta arma uirosque.  
 illum igitur lustrans circumfert lumina campo  
 rimaturque ducem. iuuat in certamina summa  
 ferre gradum, cuperetque uiro concurrere, tota  
 spectante Ausonia. celsus clamore feroci 520  
 prouocat increpitans hostem et noua proelia poscit.  
 Quas postquam audiuit uoces conterrita Iuno,  
 ne Libyci ducis impaudas ferrentur ad aures,  
 effigiem informat Latiam propereque coruscis  
 attollit cristis, addit clipeumque iubasque 525  
 Romulei ducis atque umeris imponit honorem  
 fulgentis saguli, dat gressum habitusque cientis  
 proelia et audacis adicit sine corpore motus.  
 tum par effigies fallacis imagine uana  
 cornipedis moderanda cito per deuia passu 530  
 belligerae datur ad speciem certaminis umbrae.  
 sic Poeni ducis ante oculos exultat et ultro  
 Scipio Iunoni simulatus tela coruscat.

at, uiso laetus rectore ante ora Latino  
 et tandem propius sperans ingentia, Poenus 535  
 quadrupedi citus imponit uelocia membra  
 et iacit aduersam properati turbinis hastam.  
 dat terga et campo fugiens uolat ales imago  
 tramittitque acies. tum uero, ut uictor et alti  
 iam compos uoti, ferrata calce cruentat 540  
 cornipedem et largas Poenus quatit asper habenas:  
 ' Quoufgis, oblitus nostris te cedere regnis?  
 nulla tibi Libyca latebra est, o Scipio, terra.'  
 haec ait et stricto sequitur mucrone uolantem,  
 donec longinquo frustratum duxit in arua 545  
 diuersa spatio procul a certamine pugnae.  
 tum fallax subito simulacrum in nubila cessit.  
 fulmineus ductor ' Quisnam se numine caeco  
 composuit nobis' inquit ' ~~cl~~us? aut latet idem  
 cur monstro? tantumne obstat mea gloria diuis? 550  
 sed non auelles umquam, quicumque secundus  
 caelicolum stas Ausoniae, non artibus hostem  
 eripies uerum nobis.' ~~fm~~na inde citati  
 conuertit furibundus equi campumque petebat,  
 cum subito occultae pestis conlapsa tremore 555  
 cornipedis moles ruit atque effluit anhelos  
 pectore Iunonis curis in nubila uitam.  
 tum uero impatiens ' ~~V~~stra est haec altera, uestra  
 fraus,' inquit ' ~~sup~~ri: non fallitis. aequore mersum  
 texissent scopuli, pelagusque hausisset et undae! 560  
 anne huic seruabar leto? mea signa secuti,  
 quis pugnae auspiciu dedimus, caeduntur, et absens  
 accipio gemitus uocesque ac uerba uocantum  
 Hannibalem. quis nostra satis delicta piabit  
 Tartareus torrens?' simul ~~ha~~c fundebat et una 565  
 spectabat dextram ac leti feruebat amore.  
 Tunc Iuno, miserata uirum, pastoris in ora  
 uertitur ac siluis subito procedit opacis  
 atque his adloquitur uersantem ingloria fata:  
 ' ~~Q~~uemnam te siluis accedere causa subegit 570  
 armatum nostris? num dura ad proelia tendis,  
 magnus ubi Ausoniae reliquos domat Hannibal armis?  
 si uelox gaudes ire et compendia grata  
 sunt tibi, uicino in medios te tramite ducam.'  
 adnuit atque onerat promissis pectora largis 575  
 pastoris patresque docet Carthaginis altae  
 magna repensuros, nec se leuiora daturum.  
 praecipitem et uasto superantem proxima saltu  
 circumagit Iuno ac fallens regione uiarum  
 non gratam inuito seruat celata salutem. 580  
 Interea Cadmea manus, deserta pauensque,  
 non ullum Hannibalem, nusquam certamina cernit

saeui nota ducis. pars ferro occumbere credunt,  
pars damnasse aciem et diuis cecidisse sinistris.  
ingruit Ausonius uersosque agit aequore toto 585  
rector. iamque ipsae trepidant Carthaginis arces:  
impletur terrore uago cuncta Africa pulsis  
agminibus, uolucrique fuga sine Marte ruentes  
tendunt attonitos extrema ad litora cursus  
ac Tartessiacas profugi sparguntur in oras; 590  
pars Batti petiere domos, pars flumina Lagi.  
sic ubi, ui caeca tandem deuictus, ad astra  
euomuit pastos per saecula Vesbius ignis  
et pelago et terris fusa est Vulcania pestis,  
uidere Eoi, monstrum admirabile, Seres 595  
lanigeros cinere Ausonio canescere lucos.

At fessum tumulo tandem regina propinquo  
sistit Iuno ducem, facies unde omnis et atrae  
apparent admota oculis uestigia pugnae.  
qualem Gargani campum Trebiaeque paludem 600  
et Tyrrhena uada et Phaeacum uiderat amnem  
strage uirum undantem, talis, miserabile uisu,  
prostratis facies aperitur dira maniplis.  
tunc superas Iuno sedes turbata reuisit.  
iamque propinquabant hostes tumuloque subibant, 605  
cum secum Poenus: 'Caelum licet omne soluta  
in caput hoc compage ruat terraeque dehiscant,  
non ullo Cannas abolebis, Iuppiter, aeuo,  
decedesque prius regnis, quam nomina gentes  
aut facta Hannibalis sileant. nec deinde relinquo 610  
securam te, Roma, mei, patriaeque superstes  
ad spes armorum uiuam tibi. nam modo pugna  
praecellis, resident hostes: mihi satque superque  
ut me Dardaniae matres atque Itala tellus,  
dum uiuam, expectent nec pacem pectore norint.' 615  
sic rapitur paucis fugientum mixtus, et altos  
inde petit retro montis tutasque latebras.

Hic finis bello. reserantur protinus arces  
Ausonio iam sponte duci. iura improba adempta  
armaque, et incisae leges, opibusque superbis 620  
uis fracta, et posuit gestatas belua turris.  
excelsae tum saeua rates spectacula Poenis  
flammiferam acceperere facem, subitaque procella  
arserunt maria, atque expauit lumina Nereus.

Mansuri compos decoris per saecula rector, 625  
deuictae referens primus cognomina terrae,  
securus sceptri, repetit per caerula Romam  
et patria inuehitur sublimi tecta triumpho.  
ante Syphax feretro residens captiua premebat  
lumina, et auratae seruabant colla catenae, 630  
hic Hannon clarique genus Phoenissa iuuenta

et Macetum primi atque incocti corpora Mauri,  
tum Nomades notusque sacro, cum lustrat harenas,  
Hammoni Garamas et semper naufraga Syrtis.  
mox uictas tendens Carthago ad sidera palmas 635  
ibat et effigies orae iam lenis Hiberæ,  
terrarum finis Gades ac laudibus olim  
terminus Herculeis Calpe Baetesque lauare  
solis equos dulci consuetus fluminis unda,  
frondosumque apicem subigens ad sidera mater 640  
bellorum fera Pyrene nec mitis Hiberus,  
cum simul inlidit ponto, quos attulit, amnes.  
sed non ulla magis mentesque oculosque tenebat,  
quam uisa Hannibalis campis fugientis imago.  
ipse astans curru atque auro decoratus et ostro 645  
Martia praebebat spectanda Quiritibus ora,  
qualis odoratis descendens Liber ab Indis  
egit pampineos frenata tigride currus;  
aut cum Phlegræis, confecta mole Gigantum,  
incessit campis tangens Tirynthius astra. 650  
salue, inuicte parens, non concessure Quirino  
laudibus ac meritis non concessure Camillo:  
nec uero, cum te memorat de stirpe deorum,  
prolem Tarpei mentitur Roma Tonantis.